

Namo tassa bhagavato arahato sammāsambuddhassa

# Saṃyuttanikāyo

## Khandhavaggo

### 1. Khandhasaṃyuttaṃ

#### 1. Nakulapituvaggo

#### 1. Nakulapitusuttaṃ

1. Evaṃ me suttaṃ – ekaṃ samayaṃ bhagavā bhaggesu viharati susumāragire [sumsumāragire (sī. syā. kaṃ. pī.)] bhesakaḷāvane migadāye. Atha kho nakulapitā gahapati yena bhagavā tenupasaṅkami; upasaṅkamitvā bhagavantaṃ abhivādetvā ekamantaṃ nisīdi. Ekamantaṃ nisinno kho nakulapitā gahapati bhagavantaṃ etadavoca –

“Ahamasmi, bhante, jiṇṇo vuḍḍho mahallako addhagato vayoanuppatto āturakāyo abhikkhaṇātaṅko. Aniccadassāvī kho panāhaṃ, bhante, bhagavato manobhāvanīyānaṅca bhikkhūnaṃ. Ovadatu maṃ, bhante, bhagavā; anusāsatu maṃ, bhante, bhagavā; yaṃ mamassa dīgharattaṃ hitāya sukhāyā”ti.

“Evametam, gahapati, evametam, gahapati! Āturo hāyaṃ, gahapati, kāyo aṇḍabhūto pariyanaddho. Yo hi, gahapati, imaṃ kāyaṃ pariharanto muhuttampi ārogyaṃ paṭijāneyya, kimaññaṭṭha bālyā? Tasmātiha te, gahapati, evaṃ sikkhitabbaṃ – ‘āturakāyassa me sato cittaṃ anāturaṃ bhavissatī’ti. Evañhi te, gahapati, sikkhitabba”nti.

Atha kho nakulapitā gahapati bhagavato bhāsitaṃ abhinanditvā anumoditvā utthāyāsanaṃ bhagavantaṃ abhivādetvā padakkhiṇaṃ katvā yenāyasmā sārīputto tenupasaṅkami; upasaṅkamitvā āyasmantaṃ sārīputtaṃ abhivādetvā ekamantaṃ nisīdi. Ekamantaṃ nisinnaṃ kho nakulapitaraṃ gahapatiṃ āyasmā sārīputto etadavoca – “vipassannāni kho te, gahapati, indriyāni; parisuddho mukhavaṇṇo pariyaḍāto. Alattha no ajja bhagavato sammukhā dhammiṃ kathaṃ savanāyā”ti?

“Kathañhi no siyā, bhante! Idānāhaṃ, bhante, bhagavatā dhammiyā kathāya amatena abhisitto”ti. “Yathā kathaṃ pana tvaṃ, gahapati, bhagavatā dhammiyā kathāya amatena abhisitto”ti? “Idhāhaṃ, bhante, yena bhagavā tenupasaṅkamim; upasaṅkamitvā bhagavantaṃ abhivādetvā ekamantaṃ nisīdim. Ekamantaṃ nisinno khvāhaṃ, bhante, bhagavantaṃ etadavocaṃ – ‘ahamasmi, bhante, jiṇṇo vuḍḍho mahallako addhagato vayoanuppatto āturakāyo abhikkhaṇātaṅko. Aniccadassāvī kho panāhaṃ, bhante, bhagavato manobhāvanīyānaṅca bhikkhūnaṃ. Ovadatu maṃ, bhante, bhagavā; anusāsatu maṃ, bhante, bhagavā; yaṃ mamassa dīgharattaṃ hitāya sukhāyā”ti.

“Evaṃ vutte, maṃ, bhante, bhagavā etadavoca – ‘evametam, gahapati, evametam, gahapati! Āturo hāyaṃ, gahapati, kāyo aṇḍabhūto pariyanaddho. Yo hi, gahapati, imaṃ kāyaṃ pariharanto muhuttampi ārogyaṃ paṭijāneyya, kimaññaṭṭha bālyā? Tasmātiha te, gahapati, evaṃ sikkhitabbaṃ – āturakāyassa me sato cittaṃ anāturaṃ bhavissatīti. Evañhi te, gahapati, sikkhitabba”nti. Evaṃ khvāhaṃ, bhante, bhagavatā dhammiyā kathāya amatena abhisitto”ti.

“Na hi pana taṃ, gahapati, paṭibhāsi bhagavantaṃ [taṃ bhagavantaṃ (sī.)] uttarim paṭipucchitum

– ‘kittāvatā nu kho, bhante, āturakāyo ceva hoti āturacitto ca, kittāvatā ca pana āturakāyo hi kho hoti no ca āturacitto’”ti? “Dūratopi kho mayam, bhante, āgaccheyyāma āyasmato sārīputtassa santike etassa bhāsītassa atthamaññātuṃ. Sādhu vatāyasmantaṃyeva sārīputtaṃ paṭibhātu etassa bhāsītassa attho’”ti.

“Tena hi, gahapati, suṇāhi, sādhukaṃ manasi karohi; bhāsissāmī’”ti. “Evaṃ, bhante’”ti kho nakulapitā gahapati āyasmato sārīputtassa paccassosi. Āyasmā sārīputto etadavoca –

“Kathaṅca, gahapati, āturakāyo ceva hoti, āturacitto ca? Idha, gahapati, assutavā puthujjano ariyānaṃ adassāvī ariyadhammassa akovido ariyadhamme avinīto sappurisānaṃ adassāvī sappurisadhammassa akovido sappurisadhamme avinīto rūpaṃ attato samanupassati, rūpavantaṃ vā attānaṃ; attani vā rūpaṃ, rūpasmim vā attānaṃ. ‘Ahaṃ rūpaṃ, mama rūpa’nti pariyaṭṭhaṭṭhāyī hoti. Tassa ‘ahaṃ rūpaṃ, mama rūpa’nti pariyaṭṭhaṭṭhāyino taṃ rūpaṃ vipariṇamati aññathā hoti. Tassa rūpavipariṇāmaññathābhāvā uppajjanti sokaparidevadukkhadomanassupāyāsā.

“Vedanaṃ attato samanupassati, vedanāvantaṃ vā attānaṃ; attani vā vedanaṃ, vedanāya vā attānaṃ. ‘Ahaṃ vedanā, mama vedanā’nti pariyaṭṭhaṭṭhāyī hoti. Tassa ‘ahaṃ vedanā, mama vedanā’nti pariyaṭṭhaṭṭhāyino, sā vedanā vipariṇamati aññathā hoti. Tassa vedanāvipariṇāmaññathābhāvā uppajjanti sokaparidevadukkhadomanassupāyāsā.

“Saññaṃ attato samanupassati, saññāvantaṃ vā attānaṃ; attani vā saññaṃ, saññāya vā attānaṃ. ‘Ahaṃ saññā, mama saññā’nti pariyaṭṭhaṭṭhāyī hoti. Tassa ‘ahaṃ saññā, mama saññā’nti pariyaṭṭhaṭṭhāyino, sā saññā vipariṇamati aññathā hoti. Tassa saññāvipariṇāmaññathābhāvā uppajjanti sokaparidevadukkhadomanassupāyāsā.

“Saṅkhāre attato samanupassati, saṅkhāravantaṃ vā attānaṃ; attani vā saṅkhāre, saṅkhāresu vā attānaṃ. ‘Ahaṃ saṅkhārā, mama saṅkhārā’nti pariyaṭṭhaṭṭhāyī hoti. Tassa ‘ahaṃ saṅkhārā, mama saṅkhārā’nti pariyaṭṭhaṭṭhāyino, te saṅkhārā vipariṇamanti aññathā honti. Tassa saṅkhāravipariṇāmaññathābhāvā uppajjanti sokaparidevadukkhadomanassupāyāsā.

“Viññānaṃ attato samanupassati, viññānavantaṃ vā attānaṃ; attani vā viññānaṃ, viññānaṃsmim vā attānaṃ. ‘Ahaṃ viññānaṃ, mama viññāna’nti pariyaṭṭhaṭṭhāyī hoti. Tassa ‘ahaṃ viññānaṃ, mama viññāna’nti pariyaṭṭhaṭṭhāyino, taṃ viññānaṃ vipariṇamati aññathā hoti. Tassa viññānavipariṇāmaññathābhāvā uppajjanti sokaparidevadukkhadomanassupāyāsā. Evaṃ kho, gahapati, āturakāyo ceva hoti āturacitto ca.

“Kathaṅca, gahapati, āturakāyo hi kho hoti no ca āturacitto? Idha, gahapati, sutavā ariyasāvako ariyānaṃ dassāvī ariyadhammassa kovido ariyadhamme suvinīto sappurisānaṃ dassāvī sappurisadhammassa kovido sappurisadhamme suvinīto na rūpaṃ attato samanupassati, na rūpavantaṃ vā attānaṃ; na attani vā rūpaṃ, na rūpasmim vā attānaṃ. ‘Ahaṃ rūpaṃ, mama rūpa’nti na pariyaṭṭhaṭṭhāyī hoti. Tassa ‘ahaṃ rūpaṃ, mama rūpa’nti apariyaṭṭhaṭṭhāyino, taṃ rūpaṃ vipariṇamati aññathā hoti. Tassa rūpavipariṇāmaññathābhāvā nuppajjanti sokaparidevadukkhadomanassupāyāsā.

“Na vedanaṃ attato samanupassati, na vedanāvantaṃ vā attānaṃ; na attani vā vedanaṃ, na vedanāya vā attānaṃ. ‘Ahaṃ vedanā, mama vedanā’nti na pariyaṭṭhaṭṭhāyī hoti. Tassa ‘ahaṃ vedanā, mama vedanā’nti apariyaṭṭhaṭṭhāyino, sā vedanā vipariṇamati aññathā hoti. Tassa vedanāvipariṇāmaññathābhāvā nuppajjanti sokaparidevadukkhadomanassupāyāsā.

“Na saññaṃ attato samanupassati, na saññāvantaṃ vā attānaṃ; na attani vā saññaṃ, na saññāya vā attānaṃ. ‘Ahaṃ saññā, mama saññā’nti na pariyaṭṭhaṭṭhāyī hoti. Tassa ‘ahaṃ saññā, mama saññā’nti apariyaṭṭhaṭṭhāyino, sā saññā vipariṇamati aññathā hoti. Tassa saññāvipariṇāmaññathābhāvā nuppajjanti

sokaparidevadukkhadomanassupāyāsā.

“Na saṅkhāre attato samanupassati, na saṅkhāravantaṃ vā attānaṃ; na attani vā saṅkhāre, na saṅkhāresu vā attānaṃ. ‘Ahaṃ saṅkhārā, mama saṅkhārā’ ti na pariyaṭṭhaṭṭhāyī hoti. Tassa ‘ahaṃ saṅkhārā, mama saṅkhārā’ ti aperiyaṭṭhaṭṭhāyino, te saṅkhārā vipariṇamanti aññathā honti. Tassa saṅkhāravipariṇāmaññathābhāvā nuppajjanti sokaparidevadukkhadomanassupāyāsā.

“Na viññāṇaṃ attato samanupassati, na viññāṇavantaṃ vā attānaṃ; na attani vā viññāṇaṃ, na viññāṇasmiṃ vā attānaṃ. ‘Ahaṃ viññāṇaṃ, mama viññāṇa’ nti na pariyaṭṭhaṭṭhāyī hoti. Tassa ‘ahaṃ viññāṇaṃ, mama viññāṇa’ nti aperiyaṭṭhaṭṭhāyino, taṃ viññāṇaṃ vipariṇamati aññathā hoti. Tassa viññāṇavipariṇāmaññathābhāvā nuppajjanti sokaparidevadukkhadomanassupāyāsā. Evaṃ kho, gahapati, āturakāyo hoti no ca āturacitto” ti.

Idamavoca āyasmā sārīputto. Attamano nakulapitā gahapati āyasmato sārīputtassa bhāsitaṃ abhinandīti. Paṭhamaṃ.

## 2. Devadahasuttaṃ

2. Evaṃ me suttaṃ – ekaṃ samayaṃ bhagavā sakkesu [sakyesu (ka.)] viharati devadahaṃ nāma sakyānaṃ nigamo. Atha kho sambahulā pacchābhūmagamikā bhikkhū yena bhagavā tenupasaṅkamīsu; upasaṅkamitvā bhagavantaṃ abhivādetvā ekamantaṃ nisīdīsu. Ekamantaṃ nisinnā kho te bhikkhū bhagavantaṃ etadavocaṃ – “icchāma mayaṃ, bhante, pacchābhūmaṃ janapadaṃ gantaṃ, pacchābhūme janapade nivāsaṃ kappetu” nti.

“Apalokito pana vo, bhikkhave, sārīputto” ti? “Na kho no, bhante, apalokito āyasmā sārīputto” ti. “Apaloketha, bhikkhave, sārīputtaṃ. Sārīputto, bhikkhave, paṇḍito, bhikkhūnaṃ anuggāhako sabrahmacārīna” nti. “Evaṃ bhante” ti kho te bhikkhū bhagavato paccassosūṃ.

Tena kho pana samayena āyasmā sārīputto bhagavato avidūre aññatarasmiṃ eḷagalāgumbe nisinno hoti. Atha kho te bhikkhū bhagavato bhāsitaṃ abhinanditvā anumoditvā uṭṭhāyāsanā bhagavantaṃ abhivādetvā padakkhiṇaṃ katvā yenāyasmā sārīputto tenupasaṅkamīsu; upasaṅkamitvā āyasmatā sārīputtena saddhiṃ sammodīsu. Sammodanīyaṃ kathaṃ sārāṇīyaṃ [sārāṇīyaṃ (sī. syā. kam. pī.)] vītisāretvā ekamantaṃ nisīdīsu. Ekamantaṃ nisinnā kho te bhikkhū āyasmantaṃ sārīputtaṃ etadavocaṃ – “icchāma mayaṃ, āvuso sārīputta, pacchābhūmaṃ janapadaṃ gantaṃ, pacchābhūme janapade nivāsaṃ kappetuṃ. Apalokito no sathā” ti.

“Santi hāvuso, nānāverajjagataṃ bhikkhuṃ pañhaṃ pucchitāro – khattiyapaṇḍitāpi brāhmaṇapaṇḍitāpi gahapatipaṇḍitāpi samaṇapaṇḍitāpi. Paṇḍitā hāvuso, manussā vīmaṃsakā – ‘kiṃvādī pañāyasmantānaṃ [kiṃvādāyasmantānaṃ (pī. ka.)] sathā kimakkhāyīti, kacci vo āyasmantānaṃ dhammā sussutā suggahitā sumanasikatā sūpadhāritā suppaṭividdhā paññāya, yathā byākaramānā āyasmanto vuttavādino ceva bhagavato assatha, na ca bhagavantaṃ abhūtena abbhācikkheyyātha, dhammassa cānudhammaṃ byākareyyātha, na ca koci sahadhammiko vādānuvādo [vādānupāto (aṭṭhakathāyaṃ pāṭhantaram)] gārayhaṃ ṭhānaṃ āgaccheyyā” ti?

“Dūratopi kho mayaṃ, āvuso, āgaccheyyāma āyasmato sārīputtassa santike etassa bhāsitassa atthamaññātuṃ. Sādhu vatāyasmantaṃyeva sārīputtaṃ paṭibhātu etassa bhāsitassa attho” ti. “Tena hāvuso, suṇātha, sādhu kaṃ manasi karotha; bhāsissāmi” ti. “Evaṃāvuso” ti kho te bhikkhū āyasmato sārīputtassa paccassosūṃ. Āyasmā sārīputto etadavoca –

“Santi hāvuso, nānāverajjagataṃ bhikkhuṃ pañhaṃ pucchitāro – khattiyapaṇḍitāpi ...pe... samaṇapaṇḍitāpi. Paṇḍitā hāvuso, manussā vīmaṃsakā – ‘kiṃvādī pañāyasmantānaṃ sathā

kimakkhāyī’ti? Evaṃ puṭṭhā tumhe, āvuso, evaṃ byākareyyātha – ‘chandarāgavinayakkhāyī kho no, āvuso, satthā’”ti.

“Evaṃ byākatēpi kho, āvuso, assuyeva uttarim pañhaṃ pucchitāro – khattiyapaṇḍitāpi...pe... samaṇapaṇḍitāpi. Paṇḍitā hāvuso, manussā vīmaṃsakā – ‘kismiṃ paṇāyasmantānaṃ chandarāgavinayakkhāyī satthā’ti? Evaṃ puṭṭhā tumhe, āvuso, evaṃ byākareyyātha – ‘rūpe kho, āvuso, chandarāgavinayakkhāyī satthā, vedanāya... saññāya... saṅkhāresu... viññāṇe chandarāgavinayakkhāyī satthā’”ti.

“Evaṃ byākatēpi kho, āvuso, assuyeva uttarim pañhaṃ pucchitāro – khattiyapaṇḍitāpi...pe... samaṇapaṇḍitāpi. Paṇḍitā hāvuso, manussā vīmaṃsakā – ‘kim paṇāyasmantānaṃ ādīnavaṃ disvā rūpe chandarāgavinayakkhāyī satthā, vedanāya... saññāya... saṅkhāresu... viññāṇe chandarāgavinayakkhāyī satthā’ti? Evaṃ puṭṭhā tumhe, āvuso, evaṃ byākareyyātha – ‘rūpe kho, āvuso, avigatarāgassa [avītarāgassa (syā. kaṃ.)] avigatachandassa avigatapemassa avigatapiṇḍāsassa avigataparīlāhassa avigatataṇhassa tassa rūpassa vipariṇāmaññathābhāvā uppajjanti sokaparidevadukkhadomanassupāyāsā. Vedanāya... saññāya... saṅkhāresu avigatarāgassa...pe... avigatataṇhassa tesam saṅkhārānaṃ vipariṇāmaññathābhāvā uppajjanti sokaparidevadukkhadomanassupāyāsā. Viññāṇe avigatarāgassa avigatachandassa avigatapemassa avigatapiṇḍāsassa avigataparīlāhassa avigatataṇhassa tassa viññāṇassa vipariṇāmaññathābhāvā uppajjanti sokaparidevadukkhadomanassupāyāsā. Idam kho no, āvuso, ādīnavaṃ disvā rūpe chandarāgavinayakkhāyī satthā, vedanāya... saññāya... saṅkhāresu... viññāṇe chandarāgavinayakkhāyī satthā’”ti.

“Evaṃ byākatēpi kho, āvuso, assuyeva uttarim pañhaṃ pucchitāro – khattiyapaṇḍitāpi brāhmaṇapaṇḍitāpi gahapatipaṇḍitāpi samaṇapaṇḍitāpi. Paṇḍitā hāvuso, manussā vīmaṃsakā – ‘kim paṇāyasmantānaṃ ānisamsam disvā rūpe chandarāgavinayakkhāyī satthā, vedanāya... saññāya... saṅkhāresu... viññāṇe chandarāgavinayakkhāyī satthā’ti? Evaṃ puṭṭhā tumhe, āvuso, evaṃ byākareyyātha – ‘rūpe kho, āvuso, vigatarāgassa vigatachandassa vigatapemassa vigatapiṇḍāsassa vigataparīlāhassa vigatataṇhassa tassa rūpassa vipariṇāmaññathābhāvā nuppajjanti sokaparidevadukkhadomanassupāyāsā. Vedanāya... saññāya... saṅkhāresu vigatarāgassa vigatachandassa vigatapemassa vigatapiṇḍāsassa vigataparīlāhassa vigatataṇhassa tesam saṅkhārānaṃ vipariṇāmaññathābhāvā nuppajjanti sokaparidevadukkhadomanassupāyāsā. Viññāṇe vigatarāgassa vigatachandassa vigatapemassa vigatapiṇḍāsassa vigataparīlāhassa vigatataṇhassa tassa viññāṇassa vipariṇāmaññathābhāvā nuppajjanti sokaparidevadukkhadomanassupāyāsā. Idam kho no, āvuso, ānisamsam disvā rūpe chandarāgavinayakkhāyī satthā, vedanāya... saññāya... saṅkhāresu... viññāṇe chandarāgavinayakkhāyī satthā’”ti.

“Akusale cāvuso, dhamme upasampajja viharato diṭṭhe ceva dhamme sukho vihāro abhaviṣṣa avighāto anupāyāso aparīlāho, kāyassa ca bhedaṃ paraṃ marañā sugati pāṭikaṅkhā, nayidaṃ bhagavā akusalānaṃ dhammānaṃ pahānaṃ vaṇṇeyya. Yasmā ca kho, āvuso, akusale dhamme upasampajja viharato diṭṭhe ceva dhamme dukkho vihāro savighāto saupāyāso saparīlāho, kāyassa ca bhedaṃ paraṃ marañā duggati pāṭikaṅkhā, tasmā bhagavā akusalānaṃ dhammānaṃ pahānaṃ vaṇṇeti.

“Kusale cāvuso, dhamme upasampajja viharato diṭṭhe ceva dhamme dukkho vihāro abhaviṣṣa savighāto saupāyāso saparīlāho, kāyassa ca bhedaṃ paraṃ marañā duggati pāṭikaṅkhā, nayidaṃ bhagavā kusalānaṃ dhammānaṃ upasampadaṃ vaṇṇeyya. Yasmā ca kho, āvuso, kusale dhamme upasampajja viharato diṭṭhe ceva dhamme sukho vihāro avighāto anupāyāso aparīlāho, kāyassa ca bhedaṃ paraṃ marañā sugati pāṭikaṅkhā, tasmā bhagavā kusalānaṃ dhammānaṃ upasampadaṃ vaṇṇeti”ti.

Idamavocāyasmā sārīputto. Attamanā te bhikkhū āyasmato sārīputtassa bhāsitaṃ abhinandunti. Dutiyaṃ.

### 3. Hālidikānisuttam

3. Evaṃ me suttaṃ – ekaṃ samayaṃ āyasmā mahākaccāno avantīsu viharati kuraraghare [kulaghare (ka.)] papāte pabbate. Atha kho hālidikāni [hālidikāni (sī.), haliddikāni (syā.)] gahapati yenāyasmā mahākaccāno tenupasaṅkami; upasaṅkamitvā āyasmantaṃ mahākaccānaṃ abhivādetvā ekamantaṃ nisīdi. Ekamantaṃ nisinna kho hālidikāni gahapati āyasmantaṃ mahākaccānaṃ etadavoca –  
 “vuttamidaṃ, bhante, bhagavatā aṭṭhakavaggiye māgaṇḍiyapaṇhe –

“Okāṃ pahāya aniketasārī,  
 Gāme akubbaṃ [akrubbaṃ (ka.)] muni santhavāni [sandhavāni (ka.)];  
 Kāmehi ritto apurakkharāno [apurekkharāno (sī. suttanipātepi) moggallāne 5-135 suttampi oloketabbaṃ],  
 Kathaṃ na viggayha janena kayirā”ti.

“Imassa nu kho, bhante, bhagavatā saṃkhittena bhāsitassa kathaṃ vitthārena attho daṭṭhabbo”ti?

“Rūpadhātu kho, gahapati, viññāṇassa oko. Rūpadhāturāgavinibandhaṅca [... vinibaddhaṅja (pī. sī. aṭṭha.)] pana viññāṇaṃ ‘okasārī’ti vuccati. Vedanādhātu kho, gahapati, viññāṇassa oko. Vedanādhāturāgavinibandhaṅca pana viññāṇaṃ ‘okasārī’ti vuccati. Saññādhātu kho, gahapati, viññāṇassa oko. Saññādhāturāgavinibandhaṅca pana viññāṇaṃ ‘okasārī’ti vuccati. Saṅkhāradhātu kho, gahapati, viññāṇassa oko. Saṅkhāradhāturāgavinibandhaṅca pana viññāṇaṃ ‘okasārī’ti vuccati. Evaṃ kho, gahapati, okasārī hoti.

“Kathaṅca, gahapati, anokasārī hoti? Rūpadhātuyā kho, gahapati, yo chando yo rāgo yā nandī [nandī (sī. syā. kaṃ. pī.)] yā taṅhā ye upayupādānā [upāyupādānā (sī. syā. kaṃ. pī.)] cetaso adhiṭṭhānābhinivesānusayā te tathāgatassa pahīnā ucchinnamūlā tālavatthukatā anabhāvaṃkatā [anabhāvaṃkatā (sī. pī.), anabhāvaṃgatā (syā. kaṃ.)] āyatimaṃ anuppādadhammā. Tasmā tathāgato ‘anokasārī’ti vuccati. Vedanādhātuyā kho, gahapati... saññādhātuyā kho, gahapati... saṅkhāradhātuyā kho, gahapati... viññāṇadhātuyā kho, gahapati, yo chando yo rāgo yā nandī yā taṅhā ye upayupādānā cetaso adhiṭṭhānābhinivesānusayā te tathāgatassa pahīnā ucchinnamūlā tālavatthukatā anabhāvaṃkatā āyatimaṃ anuppādadhammā. Tasmā tathāgato ‘anokasārī’ti vuccati. Evaṃ kho, gahapati, anokasārī hoti.

“Kathaṅca, gahapati, nicketasārī hoti? Rūpanimittaniketavisāraviniibandhā kho, gahapati, ‘nicketasārī’ti vuccati. Saddanimitta...pe... gandhanimitta... rasanimitta... phoṭṭhabbanimitta... dhammanimittaniketavisāraviniibandhā kho, gahapati, ‘nicketasārī’ti vuccati. Evaṃ kho, gahapati, nicketasārī hoti.

“Kathaṅca, gahapati, anicketasārī hoti? Rūpanimittaniketavisāraviniibandhā kho, gahapati, tathāgatassa pahīnā ucchinnamūlā tālavatthukatā anabhāvaṃkatā āyatimaṃ anuppādadhammā. Tasmā tathāgato ‘anicketasārī’ti vuccati. Saddanimitta... gandhanimitta... rasanimitta... phoṭṭhabbanimitta... dhammanimittaniketavisāraviniibandhā kho, gahapati, tathāgatassa pahīnā ucchinnamūlā tālavatthukatā anabhāvaṃkatā āyatimaṃ anuppādadhammā. Tasmā tathāgato ‘anicketasārī’ti vuccati. Evaṃ kho, gahapati, anicketasārī hoti.

“Kathaṅca, gahapati, gāme santhavajāto [sandhavajāto (ka.)] hoti? Idha, gahapati, ekacco gihīhi [gihi (ka.)] saṃsaṭṭho viharati sahanandī sahasokī, sukhitesu sukhitō, dukkhitesu dukkhito, uppannesu kiccakaraṇīyesu attanā tesu yogaṃ āpajjati. Evaṃ kho, gahapati, gāme santhavajāto hoti.

“Kathaṅca, gahapati, gāme na santhavajāto hoti? Idha, gahapati, bhikkhu gihīhi [gihi (ka.)] asaṃsaṭṭho viharati na sahanandī na sahasokī na sukhitesu sukhitō na dukkhitesu dukkhito, uppannesu kiccakaraṇīyesu na attanā tesu yogaṃ āpajjati. Evaṃ kho, gahapati, gāme na santhavajāto hoti.

“Kathañca, gahapati, kāmehi aritto hoti? Idha, gahapati, ekacco kāmesu avigatarāgo hoti avigatachando avigatapemo avigatapipāso avigatapariḷāho avigatataṇho. Evaṃ kho, gahapati, kāmehi aritto hoti.

“Kathañca, gahapati, kāmehi ritto hoti? Idha, gahapati, ekacco kāmesu vigatarāgo hoti vigatachando vigatapemo vigatapipāso vigatapariḷāho vigatataṇho. Evaṃ kho, gahapati, kāmehi ritto hoti.

“Kathañca, gahapati, purakkharāno hoti? Idha, gahapati, ekaccassa evaṃ hoti – ‘evaṃrūpo siyaṃ anāgatamaddhānaṃ, evaṃvedano siyaṃ anāgatamaddhānaṃ, evaṃsañño siyaṃ anāgatamaddhānaṃ, evaṃsaṅkhāro siyaṃ anāgatamaddhānaṃ, evaṃviññāṇo siyaṃ anāgatamaddhāna’nti. Evaṃ kho, gahapati, purakkharāno hoti.

“Kathañca, gahapati, apurakkharāno hoti? Idha, gahapati, ekaccassa na evaṃ hoti – ‘evaṃrūpo siyaṃ anāgatamaddhānaṃ, evaṃvedano siyaṃ anāgatamaddhānaṃ, evaṃsañño siyaṃ anāgatamaddhānaṃ, evaṃsaṅkhāro siyaṃ anāgatamaddhānaṃ, evaṃviññāṇo siyaṃ anāgatamaddhāna’nti. Evaṃ kho, gahapati, apurakkharāno hoti.

“Kathañca, gahapati, kathaṃ viggayha janena kattā hoti? Idha, gahapati, ekacco evarūpiṃ kathaṃ kattā hoti – ‘na tvaṃ imaṃ dhammavinayaṃ ājānāsi; ahaṃ imaṃ dhammavinayaṃ ājānāmi. Kiṃ tvaṃ imaṃ dhammavinayaṃ ājānissasi? Micchāpaṭipanno tvamasi; ahamasmi sammāpaṭipanno. Pure vacanīyaṃ pacchā avaca; pacchā vacanīyaṃ pure avaca. Sahitaṃ me, asahitaṃ te. Adhiciṇṇaṃ te viparāvattaṃ. Āropito te vādo; cara vādappamokkhāya. Niggahitosi; nibbeṭhehi vā sace pahosī’ti. Evaṃ kho, gahapati, kathaṃ viggayha janena kattā hoti.

“Kathañca, gahapati, kathaṃ na viggayha janena kattā hoti? Idha, gahapati, bhikkhu na evarūpiṃ kathaṃ kattā hoti – ‘na tvaṃ imaṃ dhammavinayaṃ ājānāsi...pe... nibbeṭhehi vā sace pahosī’ti. Evaṃ kho, gahapati, kathaṃ na viggayha janena kattā hoti.

“Iti kho, gahapati, yaṃ taṃ vuttaṃ bhagavatā aṭṭhakavaggiye māgaṇḍiyapañhe –

“Okāṃ pahāya aniketasārī,  
Gāme akubbaṃ munisanthavāni;  
Kāmehi ritto apurakkharāno,  
Kathaṃ na viggayha janena kayirā”ti.

“Imassa kho, gahapati, bhagavatā saṃkhittena bhāsītassa evaṃ vitthārena attho daṭṭhabbo”ti. Tatiyaṃ.

#### 4. Dutiyahāliddikānisuttaṃ

4. Evaṃ me suttaṃ – ekaṃ samayaṃ āyasmā mahākaccāno avantīsu viharati kuraraghare papāte pabbate. Atha kho hāliddikāni gahapati yenāyasmā mahākaccāno...pe... ekamantaṃ nisinna kho hāliddikāni gahapati āyasmantaṃ mahākaccānaṃ etadavoca – “vuttamidaṃ, bhante, bhagavatā sakkapañhe – ‘ye te samaṇabrāhmaṇā taṇhāsaṅkhayavimuttā, te accantaniṭṭhā accantayogakkhemino accantabrahmacārino accantapariyosānā seṭṭhā devamanussāna’”nti.

“Imassa nu kho, bhante, bhagavatā saṃkhittena bhāsītassa kathaṃ vitthārena attho daṭṭhabbo”ti?

“Rūpadhātuyā kho, gahapati, yo chando yo rāgo yā nandī yā taṇhā ye upayupādānā cetaso adhiṭṭhānābhinivesānusayā, tesam khayā virāgā nirodhā cāgā paṇissaggā cittaṃ suvimuttanti vuccati.

“Vedanādhātuyā kho, gahapati... saññādhātuyā kho, gahapati... saṅkhāradhātuyā kho, gahapati... viññānadhātuyā kho, gahapati, yo chando yo rāgo yā nandī yā taṇhā ye upayupādānā cetaso adhiṭṭhānābhinivesānusaṃyā, tesam khayā virāgā nirodhā cāgā paṇinissaggā cittaṃ suvimuttanti vuccati.

“Iti kho, gahapati, yaṃ taṃ vuttaṃ bhagavatā sakkapañhe – ‘ye te samaṇabrāhmaṇā taṇhāsāṅkhayavimuttā te accantaniṭṭhā accantayogakkhemino accantabrahmacārino accantapariyosānā seṭṭhā devamanussāna’”nti.

“Imassa kho, gahapati, bhagavatā saṃkhittena bhāsītassa evaṃ vitthārena attho daṭṭhabbo”ti. Catutthaṃ.

## 5. Samādhisuttaṃ

5. Evaṃ me suttaṃ – ekaṃ samayaṃ bhagavā sāvatthiyaṃ viharati jetavane anāthapiṇḍikassa ārāme. Tatra kho bhagavā bhikkhū āmantesi – “bhikkhavo”ti. “Bhadante”ti te bhikkhū bhagavato paccassosum. Bhagavā etadavoca – “samādhim, bhikkhave, bhāvettha; samāhito, bhikkhave, bhikkhu yathābhūtaṃ pajānāti. Kiñca yathābhūtaṃ pajānāti? Rūpassa samudayañca atthaṅgamañca, vedanāya samudayañca atthaṅgamañca, saññāya samudayañca atthaṅgamañca, saṅkhārānaṃ samudayañca atthaṅgamañca, viññāṇassa samudayañca atthaṅgamañca”.

“Ko ca, bhikkhave, rūpassa samudayo, ko vedanāya samudayo, ko saññāya samudayo, ko saṅkhārānaṃ samudayo, ko viññāṇassa samudayo? Idha, bhikkhave, bhikkhu abhinandati abhivadati ajjhosāya tiṭṭhati.

“Kiñca abhinandati abhivadati ajjhosāya tiṭṭhati? Rūpaṃ abhinandati abhivadati ajjhosāya tiṭṭhati. Tassa rūpaṃ abhinandato abhivadato ajjhosāya tiṭṭhato uppajjati nandī. Yā rūpe nandī tadupādānaṃ. Tassupādānapaccayā bhavo; bhavapaccayā jāti; jātipaccayā jarāmarāṇaṃ sokaparidevadukkhadomanassupāyāsā sambhavanti. Evametassa kevalassa dukkhakkhandhassa samudayo hoti.

“Vedanaṃ abhinandati...pe... saññaṃ abhinandati... saṅkhāre abhinandati... viññāṇaṃ abhinandati abhivadati ajjhosāya tiṭṭhati. Tassa viññāṇaṃ abhinandato abhivadato ajjhosāya tiṭṭhato uppajjati nandī. Yā viññāṇe nandī tadupādānaṃ. Tassupādānapaccayā bhavo; bhavapaccayā jāti; jātipaccayā...pe... evametassa kevalassa dukkhakkhandhassa samudayo hoti.

“Ayaṃ, bhikkhave, rūpassa samudayo; ayaṃ vedanāya samudayo; ayaṃ saññāya samudayo; ayaṃ saṅkhārānaṃ samudayo; ayaṃ viññāṇassa samudayo.

“Ko ca, bhikkhave, rūpassa atthaṅgamo, ko vedanāya... ko saññāya... ko saṅkhārānaṃ... ko viññāṇassa atthaṅgamo?

Idha, bhikkhave, nābhinandati nābhivadati nājjhosāya tiṭṭhati.

“Kiñca nābhinandati nābhivadati nājjhosāya tiṭṭhati? Rūpaṃ nābhinandati nābhivadati nājjhosāya tiṭṭhati. Tassa rūpaṃ anabhinandato anabhivadato anajjhosāya tiṭṭhato yā rūpe nandī sā nirujjhati. Tassa nandīnirodhā upādānanirodho; upādānanirodhā bhavanirodho...pe... evametassa kevalassa dukkhakkhandhassa nirodho hoti.

“Vedanaṃ nābhinandati nābhivadati nājjhosāya tiṭṭhati. Tassa vedanaṃ anabhinandato anabhivadato anajjhosā tiṭṭhato yā vedanāya nandī sā nirujjhati. Tassa nandīnirodhā upādānanirodho; upādānanirodhā bhavanirodho...pe... evametassa kevalassa dukkhakkhandhassa nirodho hoti.

“Saññaṃ nābhinandati...pe... saṅkhāre nābhinandati nābhivadati nājjhosāya tiṭṭhati. Tassa saṅkhāre anabhinandato anabhivadato anajjhosāya tiṭṭhato yā saṅkhāresu nandī sā nirujjhati. Tassa nandīnirodhā upādānanirodho; upādānanirodhā bhavanirodho...pe... evametassa kevalassa dukkhakkhandhassa nirodho hoti.

“Viññāṇaṃ nābhinandati nābhivadati nājjhosāya tiṭṭhati. Tassa viññāṇaṃ anabhinandato anabhivadato anajjhosāya tiṭṭhato yā viññāṇe nandī sā nirujjhati. Tassa nandīnirodhā upādānanirodho...pe... evametassa kevalassa dukkhakkhandhassa nirodho hoti.

“Ayaṃ, bhikkhave, rūpassa atthaṅgamo, ayaṃ vedanāya atthaṅgamo, ayaṃ saññāya atthaṅgamo, ayaṃ saṅkhārānaṃ atthaṅgamo, ayaṃ viññāṇassa atthaṅgamo”ti. Pañcamam.

## 6. Paṭisallāṇasuttaṃ

6. Sāvattthinidānaṃ. “Paṭisallāṇe, bhikkhave, yogamāpajjatha. Paṭisallīṇo, bhikkhave, bhikkhu yathābhūtaṃ pajānāti. Kiñca yathābhūtaṃ pajānāti? Rūpassa samudayañca atthaṅgamañca, vedanāya samudayañca atthaṅgamañca, saññāya samudayañca atthaṅgamañca, saṅkhārānaṃ samudayañca atthaṅgamañca, viññāṇassa samudayañca atthaṅgamañca”...pe... (yathā paṭhamasutte tathā vitthāretabbo.) Chaṭṭham.

## 7. Upādāparitassanāsuttaṃ

7. Sāvattthinidānaṃ. “Upādāparitassanañca vo, bhikkhave, desessāmi anupādāparitassanañca. Taṃ suṇātha, sādhukaṃ manasi karotha; bhāsissāmi”ti. “Evaṃ, bhante”ti, kho te bhikkhū bhagavato paccassosum. Bhagavā etadavoca –

“Kathañca, bhikkhave, upādāparitassanā hoti? Idha, bhikkhave, assutavā puthujjano ariyānaṃ adassāvī ariyadhammassa akovido ariyadhamme avinīto, sappurisānaṃ adassāvī sappurisadhammassa akovido sappurisadhamme avinīto rūpaṃ attato samanupassati, rūpavantaṃ vā attānaṃ; attani vā rūpaṃ, rūpasmim vā attānaṃ. Tassa taṃ rūpaṃ vipariṇamati aññathā hoti. Tassa rūpavipariṇāmaññathābhāvā rūpavipariṇāmānuparivatti viññāṇaṃ hoti. Tassa rūpavipariṇāmānuparivattijā paritassanā dhammasamuppādā cittaṃ pariyādāya tiṭṭhanti. Cetaso pariyādānā uttāsavā ca hoti vighātavā ca apekkhavā ca upādāya ca paritassati.

“Vedanaṃ attato samanupassati, vedanāvantaṃ vā attānaṃ; attani vā vedanaṃ, vedanāya vā attānaṃ. Tassa sā vedanā vipariṇamati aññathā hoti. Tassa vedanāvipariṇāmaññathābhāvā vedanāvipariṇāmānuparivatti viññāṇaṃ hoti. Tassa vedanāvipariṇāmānuparivattijā paritassanā dhammasamuppādā cittaṃ pariyādāya tiṭṭhanti. Cetaso pariyādānā uttāsavā ca hoti vighātavā ca apekkhavā ca upādāya ca paritassati.

“Saññaṃ attato samanupassati...pe... saṅkhāre attato samanupassati, saṅkhāravantaṃ vā attānaṃ; attani vā saṅkhāre, saṅkhāresu vā attānaṃ. Tassa te saṅkhārā vipariṇamanti aññathā honti. Tassa saṅkhāravipariṇāmaññathābhāvā saṅkhāravipariṇāmānuparivatti viññāṇaṃ hoti. Tassa saṅkhāravipariṇāmānuparivattijā paritassanā dhammasamuppādā cittaṃ pariyādāya tiṭṭhanti. Cetaso pariyādānā uttāsavā ca hoti vighātavā ca apekkhavā ca upādāya ca paritassati.

“Viññāṇaṃ attato samanupassati, viññāṇavantaṃ vā attānaṃ; attani vā viññāṇaṃ, viññāṇasmim vā attānaṃ. Tassa taṃ viññāṇaṃ vipariṇamati aññathā hoti. Tassa viññāṇavipariṇāmaññathābhāvā viññāṇavipariṇāmānuparivatti viññāṇaṃ hoti. Tassa viññāṇavipariṇāmānuparivattijā paritassanā dhammasamuppādā cittaṃ pariyādāya tiṭṭhanti. Cetaso pariyādānā uttāsavā ca hoti vighātavā ca apekkhavā ca upādāya ca paritassati. Evaṃ kho, bhikkhave, upādāparitassanā hoti.



“Kathañca, bhikkhave, anupādāparitassanā hoti? Idha, bhikkhave, sutavā ariyasāvako ariyānaṃ dassāvī ariyadhammassa kovido ariyadhamme suvinīto, sappurisānaṃ dassāvī sappurisadhammassa kovido sappurisadhamme suvinīto na rūpaṃ attato samanupassati, na rūpavantaṃ vā attānaṃ; na attani vā rūpaṃ, na rūpasmiṃ vā attānaṃ. Tassa taṃ rūpaṃ vipariṇamati aññathā hoti. Tassa rūpavipariṇāmaññathābhāvā na rūpavipariṇāmānuparivatti viññānaṃ hoti. Tassa na rūpavipariṇāmānuparivattijā paritassanā dhammasamuppādā cittaṃ pariyādāya tiṭṭhanti. Cetaso अपरियādānā na cevuttāsavā [na ceva uttāsavā (pī. ka.)] hoti na ca vighātavā na ca apekkhavā, anupādāya ca na paritassati.

“Na vedanaṃ attato samanupassati, na vedanāvantaṃ vā attānaṃ; na attani vā vedanaṃ, na vedanāya vā attānaṃ. Tassa sā vedanā vipariṇamati aññathā hoti. Tassa vedanāvipariṇāmaññathābhāvā na vedanāvipariṇāmānuparivatti viññānaṃ hoti. Tassa na vedanāvipariṇāmānuparivattijā paritassanā dhammasamuppādā cittaṃ pariyādāya tiṭṭhanti. Cetaso अपरियādānā na cevuttāsavā hoti na ca vighātavā na ca apekkhavā, anupādāya ca na paritassati.

“Na saññaṃ...pe... na sañkhāre attato samanupassati, na sañkhāravantaṃ vā attānaṃ; na attani vā sañkhāre, na sañkhāresu vā attānaṃ. Tassa te sañkhārā vipariṇamanti aññathā hoti. Tassa sañkhāravipariṇāmaññathābhāvā na sañkhāravipariṇāmānuparivatti viññānaṃ hoti. Tassa na sañkhāravipariṇāmānuparivattijā paritassanā dhammasamuppādā cittaṃ pariyādāya tiṭṭhanti. Cetaso अपरियādānā na cevuttāsavā hoti na ca vighātavā na ca apekkhavā, anupādāya ca na paritassati.

“Na viññānaṃ attato samanupassati, na viññānavantaṃ vā attānaṃ...pe... tassa taṃ viññānaṃ vipariṇamati aññathā hoti. Tassa viññānavipariṇāmaññathābhāvā na viññānavipariṇāmānuparivatti viññānaṃ hoti. Tassa na viññānavipariṇāmānuparivattijā paritassanā dhammasamuppādā cittaṃ pariyādāya tiṭṭhanti. Cetaso अपरियādānā na cevuttāsavā hoti na ca vighātavā na ca apekkhavā, anupādāya ca na paritassati. Evaṃ kho, bhikkhave, anupādā aparitassanaṃ hoti”ti. Sattamaṃ.

## 8. Dutiyapādāparitassanāsuttaṃ

8. Sāvattthinidānaṃ. “Upādāparitassanañca vo, bhikkhave, desessāmi anupādāparitassanañca. Taṃ suñātha...pe... kathañca, bhikkhave, upādāparitassanā hoti? Idha, bhikkhave, assutavā puthujjano rūpaṃ ‘etaṃ mama, esohamasmi, eso me attā’ti samanupassati. Tassa taṃ rūpaṃ vipariṇamati aññathā hoti. Tassa rūpavipariṇāmaññathābhāvā uppajjanti sokaparidevadukkhadomanassupāyāsā. Vedanaṃ etaṃ mama...pe... saññaṃ etaṃ mama... sañkhāre etaṃ mama... viññānaṃ ‘etaṃ mama, esohamasmi, eso me attā’ti samanupassati. Tassa taṃ viññānaṃ vipariṇamati aññathā hoti. Tassa viññānavipariṇāmaññathābhāvā uppajjanti sokaparidevadukkhadomanassupāyāsā. Evaṃ kho, bhikkhave, upādāparitassanā hoti.

“Kathañca, bhikkhave, anupādāparitassanā hoti? Idha, bhikkhave, sutavā ariyasāvako rūpaṃ ‘netamaṃ mama, nesohamasmi, na meso attā’ti samanupassati. Tassa taṃ rūpaṃ vipariṇamati aññathā hoti. Tassa rūpavipariṇāmaññathābhāvā nuppajjanti sokaparidevadukkhadomanassupāyāsā. Vedanaṃ netamaṃ mama... saññaṃ netamaṃ mama... sañkhāre netamaṃ mama... viññānaṃ ‘netamaṃ mama, nesohamasmi, na meso attā’ti samanupassati. Tassa taṃ viññānaṃ vipariṇamati aññathā hoti. Tassa viññānavipariṇāmaññathābhāvā nuppajjanti sokaparidevadukkhadomanassupāyāsā. Evaṃ kho, bhikkhave, anupādāparitassanā hoti”ti. Aṭṭhamaṃ.

## 9. Kālattayaaniccasuttaṃ

9. Sāvattthinidānaṃ. “Rūpaṃ, bhikkhave, aniccaṃ atītānāgataṃ; ko pana vādo paccuppannassa! Evaṃ passaṃ, bhikkhave, sutavā ariyasāvako atītasmiṃ rūpasmiṃ anapekkho hoti; anāgataṃ rūpaṃ nābhinandati; paccuppannassa rūpassa nibbidāya virāgāya nirodhāya paṭipanno hoti. Vedanā aniccā...

pe... saññā aniccā... saṅkhārā aniccā atītānāgatā; ko pana vādo paccuppanānaṃ! Evaṃ passaṃ, bhikkhave, sutavā ariyasāvako atītesu saṅkhāresu anapekkho hoti; anāgate saṅkhāre nābhinandati; paccuppanānaṃ saṅkhārānaṃ nibbidāya virāgāya nirodhāya paṭipanno hoti. Viññānaṃ aniccaṃ atītānāgataṃ; ko pana vādo paccuppanassa! Evaṃ passaṃ, bhikkhave, sutavā ariyasāvako atītasmiṃ viññānasmīṃ anapekkho hoti; anāgataṃ viññānaṃ nābhinandati; paccuppanassa viññānassa nibbidāya virāgāya nirodhāya paṭipanno hoti’'ti. Navamaṃ.

## 10. Kālattayadukkhasuttaṃ

10. Sāvattihinidānaṃ. “Rūpaṃ, bhikkhave, dukkhaṃ atītānāgataṃ; ko pana vādo paccuppanassa! Evaṃ passaṃ, bhikkhave, sutavā ariyasāvako atītasmiṃ rūpasmiṃ anapekkho hoti; anāgataṃ rūpaṃ nābhinandati; paccuppanassa rūpassa nibbidāya virāgāya nirodhāya paṭipanno hoti. Vedanā dukkhā... saññā dukkhā... saṅkhārā dukkhā... viññānaṃ dukkhaṃ atītānāgataṃ; ko pana vādo paccuppanassa! Evaṃ passaṃ, bhikkhave, sutavā ariyasāvako atītasmiṃ viññānasmīṃ anapekkho hoti; anāgataṃ viññānaṃ nābhinandati; paccuppanassa viññānassa nibbidāya virāgāya nirodhāya paṭipanno hoti’'ti. Dasamaṃ.

## 11. Kālattayaanattasuttaṃ

11. Sāvattihinidānaṃ. “Rūpaṃ, bhikkhave, anattā atītānāgataṃ; ko pana vādo paccuppanassa! Evaṃ passaṃ, bhikkhave, sutavā ariyasāvako atītasmiṃ rūpasmiṃ anapekkho hoti; anāgataṃ rūpaṃ nābhinandati; paccuppanassa rūpassa nibbidāya virāgāya nirodhāya paṭipanno hoti. Vedanā anattā... saññā anattā... saṅkhārā anattā... viññānaṃ anattā atītānāgataṃ; ko pana vādo paccuppanassa! Evaṃ passaṃ, bhikkhave, sutavā ariyasāvako atītasmiṃ viññānasmīṃ anapekkho hoti; anāgataṃ viññānaṃ nābhinandati; paccuppanassa viññānassa nibbidāya virāgāya nirodhāya paṭipanno hoti’'ti. Ekādasamaṃ.

Nakulapituvaggo paṭhamo.

Tassuddānaṃ –

Nakulapitā devadahā, dvepi hāliddikāni ca;  
Samādhipaṭisallāṇā, upādāparitassanā duve;  
Atītānāgatapaccuppanā, vaggo tena pavuccati.

## 2. Aniccavaggo

### 1. Aniccasuttaṃ

12. Evaṃ me suttaṃ – sāvattiyānaṃ. Tatra kho...pe... “rūpaṃ, bhikkhave, aniccaṃ, vedanā aniccā, saññā aniccā, saṅkhārā aniccā, viññānaṃ aniccaṃ. Evaṃ passaṃ, bhikkhave, sutavā ariyasāvako rūpasmiṃpi nibbindati, vedanāyapi nibbindati, saññāyapi nibbindati, saṅkhāresupi nibbindati, viññānasmīṃpi nibbindati. Nibbindamaṃ virajjati; virāgā vimuccati. Vimuttasmīṃ vimuttamiti ñānaṃ hoti. ‘Khīṇā jāti, vusitaṃ brahmacariyaṃ, kataṃ karaṇīyaṃ, nāparaṃ itthattāyā’'ti pajānāti’'ti. Paṭhamamaṃ.

## 2. Dukkhasuttaṃ

13. Sāvattihinidānaṃ. “Rūpaṃ, bhikkhave, dukkhaṃ, vedanā dukkhā, saññā dukkhā, saṅkhārā dukkhā, viññānaṃ dukkhaṃ. Evaṃ passaṃ...pe... nāparaṃ itthattāyāti pajānāti’'ti. Dutiyamaṃ.

### 3. Anattasuttaṃ

14. Sāvattthinidānaṃ. “Rūpaṃ, bhikkhave, anattā, vedanā anattā, saññā anattā, saṅkhārā anattā, viññānaṃ anattā. Evaṃ passaṃ, bhikkhave, sutavā ariyasāvako rūpasmimpi nibbindati, vedanāyapi nibbindati, saññāyapi nibbindati, saṅkhāresupi nibbindati, viññānaṃsmimpi nibbindati. Nibbindaṃ virajjati; virāgā vimuccati. Vimuttasmiṃ vimuttamiti ñānaṃ hoti. ‘Khīṇā jāti, vusitaṃ brahmacariyaṃ, kataṃ karaṇīyaṃ, nāparaṃ itthattāyā’ ti pajānāti’ ti. Tatiyaṃ.

### 4. Yadaniccassuttaṃ

15. Sāvattthinidānaṃ. “Rūpaṃ, bhikkhave, aniccaṃ. Yadaniccaṃ taṃ dukkhaṃ; yaṃ dukkhaṃ tadanattā; yadanattā taṃ ‘netam mama, nesohamasmi, na meso attā’ ti evametaṃ yathābhūtaṃ sammappaññāya daṭṭhabbaṃ. Vedanā aniccā. Yadaniccaṃ taṃ dukkhaṃ; yaṃ dukkhaṃ tadanattā; yadanattā taṃ ‘netam mama, nesohamasmi, na meso attā’ ti evametaṃ yathābhūtaṃ sammappaññāya daṭṭhabbaṃ. Saññā aniccā...pe... saṅkhārā aniccā... viññānaṃ aniccaṃ. Yadaniccaṃ taṃ dukkhaṃ; yaṃ dukkhaṃ tadanattā; yadanattā taṃ ‘netam mama, nesohamasmi, na meso attā’ ti evametaṃ yathābhūtaṃ sammappaññāya daṭṭhabbaṃ. Evaṃ passaṃ...pe... nāparaṃ itthattāyāti pajānāti’ ti. Catutthaṃ.

### 5. Yaṃdukkhasuttaṃ

16. Sāvattthinidānaṃ. “Rūpaṃ, bhikkhave, dukkhaṃ. Yaṃ dukkhaṃ tadanattā; yadanattā taṃ ‘netam mama, nesohamasmi, na meso attā’ ti evametaṃ yathābhūtaṃ sammappaññāya daṭṭhabbaṃ. Vedanā dukkhā... saññā dukkhā... saṅkhārā dukkhā... viññānaṃ dukkhaṃ. Yaṃ dukkhaṃ tadanattā; yadanattā taṃ ‘netam mama, nesohamasmi, na meso attā’ ti evametaṃ yathābhūtaṃ sammappaññāya daṭṭhabbaṃ. Evaṃ passaṃ...pe... nāparaṃ itthattāyāti pajānāti’ ti. Pañcamaṃ.

### 6. Yadanattāssuttaṃ

17. Sāvattthinidānaṃ. “Rūpaṃ, bhikkhave, anattā. Yadanattā taṃ ‘netam mama, nesohamasmi, na meso attā’ ti evametaṃ yathābhūtaṃ sammappaññāya daṭṭhabbaṃ. Vedanā anattā... saññā anattā... saṅkhārā anattā... viññānaṃ anattā. Yadanattā taṃ ‘netam mama, nesohamasmi, na meso attā’ ti evametaṃ yathābhūtaṃ sammappaññāya daṭṭhabbaṃ. Evaṃ passaṃ...pe... nāparaṃ itthattāyāti pajānāti’ ti. Chaṭṭhaṃ.

### 7. Sahetuaniccassuttaṃ

18. Sāvattthinidānaṃ. “Rūpaṃ, bhikkhave, aniccaṃ. Yopi hetu, yopi paccayo rūpassa uppādāya, sopi anicco. Aniccasambhūtaṃ, bhikkhave, rūpaṃ kuto niccaṃ bhavissati! Vedanā aniccā. Yopi hetu, yopi paccayo vedanāya uppādāya, sopi anicco. Aniccasambhūtā, bhikkhave, vedanā kuto niccā bhavissati! Saññā aniccā... saṅkhārā aniccā. Yopi hetu yopi paccayo saṅkhārānaṃ uppādāya, sopi anicco. Aniccasambhūtā, bhikkhave, saṅkhārā kuto niccā bhavissanti! Viññānaṃ aniccaṃ. Yopi hetu yopi paccayo viññānaṃ uppādāya, sopi anicco. Aniccasambhūtaṃ, bhikkhave, viññānaṃ kuto niccaṃ bhavissati! Evaṃ passaṃ...pe... nāparaṃ itthattāyāti pajānāti’ ti. Sattamaṃ.

### 8. Sahetudukkhasuttaṃ

19. Sāvattthinidānaṃ. “Rūpaṃ, bhikkhave, dukkhaṃ. Yopi hetu yopi paccayo rūpassa uppādāya, sopi dukkho. Dukkhasambhūtaṃ, bhikkhave, rūpaṃ kuto sukhaṃ bhavissati! Vedanā dukkhā... saññā dukkhā... saṅkhārā dukkhā... viññānaṃ dukkhaṃ. Yopi hetu yopi paccayo viññānaṃ uppādāya, sopi dukkho. Dukkhasambhūtaṃ, bhikkhave, viññānaṃ kuto sukhaṃ bhavissati! Evaṃ passaṃ...pe...

nāparam itthattāyāti pajānātī’’ti. Aṭṭhamam.

## 9. Sahetuanattasuttam

20. Sāvattthinidānam. ‘‘Rūpam, bhikkhave, anattā. Yopi hetu yopi paccayo rūpassa uppādāya, sopi anattā. Anattasambhūtam, bhikkhave, rūpam kuto attā bhavissati! Vedanā anattā... saññā anattā... saṅkhārā anattā... viññāṇam anattā. Yopi hetu yopi paccayo viññāṇassa uppādāya, sopi anattā. Anattasambhūtam, bhikkhave, viññāṇam kuto attā bhavissati! Evaṃ passam...pe... nāparam itthattāyāti pajānātī’’ti. Navamam.

## 10. Ānandasuttam

21. Sāvattthiyam ... ārāme. Atha kho āyasmā ānando yena bhagavā tenupasaṅkami; upasaṅkamitvā bhagavantam abhivādetvā ekamantam nisīdi. Ekamantam nisinno kho āyasmā ānando bhagavantam etadavoca – ‘‘nirodho nirodho’’ti, bhante, vuccati. Katamesānam kho, bhante, dhammānam nirodho [nirodhā (sī. pī.)] ‘nirodho’’ti vuccatī’’ti? ‘‘Rūpam kho, ānanda, aniccaṃ saṅkhatam paṭiccasamuppannam khayadhammam vayadhammam virāgadhammam nirodhadhammam. Tassa nirodho [nirodhā (sī. pī.)] ‘nirodho’’ti vuccati. Vedanā aniccā saṅkhatā paṭiccasamuppannā khayadhammā vayadhammā virāgadhammā nirodhadhammā. Tassā nirodho ‘nirodho’’ti vuccati. Saññā... saṅkhārā aniccā saṅkhatā paṭiccasamuppannā khayadhammā vayadhammā virāgadhammā nirodhadhammā. Tesam nirodho ‘nirodho’’ti vuccati. Viññāṇam aniccaṃ saṅkhatam paṭiccasamuppannam khayadhammam vayadhammam virāgadhammam nirodhadhammam. Tassa nirodho ‘nirodho’’ti vuccati. Imesam kho, ānanda, dhammānam nirodho ‘nirodho’’ti vuccatī’’ti. Dasamam.

Aniccavaggo dutiyo.

Tassuddānam –

Aniccaṃ dukkham anattā, yadaniccāpare tayo;  
Hetunāpi tayo vuttā, ānandena ca te dasāti.

## 3. Bhāravaggo

### 1. Bhārasuttam

22. Sāvattthiyam ... tatra kho ... ‘‘bhāraṅca vo, bhikkhave, desessāmi bhārahāraṅca bhārādānaṅca bhāranikkhepanaṅca. Tam suṇātha. Katamo ca, bhikkhave, bhāro? Pañcupādānakkhandhā tissa vacanīyam. Katame paṅca? Rūpupādānakkhandho, vedanupādānakkhandho, saññupādānakkhandho, saṅkhārūpādānakkhandho, viññāṇupādānakkhandho; ayam vuccati, bhikkhave, bhāro’’.

‘‘Katamo ca, bhikkhave, bhārahāro? Puggalo tissa vacanīyam. Yvāyam āyasmā evaṃnāmo evaṃgotto; ayam vuccati, bhikkhave, bhārahāro.

‘‘Katamaṅca, bhikkhave, bhārādānam? Yāyam taṅhā ponobhavikā [ponobbhavikā (syā. kam. ka.)] nandirāgasahagatā [nandirāgasahagatā (sabbattha)] tatrātatrābhinandinī, seyyathidaṃ – kāmataṅhā, bhavataṅhā, vibhavataṅhā. Idaṃ vuccati, bhikkhave, bhārādānam.

‘‘Katamaṅca, bhikkhave, bhāranikkhepanam? Yo tassāyeva taṅhāya asesavirāganirodho cāgo paṭinissaggo mutti anālayo. Idaṃ vuccati, bhikkhave, bhāranikkhepana’’nti.

Idamavoca bhagavā. Idam vatvāna [vatvā (sī.) evamīdisesu thānesu] sugato athāparam etadavoca satthā –

“Bhārā have pañcakkhandhā, bhārahāro ca puggalo;  
Bhārādānaṃ dukhaṃ loke, bhāranikkhepanaṃ sukhaṃ.

“Nikkhipitvā garuṃ bhāraṃ, aññaṃ bhāraṃ anādiya;  
Samūlaṃ taṇhamabbuyha [taṇhamabbuyha (pī. ka.)], nicchāto parinibbuto”ti. paṭhamaṃ;

## 2. Pariññasuttaṃ

23. Sāvattihinidānaṃ. “Pariññeyye ca, bhikkhave, dhamme desessāmi pariññañca. Taṃ suṇātha. Katame ca, bhikkhave, pariññeyyā dhammā? Rūpaṃ, bhikkhave, pariññeyyo dhammo, vedanā pariññeyyo dhammo, saññā pariññeyyo dhammo, saṅkhārā pariññeyyo dhammo, viññānaṃ pariññeyyo dhammo. Ime vuccanti, bhikkhave, pariññeyyā dhammā. Katamā ca, bhikkhave, pariññā? Yo, bhikkhave, rāgakkhayo dosakkhayo mohakkhayo. Ayaṃ vuccati, bhikkhave, pariññā”ti. Dutiyamaṃ.

## 3. Abhijānasuttaṃ

24. Sāvattihinidānaṃ. “Rūpaṃ, bhikkhave, anabhijānaṃ aparijānaṃ avirājayaṃ appajahaṃ abhabbo dukkhakkhayāya; vedanaṃ anabhijānaṃ aparijānaṃ avirājayaṃ appajahaṃ abhabbo dukkhakkhayāya; saññaṃ anabhijānaṃ... saṅkhāre anabhijānaṃ aparijānaṃ avirājayaṃ appajahaṃ abhabbo dukkhakkhayāya; viññānaṃ anabhijānaṃ aparijānaṃ avirājayaṃ appajahaṃ abhabbo dukkhakkhayāya. Rūpañca kho, bhikkhave, abhijānaṃ parijānaṃ virājayaṃ pajahaṃ bhabbo dukkhakkhayāya; vedanaṃ abhijānaṃ... saññaṃ... saṅkhāre... viññānaṃ abhijānaṃ parijānaṃ virājayaṃ pajahaṃ bhabbo dukkhakkhayāya”ti. Tatiyamaṃ.

## 4. Chandarāgasuttaṃ

25. Sāvattihinidānaṃ. “Yo, bhikkhave, rūpasmiṃ chandarāgo taṃ pajahatha. Evaṃ taṃ rūpaṃ pahīnaṃ bhavissati ucchinnamūlaṃ tālāvatthukataṃ anabhāvaṃkataṃ āyatimaṃ anuppādadhammaṃ. Yo vedanāya chandarāgo taṃ pajahatha. Evaṃ sā vedanā pahīnā bhavissati ucchinnamūlā tālāvatthukatā anabhāvaṃkatā āyatimaṃ anuppādadhammā. Yo saññāya chandarāgo taṃ pajahatha. Evaṃ sā saññā pahīnā bhavissati ucchinnamūlā tālāvatthukatā anabhāvaṃkatā āyatimaṃ anuppādadhammā. Yo saṅkhāresu chandarāgo taṃ pajahatha. Evaṃ te saṅkhārā pahīnā bhavissanti ucchinnamūlā tālāvatthukatā anabhāvaṃkatā āyatimaṃ anuppādadhammā. Yo viññānasmim chandarāgo taṃ pajahatha. Evaṃ taṃ viññānaṃ pahīnaṃ bhavissati ucchinnamūlaṃ tālāvatthukataṃ anabhāvaṃkataṃ āyatimaṃ anuppādadhamma”nti. Catutthamaṃ.

## 5. Assādasuttaṃ

26. Sāvattihinidānaṃ. “Pubbeva [pubbe (pī. ka.)] me, bhikkhave, sambodhā anabhisambuddhassa bodhisattasseva [bodhisattassa (pī. ka.)] sato etadahosi – ‘ko nu kho rūpassa assādo, ko ādīnavo, kiṃ nissaraṇaṃ? Ko vedanāya assādo, ko ādīnavo, kiṃ nissaraṇaṃ? Ko saññāya assādo, ko ādīnavo, kiṃ nissaraṇaṃ? Ko saṅkhārānaṃ assādo, ko ādīnavo, kiṃ nissaraṇaṃ? Ko viññānaṃ assādo, ko ādīnavo, kiṃ nissaraṇaṃ? Tassa mayhaṃ, bhikkhave, etadahosi – ‘yaṃ kho rūpaṃ paṭicca uppajjati sukhaṃ somanassaṃ, ayaṃ rūpassa assādo. Yaṃ rūpaṃ aniccaṃ dukkhaṃ vipariṇāmadhammaṃ, ayaṃ rūpassa ādīnavo. Yo rūpasmiṃ chandarāgavinayo chandarāgappahānaṃ, idaṃ rūpassa nissaraṇaṃ. Yaṃ vedanaṃ paṭicca uppajjati sukhaṃ somanassaṃ, ayaṃ vedanāya assādo [yā (ka.)]. Yaṃ vedanā aniccaṃ dukkhā vipariṇāmadhammā, ayaṃ vedanāya ādīnavo. Yo vedanāya chandarāgavinayo chandarāgappahānaṃ, idaṃ vedanāya nissaraṇaṃ. Yaṃ saññaṃ paṭicca uppajjati...pe... yaṃ saṅkhāre

paṭicca uppajjati sukhaṃ somanassaṃ, ayaṃ saṅkhārānaṃ assādo. Yaṃ [ye (sī. ka.)] saṅkhārā aniccā dukkhā vipariṇāmadhammā, ayaṃ saṅkhārānaṃ ādīnavo. Yo saṅkhāresu chandarāgavinayo chandarāgappahānaṃ, idaṃ saṅkhārānaṃ nissaraṇaṃ. Yaṃ viññāṇaṃ paṭicca uppajjati sukhaṃ somanassaṃ, ayaṃ viññāṇassa assādo. Yaṃ viññāṇaṃ aniccaṃ dukkhaṃ vipariṇāmadhammaṃ, ayaṃ viññāṇassa ādīnavo. Yo viññāṇasmiṃ chandarāgavinayo chandarāgappahānaṃ, idaṃ viññāṇassa nissaraṇaṃ”’.

“Yāvakaṭvañcāhaṃ, bhikkhave, imesaṃ pañcannaṃ upādānakkhandhānaṃ evaṃ assādañca assādato ādīnavañca ādīnavato nissaraṇañca nissaraṇato yathābhūtaṃ nābhaññāsim, neva tāvāhaṃ, bhikkhave, sadevake loke samārake sabrahmake sassamaṇabrāhmaṇiyā pajāya sadevamanussāya anuttaraṃ sammāsambodhiṃ abhisambuddhoti paccaññāsim [abhisambuddho (sī.)]. Yato ca khvāhaṃ, bhikkhave, imesaṃ pañcannaṃ upādānakkhandhānaṃ evaṃ assādañca assādato ādīnavañca ādīnavato nissaraṇañca nissaraṇato yathābhūtaṃ abhaññāsim; athāhaṃ, bhikkhave, sadevake loke samārake sabrahmake sassamaṇabrāhmaṇiyā pajāya sadevamanussāya anuttaraṃ sammāsambodhiṃ abhisambuddhoti paccaññāsim. Nāṇaṃ pana me dassanaṃ udapādi – ‘akuppā me vimutti [cetovimutti (sī. pī. ka.)]; ayamantimā jāti; natthi dāni punabbhavo”’ti. Pañcamaṃ.

## 6. Dutiyaassādasuttaṃ

27. Sāvattihinidānaṃ. “Rūpassāhaṃ, bhikkhave, assādapariyesanaṃ acarim. Yo rūpassa assādo tadajjhagamaṃ. Yāvata rūpassa assādo paññāya me so sudiṭṭho. Rūpassāhaṃ, bhikkhave, ādīnavapariyesanaṃ acarim. Yo rūpassa ādīnavo tadajjhagamaṃ. Yāvata rūpassa ādīnavo paññāya me so sudiṭṭho. Rūpassāhaṃ, bhikkhave, nissaraṇapariyesanaṃ acarim. Yaṃ rūpassa nissaraṇaṃ tadajjhagamaṃ. Yāvata rūpassa nissaraṇaṃ paññāya me taṃ sudiṭṭhaṃ. Vedanāyāhaṃ, bhikkhave... saññāyāhaṃ, bhikkhave... saṅkhārānāhaṃ, bhikkhave... viññāṇassāhaṃ, bhikkhave, assādapariyesanaṃ acarim. Yo viññāṇassa assādo tadajjhagamaṃ. Yāvata viññāṇassa assādo paññāya me so sudiṭṭho. Viññāṇassāhaṃ, bhikkhave, ādīnavapariyesanaṃ acarim. Yo viññāṇassa ādīnavo tadajjhagamaṃ. Yāvata viññāṇassa ādīnavo paññāya me so sudiṭṭho. Viññāṇassāhaṃ, bhikkhave, nissaraṇapariyesanaṃ acarim. Yaṃ viññāṇassa nissaraṇaṃ tadajjhagamaṃ. Yāvata viññāṇassa nissaraṇaṃ paññāya me taṃ sudiṭṭhaṃ. Yāvakaṭvañcāhaṃ, bhikkhave, imesaṃ pañcannaṃ upādānakkhandhānaṃ assādañca assādato ādīnavañca ādīnavato nissaraṇañca nissaraṇato yathābhūtaṃ nābhaññāsim...pe... abhaññāsim. Nāṇaṃ pana me dassanaṃ udapādi – ‘akuppā me vimutti [cetovimutti (sī. pī. ka.)]; ayamantimā jāti; natthi dāni punabbhavo”’ti. Chaṭṭhaṃ.

## 7. Tatiyaassādasuttaṃ

28. Sāvattihinidānaṃ. “No cedaṃ, bhikkhave, rūpassa assādo abhaviṣsa nayidaṃ sattā rūpasmiṃ sārājjeyyuṃ. Yasmā ca kho, bhikkhave, atthi rūpassa assādo, tasmā sattā rūpasmiṃ sārājanti. No cedaṃ, bhikkhave, rūpassa ādīnavo abhaviṣsa nayidaṃ sattā rūpasmiṃ nibbindeyyuṃ. Yasmā ca kho, bhikkhave, atthi rūpassa ādīnavo, tasmā sattā rūpasmiṃ nibbindanti. No cedaṃ, bhikkhave, rūpassa nissaraṇaṃ abhaviṣsa nayidaṃ sattā rūpasmiṃ nissareyyuṃ. Yasmā ca kho, bhikkhave, atthi rūpassa nissaraṇaṃ, tasmā sattā rūpasmiṃ nissaranti. No cedaṃ, bhikkhave, vedanāya...pe... no cedaṃ, bhikkhave, saññāya... no cedaṃ, bhikkhave, saṅkhārānaṃ nissaraṇaṃ abhaviṣsa, nayidaṃ sattā saṅkhārehi nissareyyuṃ. Yasmā ca kho, bhikkhave, atthi saṅkhārānaṃ nissaraṇaṃ, tasmā sattā saṅkhārehi nissaranti. No cedaṃ, bhikkhave, viññāṇassa assādo abhaviṣsa, nayidaṃ sattā viññāṇasmiṃ sārājjeyyuṃ. Yasmā ca kho, bhikkhave, atthi viññāṇassa assādo, tasmā sattā viññāṇasmiṃ sārājanti. No cedaṃ, bhikkhave, viññāṇassa ādīnavo abhaviṣsa, nayidaṃ sattā viññāṇasmiṃ nibbindeyyuṃ. Yasmā ca kho, bhikkhave, atthi viññāṇassa ādīnavo, tasmā sattā viññāṇasmiṃ nibbindanti. No cedaṃ, bhikkhave, viññāṇassa nissaraṇaṃ abhaviṣsa, nayidaṃ sattā viññāṇasmiṃ nissareyyuṃ. Yasmā ca kho, bhikkhave, atthi viññāṇassa nissaraṇaṃ, tasmā sattā viññāṇasmiṃ nissaranti.

“Yāvakīvañca, bhikkhave, sattā imesaṃ pañcannaṃ upādānakkhandhānaṃ assādañca assādato ādīnavañca ādīnavato nissaraṇaṃ nissaraṇato yathābhūtaṃ nābbhaññaṃsu [nābbhaññimsu (sī.)]; neva tāva, bhikkhave, sattā sadevakā lokā samārakā sabrahmakā sassamaṇabrāhmaṇiyā pajāya sadevamanussāya nissaṭṭā viṣaṃyuttā vipṇamuttā vimariyādīkatena cetasā vihariṃsu. Yato ca kho, bhikkhave, sattā imesaṃ pañcannaṃ upādānakkhandhānaṃ assādañca assādato ādīnavañca ādīnavato nissaraṇaṃ nissaraṇato yathābhūtaṃ abbhaññaṃsu; atha, bhikkhave, sattā sadevakā lokā samārakā sabrahmakā sassamaṇabrāhmaṇiyā pajāya sadevamanussāya nissaṭṭā viṣaṃyuttā vipṇamuttā vimariyādīkatena cetasā viharanti”. Sattamaṃ.

## 8. Abhinandanasuttaṃ

29. Sāvattḥinidānaṃ. “Yo, bhikkhave, rūpaṃ abhinandati, dukkhaṃ so abhinandati. Yo dukkhaṃ abhinandati, aparimutto so dukkhasmāti vadāmi. Yo vedanaṃ abhinandati... yo saññaṃ abhinandati... yo saṅkhāre abhinandati... yo viññāṇaṃ abhinandati, dukkhaṃ so abhinandati. Yo dukkhaṃ abhinandati, aparimutto so dukkhasmāti vadāmi. Yo ca kho, bhikkhave, rūpaṃ nābhinandati, dukkhaṃ so nābhinandati. Yo dukkhaṃ nābhinandati, parimutto so dukkhasmāti vadāmi. Yo vedanaṃ nābhinandati... yo saññaṃ nābhinandati... yo saṅkhāre nābhinandati... yo viññāṇaṃ nābhinandati, dukkhaṃ so nābhinandati. Yo dukkhaṃ nābhinandati, parimutto so dukkhasmāti vadāmi”ti. Aṭṭhamaṃ.

## 9. Uppādasuttaṃ

30. Sāvattḥinidānaṃ. “Yo, bhikkhave, rūpassa uppādo ṭḥiti abhinibbatti pātubhāvo, dukkhasse so uppādo rogānaṃ ṭḥiti jarāmarāṇassa pātubhāvo. Yo vedanāya...pe... yo saññāya...pe... yo saṅkhārānaṃ...pe... yo viññāṇassa uppādo ṭḥiti abhinibbatti pātubhāvo, dukkhasse so uppādo rogānaṃ ṭḥiti jarāmarāṇassa pātubhāvo. Yo ca kho, bhikkhave, rūpassa nirodho vūpasamo atthaṅgamo, dukkhasse so nirodho rogānaṃ vūpasamo jarāmarāṇassa atthaṅgamo. Yo vedanāya ...pe... yo saññāya... yo saṅkhārānaṃ... yo viññāṇassa nirodho vūpasamo atthaṅgamo, dukkhasse so nirodho rogānaṃ vūpasamo jarāmarāṇassa atthaṅgamo”ti. Navamaṃ.

## 10. Aghamūlasuttaṃ

31. Sāvattḥinidānaṃ. “Aghañca, bhikkhave, desessāmi aghamūlañca. Taṃ suṇātha. Katamañca bhikkhave aghaṃ? Rūpaṃ, bhikkhave, aghaṃ, vedanā aghaṃ, saññā aghaṃ, saṅkhārā aghaṃ, viññāṇaṃ aghaṃ. Idaṃ vuccati, bhikkhave, aghaṃ. Katamañca, bhikkhave, aghamūlaṃ? Yāyaṃ taṇhā ponobhavikā nandīrāgasahagatā [nandīrāgasahagatā (sabbattha)] tatrāttrābhinandinī; seyyathidaṃ – kāmataṇhā, bhavataṇhā, vibhavataṇhā. Idaṃ vuccati, bhikkhave, aghamūla”nti. Dasamaṃ.

## 11. Pabhaṅgusuttaṃ

32. Sāvattḥinidānaṃ. “Pabhaṅguñca, bhikkhave, desessāmi appabhaṅguñca. Taṃ suṇātha. Kiñca, bhikkhave, pabhaṅgu, kiṃ appabhaṅgu? Rūpaṃ, bhikkhave, pabhaṅgu. Yo tassa nirodho vūpasamo atthaṅgamo, idaṃ appabhaṅgu. Vedanā pabhaṅgu. Yo tassā nirodho vūpasamo atthaṅgamo, idaṃ appabhaṅgu. Saññā pabhaṅgu... saṅkhārā pabhaṅgu. Yo tesaṃ nirodho vūpasamo atthaṅgamo, idaṃ appabhaṅgu. Viññāṇaṃ pabhaṅgu. Yo tassa nirodho vūpasamo atthaṅgamo, idaṃ appabhaṅgū”ti. Ekādasamaṃ.

Bhāravaggo tatiyo.

Tassuddānaṃ –

Bhāraṃ pariññaṃ abhijānaṃ, chandarāgaṃ catutthakaṃ;

Assādā ca tayo vuttā, abhinandanamaṭṭhamam;  
Uppādam aghamūlañca, ekādasamo pabhaṅgūti.

#### 4. Natumhākaṃvaggo

##### 1. Natumhākaṃsuttam

33. Sāvattihinidānaṃ. “Yaṃ, bhikkhave, na tumhākaṃ, taṃ pajahatha. Taṃ vo pahīnaṃ hitāya sukhāya bhavissati. Kiñca, bhikkhave, na tumhākaṃ? Rūpaṃ, bhikkhave, na tumhākaṃ, taṃ pajahatha. Taṃ vo pahīnaṃ hitāya sukhāya bhavissati. Vedanā na tumhākaṃ, taṃ pajahatha. Sā vo pahīnā hitāya sukhāya bhavissati. Saññā na tumhākaṃ... saṅkhārā na tumhākaṃ, te pajahatha. Te vo pahīnā hitāya sukhāya bhavissanti. Viññānaṃ na tumhākaṃ, taṃ pajahatha. Taṃ vo pahīnaṃ hitāya sukhāya bhavissati”.

“Seyyathāpi, bhikkhave, yaṃ imasmiṃ jetavane tiṇakaṭṭhasākhāpalāsaṃ taṃ jano hareyya vā ḍaheyya vā yathāpaccayaṃ vā kareyya. Api nu tumhākaṃ evamassa – ‘amhe jano haratī vā ḍahatī vā yathāpaccayaṃ vā karotī’”ti? “No hetam, bhante”. “Taṃ kissa hetu’”? “Na hi no etam, bhante, attā vā attaniyaṃ vā”ti. “Evameva kho, bhikkhave, rūpaṃ na tumhākaṃ, taṃ pajahatha. Taṃ vo pahīnaṃ hitāya sukhāya bhavissati. Vedanā na tumhākaṃ, taṃ pajahatha. Sā vo pahīnā hitāya sukhāya bhavissati. Saññā na tumhākaṃ... saṅkhārā na tumhākaṃ... viññānaṃ na tumhākaṃ, taṃ pajahatha. Taṃ vo pahīnaṃ hitāya sukhāya bhavissati”ti. Paṭhamam.

##### 2. Dutiyanatumhākaṃsuttam

34. Sāvattihinidānaṃ. “Yaṃ, bhikkhave, na tumhākaṃ, taṃ pajahatha. Taṃ vo pahīnaṃ hitāya sukhāya bhavissati. Kiñca, bhikkhave, na tumhākaṃ? Rūpaṃ, bhikkhave, na tumhākaṃ, taṃ pajahatha. Taṃ vo pahīnaṃ hitāya sukhāya bhavissati. Vedanā na tumhākaṃ... saññā na tumhākaṃ... saṅkhārā na tumhākaṃ... viññānaṃ na tumhākaṃ, taṃ pajahatha. Taṃ vo pahīnaṃ hitāya sukhāya bhavissati. Yaṃ, bhikkhave, na tumhākaṃ taṃ pajahatha. Taṃ vo pahīnaṃ hitāya sukhāya bhavissati”ti. Dutiyam.

##### 3. Aññatarabhikkhusuttam

35. Sāvattihinidānaṃ. Atha kho aññataro bhikkhu yena bhagavā tenupasaṅkami; upasaṅkamitvā bhagavantam abhivādetvā ekamantaṃ nisīdi. Ekamantaṃ nisinno kho so bhikkhu bhagavantam etadavoca – “sādhu me, bhante, bhagavā saṃkhittena dhammaṃ desetu; yamahaṃ bhagavato dhammaṃ sutvā eko vūpakaṭṭho, appamatto ātāpī pahitatto vihareyya”nti. “Yaṃ kho, bhikkhu, anuseti, tena saṅkham gacchati; yaṃ nānuseti, na tena saṅkham gacchati”ti. “Aññātam, bhagavā; aññātam, sugatā”ti.

“Yathā katham pana tvaṃ, bhikkhu, mayā saṃkhittena bhāsitassa vitthārena attham ājānāsī”ti? “Rūpaṃ ce, bhante, anuseti tena saṅkham gacchati. Vedanaṃ ce anuseti tena saṅkham gacchati. Saññaṃ ce anuseti tena saṅkham gacchati. Saṅkhāre ce anuseti tena saṅkham gacchati. Viññānaṃ ce anuseti tena saṅkham gacchati. Rūpaṃ ce, bhante, nānuseti na tena saṅkham gacchati. Vedanaṃ ce... saññaṃ ce... saṅkhāre ce... viññānaṃ ce nānuseti na tena saṅkham gacchati. Imassa khvāham, bhante, bhagavatā saṃkhittena bhāsitassa evaṃ vitthārena attham ājānāmī”ti.

“Sādhu sādhu, bhikkhu! Sādhu kho tvaṃ, bhikkhu, mayā saṃkhittena bhāsitassa vitthārena attham ājānāsī. Rūpaṃ ce, bhikkhu, anuseti tena saṅkham gacchati. Vedanaṃ ce... saññaṃ ce... saṅkhāre ce... viññānaṃ ce anuseti tena saṅkham gacchati. Rūpaṃ ce, bhikkhu, nānuseti na tena saṅkham gacchati. Vedanaṃ ce... saññaṃ ce... saṅkhāre ce... viññānaṃ ce nānuseti na tena saṅkham gacchati. Imassa kho, bhikkhu, mayā saṃkhittena, bhāsitassa evaṃ vitthārena attho daṭṭhabbo”ti.



Atha kho so bhikkhu bhagavato bhāsitaṃ abhinanditvā anumoditvā uṭṭhāyāsanaṃ bhagavantam abhivādetvā padakkhiṇaṃ katvā pakkāmi.

Atha kho so bhikkhu eko vūpakaṭṭho appamatto ātāpī pahitatto viharanto nacirasseva – yassatthāya kulaputtā sammadeva agārasmā anagāriyaṃ pabbajanti tadanuttaram – brahmacariyapariyosānaṃ diṭṭheva dhamme sayam abhiññā sacchikatvā upasampajja vihāsi. “Khīṇā jāti, vusitaṃ brahmacariyaṃ, kataṃ karaṇīyaṃ, nāparaṃ itthattāyā”ti abbhaññāsi. Aññataro ca pana so bhikkhu arahataṃ ahosīti. Tatiyaṃ.

#### 4. Dutiyaaññatarabhikkhusuttaṃ

36. Sāvattihinidānaṃ. Atha kho aññataro bhikkhu yena bhagavā...pe... ekamantaṃ nisinna kho so bhikkhu bhagavantam etadavoca – “sādhu me, bhante, bhagavā saṃkhittena dhammaṃ desetu yamaṃ bhagavato dhammaṃ sutvā eko vūpakaṭṭho appamatto ātāpī pahitatto vihareyya”nti. “Yaṃ kho, bhikkhu, anuseti taṃ anumīyati; yaṃ anumīyati tena saṅkhaṃ gacchati. Yaṃ nānuseti na taṃ anumīyati; yaṃ nānumīyati na tena saṅkhaṃ gacchati”ti. “Aññataṃ, bhagavā; aññataṃ, sugatā”ti.

“Yathā kathaṃ pana tvaṃ, bhikkhu, mayā saṃkhittena bhāsitassa vitthārena atthaṃ ājānāsī”ti? “Rūpaṃ ce, bhante, anuseti taṃ anumīyati; yaṃ anumīyati tena saṅkhaṃ gacchati. Vedanaṃ ce anuseti... saññaṃ ce anuseti... saṅkhāre ce anuseti... viññānaṃ ce anuseti taṃ anumīyati; yaṃ anumīyati tena saṅkhaṃ gacchati. Rūpaṃ ce, bhante, nānuseti na taṃ anumīyati; yaṃ nānumīyati na tena saṅkhaṃ gacchati. Vedanaṃ ce nānuseti... saññaṃ ce nānuseti... saṅkhāre ce nānuseti... viññānaṃ ce nānuseti na taṃ anumīyati; yaṃ nānumīyati na tena saṅkhaṃ gacchati. Imassa khvāhaṃ, bhante, bhagavatā saṃkhittena bhāsitassa evaṃ vitthārena atthaṃ ājānāmī”ti.

“Sādhu sādhu, bhikkhu! Sādhu kho tvaṃ, bhikkhu, mayā saṃkhittena bhāsitassa vitthārena atthaṃ ājānāsī. Rūpaṃ ce, bhikkhu, anuseti taṃ anumīyati; yaṃ anumīyati tena saṅkhaṃ gacchati. Vedanaṃ ce, bhikkhu... saññaṃ ce, bhikkhu... saṅkhāre ce, bhikkhu... viññānaṃ ce, bhikkhu, anuseti taṃ anumīyati; yaṃ anumīyati tena saṅkhaṃ gacchati. Rūpaṃ ce, bhikkhu, nānuseti na taṃ anumīyati; yaṃ nānumīyati na tena saṅkhaṃ gacchati. Vedanaṃ ce nānuseti... saññaṃ ce nānuseti... saṅkhāre ce nānuseti... viññānaṃ ce nānuseti na taṃ anumīyati; yaṃ nānumīyati na tena saṅkhaṃ gacchati. Imassa kho, bhikkhu, mayā saṃkhittena bhāsitassa evaṃ vitthārena attho daṭṭhabbo”ti...pe... aññataro ca pana so bhikkhu arahataṃ ahosīti. Catutthaṃ.

#### 5. Ānandasuttaṃ

37. Sāvattihinidānaṃ. Atha kho āyasmā ānando yena bhagavā tenupasaṅkami; upasaṅkamtivā bhagavatā saddhiṃ sammodi. Sammodanīyaṃ kathaṃ saraṇīyaṃ vītisāretvā ekamantaṃ nisīdi. Ekamantaṃ nisinna kho āyasmantaṃ ānandaṃ bhagavā etadavoca –

“Sace taṃ, ānanda, evaṃ puccheyyūṃ – ‘katamesaṃ, āvuso ānanda, dhammānaṃ uppādo paññāyati, vayo paññāyati, ṭhitassa [ṭhitānaṃ (syā. kaṃ. pī. ka.)] aññathattaṃ paññāyati’ti? Evaṃ puṭṭho tvaṃ, ānanda, kinti byākareyyāsī”ti? “Sace maṃ, bhante, evaṃ puccheyyūṃ – ‘katamesaṃ, āvuso ānanda, dhammānaṃ uppādo paññāyati, vayo paññāyati, ṭhitassa aññathattaṃ paññāyati’ti? Evaṃ puṭṭhohaṃ, bhante, evaṃ byākareyyāṃ – ‘rūpassa kho, āvuso, uppādo paññāyati, vayo paññāyati, ṭhitassa aññathattaṃ paññāyati. Vedanāya... saññāya... saṅkhārānaṃ... viññānaṃ uppādo paññāyati, vayo paññāyati, ṭhitassa aññathattaṃ paññāyati. Imesaṃ kho, āvuso, dhammānaṃ uppādo paññāyati, vayo paññāyati, ṭhitassa aññathattaṃ paññāyati’ti. Evaṃ puṭṭhohaṃ, bhante, evaṃ byākareyya”nti.

“Sādhu sādhu, ānanda! Rūpassa kho, ānanda, uppādo paññāyati, vayo paññāyati, ṭhitassa aññathattaṃ paññāyati. Vedanāya... saññāya... saṅkhārānaṃ... viññānaṃ uppādo paññāyati, vayo

paññāyati, ʒhitassa aññathattaṃ paññāyati. Imesaṃ kho, ānanda, dhammānaṃ uppādo paññāyati, vayo paññāyati, ʒhitassa aññathattaṃ paññāyatīti. Evaṃ puṭṭho tvaṃ, ānanda, evaṃ byākareyyāsi”ti. Pañcamāṃ.

## 6. Dutiyānandasuttaṃ

38. Sāvattinidānaṃ. Ekamantaṃ nisinnaṃ kho āyasmantaṃ ānandaṃ bhagavā etadavoca –

“Sace taṃ, ānanda, evaṃ puccheyyūṃ – ‘katamesaṃ, āvuso ānanda, dhammānaṃ uppādo paññāyittha, vayo paññāyittha, ʒhitassa aññathattaṃ paññāyittha? Katamesaṃ dhammānaṃ uppādo paññāyissati, vayo paññāyissati, ʒhitassa aññathattaṃ paññāyissati? Katamesaṃ dhammānaṃ uppādo paññāyati, vayo paññāyati, ʒhitassa aññathattaṃ paññāyatīti? Evaṃ puṭṭho tvaṃ, ānanda, kinti byākareyyāsi”ti? “Sace maṃ, bhante, evaṃ puccheyyūṃ – ‘katamesaṃ, āvuso ānanda, dhammānaṃ uppādo paññāyittha, vayo paññāyittha, ʒhitassa aññathattaṃ paññāyittha? Katamesaṃ dhammānaṃ uppādo paññāyissati, vayo paññāyissati, ʒhitassa aññathattaṃ paññāyissati? Katamesaṃ dhammānaṃ uppādo paññāyati, vayo paññāyati, ʒhitassa aññathattaṃ paññāyatīti? Evaṃ puṭṭhohaṃ, bhante, evaṃ byākareyyaṃ – ‘yaṃ kho, āvuso, rūpaṃ atītaṃ niruddhaṃ vipariṇataṃ; tassa uppādo paññāyittha, vayo paññāyittha, ʒhitassa aññathattaṃ paññāyittha. Yā vedanā atītā niruddhā vipariṇatā; tassā uppādo paññāyittha, vayo paññāyittha, ʒhitāya aññathattaṃ paññāyittha. Yā saññā... ye saṅkhārā atītā niruddhā vipariṇatā; tesāṃ uppādo paññāyittha, vayo paññāyittha, ʒhitassa aññathattaṃ paññāyittha. Yaṃ viññānaṃ atītaṃ niruddhaṃ vipariṇataṃ; tassa uppādo paññāyittha, vayo paññāyittha, ʒhitassa aññathattaṃ paññāyittha. Imesaṃ kho, āvuso, dhammānaṃ uppādo paññāyittha, vayo paññāyittha, ʒhitassa aññathattaṃ paññāyittha””.

“Yaṃ kho, āvuso, rūpaṃ ajātaṃ apātubhūtaṃ; tassa uppādo paññāyissati, vayo paññāyissati, ʒhitassa aññathattaṃ paññāyissati. Yā vedanā ajātā apātubhūtā; tassā uppādo paññāyissati, vayo paññāyissati, ʒhitāya aññathattaṃ paññāyissati. Yā saññā...pe... ye saṅkhārā ajātā apātubhūtā; tesāṃ uppādo paññāyissati, vayo paññāyissati, ʒhitassa aññathattaṃ paññāyissati. Yaṃ viññānaṃ ajātaṃ apātubhūtaṃ; tassa uppādo paññāyissati, vayo paññāyissati, ʒhitassa aññathattaṃ paññāyissati. Imesaṃ kho, āvuso, dhammānaṃ uppādo paññāyissati, vayo paññāyissati, ʒhitassa aññathattaṃ paññāyissati.

“Yaṃ kho, āvuso, rūpaṃ jātaṃ pātubhūtaṃ; tassa uppādo paññāyati, vayo paññāyati, ʒhitassa aññathattaṃ paññāyati. Yā vedanā jātā pātubhūtā...pe... yā saññā... ye saṅkhārā jātā pātubhūtā; tesāṃ uppādo paññāyati, vayo paññāyati, ʒhitassa aññathattaṃ paññāyati. Yaṃ viññānaṃ jātaṃ pātubhūtaṃ tassa uppādo paññāyati, vayo paññāyati, ʒhitassa aññathattaṃ paññāyati. Imesaṃ kho, āvuso, dhammānaṃ uppādo paññāyati, vayo paññāyati, ʒhitassa aññathattaṃ paññāyatīti. Evaṃ puṭṭhohaṃ, bhante, evaṃ byākareyya”nti.

“Sādhu, sādhu, ānanda! Yaṃ kho, ānanda, rūpaṃ atītaṃ niruddhaṃ vipariṇataṃ; tassa uppādo paññāyittha, vayo paññāyittha, ʒhitassa aññathattaṃ paññāyittha. Yā vedanā ... yā saññā... ye saṅkhārā... yaṃ viññānaṃ atītaṃ niruddhaṃ vipariṇataṃ; tassa uppādo paññāyittha, vayo paññāyittha, ʒhitassa aññathattaṃ paññāyittha. Imesaṃ kho, ānanda, dhammānaṃ uppādo paññāyittha, vayo paññāyittha, ʒhitassa aññathattaṃ paññāyittha.

“Yaṃ kho, ānanda, rūpaṃ ajātaṃ apātubhūtaṃ; tassa uppādo paññāyissati, vayo paññāyissati, ʒhitassa aññathattaṃ paññāyissati. Yā vedanā... yā saññā... ye saṅkhārā... yaṃ viññānaṃ ajātaṃ apātubhūtaṃ; tassa uppādo paññāyissati, vayo paññāyissati, ʒhitassa aññathattaṃ paññāyissati. Imesaṃ kho, ānanda, dhammānaṃ uppādo paññāyissati, vayo paññāyissati, ʒhitassa aññathattaṃ paññāyissati.

“Yaṃ kho, ānanda, rūpaṃ jātaṃ pātubhūtaṃ; tassa uppādo paññāyati, vayo paññāyati, ʒhitassa aññathattaṃ paññāyati. Yā vedanā jātā pātubhūtā... yā saññā... ye saṅkhārā... yaṃ viññānaṃ jātaṃ

pātubhūtaṃ; tassa uppādo paññāyati, vayo paññāyati, t̥hitassa aññathattaṃ paññāyati. Imesaṃ kho, ānanda, dhammānaṃ uppādo paññāyati, vayo paññāyati, t̥hitassa aññathattaṃ paññāyatīti. Evaṃ puṭṭho tvaṃ, ānanda, evaṃ byākareyyāsi”ti. Chaṭṭhaṃ.

## 7. Anudhammasuttaṃ

39. Sāvattthinidānaṃ. “Dhammānudhammappaṭiṭṭhānaṃ, bhikkhave, bhikkhuno ayamanudhammo hoti yaṃ rūpe nibbidābahulo [nibbidābahulaṃ (pī. ka.)] vihareyya, vedanāya nibbidābahulo vihareyya, saññā nibbidābahulo vihareyya, saṅkhāresu nibbidābahulo vihareyya, viññāṇe nibbidābahulo vihareyya. Yo rūpe nibbidābahulo viharanto, vedanāya... saññāya... saṅkhāresu nibbidābahulo viharanto, viññāṇe nibbidābahulo viharanto rūpaṃ parijānāti, vedanaṃ... saññaṃ... saṅkhāre... viññāṇaṃ parijānāti, so rūpaṃ parijānaṃ, vedanaṃ... saññaṃ... saṅkhāre... viññāṇaṃ parijānaṃ parimuccati rūpamhā, parimuccati vedanā, parimuccati saññāya, parimuccati saṅkhārehi, parimuccati viññāṇamhā, parimuccati jātiyā jarāmaṇaṇena sokehi paridevehi dukkhehi domanassehi upāyāsehi, parimuccati dukkhasmāti vadāmī”ti. Sattamaṃ.

## 8. Dutiyāanudhammasuttaṃ

40. Sāvattthinidānaṃ. “Dhammānudhammappaṭiṭṭhānaṃ, bhikkhave, bhikkhuno ayamanudhammo hoti yaṃ rūpe aniccānupassī vihareyya...pe... parimuccati dukkhasmāti vadāmī”ti. Aṭṭhamaṃ.

## 9. Tatiyāanudhammasuttaṃ

41. Sāvattthinidānaṃ. “Dhammānudhammappaṭiṭṭhānaṃ, bhikkhave, bhikkhuno ayamanudhammo hoti yaṃ rūpe dukkhānupassī vihareyya...pe... parimuccati dukkhasmāti vadāmī”ti. Navamaṃ.

## 10. Catutthāanudhammasuttaṃ

42. Sāvattthinidānaṃ. “Dhammānudhammappaṭiṭṭhānaṃ, bhikkhave, bhikkhuno ayamanudhammo hoti yaṃ rūpe anattānupassī vihareyya, vedanāya... saññāya... saṅkhāresu... viññāṇe anattānupassī vihareyya. Yo rūpe anattānupassī viharanto...pe... rūpaṃ parijānāti, vedanaṃ... saññaṃ... saṅkhāre... viññāṇaṃ parijānāti, so rūpaṃ parijānaṃ, vedanaṃ... saññaṃ... saṅkhāre... viññāṇaṃ parijānaṃ parimuccati rūpamhā, parimuccati vedanāya, parimuccati saññāya, parimuccati saṅkhārehi, parimuccati viññāṇamhā, parimuccati jātiyā jarāmaṇaṇena sokehi paridevehi dukkhehi domanassehi upāyāsehi, parimuccati dukkhasmāti vadāmī”ti. Dasamaṃ.

Natumhākaṃvago catuttho.

Tassuddānaṃ –

Natumhākena dve vuttā, bhikkhūhi apare duve;  
Ānandena ca dve vuttā, anudhammehi dve dukāti.

## 5. Attadīpavaggo

### 1. Attadīpasuttaṃ

43. Sāvattthinidānaṃ. “Attadīpā, bhikkhave, viharatha attasaraṇā anaññasaraṇā, dhammadīpā dhammasaraṇā anaññasaraṇā. Attadīpānaṃ, bhikkhave, viharataṃ attasaraṇānaṃ anaññasaraṇānaṃ, dhammadīpānaṃ dhammasaraṇānaṃ anaññasaraṇānaṃ yoni upaparikkhitabbā. Kiṃjātikā

sokaparidevadukkhadomanassupāyāsā, kiṃpahotikā’’ti?

“Kiṃjātikā ca, bhikkhave, sokaparidevadukkhadomanassupāyāsā, kiṃpahotikā? Idha, bhikkhave, assutavā puthujjano ariyānaṃ adassāvī ariyadhammassa akovido ariyadhamme avinīto, sappurisānaṃ adassāvī sappurisadhammassa akovido sappurisadhamme avinīto, rūpaṃ attato samanupassati, rūpavantaṃ vā attānaṃ; attani vā rūpaṃ, rūpasmim vā attānaṃ. Tassa taṃ rūpaṃ vipariṇamati, aññathā ca hoti. Tassa rūpavipariṇāmaññathābhāvā uppajjanti sokaparidevadukkhadomanassupāyāsā. Vedanaṃ attato samanupassati, vedanāvantaṃ vā attānaṃ; attani vā vedanaṃ, vedanāya vā attānaṃ. Tassa sā vedanā vipariṇamati, aññathā ca hoti. Tassa vedanāvipariṇāmaññathābhāvā uppajjanti sokaparidevadukkhadomanassupāyāsā. Saññaṃ attato samanupassati... saṅkhāre attato samanupassati... viññānaṃ attato samanupassati, viññānavantaṃ vā attānaṃ; attani vā viññānaṃ, viññānasmim vā attānaṃ. Tassa taṃ viññānaṃ vipariṇamati, aññathā ca hoti. Tassa viññānavipariṇāmaññathābhāvā uppajjanti sokaparidevadukkhadomanassupāyāsā.

“Rūpassa tveva, bhikkhave, aniccatam viditvā vipariṇāmaṃ virāgaṃ nirodhaṃ [vipariṇāma virāga nirodhaṃ (sī.)], pubbe ceva rūpaṃ etarahi ca sabbaṃ rūpaṃ aniccaṃ dukkhaṃ vipariṇāmadhammanti, evametaṃ yathābhūtaṃ sammappaññāya passato ye sokaparidevadukkhadomanassupāyāsā te pahīyanti. Tesam pahānā na paritassati, aparitassaṃ sukhaṃ viharati, sukhavihārī bhikkhu ‘tadaṅganibbuto’ ti vuccati. Vedanāya tveva, bhikkhave, aniccatam viditvā vipariṇāmaṃ virāgaṃ nirodhaṃ, pubbe ceva vedanā etarahi ca sabbaṃ vedanā aniccā dukkhā vipariṇāmadhammāti, evametaṃ yathābhūtaṃ sammappaññāya passato ye sokaparidevadukkhadomanassupāyāsā te pahīyanti. Tesam pahānā na paritassati, aparitassaṃ sukhaṃ viharati, sukhavihārī bhikkhu ‘tadaṅganibbuto’ ti vuccati. Saññāya... saṅkhārānaṃ tveva, bhikkhave, aniccatam viditvā vipariṇāmaṃ virāgaṃ nirodhaṃ, pubbe ceva saṅkhārā etarahi ca sabbe saṅkhārā aniccā dukkhā vipariṇāmadhammāti, evametaṃ yathābhūtaṃ sammappaññāya passato ye sokaparidevadukkhadomanassupāyāsā te pahīyanti. Tesam pahānā na paritassati, aparitassaṃ sukhaṃ viharati, sukhavihārī bhikkhu ‘tadaṅganibbuto’ ti vuccati. Viññānaṃ tveva, bhikkhave, aniccatam viditvā vipariṇāmaṃ virāgaṃ nirodhaṃ, pubbe ceva viññānaṃ etarahi ca sabbaṃ viññānaṃ aniccaṃ dukkhaṃ vipariṇāmadhammanti, evametaṃ yathābhūtaṃ sammappaññāya passato ye sokaparidevadukkhadomanassupāyāsā te pahīyanti. Tesam pahānā na paritassati, aparitassaṃ sukhaṃ viharati, sukhavihārī bhikkhu ‘tadaṅganibbuto’ ti vuccati’ ti. Paṭhamam.

## 2. Paṭipadāsuttam

44. Sāvattihinidānaṃ. “Sakkāyasamudayaḡāminiṅca vo, bhikkhave, paṭipadaṃ desessāmi, sakkāyanirodhagāminiṅca paṭipadaṃ. Taṃ suṇātha. Katamā ca, bhikkhave, sakkāyasamudayaḡāminī paṭipadā? Idha, bhikkhave, assutavā puthujjano ariyānaṃ adassāvī ariyadhammassa akovido ariyadhamme avinīto, sappurisānaṃ adassāvī sappurisadhammassa akovido sappurisadhamme avinīto, rūpaṃ attato samanupassati, rūpavantaṃ vā attānaṃ; attani vā rūpaṃ, rūpasmim vā attānaṃ. Vedanaṃ attato... saññaṃ... saṅkhāre... viññānaṃ attato samanupassati, viññānavantaṃ vā attānaṃ; attani vā viññānaṃ, viññānasmim vā attānaṃ. Ayaṃ vuccati, bhikkhave, ‘sakkāyasamudayaḡāminī paṭipadā, sakkāyasamudayaḡāminī paṭipadā’ ti. Iti hidaṃ, bhikkhave, vuccati ‘dukkhasamudayaḡāminī samanupassanā’ ti. Ayamevettha attho’.

“Katamā ca, bhikkhave, sakkāyanirodhagāminī paṭipadā? Idha, bhikkhave, sutavā ariyasāvako ariyānaṃ dassāvī ariyadhammassa kovido ariyadhamme suvinīto, sappurisānaṃ dassāvī sappurisadhammassa kovido sappurisadhamme suvinīto, na rūpaṃ attato samanupassati, na rūpavantaṃ vā attānaṃ; na attani vā rūpaṃ, na rūpasmim vā attānaṃ. Na vedanaṃ attato... na saññaṃ... na saṅkhāre... na viññānaṃ attato samanupassati, na viññānavantaṃ vā attānaṃ; na attani vā viññānaṃ, na viññānasmim vā attānaṃ. Ayaṃ vuccati, bhikkhave, ‘sakkāyanirodhagāminī paṭipadā, sakkāyanirodhagāminī paṭipadā’ ti. Iti hidaṃ, bhikkhave, vuccati ‘dukkhanirodhagāminī samanupassanā’ ti. Ayamevettha attho’ ti. Dutiyam.

### 3. Aniccassuttaṃ

45. Sāvattihinidānaṃ. “Rūpaṃ, bhikkhave, aniccaṃ. Yadaniccaṃ taṃ dukkhaṃ; yaṃ dukkhaṃ tadanattā; yadanattā taṃ ‘netam mama, nesohamasmi, na meso attā’ ti evametaṃ yathābhūtaṃ sammappaññāya daṭṭhabbaṃ. Evametaṃ yathābhūtaṃ sammappaññāya passato cittaṃ virajjati vimuccati anupādāya āsavehi. Vedanā aniccā... saññā... saṅkhārā... viññāṇaṃ aniccaṃ. Yadaniccaṃ taṃ dukkhaṃ; yaṃ dukkhaṃ tadanattā; yadanattā taṃ ‘netam mama, nesohamasmi, na meso attā’ ti evametaṃ yathābhūtaṃ sammappaññāya daṭṭhabbaṃ. Evametaṃ yathābhūtaṃ sammappaññāya passato cittaṃ virajjati vimuccati anupādāya āsavehi. Rūpadhātuyā ce, bhikkhave, bhikkhuno cittaṃ virattaṃ vimuttaṃ hoti anupādāya āsavehi, vedanādhātuyā...pe... saññādhātuyā... saṅkhāradhātuyā... viññādhātuyā ce, bhikkhave, bhikkhuno cittaṃ virattaṃ vimuttaṃ hoti anupādāya āsavehi. Vimuttattā ʈhitaṃ. ʈhitattā santusitaṃ [santussitaṃ (ka. sī. pī. ka.)]. Santusitattā na paritassati. Aparitassaṃ paccattaññeva parinibbāyati. ‘Khīṇā jāti, vusitaṃ brahmacariyaṃ, kataṃ karaṇīyaṃ, nāparaṃ itthattāyā’ ti pajānātī’ ti. Tatiyaṃ.

### 4. Dutiyaaniccassuttaṃ

46. Sāvattihinidānaṃ. “Rūpaṃ, bhikkhave, aniccaṃ. Yadaniccaṃ taṃ dukkhaṃ; yaṃ dukkhaṃ tadanattā; yadanattā taṃ ‘netam mama, nesohamasmi, na meso attā’ ti evametaṃ yathābhūtaṃ sammappaññāya daṭṭhabbaṃ. Vedanā aniccā... saññā aniccā... saṅkhārā aniccā... viññāṇaṃ aniccaṃ. Yadaniccaṃ taṃ dukkhaṃ; yaṃ dukkhaṃ tadanattā; yadanattā taṃ ‘netam mama, nesohamasmi, na meso attā’ ti evametaṃ yathābhūtaṃ sammappaññāya daṭṭhabbaṃ”.

“Evametaṃ yathābhūtaṃ sammappaññāya passato pubbantānudiṭṭhiyo na honti. Pubbantānudiṭṭhīnaṃ asati, aparantānudiṭṭhiyo na honti. Aparantānudiṭṭhīnaṃ asati, thāmaso [thāmasā (sī. syā. kaṃ.)] parāmāso na hoti. Thāmase [thāmasā (sī. syā. kaṃ.), thāmaso (ka.)] parāmāse asati rūpasmiṃ... vedanāya ... saññāya... saṅkhāresu... viññāṇasmiṃ cittaṃ virajjati vimuccati anupādāya āsavehi. Vimuttattā ʈhitaṃ. ʈhitattā santusitaṃ. Santusitattā na paritassati. Aparitassaṃ paccattaññeva parinibbāyati. ‘Khīṇā jāti, vusitaṃ brahmacariyaṃ, kataṃ karaṇīyaṃ, nāparaṃ itthattāyā’ ti pajānātī’ ti. Catutthaṃ.

### 5. Samanupassanāsuttaṃ

47. Sāvattihinidānaṃ. “Ye hi keci, bhikkhave, samaṇā vā brāhmaṇā vā anekavihitaṃ attānaṃ samanupassamānā samanupassanti, sabbete pañcupādānakkhandhe samanupassanti, etesaṃ vā aññataraṃ. Katame pañca? Idha, bhikkhave, assutavā puthujjano ariyānaṃ adassāvī ariyadhammassa akovido ariyadhamme avinīto, sappurisānaṃ adassāvī sappurisadhammassa akovido sappurisadhamme avinīto rūpaṃ attato samanupassati, rūpavantaṃ vā attānaṃ; attani vā rūpaṃ, rūpasmiṃ vā attānaṃ. Vedanaṃ... saññaṃ... saṅkhāre... viññāṇaṃ attato samanupassati, viññāṇavantaṃ vā attānaṃ; attani vā viññāṇaṃ, viññāṇasmiṃ vā attānaṃ”.

“Iti ayañceva samanupassanā ‘asmī’ ti cassa avigataṃ [adhigataṃ (bahūsu)] hoti. ‘Asmī’ ti kho pana, bhikkhave, avigate pañcannaṃ indriyānaṃ avakkanti hoti – cakkhundriyassa sotindriyassa ghānindriyassa jivhindriyassa kāyindriyassa. Atthi, bhikkhave, mano, atthi dhammā, atthi avijjādhātu. Avijjāsamphassajena, bhikkhave, vedayitena phuṭṭhassa assutavato puthujjanassa ‘asmī’ tipissa hoti; ‘ayamahasmī’ tipissa hoti; ‘bhavissa’ ntipissa hoti; ‘na bhavissa’ ntipissa hoti; ‘rūpī bhavissa’ ntipissa hoti; ‘arūpī bhavissa’ ntipissa hoti; ‘saññī bhavissa’ ntipissa hoti; ‘asaññī bhavissa’ ntipissa hoti; ‘nevasaññīnāsaññī bhavissa’ ntipissa hoti”.

“Tiṭṭhanteva kho [tiṭṭhanti kho pana (sī. syā. kaṃ. pī.)], bhikkhave, tattheva [tatheva (katthaci)] pañcindriyāni. Athettha sutavato ariyasāvakassa avijjā pahīyati, vijjā uppajjati. Tassa avijjāvirāgā

vijjuppādā ‘asmī’tipissa na hoti; ‘ayamahamasmī’tipissa na hoti; ‘bhavissa’nti... ‘na bhavissa’nti... rūpī... arūpī... saññī... asaññī... ‘nevasaññīnāsaññī bhavissa’ntipissa na hoti’ ti. Pañcamaṃ.

## 6. Khandhasuttaṃ

48. Sāvattihinidānaṃ. “Pañca, bhikkhave, khandhe desessāmi, pañcupādānakkhandhe ca. Taṃ suṇātha. Katame ca, bhikkhave, pañcakkhandhā? Yaṃ kiñci, bhikkhave, rūpaṃ atītānāgatapaccuppannaṃ ajjhattaṃ vā bahiddhā vā oḷārikaṃ vā sukhumāṃ vā hīnaṃ vā pañītaṃ vā yaṃ dūre santike vā, ayaṃ vuccati rūpakkhandho. Yā kāci vedanā...pe... yā kāci saññā... ye keci sañkhārā atītānāgatapaccuppannā ajjhattaṃ vā bahiddhā vā oḷārikā vā sukhumā vā...pe... ayaṃ vuccati sañkhārakkhandho. Yaṃ kiñci viññāṇaṃ atītānāgatapaccuppannaṃ ajjhattaṃ vā bahiddhā vā oḷārikaṃ vā sukhumāṃ vā hīnaṃ vā pañītaṃ vā yaṃ dūre santike vā, ayaṃ vuccati viññāṇakkhandho. Ime vuccanti, bhikkhave, pañcakkhandhā”.

“Katame ca, bhikkhave, pañcupādānakkhandhā? Yaṃ kiñci, bhikkhave, rūpaṃ atītānāgatapaccuppannaṃ...pe... yaṃ dūre santike vā sāsavaṃ upādāniyaṃ, ayaṃ vuccati rūpupādānakkhandho. Yā kāci vedanā...pe... yā dūre santike vā sāsavā upādāniyā, ayaṃ vuccati vedanupādānakkhandho. Yā kāci saññā...pe... yā dūre santike vā sāsavā upādāniyā, ayaṃ vuccati saññupādānakkhandho. Ye keci sañkhārā...pe... sāsavā upādāniyā, ayaṃ vuccati sañkhārupādānakkhandho. Yaṃ kiñci viññāṇaṃ atītānāgatapaccuppannaṃ...pe... yaṃ dūre santike vā sāsavaṃ upādāniyaṃ, ayaṃ vuccati viññāṇupādānakkhandho. Ime vuccanti, bhikkhave, pañcupādānakkhandhā” ti. Chaṭṭhaṃ.

## 7. Soṇasuttaṃ

49. Evaṃ me suttaṃ – ekaṃ samayaṃ bhagavā rājagahe viharati veḷuvane kalandakanivāpe. Atha kho soṇo gahapatiputto yena bhagavā tenupasaṅkami ...pe... ekamantaṃ nisinnaṃ kho soṇaṃ gahapatiputtaṃ bhagavā etadavoca –

“Ye hi keci, soṇa, samaṇā vā brāhmaṇā vā aniccena rūpena dukkhena vipariṇāmadhammena ‘seyyohamasmī’ ti vā samanupassanti; ‘sadiśohamasmī’ ti vā samanupassanti; ‘hīnohamasmī’ ti vā samanupassanti; kimaññatra yathābhūtaṃ adassanā? Aniccāya vedanāya dukkhāya vipariṇāmadhammāya ‘seyyohamasmī’ ti vā samanupassanti; ‘sadiśohamasmī’ ti vā samanupassanti; ‘hīnohamasmī’ ti vā samanupassanti; kimaññatra yathābhūtaṃ adassanā? Aniccāya saññāya... aniccehi sañkhārehi dukkhehi vipariṇāmadhammehi ‘seyyohamasmī’ ti vā samanupassanti; ‘sadiśohamasmī’ ti vā samanupassanti; ‘hīnohamasmī’ ti vā samanupassanti; kimaññatra yathābhūtaṃ adassanā? Aniccena viññāṇena dukkhena vipariṇāmadhammena ‘seyyohamasmī’ ti vā samanupassanti; ‘sadiśohamasmī’ ti vā samanupassanti; ‘hīnohamasmī’ ti vā samanupassanti; kimaññatra yathābhūtaṃ adassanā?

“Ye ca kho keci, soṇa, samaṇā vā brāhmaṇā vā aniccena rūpena dukkhena vipariṇāmadhammena ‘seyyohamasmī’ tipi na samanupassanti; ‘sadiśohamasmī’ tipi na samanupassanti; ‘hīnohamasmī’ tipi na samanupassanti; kimaññatra yathābhūtaṃ adassanā? Aniccāya vedanāya... aniccāya saññāya... aniccehi sañkhārehi... aniccena viññāṇena dukkhena vipariṇāmadhammena ‘seyyohamasmī’ tipi na samanupassanti; ‘sadiśohamasmī’ tipi na samanupassanti; ‘hīnohamasmī’ tipi na samanupassanti; kimaññatra yathābhūtaṃ adassanā?

“Taṃ kiṃ maññasi, soṇa, rūpaṃ niccaṃ vā aniccaṃ vā” ti? “Aniccaṃ, bhante”. “Yaṃ panāniccaṃ dukkhaṃ vā taṃ sukhaṃ vā” ti? “Dukkhaṃ, bhante”. “Yaṃ panāniccaṃ dukkhaṃ vipariṇāmadhammaṃ kallaṃ nu taṃ samanupassituṃ – ‘etaṃ mama, eso hamasmī, eso me attā’” ti? “No hettaṃ, bhante”. “Vedanā niccā vā aniccā vā” ti? “Aniccā, bhante”... “saññā... sañkhārā... viññāṇaṃ niccaṃ vā aniccaṃ vā” ti? “Aniccaṃ, bhante”. “Yaṃ panāniccaṃ dukkhaṃ vā taṃ sukhaṃ

vā”ti? “Dukkhaṃ, bhante”. “Yaṃ paṇāniccaṃ dukkhaṃ vipariṇāmadhammaṃ kallaṃ nu taṃ samanupassitū – ‘etaṃ mama, esohamasmi, eso me attā’”ti? “No hetuṃ, bhante”.

“Tasmātiha, soṇa, yaṃ kiñci rūpaṃ atītānāgatapaccuppannaṃ ajjhattaṃ vā bahiddhā vā oḷārikaṃ vā sukhumaṃ vā hīnaṃ vā paṇītaṃ vā yaṃ dūre santike vā, sabbaṃ rūpaṃ ‘netuṃ mama, nesohamasmi, na meso attā’ti evametū yathābhūtaṃ sammappaññāya daṭṭhabbaṃ.

“Yā kāci vedanā... yā kāci saññā... ye keci saṅkhārā... yaṃ kiñci viññānaṃ atītānāgatapaccuppannaṃ ajjhattaṃ vā bahiddhā vā oḷārikaṃ vā sukhumaṃ vā hīnaṃ vā paṇītaṃ vā yaṃ dūre santike vā, sabbaṃ viññānaṃ ‘netuṃ mama, nesohamasmi, na meso attā’ti evametū yathābhūtaṃ sammappaññāya daṭṭhabbaṃ.

“Evaṃ passaṃ, soṇa, sutavā ariyasāvako rūpasamimpi nibbindati, vedanāyapi nibbindati, saññāyapi nibbindati, saṅkhāresupi nibbindati, viññānaṣamimpi nibbindati. Nibbindaṃ virajjati; virāgā vimuccati. Vimuttasmiṃ vimuttamiti ñānaṃ hoti. ‘Khīṇā jāti, vusitaṃ brahmacariyaṃ, kataṃ karaṇīyaṃ, nāparaṃ itthattāyā’ti pajānāti”ti. Sattamaṃ.

## 8. Dutiyasoṇasuttaṃ

50. Evaṃ me sutuṃ – ekaṃ samayaṃ bhagavā rājagahe viharati veḷuvane kalandakanivāpe. Atha kho soṇo gahapatiputto yena bhagavā tenupasaṅkama; upasaṅkamitvā bhagavantaṃ abhivādetvā ekamantaṃ nisīdi. Ekamantaṃ nisinnaṃ kho soṇaṃ gahapatiputtaṃ bhagavā etadavoca –

“Ye hi keci, soṇa, samaṇā vā brāhmaṇā vā rūpaṃ nappajānanti, rūpasamudayaṃ nappajānanti, rūpanirodhaṃ nappajānanti, rūpanirodhagāminim paṭipadaṃ nappajānanti; vedanaṃ nappajānanti, vedanāsamudayaṃ nappajānanti, vedanānirodhaṃ nappajānanti, vedanānirodhagāminim paṭipadaṃ nappajānanti; saññaṃ nappajānanti...pe... saṅkhāre nappajānanti, saṅkhārasamudayaṃ nappajānanti, saṅkhāranirodhaṃ nappajānanti, saṅkhāranirodhagāminim paṭipadaṃ nappajānanti; viññānaṃ nappajānanti, viññānasamudayaṃ nappajānanti, viññānanirodhaṃ nappajānanti, viññānanirodhagāminim paṭipadaṃ nappajānanti. Na me te, soṇa, samaṇā vā brāhmaṇā vā samaṇesu vā samaṇasammata brāhmaṇesu vā brāhmaṇasammata, na ca pana te āyasmanto sāmaññatthaṃ vā brahmaññatthaṃ vā diṭṭheva dhamme sayāṃ abhiññā sacchikatvā upasampajja viharanti.

“Ye ca kho keci, soṇa, samaṇā vā brāhmaṇā vā rūpaṃ pajānanti, rūpasamudayaṃ pajānanti, rūpanirodhaṃ pajānanti, rūpanirodhagāminim paṭipadaṃ pajānanti; vedanaṃ pajānanti...pe... saññaṃ pajānanti... saṅkhāre pajānanti... viññānaṃ pajānanti, viññānasamudayaṃ pajānanti, viññānanirodhaṃ pajānanti, viññānanirodhagāminim paṭipadaṃ pajānanti. Te ca kho me, soṇa, samaṇā vā brāhmaṇā vā samaṇesu ceva samaṇasammata brāhmaṇesu ca brāhmaṇasammata, te ca paṇāyasmanto sāmaññatthaṃ ca brahmaññatthaṃ diṭṭheva dhamme sayāṃ abhiññā sacchikatvā upasampajja viharanti”ti. Aṭṭhamaṃ.

## 9. Nandikkhayasuttaṃ

51. Sāvattihinidānaṃ. “Aniccaññeva, bhikkhave, bhikkhu rūpaṃ aniccanti passati. Sāssa hoti sammādiṭṭhi. Sammā passaṃ nibbindati. Nandikkhayā rāgakkhayo, rāgakkhayā nandikkhayo. Nandirāgakkhayā cittaṃ vimuttaṃ suvimuttanti vuccati. Aniccaññeva, bhikkhave, bhikkhu vedanaṃ aniccanti passati. Sāssa hoti sammādiṭṭhi. Sammā passaṃ nibbindati. Nandikkhayā rāgakkhayo, rāgakkhayā nandikkhayo. Nandirāgakkhayā cittaṃ vimuttaṃ suvimuttanti vuccati. Anicceyeva, bhikkhave, bhikkhu saññaṃ aniccanti passati...pe... anicceyeva bhikkhave, bhikkhu saṅkhāre aniccāti passati. Sāssa hoti sammādiṭṭhi. Sammā passaṃ nibbindati. Nandikkhayā rāgakkhayo, rāgakkhayā nandikkhayo. Nandirāgakkhayā cittaṃ vimuttaṃ suvimuttanti vuccati. Aniccaññeva, bhikkhave, bhikkhu viññānaṃ aniccanti passati. Sāssa hoti sammādiṭṭhi. Sammā passaṃ nibbindati. Nandikkhayā

rāgakkhayo, rāgakkhayā nandikkhayo. Nandirāgakkhayā cittaṃ vimuttaṃ suvimuttanti vuccatī’’ti. Navamaṃ.

## 10. Dutīyanandikkhayasuttaṃ

52. Sāvattthinidānaṃ. ‘‘Rūpaṃ, bhikkhave, yoniso manasi karotha, rūpāniccatañca yathābhūtaṃ samanupassatha. Rūpaṃ, bhikkhave, bhikkhu yoniso manasi karonto, rūpāniccatañca yathābhūtaṃ samanupassanto rūpasmiṃ nibbindati. Nandikkhayā rāgakkhayo, rāgakkhayā nandikkhayo. Nandirāgakkhayā cittaṃ vimuttaṃ suvimuttanti vuccati. Vedanaṃ, bhikkhave, yoniso manasi karotha, vedāniccatañca yathābhūtaṃ samanupassatha. Vedanaṃ, bhikkhave, bhikkhu yoniso manasi karonto, vedāniccatañca yathābhūtaṃ samanupassanto vedānāya nibbindati. Nandikkhayā rāgakkhayo, rāgakkhayā nandikkhayo. Nandirāgakkhayā cittaṃ vimuttaṃ suvimuttanti vuccati. Saññaṃ bhikkhave... sañkhāre, bhikkhave, yoniso manasi karotha, sañkhārāniccatañca yathābhūtaṃ samanupassatha. Sañkhāre, bhikkhave, bhikkhu yoniso manasi karonto, sañkhārāniccataṃ yathābhūtaṃ samanupassanto sañkhāresu nibbindati. Nandikkhayā rāgakkhayo, rāgakkhayā nandikkhayo. Nandirāgakkhayā cittaṃ vimuttaṃ suvimuttanti vuccati. Viññānaṃ, bhikkhave, yoniso manasi karotha, viññānāniccatañca yathābhūtaṃ samanupassatha. Viññānaṃ, bhikkhave, bhikkhu yoniso manasi karonto, viññānāniccatañca yathābhūtaṃ samanupassanto viññānasmiṃ nibbindati. Nandikkhayā rāgakkhayo, rāgakkhayā nandikkhayo. Nandirāgakkhayā cittaṃ vimuttaṃ suvimuttanti vuccatī’’ti. Dasamaṃ.

Attadīpavaggo pañcamaṃ.

Tassuddānaṃ –

Attadīpā paṭipadā, dve ca honti aniccataḥ;  
Samanupassanā khandhā, dve soṇā dve nandikkhayena cāti.

Mūlapaṇṇāsako samatto.

Tassa mūlapaṇṇāsakassa vagguddānaṃ –

Nakulapitā anicco ca, bhāro natumhākena ca;  
Attadīpena paññāso, paṭhamo tena pavuccatīti.

## 6. Upayavaggo

### 1. Upayasuttaṃ

53. Sāvattthinidānaṃ. ‘‘Upayo [upāyo (bahūsu)], bhikkhave, avimutto, anupayo vimutto. Rūpupayaṃ [rūpūpāyaṃ (sī. syā. kaṃ.), rūpupāyaṃ (pī. ka.)] vā, bhikkhave, viññānaṃ tiṭṭhamānaṃ tiṭṭheyya, rūpārammaṇaṃ rūpappatitṭhaṃ nandūpasecanaṃ vuddhiṃ virūḷhiṃ vepullaṃ āpajjeyya. Vedanupayaṃ vā...pe... saññupayaṃ vā...pe... sañkhārupayaṃ vā, bhikkhave, viññānaṃ tiṭṭhamānaṃ tiṭṭheyya, sañkhārārammaṇaṃ sañkhārappatitṭhaṃ nandūpasecanaṃ vuddhiṃ virūḷhiṃ vepullaṃ āpajjeyya’’.

‘‘Yo, bhikkhave, evaṃ vadeyya – ‘ahamaññatra rūpā aññatra vedānāya aññatra saññāya aññatra sañkhārehi viññānaṃ āgatim vā gatim vā cutim vā upapattim vā vuddhiṃ vā virūḷhiṃ vā vepullaṃ vā paññāpessāmī’’ti, netam ṭhānaṃ vijjati.

‘‘Rūpadhātuyā ce, bhikkhave, bhikkhuno rāgo pahīno hoti. Rāgassa pahānā vocchijjatārammaṇaṃ patitṭhā viññānaṃ na hoti. Vedādhātuyā ce, bhikkhave... saññādhātuyā ce bhikkhave...



sāṅkhāradhātuyā ce bhikkhave... viññāṇadhātuyā ce, bhikkhave, bhikkhuno rāgo pahīno hoti. Rāgassa pahānā vocchijjatārammaṇaṃ patiṭṭhā viññāṇassa na hoti. Tadappatiṭṭhitaṃ viññāṇaṃ avirūḷhaṃ anabhisaṅkhaccavimuttaṃ. Vimuttattā ṭhitaṃ. Ṭhitattā santusitaṃ. Santusitattā na paritassati. Aparitassaṃ paccattaññeva parinibbāyati. ‘Khīṇā jāti, vusitaṃ brahmacariyaṃ, kataṃ karaṇīyaṃ, nāparaṃ itthattāyā’ ti pajānāti’ ti. Paṭhamam.

## 2. Bijasuttaṃ

54. Sāvattihinidānaṃ. ‘Pañcimāni, bhikkhave, bījajātāni. Katamāni pañca? Mūlabījaṃ, khandhabījaṃ, aggabījaṃ, phalubījaṃ, bījabījaññeva pañcamam. Imāni cassu, bhikkhave, pañca bījajātāni akhaṇḍāni apūtikāni avātātapahatāni sārādāni [sārādāyīni (katthaci)] sukhasayitāni, pathavī [paṭhavī (sī. syā. kaṃ. pī.)] ca nāssa, āpo ca nāssa; api numāni [api nu imāni (sī. pī.)], bhikkhave, pañca bījajātāni vuddhiṃ virūḷhiṃ vepullaṃ āpajjeyyu’nti? ‘No hetam, bhante’. ‘Imāni cassu, bhikkhave, pañca bījajātāni akhaṇḍāni...pe... sukhasayitāni, pathavī ca assa, āpo ca assa; api numāni, bhikkhave, pañca bījajātāni vuddhiṃ virūḷhiṃ vepullaṃ āpajjeyyu’nti? ‘Evaṃ, bhante’. ‘Seyyathāpi, bhikkhave, pathavīdhātu, evaṃ catasso viññāṇaṭṭhitiyo daṭṭhabbā. Seyyathāpi, bhikkhave, āpodhātu, evaṃ nandirāgo daṭṭhabbo. Seyyathāpi, bhikkhave, pañca bījajātāni, evaṃ viññāṇaṃ sāhāraṃ daṭṭhabbam’.

‘Rūpupayaṃ, bhikkhave, viññāṇaṃ tiṭṭhamānaṃ tiṭṭheyya, rūpārammaṇaṃ rūpappatiṭṭhaṃ nandūpasecanaṃ vuddhiṃ virūḷhiṃ vepullaṃ āpajjeyya. Vedanupayaṃ vā, bhikkhave, viññāṇaṃ tiṭṭhamānaṃ tiṭṭheyya...pe... saññupayaṃ vā, bhikkhave, viññāṇaṃ tiṭṭhamānaṃ tiṭṭheyya...pe... sāṅkhārupayaṃ vā, bhikkhave, viññāṇaṃ tiṭṭhamānaṃ tiṭṭheyya, sāṅkhārārammaṇaṃ sāṅkhārapatiṭṭhaṃ nandūpasecanaṃ vuddhiṃ virūḷhiṃ vepullaṃ āpajjeyya.

‘Yo, bhikkhave, evaṃ vadeyya – ‘ahamaññatra rūpā aññatra vedanāya aññatra saññāya aññatra sāṅkhārehi viññāṇassa āgatiṃ vā gatiṃ vā cutiṃ vā upapattiṃ vā vuddhiṃ vā virūḷhiṃ vā vepullaṃ vā paññāpessāmi’ ti, netam ṭhānaṃ vijjati.

‘Rūpadhātuyā ceva, bhikkhave, bhikkhuno rāgo pahīno hoti. Rāgassa pahānā vocchijjatārammaṇaṃ patiṭṭhā viññāṇassa na hoti. Vedanādhātuyā ce... saññādhātuyā ce... sāṅkhāradhātuyā ce... viññāṇadhātuyā ce, bhikkhave, bhikkhuno rāgo pahīno hoti. Rāgassa pahānā vocchijjatārammaṇaṃ patiṭṭhā viññāṇassa na hoti. Tadappatiṭṭhitaṃ viññāṇaṃ avirūḷhaṃ anabhisaṅkhaccavimuttaṃ. Vimuttattā ṭhitaṃ. Ṭhitattā santusitaṃ. Santusitattā na paritassati. Aparitassaṃ paccattaññeva parinibbāyati. ‘Khīṇā jāti, vusitaṃ brahmacariyaṃ, kataṃ karaṇīyaṃ, nāparaṃ itthattāyā’ ti pajānāti’ ti. Dutiyam.

## 3. Udānasuttaṃ

55. Sāvattihinidānaṃ. Tatra kho bhagavā udānaṃ udānesi – ‘‘no cassaṃ, no ca me siyā, nābhavissa, na me bhavissatī’ ti – evaṃ adhimuccamāno bhikkhu chindeyya orambhāgiyāni saṃyojanāni’ ti. Evaṃ vutte, aññataro bhikkhu bhagavantaṃ etadavoca – ‘yathā kathaṃ pana, bhante, ‘no cassaṃ, no ca me siyā, nābhavissa, na me bhavissatī’ ti – evaṃ adhimuccamāno bhikkhu chindeyya orambhāgiyāni saṃyojanāni’ ti?’

‘Idha, bhikkhu, assutavā puthujjano ariyānaṃ adassāvī...pe... sappurisdhamme avinīto rūpaṃ attato samanupassati, rūpavantaṃ vā attānaṃ; attani vā rūpaṃ, rūpasmim vā attānaṃ. Vedanaṃ... saññaṃ... sāṅkhāre... viññāṇaṃ attato samanupassati, viññāṇavantaṃ vā attānaṃ; attani vā viññāṇaṃ, viññāṇasmim vā attānaṃ.

‘So aniccaṃ rūpaṃ ‘aniccaṃ rūpa’nti yathābhūtaṃ nappajānāti, aniccaṃ vedanaṃ ‘aniccā vedanā’ ti yathābhūtaṃ nappajānāti, aniccaṃ saññaṃ ‘aniccā sañña’ ti yathābhūtaṃ nappajānāti, anicce

saṅkhāre ‘aniccā saṅkhārā’ti yathābhūtaṃ nappajānāti, aniccaṃ viññāṇaṃ ‘aniccaṃ viññāṇa’nti yathābhūtaṃ nappajānāti.

“Dukkhaṃ rūpaṃ ‘dukkhaṃ rūpa’nti yathābhūtaṃ nappajānāti, dukkhaṃ vedanaṃ... dukkhaṃ saññaṃ... dukkhe saṅkhāre... dukkhaṃ viññāṇaṃ ‘dukkhaṃ viññāṇa’nti yathābhūtaṃ nappajānāti.

“Anattaṃ rūpaṃ ‘anattā rūpa’nti yathābhūtaṃ nappajānāti, anattaṃ vedanaṃ ‘anattā vedanā’ti yathābhūtaṃ nappajānāti, anattaṃ saññaṃ ‘anattā saññā’ti yathābhūtaṃ nappajānāti, anatte saṅkhāre ‘anattā saṅkhārā’ti yathābhūtaṃ nappajānāti, anattaṃ viññāṇaṃ ‘anattā viññāṇa’nti yathābhūtaṃ nappajānāti.

“Saṅkhataṃ rūpaṃ ‘saṅkhataṃ rūpa’nti yathābhūtaṃ nappajānāti, saṅkhataṃ vedanaṃ... saṅkhataṃ saññaṃ... saṅkhate saṅkhāre... saṅkhataṃ viññāṇaṃ ‘saṅkhataṃ viññāṇa’nti yathābhūtaṃ nappajānāti. Rūpaṃ vibhavissatīti yathābhūtaṃ nappajānāti. Vedanā vibhavissati... saññā vibhavissati... saṅkhārā vibhavissanti... viññāṇaṃ vibhavissatīti yathābhūtaṃ nappajānāti.

“Sutavā ca kho, bhikkhu, ariyasāvako ariyānaṃ dassāvī ariyadhammassa kovido ariyadhamme suvinīto sappurisānaṃ dassāvī sappurisadhammassa kovido sappurisadhamme suvinīto na rūpaṃ attato samanupassati...pe... na vedanaṃ... na saññaṃ... na saṅkhāre... na viññāṇaṃ attato samanupassati.

“So aniccaṃ rūpaṃ ‘aniccaṃ rūpa’nti yathābhūtaṃ pajānāti. Aniccaṃ vedanaṃ... aniccaṃ saññaṃ... anicce saṅkhāre... aniccaṃ viññāṇaṃ ‘aniccaṃ viññāṇa’nti yathābhūtaṃ pajānāti. Dukkhaṃ rūpaṃ...pe... dukkhaṃ viññāṇaṃ... anattaṃ rūpaṃ...pe... anattaṃ viññāṇaṃ... saṅkhataṃ rūpaṃ...pe... saṅkhataṃ viññāṇaṃ ‘saṅkhataṃ viññāṇa’nti yathābhūtaṃ pajānāti. Rūpaṃ vibhavissatīti yathābhūtaṃ pajānāti. Vedanā... saññā... saṅkhārā... viññāṇaṃ vibhavissatīti yathābhūtaṃ pajānāti.

“So rūpassa vibhavā, vedanāya vibhavā, saññā vibhavā, saṅkhārānaṃ vibhavā, viññāṇassa vibhavā, evaṃ kho, bhikkhu, ‘no cassaṃ, no ca me siyā, nābhavissa, na me bhavissatī’ti – evaṃ adhimuccamāno bhikkhu chindeyya orambhāgiyāni saṃyojanāni”ti. “Evaṃ adhimuccamāno, bhante, bhikkhu chindeyya orambhāgiyāni saṃyojanāni”ti.

“Kathaṃ pana, bhante, jānato kathaṃ passato anantarā āsavānaṃ khayō hotī”ti? “Idha, bhikkhu, assutavā puthujjano atasitāye ṭhāne tāsāṃ āpajjati. Tāso heso [hesā (ka.)] bhikkhu assutavato puthujjanaṃ – ‘no cassaṃ, no ca me siyā, nābhavissa, na me bhavissatī’”ti.

“Sutavā ca kho, bhikkhu, ariyasāvako atasitāye ṭhāne na tāsāṃ āpajjati. Na heso [na hesā (ka.)], bhikkhu, tāso sutavato ariyasāvakaṃ – ‘no cassaṃ, no ca me siyā, nābhavissa, na me bhavissatī’ti. Rūpupayaṃ vā, bhikkhu, viññāṇaṃ tiṭṭhamānaṃ tiṭṭheyya, rūpārammaṇaṃ rūpappatiṭṭhaṃ nandūpasecanaṃ vuddhiṃ virūḷhiṃ vepullaṃ āpajjeyya. Vedanupayaṃ vā, bhikkhu... saññupayaṃ vā, bhikkhu... saṅkhārupayaṃ vā, bhikkhu, viññāṇaṃ tiṭṭhamānaṃ tiṭṭheyya, saṅkhārārammaṇaṃ saṅkhārappatiṭṭhaṃ nandūpasecanaṃ vuddhiṃ virūḷhiṃ vepullaṃ āpajjeyya.

“Yo [so (sabbattha)] bhikkhu evaṃ vadeyya – ‘ahamaññatra rūpā, aññatra vedanāya, aññatra saññāya, aññatra saṅkhārehi viññāṇassa āgatiṃ vā gatiṃ vā cutiṃ vā upapattiṃ vā vuddhiṃ vā virūḷhiṃ vā vepullaṃ vā paññāpessāmī’ti, netāṃ ṭhānaṃ vijjati.

“Rūpadhātuyā ce, bhikkhu, bhikkhuno rāgo pahīno hoti. Rāgassa pahānā vocchijjatārammaṇaṃ patiṭṭhā viññāṇassa na hoti. Vedanādhātuyā ce, bhikkhu, bhikkhuno... saññādhātuyā ce, bhikkhu, bhikkhuno... saṅkhāradhātuyā ce, bhikkhu, bhikkhuno... viññāṇadhātuyā ce, bhikkhu, bhikkhuno rāgo pahīno hoti. Rāgassa pahānā vocchijjatārammaṇaṃ patiṭṭhā viññāṇassa na hoti. Tadappatiṭṭhitaṃ viññāṇaṃ avirūḷhaṃ anabhisāṅkhārāñca vimuttaṃ. Vimuttattā ṭhitaṃ. Ṭhitattā santusitaṃ. Santusitattā

na paritassati. Aparitassaṃ paccattaññeva parinibbāyati. ‘Khīṇā jāti...pe... nāparaṃ itthattāyā’ti pajānāti. Evaṃ kho, bhikkhu, jānato evaṃ passato anantarā āsavānaṃ khayō hotī’ti. Tatiyaṃ.

#### 4. Upādānaparipavattasuttaṃ

56. Sāvattthinidānaṃ. ‘Pañcime, bhikkhave, upādānakkhandhā. Katame pañca? Rūpupādānakkhandho, vedanupādānakkhandho, saññupādānakkhandho, saṅkhārupādānakkhandho, viññāṇupādānakkhandho. Yāvakīvañcāhaṃ, bhikkhave, ime pañcupādānakkhandhe catuparivaṭṭaṃ yathābhūtaṃ nābhhaññāsīṃ, neva tāvāhaṃ, bhikkhave, sadevake loke samārake sabrahmake sassamaṇabrāhmaṇiyā pajāya sadevamanussāya anuttaraṃ sammāsambodhiṃ abhisambuddhoti paccaññāsīṃ. Yato ca khvāhaṃ, bhikkhave, ime pañcupādānakkhandhe catuparivaṭṭaṃ yathābhūtaṃ abbhhaññāsīṃ, athāhaṃ, bhikkhave, sadevake loke...pe... sadevamanussāya anuttaraṃ sammāsambodhiṃ abhisambuddhoti paccaññāsīṃ’.

‘Kathaṅca catuparivaṭṭaṃ? Rūpaṃ abbhhaññāsīṃ, rūpasamudayaṃ abbhhaññāsīṃ, rūpanirodhaṃ abbhhaññāsīṃ, rūpanirodhagāminiṃ paṭipadaṃ abbhhaññāsīṃ; vedanaṃ... saññaṃ... saṅkhāre... viññāṇaṃ abbhhaññāsīṃ, viññāṇasamudayaṃ abbhhaññāsīṃ, viññāṇanirodhaṃ abbhhaññāsīṃ, viññāṇanirodhagāminiṃ paṭipadaṃ abbhhaññāsīṃ.

‘Katamañca, bhikkhave, rūpaṃ? Cattāro ca mahābhūtā catunnañca mahābhūtānaṃ upādāya rūpaṃ. Idaṃ vuccati, bhikkhave, rūpaṃ. Āhārasamudayā rūpasamudayo; āhāranirodhā rūpanirodho. Ayameva ariyo aṭṭhaṅgiko maggo rūpanirodhagāminī paṭipadā, seyyathidaṃ – sammādiṭṭhi...pe... sammāsamādhi.

‘Ye hi keci, bhikkhave, samaṇā vā brāhmaṇā vā evaṃ rūpaṃ abhiññāya, evaṃ rūpasamudayaṃ abhiññāya, evaṃ rūpanirodhaṃ abhiññāya, evaṃ rūpanirodhagāminiṃ paṭipadaṃ abhiññāya rūpassa nibbidāya virāgāya nirodhāya paṭipannā, te suppaṭipannā. Ye suppaṭipannā, te imasmiṃ dhammavinaye gādhanti.

‘Ye ca kho keci, bhikkhave, samaṇā vā brāhmaṇā vā evaṃ rūpaṃ abhiññāya...pe... evaṃ rūpanirodhagāminiṃ paṭipadaṃ abhiññāya, rūpassa nibbidā virāgā nirodhā anupādā vimuttā te suvimuttā. Ye suvimuttā te kevalino. Ye kevalino vaṭṭaṃ tesam natthi paññāpanāya.

‘Katamā ca, bhikkhave, vedanā? Chayime, bhikkhave, vedanākāyā – cakkhusamphassajā vedanā, sotāsamphassajā vedanā, ghānasamphassajā vedanā, jivhāsamphassajā vedanā, kāyasamphassajā vedanā, manosamphassajā vedanā. Ayaṃ vuccati, bhikkhave, vedanā. Phassasamudayā vedanāsamudayo; phassanirodhā vedanānirodho. Ayameva ariyo aṭṭhaṅgiko maggo vedanānirodhagāminī paṭipadā, seyyathidaṃ – sammādiṭṭhi...pe... sammāsamādhi.

‘Ye hi keci, bhikkhave, samaṇā vā brāhmaṇā vā evaṃ vedanaṃ abhiññāya, evaṃ vedanāsamudayaṃ abhiññāya, evaṃ vedanānirodhaṃ abhiññāya, evaṃ vedanānirodhagāminiṃ paṭipadaṃ abhiññāya vedanāya nibbidāya virāgāya nirodhāya paṭipannā, te suppaṭipannā. Ye suppaṭipannā, te imasmiṃ dhammavinaye gādhanti.

‘Ye ca kho keci, bhikkhave, samaṇā vā brāhmaṇā vā evaṃ vedanaṃ abhiññāya...pe... evaṃ vedanānirodhagāminiṃ paṭipadaṃ abhiññāya...pe... vaṭṭaṃ tesam natthi paññāpanāya.

‘Katamā ca, bhikkhave, saññā? Chayime, bhikkhave, saññākāyā – rūpasaññā, saddasaññā, gandhasaññā, rasasaññā, phoṭṭhabbasaññā, dhammasaññā. Ayaṃ vuccati, bhikkhave, saññā. Phassasamudayā saññāsamudayo; phassanirodhā saññānirodho. Ayameva ariyo aṭṭhaṅgiko maggo saññānirodhagāminī paṭipadā, seyyathidaṃ – sammādiṭṭhi...pe... sammāsamādhi...pe... vaṭṭaṃ tesam

natthi paññāpanāya.

“Katame ca, bhikkhave, saṅkhārā? Chayime, bhikkhave, cetanākāyā – rūpasañcetanā, saddasañcetanā, gandhasañcetanā, rasasañcetanā, phoṭṭhabbasañcetanā, dhammasañcetanā. Ime vuccanti, bhikkhave, saṅkhārā. Phassasamudayā saṅkhārasamudayo; phassanirodhā saṅkhāranirodho. Ayameva ariyo aṭṭhaṅgiko maggo saṅkhāranirodhagāminī paṭipadā, seyyathidaṃ – sammādiṭṭhi...pe... sammāsamādhī.

“Ye hi keci, bhikkhave, samaṇā vā brāhmaṇā vā evaṃ saṅkhāre abhiññāya, evaṃ saṅkhārasamudayaṃ abhiññāya, evaṃ saṅkhāranirodhaṃ abhiññāya, evaṃ saṅkhāranirodhagāminī paṭipadaṃ abhiññāya saṅkhārānaṃ nibbidāya virāgāya nirodhāya paṭipannā, te suppaṭipannā. Ye suppaṭipannā, te imasmiṃ dhammavinaye gādanti.

“Ye ca kho keci, bhikkhave, samaṇā vā brāhmaṇā vā evaṃ saṅkhāre abhiññāya, evaṃ saṅkhārasamudayaṃ abhiññāya, evaṃ saṅkhāranirodhaṃ abhiññāya, evaṃ saṅkhāranirodhagāminī paṭipadaṃ abhiññāya saṅkhārānaṃ nibbidā virāgā nirodhā anupādā vimuttā, te suvimuttā. Ye suvimuttā, te kevalino. Ye kevalino vaṭṭaṃ tesāṃ natthi paññāpanāya.

“Katamañca, bhikkhave, viññāṇaṃ? Chayime, bhikkhave, viññāṇakāyā – cakkhaviññāṇaṃ, sotaviññāṇaṃ, ghānaviññāṇaṃ, jivhāviññāṇaṃ, kāyaviññāṇaṃ, manoviññāṇaṃ. Idaṃ vuccati, bhikkhave, viññāṇaṃ. Nāmarūpasamudayā viññāṇasamudayo; nāmarūpanirodhā viññāṇanirodho. Ayameva ariyo aṭṭhaṅgiko maggo viññāṇanirodhagāminī paṭipadā, seyyathidaṃ – sammādiṭṭhi...pe... sammāsamādhī.

“Ye hi keci, bhikkhave, samaṇā vā brāhmaṇā vā evaṃ viññāṇaṃ abhiññāya, evaṃ viññāṇasamudayaṃ abhiññāya, evaṃ viññāṇanirodhaṃ abhiññāya, evaṃ viññāṇanirodhagāminī paṭipadaṃ abhiññāya viññāṇassa nibbidāya virāgāya nirodhāya paṭipannā, te suppaṭipannā. Ye suppaṭipannā, te imasmiṃ dhammavinaye gādanti.

“Ye ca kho keci, bhikkhave, samaṇā vā brāhmaṇā vā evaṃ viññāṇaṃ abhiññāya, evaṃ viññāṇasamudayaṃ abhiññāya, evaṃ viññāṇanirodhaṃ abhiññāya, evaṃ viññāṇanirodhagāminī paṭipadaṃ abhiññāya viññāṇassa nibbidā virāgā nirodhā anupādā vimuttā, te suvimuttā. Ye suvimuttā, te kevalino. Ye kevalino vaṭṭaṃ tesāṃ natthi paññāpanāya”ti. Catutthaṃ.

## 5. Sattaṭṭhānasuttaṃ

57. Sāvattinidānaṃ. “Sattaṭṭhānakusalo, bhikkhave, bhikkhu tividhūpaparikkhī imasmiṃ dhammavinaye kevalī vusitavā uttamapurisoti vuccati. Kathaṃca, bhikkhave, bhikkhu sattaṭṭhānakusalo hoti? Idha, bhikkhave, bhikkhu rūpaṃ pajānāti, rūpasamudayaṃ pajānāti, rūpanirodhaṃ pajānāti, rūpanirodhagāminī paṭipadaṃ pajānāti; rūpassa assādaṃ pajānāti, rūpassa ādīnaṃ pajānāti, rūpassa nissaraṇaṃ pajānāti; vedanaṃ pajānāti ... saññaṃ... saṅkhāre... viññāṇaṃ pajānāti, viññāṇasamudayaṃ pajānāti, viññāṇanirodhaṃ pajānāti, viññāṇanirodhagāminī paṭipadaṃ pajānāti; viññāṇassa assādaṃ pajānāti, viññāṇassa ādīnaṃ pajānāti, viññāṇassa nissaraṇaṃ pajānāti.

“Katamañca, bhikkhave, rūpaṃ? Cattāro ca mahābhūtā, catunnañca mahābhūtānaṃ upādāya rūpaṃ. Idaṃ vuccati, bhikkhave, rūpaṃ. Āhārasamudayā rūpasamudayo; āhāranirodhā rūpanirodho. Ayameva ariyo aṭṭhaṅgiko maggo rūpanirodhagāminī paṭipadā, seyyathidaṃ – sammādiṭṭhi...pe... sammāsamādhī.

“Yaṃ rūpaṃ paṭicca uppajjati sukhaṃ somanassaṃ – ayaṃ rūpassa assādo. Yaṃ rūpaṃ aniccaṃ dukkhaṃ vipariṇāmadhammaṃ – ayaṃ rūpassa ādīnavo. Yo rūpasmiṃ chandarāgavinayo

chandarāgappahānaṃ – idaṃ rūpassa nissaraṇaṃ.

“Ye hi keci, bhikkhave, samaṇā vā brāhmaṇā vā evaṃ rūpaṃ abhiññāya, evaṃ rūpasamudayaṃ abhiññāya, evaṃ rūpanirodhaṃ abhiññāya, evaṃ rūpanirodhagāminīṃ paṭipadaṃ abhiññāya; evaṃ rūpassa assādaṃ abhiññāya, evaṃ rūpassa ādīnaṃ abhiññāya, evaṃ rūpassa nissaraṇaṃ abhiññāya rūpassa nibbidāya virāgāya nirodhāya paṭipannā, te suppaṭipannā. Ye suppaṭipannā, te imasmim dhammavinaye gādhanti.

“Ye ca kho keci, bhikkhave, samaṇā vā brāhmaṇā vā evaṃ rūpaṃ abhiññāya, evaṃ rūpasamudayaṃ abhiññāya, evaṃ rūpanirodhaṃ abhiññāya, evaṃ rūpanirodhagāminīṃ paṭipadaṃ abhiññāya; evaṃ rūpassa assādaṃ abhiññāya, evaṃ rūpassa ādīnaṃ abhiññāya, evaṃ rūpassa nissaraṇaṃ abhiññāya rūpassa nibbidā virāgā nirodhā anupādā vimuttā, te suvimuttā. Ye suvimuttā, te kevalino. Ye kevalino vaṭṭaṃ tesam natthi paññāpanāya.

“Katamā ca, bhikkhave, vedanā? Chayime, bhikkhave, vedanākāyā – cakkhusamphassajā vedanā...pe... manosamphassajā vedanā. Ayaṃ vuccati, bhikkhave, vedanā. Phassasamudayā vedanāsamudayo; phassanirodhā vedanānirodho. Ayameva ariyo aṭṭhaṅgiko maggo vedanānirodhagāminī paṭipadā, seyyathidaṃ – sammādiṭṭhi...pe... sammāsamādhi.

“Yaṃ vedanaṃ paṭicca uppajjati sukhaṃ somanassaṃ – ayaṃ vedanāya assādo. Yā vedanā aniccā dukkhā vipariṇāmadhammā – ayaṃ vedanāya ādīnavo. Yo vedanāya chandarāgavinayo chandarāgappahānaṃ – idaṃ vedanāya nissaraṇaṃ.

“Ye hi, keci, bhikkhave, samaṇā vā brāhmaṇā vā evaṃ vedanaṃ abhiññāya, evaṃ vedanāsamudayaṃ abhiññāya, evaṃ vedanānirodhaṃ abhiññāya, evaṃ vedanānirodhagāminīṃ paṭipadaṃ abhiññāya; evaṃ vedanāya assādaṃ abhiññāya, evaṃ vedanāya ādīnaṃ abhiññāya, evaṃ vedanāya nissaraṇaṃ abhiññāya vedanāya nibbidāya virāgāya nirodhāya paṭipannā, te suppaṭipannā. Ye suppaṭipannā, te imasmim dhammavinaye gādhanti.

“Ye ca kho keci, bhikkhave, samaṇā vā brāhmaṇā vā evaṃ vedanaṃ abhiññāya...pe... vaṭṭaṃ tesam natthi paññāpanāya.

“Katamā ca, bhikkhave, saññā? Chayime, bhikkhave, saññākāyā – rūpasaññā, saddasaññā, gandhasaññā, rasasaññā, phoṭṭhabbasaññā, dhammasaññā. Ayaṃ vuccati, bhikkhave, saññā. Phassasamudayā saññāsamudayo; phassanirodhā saññānirodho. Ayameva ariyo aṭṭhaṅgiko maggo saññānirodhagāminī paṭipadā, seyyathidaṃ – sammādiṭṭhi...pe... sammāsamādhi...pe... vaṭṭaṃ tesam natthi paññāpanāya.

“Katame ca, bhikkhave, saṅkhārā? Chayime, bhikkhave, cetanākāyā – rūpasañcetanā, saddasañcetanā, gandhasañcetanā, rasasañcetanā, phoṭṭhabbasañcetanā, dhammasañcetanā. Ime vuccanti bhikkhave, saṅkhārā. Phassasamudayā saṅkhārasamudayo; phassanirodhā saṅkhāranirodho. Ayameva ariyo aṭṭhaṅgiko maggo saṅkhāranirodhagāminī paṭipadā, seyyathidaṃ – sammādiṭṭhi...pe... sammāsamādhi.

“Yaṃ saṅkhāre paṭicca uppajjati sukhaṃ somanassaṃ – ayaṃ saṅkhārānaṃ assādo. Ye saṅkhārā aniccā dukkhā vipariṇāmadhammā – ayaṃ saṅkhārānaṃ ādīnavo. Yo saṅkhāresu chandarāgavinayo chandarāgappahānaṃ – idaṃ saṅkhārānaṃ nissaraṇaṃ.

“Ye hi keci, bhikkhave, samaṇā vā brāhmaṇā vā evaṃ saṅkhāre abhiññāya, evaṃ saṅkhārasamudayaṃ abhiññāya, evaṃ saṅkhāranirodhaṃ abhiññāya, evaṃ saṅkhāranirodhagāminīṃ paṭipadaṃ abhiññāya...pe... saṅkhārānaṃ nibbidāya virāgāya nirodhāya paṭipannā te suppaṭipannā. Ye

suppaṭṭipannā, te imasmim̐ dhammavinaye gādhanti...pe... vaṭṭaṃ tesam̐ natthi paññāpanāya.

“Katamañca, bhikkhave, viññāṇaṃ? Chayime, bhikkhave, viññāṇakāyā – cakkhuvīññāṇaṃ, sotavīññāṇaṃ, ghānavīññāṇaṃ, jivhāvīññāṇaṃ, kāyavīññāṇaṃ, manovīññāṇaṃ. Idaṃ vuccati, bhikkhave, viññāṇaṃ. Nāmarūpasamudayā viññāṇasamudayo; nāmarūpanirodhā viññāṇanirodho. Ayameva ariyo aṭṭhaṅgiko maggo viññāṇanirodhagāminī paṭṭipadā, seyyathidaṃ – sammādiṭṭhi...pe... sammāsamādhī.

“Yaṃ viññāṇaṃ paṭicca uppajjati sukhaṃ somanassaṃ – ayaṃ viññāṇassa assādo. Yaṃ viññāṇaṃ aniccaṃ dukkhaṃ vipariṇāmadhammaṃ – ayaṃ viññāṇassa ādīnava. Yo viññāṇasmim̐ chandarāgavinayo chandarāgappahānaṃ – idaṃ viññāṇassa nissaraṇaṃ.

“Ye hi keci, bhikkhave, samaṇā vā brāhmaṇā vā evaṃ viññāṇaṃ abhiññāya, evaṃ viññāṇasamudayaṃ abhiññāya, evaṃ viññāṇanirodhaṃ abhiññāya, evaṃ viññāṇanirodhagāminim̐ paṭṭipadaṃ abhiññāya; evaṃ viññāṇassa assādaṃ abhiññāya, evaṃ viññāṇassa ādīnavaṃ abhiññāya, evaṃ viññāṇassa nissaraṇaṃ abhiññāya viññāṇassa nibbidāya virāgāya nirodhāya paṭṭipannā, te suppaṭṭipannā. Ye suppaṭṭipannā, te imasmim̐ dhammavinaye gādhanti.

“Ye ca kho keci, bhikkhave, samaṇā vā brāhmaṇā vā evaṃ viññāṇaṃ abhiññāya, evaṃ viññāṇasamudayaṃ abhiññāya, evaṃ viññāṇanirodhaṃ abhiññāya, evaṃ viññāṇanirodhagāminim̐ paṭṭipadaṃ abhiññāya; evaṃ viññāṇassa assādaṃ abhiññāya, evaṃ viññāṇassa ādīnavaṃ abhiññāya, evaṃ viññāṇassa nissaraṇaṃ abhiññāya viññāṇassa nibbidā virāgā nirodhā anupādā vimuttā, te suvimuttā. Ye suvimuttā, te kevalino. Ye kevalino vaṭṭaṃ tesam̐ natthi paññāpanāya. Evaṃ kho, bhikkhave, bhikkhu sattaṭṭhānakusalo hoti.

“Kathañca, bhikkhave, bhikkhu tividhūparikkhī hoti? Idha, bhikkhave, bhikkhu dhātuso upaparikkhati, āyatanaso upaparikkhati, paṭiccasamuppādaso upaparikkhati. Evaṃ kho, bhikkhave, bhikkhu tividhūparikkhī hoti. Sattaṭṭhānakusalo, bhikkhave, bhikkhu tividhūparikkhī, imasmim̐ dhammavinaye kevalī vusitavā ‘uttamapuriso’ ti vuccati’ ti. Pañcamamaṃ.

## 6. Sammāsambuddhasuttaṃ

58. Sāvattihinidānaṃ. “Tathāgato, bhikkhave, arahaṃ sammāsambuddho rūpassa nibbidā virāgā nirodhā anupādā vimutto sammāsambuddhoti vuccati. Bhikkhupi, bhikkhave, paññāvimutto rūpassa nibbidā virāgā nirodhā anupādā vimutto paññāvimuttoti vuccati.

“Tathāgato, bhikkhave, arahaṃ sammāsambuddho vedanāya nibbidā virāgā nirodhā anupādā vimutto sammāsambuddhoti vuccati. Bhikkhupi, bhikkhave, paññāvimutto vedanāya nibbidā...pe... paññāvimuttoti vuccati.

“Tathāgato, bhikkhave, arahaṃ sammāsambuddho saññāya... saṅkhārānaṃ... viññāṇassa nibbidā virāgā nirodhā anupādā vimutto sammāsambuddhoti vuccati. Bhikkhupi, bhikkhave, paññāvimutto viññāṇassa nibbidā virāgā nirodhā anupādā vimutto paññāvimuttoti vuccati.

“Tatra kho, bhikkhave, ko viseso, ko adhippayāso [adhippāyo (sī.), adhippāyaso (syā. kaṃ. pī. ka.)], kim̐ nānākaraṇaṃ, tathāgatassa arahato sammāsambuddhassa paññāvimuttena bhikkhunā’ ti? “Bhagavaṃmūlakā no, bhante, dhammā bhagavaṃnettikā bhagavaṃpaṭisaraṇā. Sādhu vata, bhante, bhagavantaññeva paṭibhātu etassa bhāsītassa attho. Bhagavato sutvā bhikkhū dhāressantī’ ti. “Tena hi, bhikkhave, suṇātha, sādhukaṃ manasī karotha; bhāsissāmī’ ti. “Evaṃ, bhante’ ti kho te bhikkhū bhagavato paccassosum̐. Bhagavā etadavoca –

“Tathāgato, bhikkhave, araham sammāsambuddho anuppanassa maggassa uppādetā, asaṅjātassa maggassa saṅjanetā [saṅjānetā (syā. kam.)], anakkhātassa maggassa akkhātā maggaññū, maggavidū, maggakovidū; maggānugā ca, bhikkhave, etarahi sāvakā viharanti pacchāsamannāgatā. Ayaṃ kho, bhikkhave, viseso, ayaṃ adhippayāso, idaṃ nānākaṇaṃ tathāgatassa arahato sammāsambuddhassa paññāvimuttana bhikkhunā”ti. Chaṭṭham.

## 7. Anattalakkhaṇasuttaṃ

59. Ekaṃ samayaṃ bhagavā bārāṇasiyaṃ viharati isipatane migadāye. Tatra kho bhagavā pañcavaggiye bhikkhū āmantesi – “bhikkhavo”ti. “Bhadante”ti te bhikkhū bhagavato paccassosum. Bhagavā etadavoca –

“Rūpaṃ, bhikkhave, anattā. Rūpañca hidaṃ, bhikkhave, attā abhavissa, nayidaṃ rūpaṃ ābādhāya saṃvatteyya, labbhettha ca rūpe – ‘evaṃ me rūpaṃ hotu, evaṃ me rūpaṃ mā ahoṣī’ti. Yasmā ca kho, bhikkhave, rūpaṃ anattā, tasmā rūpaṃ ābādhāya saṃvattati, na ca labbhati rūpe – ‘evaṃ me rūpaṃ hotu, evaṃ me rūpaṃ mā ahoṣī’”ti.

“Vedanā anattā. Vedanā ca hidaṃ, bhikkhave, attā abhavissa, nayidaṃ vedanā ābādhāya saṃvatteyya, labbhettha ca vedanāya – ‘evaṃ me vedanā hotu, evaṃ me vedanā mā ahoṣī’ti. Yasmā ca kho, bhikkhave, vedanā anattā, tasmā vedanā ābādhāya saṃvattati, na ca labbhati vedanāya – ‘evaṃ me vedanā hotu, evaṃ me vedanā mā ahoṣī’”ti.

“Saññā anattā...pe... saṅkhārā anattā. Saṅkhārā ca hidaṃ, bhikkhave, attā abhavissamsu, nayidaṃ saṅkhārā ābādhāya saṃvatteyyum, labbhettha ca saṅkhāresu – ‘evaṃ me saṅkhārā hontu, evaṃ me saṅkhārā mā ahesu’nti. Yasmā ca kho, bhikkhave, saṅkhārā anattā, tasmā saṅkhārā ābādhāya saṃvattanti, na ca labbhati saṅkhāresu – ‘evaṃ me saṅkhārā hontu, evaṃ me saṅkhārā mā ahesu’”nti.

“Viññāṇaṃ anattā. Viññāṇaṃca hidaṃ, bhikkhave, attā abhavissa, nayidaṃ viññāṇaṃ ābādhāya saṃvatteyya, labbhettha ca viññāṇe – ‘evaṃ me viññāṇaṃ hotu, evaṃ me viññāṇaṃ mā ahoṣī’ti. Yasmā ca kho, bhikkhave, viññāṇaṃ anattā, tasmā viññāṇaṃ ābādhāya saṃvattati, na ca labbhati viññāṇe – ‘evaṃ me viññāṇaṃ hotu, evaṃ me viññāṇaṃ mā ahoṣī’”ti.

“Taṃ kiṃ maññatha, bhikkhave, rūpaṃ niccaṃ vā aniccaṃ vā”ti? “Aniccaṃ, bhante”. “Yaṃ panāniccaṃ dukkhaṃ vā taṃ sukhaṃ vā”ti? “Dukkhaṃ, bhante”. “Yaṃ panāniccaṃ dukkhaṃ vipariṇāmadhammaṃ, kallaṃ nu taṃ samanupassituṃ – ‘etaṃ mama, eso hamasmi, eso me attā’”ti? “No hetam, bhante”. “Vedanā... saññā... saṅkhārā... viññāṇaṃ niccaṃ vā aniccaṃ vā”ti? “Aniccaṃ, bhante”. “Yaṃ panāniccaṃ dukkhaṃ vā taṃ sukhaṃ vā”ti? “Dukkhaṃ, bhante”. “Yaṃ panāniccaṃ dukkhaṃ vipariṇāmadhammaṃ, kallaṃ nu taṃ samanupassituṃ – ‘etaṃ mama, eso hamasmi, eso me attā’”ti? “No hetam, bhante”.

“Tasmātiha, bhikkhave, yaṃ kiñci rūpaṃ atītānāgatapaccuppannaṃ ajjhataṃ vā bahiddhā vā oḷārikaṃ vā sukhumaṃ vā hīnaṃ vā paṇītaṃ vā yaṃ dūre santike vā, sabbaṃ rūpaṃ – ‘netam mama, nesohamasmi, na meso attā’ti evametaṃ yathābhūtaṃ sammappaññāya daṭṭhabbam. Yā kāci vedanā atītānāgatapaccuppannā ajjhataṃ vā bahiddhā vā...pe... yā dūre santike vā, sabbaṃ vedanā – ‘netam mama, nesohamasmi, na meso attā’ti evametaṃ yathābhūtaṃ sammappaññāya daṭṭhabbam.

“Yā kāci saññā...pe... ye keci saṅkhārā atītānāgatapaccuppannā ajjhataṃ vā bahiddhā vā...pe... ye dūre santike vā, sabbe saṅkhārā – ‘netam mama, nesohamasmi, na meso attā’ti evametaṃ yathābhūtaṃ sammappaññāya daṭṭhabbam.

“Yaṃ kiñci viññāṇaṃ atītānāgatapaccuppannaṃ ajjhataṃ vā bahiddhā vā oḷārikaṃ vā sukhumaṃ

vā hīnaṃ vā paṇītaṃ vā yaṃ dūre santike vā, sabbaṃ viññānaṃ – ‘netam mama, nesohamasmi, na meso attā’ ti evametam yathābhūtaṃ sammappaññāya daṭṭhabbam.

“Evaṃ passaṃ, bhikkhave, sutavā ariyasāvako rūpasmimpi nibbindati, vedanāyapi nibbindati, saññāyapi nibbindati, saṅkhāresupi nibbindati, viññānasmimpi nibbindati. Nibbindaṃ virajjati; virāgā vimuccati. Vimuttasmiṃ vimuttamiti ñānaṃ hoti. ‘Khīṇā jāti, vusitaṃ brahmacariyaṃ, kataṃ karaṇīyaṃ, nāparaṃ itthattāyā’ ti pajānāti’ ti.

Idamavoca bhagavā. Attamanā pañcavaggiyā bhikkhū bhagavato bhāsitaṃ abhinandunṃ [abhinanduntī (ka.)].

Imasmiṅca pana veyyākaraṇasmiṃ bhaññamāne pañcavaggiyānaṃ bhikkhūnaṃ anupādāya āsavehi cittāni vimuccisūti. Sattamaṃ.

## 8. Mahālisuttaṃ

**60.** Evaṃ me sutam – ekaṃ samayaṃ bhagavā vesāliyaṃ viharati mahāvane kūṭāgārasālāyaṃ. Atha kho mahāli licchavi yena bhagavā tenupasaṅkami ...pe... ekamantaṃ nisinna kho mahāli licchavi bhagavantaṃ etadavoca –

“Pūraṇo, bhante, kassapo evamāha – ‘natthi hetu natthi paccayo sattānaṃ saṅkilesāya; ahetū appaccayā sattā saṅkilissanti. Natthi hetu natthi paccayo sattānaṃ visuddhiyā; ahetū appaccayā sattā visujjhanti’ ti. Idha, bhagavā kimāhā’ ti?

“Atthi, mahāli, hetu atthi paccayo sattānaṃ saṅkilesāya; sahetū sappaccayā sattā saṅkilissanti. Atthi, mahāli, hetu, atthi paccayo sattānaṃ visuddhiyā; sahetū sappaccayā sattā visujjhanti’ ti.

“Katamo pana, bhante, hetu katamo paccayo sattānaṃ saṅkilesāya; kathaṃ sahetū sappaccayā sattā saṅkilissanti’ ti?

“Rūpaṅca hidaṃ, mahāli, ekantadukkhā abhaviṣsa dukkhānupatitaṃ dukkhāvakkantaṃ anavakkantaṃ sukhena, nayidaṃ sattā rūpasmim sārājjeyyuṃ. Yasmā ca kho, mahāli, rūpaṃ sukhaṃ sukhānupatitaṃ sukhāvakkantaṃ anavakkantaṃ dukkhena, tasmā sattā rūpasmim sārājanti; sārāgā saṃyujjanti; saṃyogā saṅkilissanti. Ayaṃ kho, mahāli, hetu, ayaṃ paccayo sattānaṃ saṅkilesāya; evaṃ sahetū sappaccayā sattā saṅkilissanti.

“Vedanā ca hidaṃ, mahāli, ekantadukkhā abhaviṣsa dukkhānupatitā dukkhāvakkantā anavakkantā sukhena, nayidaṃ sattā vedanāya sārājjeyyuṃ. Yasmā ca kho, mahāli, vedanā sukhā sukhānupatitā sukhāvakkantā anavakkantā dukkhena, tasmā sattā vedanāya sārājanti; sārāgā saṃyujjanti; saṃyogā saṅkilissanti. Ayampi kho, mahāli, hetu, ayaṃ paccayo sattānaṃ saṅkilesāya. Evampi sahetū sappaccayā sattā saṅkilissanti.

“Saññā ca hidaṃ, mahāli...pe... saṅkhārā ca hidaṃ, mahāli, ekantadukkhā abhaviṣsaṃsu dukkhānupatitā dukkhāvakkantā anavakkantā sukhena, nayidaṃ sattā saṅkhāresu sārājjeyyuṃ. Yasmā ca kho, mahāli, saṅkhārā sukhā sukhānupatitā sukhāvakkantā anavakkantā dukkhena, tasmā sattā saṅkhāresu sārājanti; sārāgā saṃyujjanti; saṃyogā saṅkilissanti. Ayampi kho, mahāli, hetu, ayaṃ paccayo sattānaṃ saṅkilesāya. Evampi sahetū sappaccayā sattā saṅkilissanti.

“Viññāṇaṅca hidaṃ, mahāli, ekantadukkhā abhaviṣsa dukkhānupatitaṃ dukkhāvakkantaṃ anavakkantaṃ sukhena, nayidaṃ sattā viññānasmim sārājjeyyuṃ. Yasmā ca kho, mahāli, viññānaṃ sukhaṃ sukhānupatitaṃ sukhāvakkantaṃ anavakkantaṃ dukkhena, tasmā sattā viññānasmim sārājanti;



sārāgā saṃyujjanti; saṃyogā saṃkilissanti. Ayampi kho, mahāli, hetu ayaṃ paccayo sattānaṃ saṃkilesāya. Evampi sahetū sappaccayā sattā saṃkilissanti”ti.

“Katamo pana, bhante, hetu katamo paccayo sattānaṃ visuddhiyā; kathaṃ sahetū sappaccayā sattā visujjhanti”ti? “Rūpañca hidaṃ, mahāli, ekantasukhaṃ abhaviṣsa sukhānupatitaṃ sukhāvakkantaṃ anavakkantaṃ dukkhena, nayidaṃ sattā rūpasmiṃ nibbindeyyuṃ. Yasmā ca kho, mahāli, rūpaṃ dukkhaṃ dukkhānupatitaṃ dukkhāvakkantaṃ anavakkantaṃ sukkena, tasmā sattā rūpasmiṃ nibbindanti; nibbindaṃ virajjanti; virāgā visujjhanti. Ayaṃ kho, mahāli, hetu, ayaṃ paccayo, sattānaṃ visuddhiyā. Evaṃ sahetū sappaccayā sattā visujjhanti”.

“Vedanā ca hidaṃ, mahāli, ekantasukhā abhaviṣsa...pe... saññā ca hidaṃ, mahāli...pe... saṅkhārā ca hidaṃ, mahāli, ekantasukhā abhaviṣsaṃsu...pe... viññāṇaṃ hidaṃ, mahāli, ekantasukhaṃ abhaviṣsa sukhānupatitaṃ sukhāvakkantaṃ anavakkantaṃ dukkhena, nayidaṃ sattā viññāṇasmiṃ nibbindeyyuṃ. Yasmā ca kho, mahāli, viññāṇaṃ dukkhaṃ dukkhānupatitaṃ dukkhāvakkantaṃ anavakkantaṃ sukkena, tasmā sattā viññāṇasmiṃ nibbindanti; nibbindaṃ virajjanti; virāgā visujjhanti. Ayaṃ kho, mahāli, hetu, ayaṃ paccayo, sattānaṃ visuddhiyā. Evampi sahetū sappaccayā sattā visujjhanti”ti. Aṭṭhamaṃ.

## 9. Ādittasuttaṃ

61. Sāvattihinidānaṃ. “Rūpaṃ, bhikkhave, ādittaṃ, vedanā ādittā, saññā ādittā, saṅkhārā ādittā, viññāṇaṃ ādittaṃ. Evaṃ passaṃ, bhikkhave, sutavā ariyasāvako rūpasmiṃ nibbindati, vedanāyapi... saññāyapi... saṅkhāresupi... viññāṇasmiṃ nibbindati. Nibbindaṃ virajjati; virāgā vimuccati. Vimuttasmiṃ vimuttamiti ñāṇaṃ hoti. ‘Khīṇā jāti, vusitaṃ brahmacariyaṃ, kataṃ karaṇīyaṃ, nāparaṃ itthattāyā’ti pajānāti”ti. Navamaṃ.

## 10. Niruttipathasuttaṃ

62. Sāvattihinidānaṃ. “Tayo me, bhikkhave, niruttipathā adhivacanapathā paññattipathā asaṅkiṇṇā asaṅkiṇṇapubbā, na saṅkiyanti, na saṅkiyissanti, appaṭikuṭṭhā samaṇehi brāhmaṇehi viññūhi. Katame tayo? Yaṃ, bhikkhave, rūpaṃ atītaṃ niruddhaṃ vipariṇataṃ ‘ahosī’ti tassa saṅkhā, ‘ahosī’ti tassa samaññā, ‘ahosī’ti tassa paññatti; na tassa saṅkhā ‘atthī’ti, na tassa saṅkhā ‘bhavissatī’”ti.

“Yā vedanā atītaṃ niruddhā vipariṇatā ‘ahosī’ti tassā saṅkhā, ‘ahosī’ti tassā samaññā, ‘ahosī’ti tassā paññatti; na tassā saṅkhā ‘atthī’ti, na tassā saṅkhā ‘bhavissatī’”ti.

“Yā saññā... ye saṅkhārā atītaṃ niruddhā vipariṇatā ‘ahesu’nti tesā saṅkhā, ‘ahesu’nti tesā samaññā, ‘ahesu’nti tesā paññatti; na tesā saṅkhā ‘atthī’ti, na tesā saṅkhā ‘bhavissatī’”ti.

“Yaṃ viññāṇaṃ atītaṃ niruddhaṃ vipariṇataṃ, ‘ahosī’ti tassa saṅkhā, ‘ahosī’ti tassa samaññā, ‘ahosī’ti tassa paññatti; na tassa saṅkhā ‘atthī’ti, na tassa saṅkhā ‘bhavissatī’”ti.

“Yaṃ, bhikkhave, rūpaṃ ajātaṃ apātubhūtā, ‘bhavissatī’ti tassa saṅkhā, ‘bhavissatī’ti tassa samaññā, ‘bhavissatī’ti tassa paññatti; na tassa saṅkhā ‘atthī’ti, na tassa saṅkhā ‘ahosī’”ti.

“Yā vedanā ajātaṃ apātubhūtā, ‘bhavissatī’ti tassā saṅkhā, ‘bhavissatī’ti tassā samaññā, ‘bhavissatī’ti tassā paññatti; na tassā saṅkhā ‘atthī’ti, na tassā saṅkhā ‘ahosī’”ti.

“Yā saññā... ye saṅkhārā ajātaṃ apātubhūtā, ‘bhavissatī’ti tesā saṅkhā, ‘bhavissatī’ti tesā samaññā, ‘bhavissatī’ti tesā paññatti; na tesā saṅkhā ‘atthī’ti, na tesā saṅkhā ‘ahesu’nti.

“Yaṃ viññāṇaṃ ajātaṃ apātubhūtaṃ, ‘bhavissatī’ ti tassa saṅkhā, ‘bhavissatī’ ti tassa samaññā, ‘bhavissatī’ ti tassa paññatti; na tassa saṅkhā ‘atthī’ ti, na tassa saṅkhā ‘ahosī’” ti.

“Yaṃ, bhikkhave, rūpaṃ jātaṃ pātubhūtaṃ, ‘atthī’ ti tassa saṅkhā, ‘atthī’ ti tassa samaññā, ‘atthī’ ti tassa paññatti; na tassa saṅkhā ‘ahosī’ ti, na tassa saṅkhā ‘bhavissatī’” ti.

“Yā vedanā jātā pātubhūtā, ‘atthī’ ti tassā saṅkhā, ‘atthī’ ti tassā samaññā, ‘atthī’ ti tassā paññatti; na tassā saṅkhā ‘ahosī’ ti, na tassā saṅkhā ‘bhavissatī’” ti.

“Yā saññā... ye saṅkhārā jātā pātubhūtā, ‘atthī’ ti tesam saṅkhā, ‘atthī’ ti tesam samaññā, ‘atthī’ ti tesam paññatti; na tesam saṅkhā ‘ahesu’ nti, na tesam saṅkhā, ‘bhavissatī’” ti.

“Yaṃ viññāṇaṃ jātaṃ pātubhūtaṃ, ‘atthī’ ti tassa saṅkhā, ‘atthī’ ti tassa samaññā, ‘atthī’ ti tassa paññatti; na tassa saṅkhā ‘ahosī’ ti, na tassa saṅkhā ‘bhavissatī’” ti.

“Ime kho, bhikkhave, tayo niruttipathā adhivacanapathā paññattipathā asaṅkiṇṇā asaṅkiṇṇapubbā, na saṅkiyanti, na saṅkiyissanti, appaṭikuṭṭhā samaṇehi brāhmaṇehi viññūhi. Yepi te, bhikkhave, ahesuṃ ukkalā vassabhaññā [okkalā vayabhiññā (ma. ni. 3.343)] ahetukavādā akiriyavādā natthikavādā, tepime tayo niruttipathe adhivacanapathe paññattipathe na garahitabbaṃ nappaṭikkositabbaṃ amaññiṃsu. Taṃ kissa hetu? Nindāghaṭṭanabyārosaupārambhahayā” ti [nindābyārosaupārambhahayāti (sī. syā. kaṃ. pī.) ma. ni. 3.343].

## Upayavaggo chaṭṭho.

Tassuddānaṃ –

Upayo bījaṃ udānaṃ, upādānaparivattaṃ;  
Sattaṭṭhānaṅca sambuddho, pañcamahāli ādittā.  
Vaggo niruttipathena cāti.

## 7. Arahantavaggo

### 1. Upādiyamānasuttaṃ

63. Evaṃ me suttaṃ – ekaṃ samayaṃ bhagavā sāvatthiyaṃ viharatī jetavane anāthapiṇḍikassa ārāme. Atha kho aññataro bhikkhu yena bhagavā tenupasaṅkami; upasaṅkamitvā bhagavantaṃ abhivādetvā ekamantaṃ nisīdi. Ekamantaṃ nisinno kho so bhikkhu bhagavantaṃ etadavoca – “sādhu me, bhante, bhagavā saṃkhittena dhammaṃ desetu yamaṃ bhagavato dhammaṃ sutvā eko vūpakaṭṭho appamatto ātāpī pahitatto vihareyya” nti. “Upādiyamāno kho, bhikkhu, baddho mārassa; anupādiyamāno mutto pāpimato” ti. “Aññātaṃ bhagavā, aññātaṃ sugatā” ti.

“Yathā kathaṃ pana tvaṃ, bhikkhu, mayā saṃkhittena bhāsitassa vitthārena atthaṃ ājānāsī” ti? “Rūpaṃ kho, bhante, upādiyamāno baddho mārassa; anupādiyamāno mutto pāpimato. Vedanaṃ upādiyamāno baddho mārassa; anupādiyamāno mutto pāpimato. Saññaṃ... saṅkhāre... viññāṇaṃ upādiyamāno baddho mārassa; anupādiyamāno mutto pāpimato. Imassa khvāhaṃ, bhante, bhagavatā saṃkhittena bhāsitassa evaṃ vitthārena atthaṃ ājānāmī” ti.

“Sādhu sādhu, bhikkhu! Sādhu kho tvaṃ, bhikkhu, mayā saṃkhittena bhāsitassa vitthārena atthaṃ ājānāsī. Rūpaṃ kho, bhikkhu, upādiyamāno baddho mārassa; anupādiyamāno mutto pāpimato. Vedanaṃ... saññaṃ... saṅkhāre... viññāṇaṃ upādiyamāno baddho mārassa; anupādiyamāno mutto pāpimato. Imassa kho, bhikkhu, mayā saṃkhittena bhāsitassa evaṃ vitthārena atthaṃ daṭṭhabbo” ti.

Atha kho so bhikkhu bhagavato bhāsitaṃ abhinanditvā anumoditvā uṭṭhāyāsanaṃ bhagavantam abhivādetvā padakkhiṇaṃ katvā pakkāmi. Atha kho so bhikkhu eko vūpakaṭṭho appamatto ātāpī pahitatto viharanto nacirasseva – yassatthāya kulaputtā sammadeva agārasmā anagāriyaṃ pabbajanti tadanuttaraṃ – brahmacariyapariyosānaṃ diṭṭheva dhamme sayam abhiññā sacchikatvā upasampajja viharati. “Khīṇā jāti, vusitaṃ brahmacariyaṃ, kataṃ karanīyaṃ, nāparaṃ itthattāyā”ti abbhaññasi. Aññataro ca pana so bhikkhu arahataṃ ahoṣīti. Paṭhamaṃ.

## 2. Maññamānasuttaṃ

64. Sāvattihinidānaṃ. Atha kho aññataro bhikkhu...pe... ekamantaṃ nisinna kho so bhikkhu bhagavantam etadavoca – “sādhu me, bhante, bhagavā saṃkhittena dhammaṃ desetu...pe... ātāpī pahitatto vihareyya”nti. “Maññamāno kho, bhikkhu, baddho māraṣa; amaññamāno mutto pāpimato”ti. “Aññātaṃ bhagavā, aññātaṃ sugatā”ti.

“Yathā kathaṃ pana tvaṃ, bhikkhu, mayā saṃkhittena bhāsitaṣa vitthārena atthaṃ ājānāsī”ti? “Rūpaṃ kho, bhante, maññamāno baddho māraṣa; amaññamāno mutto pāpimato. Vedanaṃ... saññaṃ... saṅkhāre... viññāṇaṃ maññamāno baddho māraṣa; amaññamāno mutto pāpimato. Imassa khvāhaṃ, bhante, bhagavatā saṃkhittena bhāsitaṣa evaṃ vitthārena atthaṃ ājānāmī”ti.

“Sādhu sādhu, bhikkhu! Sādhu kho tvaṃ, bhikkhu, mayā saṃkhittena bhāsitaṣa vitthārena atthaṃ ājānāsī. Rūpaṃ kho, bhikkhu, maññamāno baddho māraṣa; amaññamāno mutto pāpimato. Vedanaṃ... saññaṃ... saṅkhāre... viññāṇaṃ maññamāno baddho māraṣa; amaññamāno mutto pāpimato. Imassa kho, bhikkhu, mayā saṃkhittena bhāsitaṣa evaṃ vitthārena atthaṃ daṭṭhabbo”ti...pe... aññataro ca pana so bhikkhu arahataṃ ahoṣīti. Dutiyaṃ.

## 3. Abhinandamānasuttaṃ

65. Sāvattihinidānaṃ. Atha kho aññataro bhikkhu...pe... ekamantaṃ nisinna kho so bhikkhu bhagavantam etadavoca – “sādhu me, bhante, bhagavā saṃkhittena...pe... pahitatto vihareyya”nti. “Abhinandamāno kho, bhikkhu, baddho māraṣa; anabhinandamāno mutto pāpimato”ti. “Aññātaṃ bhagavā, aññātaṃ sugatā”ti.

“Yathā kathaṃ pana tvaṃ, bhikkhu, mayā saṃkhittena bhāsitaṣa vitthārena atthaṃ ājānāsī”ti? “Rūpaṃ kho, bhante, abhinandamāno baddho māraṣa; anabhinandamāno mutto pāpimato. Vedanaṃ... saññaṃ... saṅkhāre... viññāṇaṃ abhinandamāno baddho māraṣa; anabhinandamāno mutto pāpimato. Imassa khvāhaṃ, bhante, bhagavatā saṃkhittena bhāsitaṣa evaṃ vitthārena atthaṃ ājānāmī”ti.

“Sādhu sādhu, bhikkhu! Sādhu kho tvaṃ, bhikkhu, mayā saṃkhittena bhāsitaṣa vitthārena atthaṃ ājānāsī. Rūpaṃ kho, bhikkhu, abhinandamāno baddho māraṣa; anabhinandamāno mutto pāpimato. Vedanaṃ... saññaṃ... saṅkhāre... viññāṇaṃ abhinandamāno baddho māraṣa; anabhinandamāno mutto pāpimato. Imassa kho, bhikkhu, mayā saṃkhittena bhāsitaṣa evaṃ vitthārena atthaṃ daṭṭhabbo”ti...pe... aññataro ca pana so bhikkhu arahataṃ ahoṣīti. Tatiyaṃ.

## 4. Aniccasuttaṃ

66. Sāvattihinidānaṃ. Atha kho aññataro bhikkhu...pe... ekamantaṃ nisinna kho so bhikkhu bhagavantam etadavoca – “sādhu me, bhante, bhagavā saṃkhittena dhammaṃ desetu...pe... ātāpī pahitatto vihareyya”nti. “Yaṃ kho, bhikkhu, aniccaṃ; tatra te chando pahātabbo”ti. “Aññātaṃ bhagavā; aññātaṃ sugatā”ti.

“Yathā kathaṃ pana tvaṃ, bhikkhu, mayā saṃkhittena bhāsitaṣa vitthārena atthaṃ ājānāsī”ti?

“Rūpaṃ kho, bhante, aniccaṃ; tatra me chando pahātabbo. Vedanā... saññā... saṅkhārā... viññāṇaṃ aniccaṃ; tatra me chando pahātabbo. Imassa khvāhaṃ, bhante, bhagavatā saṃkhittena bhāsītassa evaṃ vitthārena atthaṃ ājānāmi”’ti.

“Sādhu sādhu, bhikkhu! Sādhu kho tvaṃ, bhikkhu, mayā saṃkhittena bhāsītassa vitthārena atthaṃ ājānāsi. Rūpaṃ kho, bhikkhu, aniccaṃ; tatra te chando pahātabbo. Vedanā aniccā... saññā... saṅkhārā... viññāṇaṃ aniccaṃ; tatra kho te chando pahātabbo. Imassa kho, bhikkhu, mayā saṃkhittena bhāsītassa evaṃ vitthārena atthaṃ daṭṭhabbo”’ti...pe... aññataro ca pana so bhikkhu arahataṃ ahoṣīti. Catutthaṃ.

## 5. Dukkhasuttaṃ

67. Sāvattihinidānaṃ. Atha kho aññataro bhikkhu...pe... ekamantaṃ nisinno kho so bhikkhu bhagavantaṃ etadavoca – “sādhu me, bhante, bhagavā saṃkhittena dhammaṃ desetu...pe... ātāpī pahitatto vihareyya”’nti. “Yaṃ kho, bhikkhu, dukkhaṃ; tatra te chando pahātabbo”’ti. “Aññātaṃ bhagavā; aññātaṃ sugatā”’ti.

“Yathā kathaṃ pana tvaṃ, bhikkhu, mayā saṃkhittena bhāsītassa vitthārena atthaṃ ājānāsi”’ti? “Rūpaṃ kho, bhante, dukkhaṃ; tatra me chando pahātabbo. Vedanā... saññā... saṅkhārā... viññāṇaṃ dukkhaṃ; tatra me chando pahātabbo. Imassa khvāhaṃ, bhante, bhagavatā saṃkhittena bhāsītassa evaṃ vitthārena atthaṃ ājānāmi”’ti.

“Sādhu sādhu, bhikkhu! Sādhu kho tvaṃ, bhikkhu, mayā saṃkhittena bhāsītassa vitthārena atthaṃ ājānāsi. Rūpaṃ kho bhikkhu, dukkhaṃ; tatra te chando pahātabbo. Vedanā... saññā... saṅkhārā... viññāṇaṃ dukkhaṃ; tatra te chando pahātabbo. Imassa kho, bhikkhu, mayā saṃkhittena bhāsītassa evaṃ vitthārena atthaṃ daṭṭhabbo”’ti...pe... aññataro ca pana so bhikkhu arahataṃ ahoṣīti. Pañcamaṃ.

## 6. Anattasuttaṃ

68. Sāvattihinidānaṃ. Atha kho aññataro bhikkhu...pe... ekamantaṃ nisinno kho so bhikkhu bhagavantaṃ etadavoca – “sādhu me, bhante, bhagavā saṃkhittena dhammaṃ desetu...pe... ātāpī pahitatto vihareyya”’nti. “Yo kho, bhikkhu, anattā; tatra te chando pahātabbo”’ti. “Aññātaṃ, bhagavā; aññātaṃ, sugatā”’ti.

“Yathā kathaṃ pana tvaṃ, bhikkhu, mayā saṃkhittena bhāsītassa vitthārena atthaṃ ājānāsi”’ti? “Rūpaṃ kho, bhante, anattā; tatra me chando pahātabbo. Vedanā... saññā... saṅkhārā... viññāṇaṃ anattā; tatra me chando pahātabbo. Imassa khvāhaṃ, bhante, bhagavatā saṃkhittena bhāsītassa evaṃ vitthārena atthaṃ ājānāmi”’ti.

“Sādhu sādhu, bhikkhu! Sādhu kho tvaṃ, bhikkhu, mayā saṃkhittena bhāsītassa vitthārena atthaṃ ājānāsi. Rūpaṃ kho, bhikkhu, anattā; tatra te chando pahātabbo. Vedanā... saññā... saṅkhārā... viññāṇaṃ anattā; tatra te chando pahātabbo. Imassa kho, bhikkhu, mayā saṃkhittena bhāsītassa evaṃ vitthārena atthaṃ daṭṭhabbo”’ti...pe... aññataro ca pana so bhikkhu arahataṃ ahoṣīti. Chaṭṭhaṃ.

## 7. Anattaniyasuttaṃ

69. Sāvattihinidānaṃ. Atha kho aññataro bhikkhu...pe... ekamantaṃ nisinno kho so bhikkhu bhagavantaṃ etadavoca – “sādhu me, bhante, bhagavā saṃkhittena dhammaṃ desetu...pe... vihareyya”’nti. “Yaṃ kho, bhikkhu, anattaniyaṃ; tatra te chando pahātabbo”’ti. “Aññātaṃ, bhagavā; aññātaṃ, sugatā”’ti.

“Yathā kathaṃ pana tvaṃ, bhikkhu, mayā saṃkhittena bhāsītassa vitthārena atthaṃ ājānāsi”’ti?

“Rūpaṃ kho, bhante, anattaniyaṃ; tatra me chando pahātabbo. Vedanā... saññā... saṅkhārā... viññāṇaṃ anattaniyaṃ; tatra me chando pahātabbo. Imassa khvāhaṃ, bhante, bhagavatā saṃkhittena bhāsītassa evaṃ vitthārena atthaṃ ājānāmi”’ti.

“Sādhu sādhu, bhikkhu! Sādhu kho tvaṃ, bhikkhu, mayā saṃkhittena bhāsītassa vitthārena atthaṃ ājānāsi. Rūpaṃ kho, bhikkhu, anattaniyaṃ; tatra te chando pahātabbo. Vedanā ... saññā... saṅkhārā... viññāṇaṃ anattaniyaṃ; tatra te chando pahātabbo. Imassa kho, bhikkhu, mayā saṃkhittena bhāsītassa evaṃ vitthārena atthaṃ daṭṭhabbo”’ti...pe... aññataro ca pana so bhikkhu arahataṃ ahoṣīti. Sattamaṃ.

## 8. Rajanīyasaṅghitasuttaṃ

70. Sāvattihinidānaṃ. Atha kho aññataro bhikkhu...pe... ekamantaṃ nisinno kho so bhikkhu bhagavantaṃ etadavoca – “sādhu me, bhante, bhagavā saṃkhittena dhammaṃ desetu, yamaṃ bhagavato dhammaṃ sutvā...pe... vihareyya”’nti. “Yaṃ kho, bhikkhu, rajanīyasaṅghitaṃ; tatra te chando pahātabbo”’ti. “Aññātaṃ, bhagavā; aññātaṃ, sugatā”’ti.

“Yathā kathaṃ pana tvaṃ, bhikkhu, mayā saṃkhittena bhāsītassa vitthārena atthaṃ ājānāsi”’ti? “Rūpaṃ kho, bhante, rajanīyasaṅghitaṃ; tatra me chando pahātabbo. Vedanā... saññā... saṅkhārā... viññāṇaṃ rajanīyasaṅghitaṃ; tatra me chando pahātabbo. Imassa khvāhaṃ, bhante, bhagavatā saṃkhittena bhāsītassa evaṃ vitthārena atthaṃ ājānāmi”’ti.

“Sādhu sādhu bhikkhu! Sādhu kho tvaṃ, bhikkhu, mayā saṃkhittena bhāsītassa vitthārena atthaṃ ājānāsi. Rūpaṃ kho, bhikkhu, rajanīyasaṅghitaṃ; tatra te chando pahātabbo. Vedanā... saññā... saṅkhārā... viññāṇaṃ rajanīyasaṅghitaṃ; tatra te chando pahātabbo. Imassa kho, bhikkhu, mayā saṃkhittena bhāsītassa evaṃ vitthārena atthaṃ daṭṭhabbo”’ti...pe... aññataro ca pana so bhikkhu arahataṃ ahoṣīti. Atthamaṃ.

## 9. Rādhasuttaṃ

71. Sāvattihinidānaṃ. Atha kho āyasmā rādho yena bhagavā tenupasaṅkami; upasaṅkamitvā bhagavantaṃ etadavoca – “kathaṃ nu kho, bhante, jānato, kathaṃ passato imasmiṅca saviññāṇake kāye bahiddhā ca sabbanimittesu ahaṅkāramamaṅkāramānānusayā na hontī”’ti? “Yaṃ kiñci, rādha, rūpaṃ atītānāgatapaccuppannaṃ ajjhataṃ vā bahiddhā vā oḷārikaṃ vā sukhumaṃ vā hīnaṃ vā paṇītaṃ vā yaṃ dūre santike vā, sabbaṃ rūpaṃ – ‘netam mama, nesohamasmi, na meso attā’’ti evametaṃ yathābhūtaṃ sammappaññāya passati. Yā kāci vedanā... yā kāci saññā... ye keci saṅkhārā... yaṃ kiñci viññāṇaṃ atītānāgatapaccuppannaṃ...pe... yaṃ dūre santike vā, sabbaṃ viññāṇaṃ – ‘netam mama, nesohamasmi, na meso attā’’ti evametaṃ yathābhūtaṃ sammappaññāya passati. Evaṃ kho, rādha, jānato evaṃ passato imasmiṅca saviññāṇake kāye bahiddhā ca sabbanimittesu ahaṅkāramamaṅkāramānānusayā na hontī”’ti...pe... aññataro ca panāyasmā rādho arahataṃ ahoṣīti. Navamaṃ.

## 10. Surādhasuttaṃ

72. Sāvattihinidānaṃ. Atha kho āyasmā surādho bhagavantaṃ etadavoca – “kathaṃ nu kho, bhante, jānato kathaṃ passato imasmiṅca saviññāṇake kāye bahiddhā ca sabbanimittesu ahaṅkāramamaṅkāramānāpagataṃ mānaṃ hoti, vidhā samatikkantaṃ santaṃ suvimutta”’nti? “Yaṃ kiñci, surādha, rūpaṃ atītānāgatapaccuppannaṃ...pe... yaṃ dūre santike vā, sabbaṃ rūpaṃ – ‘netam mama, nesohamasmi, na meso attā’’ti evametaṃ yathābhūtaṃ sammappaññāya disvā anupādāvimutto hoti. Yā kāci vedanā... yā kāci saññā... ye keci saṅkhārā... yaṃ kiñci viññāṇaṃ atītānāgatapaccuppannaṃ ajjhataṃ vā bahiddhā vā oḷārikaṃ vā sukhumaṃ vā hīnaṃ vā paṇītaṃ vā yaṃ dūre santike vā, sabbaṃ viññāṇaṃ – ‘netam mama, nesohamasmi, na meso attā’’ti evametaṃ

yathābhūtaṃ sammappaññāya disvā anupādāvimutto hoti. Evaṃ kho, surādha, jānato evaṃ passato imasmiṃca saviññāṇake kāye, bahiddhā ca sabbanimittesu ahankāramamañkāramānāpagataṃ mānaṣaṃ hoti vidhā samatikkantaṃ santaṃ suvimutta’nti...pe... aññataro ca pañāyasmā surādho arahataṃ ahoṣīti. Dasamaṃ.

Arahantavaggo sattamo.

Tassuddānaṃ –

Upādiyamaññamānā, athābhinandamāno ca;  
Aniccaṃ dukkhaṃ anattā ca, anattanīyaṃ rajanīyaṣaṇṭhitaṃ;  
Rādhasurādheṇa te dasāti.

## 8. Khajjanīyavaggo

### 1. Assādasuttaṃ

73. Sāvattihinidānaṃ. “Assutavā, bhikkhave, puthujjano rūpassa assādañca ādīnañca nissaraṇaṇca yathābhūtaṃ nappajānāti. Vedanāya... saññāya... sañkhārānaṃ... viññāṇassa assādañca ādīnañca nissaraṇaṇca yathābhūtaṃ nappajānāti. Sutavā ca kho, bhikkhave, ariyasāvako rūpassa assādañca ādīnañca nissaraṇaṇca yathābhūtaṃ pajānāti. Vedanā ... saññāya... sañkhārānaṃ... viññāṇassa assādañca ādīnañca nissaraṇaṇca yathābhūtaṃ pajānāti’ ti. Paṭhamamaṃ.

### 2. Samudayasuttaṃ

74. Sāvattihinidānaṃ. “Assutavā, bhikkhave, puthujjano rūpassa samudayañca atthaṅgamañca assādañca ādīnañca nissaraṇaṇca yathābhūtaṃ nappajānāti. Vedanāya... saññāya... sañkhārānaṃ... viññāṇassa samudayañca atthaṅgamañca assādañca ādīnañca nissaraṇaṇca yathābhūtaṃ nappajānāti. Sutavā ca kho, bhikkhave, ariyasāvako rūpassa samudayañca atthaṅgamañca assādañca ādīnañca nissaraṇaṇca yathābhūtaṃ pajānāti. Vedanāya... saññāya... sañkhārānaṃ... viññāṇassa samudayañca atthaṅgamañca assādañca ādīnañca nissaraṇaṇca yathābhūtaṃ pajānāti’ ti. Dutiyamaṃ.

### 3. Dutiyasamudayasuttaṃ

75. Sāvattihinidānaṃ. “Sutavā, bhikkhave, ariyasāvako rūpassa samudayañca atthaṅgamañca assādañca ādīnañca nissaraṇaṇca yathābhūtaṃ pajānāti. Vedanāya... saññāya... sañkhārānaṃ... viññāṇassa samudayañca atthaṅgamañca assādañca ādīnañca nissaraṇaṇca yathābhūtaṃ pajānāti’ ti. Tatiyamaṃ.

### 4. Arahantasuttaṃ

76. Sāvattihinidānaṃ. “Rūpaṃ, bhikkhave, aniccaṃ. Yadaniccaṃ taṃ dukkhaṃ; yaṃ dukkhaṃ tadanattā; yadanattā taṃ ‘netaṃ mama, nesohamasmi, na meso attā’ ti evameṭaṃ yathābhūtaṃ sammappaññāya daṭṭhabbaṃ. Vedanā... saññā... sañkhārā... viññāṇaṃ aniccaṃ. Yadaniccaṃ taṃ dukkhaṃ; yaṃ dukkhaṃ tadanattā; yadanattā taṃ ‘netaṃ mama, nesohamasmi, na meso attā’ ti evameṭaṃ yathābhūtaṃ sammappaññāya daṭṭhabbaṃ’.

“Evaṃ passaṃ, bhikkhave, sutavā ariyasāvako rūpasmimpi nibbindati, vedanāyapi... saññāyapi... sañkhāresupi... viññāṇasmimpi nibbindati. Nibbindaṃ virajjati; virāgā vimuccati. Vimuttasmiṃ vimuttamitī ñāṇaṃ hoti. ‘Khīṇā jāti, vusitaṃ brahmacariyaṃ, kataṃ karaṇīyaṃ, nāparaṃ itthattāyā’ ti

pajānāti. Yāvatā, bhikkhave, sattāvāsā, yāvatā bhavaggaṃ, ete aggā, ete seṭṭhā lokasmiṃ yadidaṃ arahanto”ti.

Idamavoca bhagavā. Idam vatvāna sugato athāparaṃ etadavoca satthā –

“Sukhino vata arahanto, taṇhā tesam na vijjati;  
Asmimāno samucchino, mohajālaṃ padālitaṃ.

“Anejaṃ te anuppattā, cittaṃ tesam anāvilam;  
Loke anupalittā te, brahmabhūtā anāsavā.

“Pañcakkhandhe pariññāya, satta saddhammagocarā;  
Pasaṃsiyā sappurisā, puttā buddhassa orasā.

“Sattaratanasampannā, tīsu sikkhāsu sikkhitā;  
Anuvicaranti mahāvīrā, pahīnabhayabheravā.

“Dasahaṅgehi sampannā, mahānāgā samāhitā;  
Ete kho seṭṭhā lokasmiṃ, taṇhā tesam na vijjati.

“Asekhaññaṃmuppannaṃ, antimoyaṃ [antimassa (ka.)] samussayo;  
Yo sāro brahmacariyassa, tasmiṃ aparapaccayā.

“Vidhāsu na vikampanti, vipparamuttā punabbhavā;  
Dantabhūmimanuppattā, te loke vijitāvino.

“Uddhaṃ tiriyaṃ apācīnaṃ, nandī tesam na vijjati;  
Nadanti te sīhanādaṃ, buddhā loke anuttarā”ti. catutthaṃ;

## 5. Dutiyāarahantasuttaṃ

77. Sāvattihinidānaṃ. “Rūpaṃ, bhikkhave, aniccaṃ. Yadaniccaṃ taṃ dukkhaṃ; yaṃ dukkhaṃ tadanattā; yadanattā taṃ ‘netaṃ mama, nesohasmaṃ, na meso attā’ti...pe... evamevaṃ yathābhūtaṃ sammappaññāya daṭṭhabbaṃ”.

“Evaṃ passaṃ, bhikkhave, sutavā ariyasāvako rūpasmiṃpi nibbindati, vedanāyapi... saññāyapi... saṅkhāresupi... viññāṇasmiṃpi nibbindati. Nibbindaṃ virajjati; virāgā vimuccati. Vimuttasmiṃ vimuttamitī ñāṇaṃ hoti. ‘Khīṇā jāti, vusitaṃ brahmacariyaṃ, kataṃ karaṇīyaṃ, nāparaṃ itthattāyā’ti pajānāti. Yāvatā, bhikkhave, sattāvāsā, yāvatā bhavaggaṃ, ete aggā, ete seṭṭhā lokasmiṃ yadidaṃ arahanto”ti. Pañcamaṃ.

## 6. Sīhasuttaṃ

78. Sāvattihinidānaṃ. “Sīho, bhikkhave, migarājā sāyanhasamayaṃ āsayā nikkhamati; āsayā nikkhamitvā vijambhati; vijambhitvā samantā catuddisā anuviloketi; samantā catuddisā anuviloketvā tikkhattuṃ sīhanādaṃ nadati; tikkhattuṃ sīhanādaṃ naditvā gocarāya pakkamati. Ye hi keci, bhikkhave, tiracchānagatā pāṇā sīhassa migarañño nadato saddaṃ suṇanti; yebhuyyena bhayaṃ samvegaṃ santāsaṃ apajjanti; bilaṃ bilāsayā pavisanti; dakaṃ dakāsayā pavisanti; vanaṃ vanāsayā pavisanti; ākāsaṃ pakkhino bhajanti. Yepi te, bhikkhave, rañño nāgā gāmanigamarājadhānīsu, daḷhehi varattehi baddhā, tepi tāni bandhanāni sañchinditvā sampadāletvā bhītā muttakarīsaṃ cājamānā [mocantā (pī.

ka.)], yena vā tena vā palāyanti. Evaṃ mahiddhiko kho, bhikkhave, sīho migarājā tiracchānagatānaṃ pāṇānaṃ, evaṃ mahesakkho, evaṃ mahānubhāvo”.

“Evameva kho, bhikkhave, yadā tathāgato loka uppajjati arahamaṃ sammāsambuddho vijjācaraṇasampanno sugato lokavidū anuttaro purisadammasārathi satthā devamanussānaṃ buddho bhagavā. So dhammaṃ deseti – ‘iti rūpaṃ, iti rūpassa samudayo, iti rūpassa atthaṅgamo; iti vedanā... iti saññā... iti saṅkhārā... iti viññāṇaṃ, iti viññāṇassa samudayo, iti viññāṇassa atthaṅgamo’ ti. Yepi te, bhikkhave, devā dīghāyukā vaṇṇavanto sukhabahulā uccesu vimānesu ciraṭṭhitikā tepi tathāgatassa dhammadesanaṃ sutvā yebhuyyena bhayaṃ saṃvegaṃ santāsaṃ āpajjanti – ‘aniccāva kira, bho, mayaṃ samānā niccamhāti amaññimha. Addhuvāva kira, bho, mayaṃ samānā dhuvamhāti amaññimha. Asassatāva kira, bho, mayaṃ samānā sassatamhāti amaññimha. Mayampi kira, bho, aniccā addhuvā asassatā sakkāyapariyāpanā’ ti. Evaṃ mahiddhiko kho, bhikkhave, tathāgato sadevakassa lokassa, evaṃ mahesakkho, evaṃ mahānubhāvo” ti. Idamavoca bhagavā...pe... etadavoca satthā –

“Yadā buddho abhiññāya, dhammacakkaṃ pavattayi;  
Sadevakassa lokassa, satthā appaṭipuggalo.

“Sakkāyañca nirodhañca, sakkāyassa ca sambhavaṃ;  
Ariyañcaṭṭhaṅgikaṃ maggaṃ, dukkhūpasamagāmināṃ.

“Yepi dīghāyukā devā, vaṇṇavanto yasassino;  
Bhītā santāsamāpādum, sīhassevitare migā.

Avītivattā sakkāyaṃ, aniccā kira bho mayaṃ;  
Sutvā arahato vākyāṃ, vippamuttassa tādino” ti. chaṭṭhaṃ;

## 7. Khajjanīyasuttaṃ

79. Sāvattihinidānaṃ. “Ye hi keci, bhikkhave, samaṇā vā brāhmaṇā vā anekavihitaṃ pubbenivāsaṃ anussaramānā anussaranti sabbete pañcupādānakkhandhe anussaranti etesaṃ vā aññataraṃ. Katame pañca? ‘Evaṃrūpo ahoṣiṃ atītamaddhāna’nti – iti vā hi, bhikkhave, anussaramāno rūpaṃyeva anussarati. ‘Evaṃvedano ahoṣiṃ atītamaddhāna’nti – iti vā hi, bhikkhave, anussaramāno vedanaṃyeva anussarati. ‘Evaṃsañño ahoṣiṃ atītamaddhāna’nti... ‘evaṃsaṅkhāro ahoṣiṃ atītamaddhāna’nti... ‘evaṃviññāṇo ahoṣiṃ atītamaddhāna’nti – iti vā hi, bhikkhave, anussaramāno viññāṇameva anussarati”.

“Kiñca, bhikkhave, rūpaṃ vadetha? Ruppattīti kho, bhikkhave, tasmā ‘rūpa’nti vuccati. Kena ruppatti? Sītenapi ruppatti, uñhenapi ruppatti, jighacchāyapi ruppatti, pipāsāyapi ruppatti, ḍaṃsamakasavātātapasarīsapasamphassenapi [... sirimśapasamphassenapi (sī. pī.)] ruppatti. Ruppattīti kho, bhikkhave, tasmā ‘rūpa’nti vuccati.

“Kiñca, bhikkhave, vedanaṃ vadetha? Vedayatīti kho, bhikkhave, tasmā ‘vedanā’nti vuccati. Kiñca vedayati? Sukhampi vedayati, dukkhampi vedayati, adukkhamasukhampi vedayati. Vedayatīti kho, bhikkhave, tasmā ‘vedanā’nti vuccati.

“Kiñca, bhikkhave, saññaṃ vadetha? Sañjānātīti kho, bhikkhave, tasmā ‘saññā’nti vuccati. Kiñca sañjānāti? Nīlampi sañjānāti, pītakampi sañjānāti, lohitaṅkampi sañjānāti, odātampi sañjānāti. Sañjānātīti kho, bhikkhave, tasmā ‘saññā’nti vuccati.

“Kiñca, bhikkhave, saṅkhāre vadetha? Saṅkhatamabhisaṅkharontīti kho, bhikkhave, tasmā ‘saṅkhārā’nti vuccati. Kiñca saṅkhatamabhisaṅkharonti? Rūpaṃ rūpattāya [rūpatthāya (ka.)] saṅkhatamabhisaṅkharonti, vedanaṃ vedanattāya saṅkhatamabhisaṅkharonti, saññaṃ saññattāya



saṅkhatamabhisāṅkharonti, saṅkhāre saṅkhārattāya saṅkhatamabhisāṅkharonti, viññāṇaṃ viññāṇattāya saṅkhatamabhisāṅkharonti. Saṅkhatamabhisāṅkharontīti kho, bhikkhave, tasmā ‘saṅkhārā’ti vuccati.

“Kiñca, bhikkhave, viññāṇaṃ vadetha? Vijānātīti kho, bhikkhave, tasmā ‘viññāṇa’nti vuccati. Kiñca vijānāti? Ambilampi vijānāti, tittakampi vijānāti, kaṭukampi vijānāti, madhurampi vijānāti, khārikampi vijānāti, akhārikampi vijānāti, loṇikampi vijānāti, aloṇikampi vijānāti. Vijānātīti kho, bhikkhave, tasmā ‘viññāṇa’nti vuccati.

“Tatra, bhikkhave, sutavā ariyasāvako iti paṭisañcikkhati – ‘ahaṃ kho etarahi rūpena khajjāmi. Atītampāhaṃ addhānaṃ evameva rūpena khajjīṃ, seyyathāpi etarahi paccuppanna rūpena khajjāmi. Ahañceva kho pana anāgataṃ rūpaṃ abhinandeyyaṃ, anāgatampāhaṃ addhānaṃ evameva rūpena khajjeyyaṃ, seyyathāpi etarahi paccuppanna rūpena khajjāmī’ti. So iti paṭisaṅkhāya atītasmiṃ rūpasmiṃ anapekkho hoti; anāgataṃ rūpaṃ nābhinandati; paccuppanna rūpassa nibbidāya virāgāya nirodhāya paṭipanno hoti.

“Ahaṃ kho etarahi vedanāya khajjāmi. Atītampāhaṃ addhānaṃ evameva vedanāya khajjīṃ, seyyathāpi etarahi paccuppannāya vedanāya khajjāmi. Ahañceva kho pana anāgataṃ vedanaṃ abhinandeyyaṃ; anāgatampāhaṃ addhānaṃ evameva vedanāya khajjeyyaṃ, seyyathāpi etarahi paccuppannāya vedanāya khajjāmī’ti. So iti paṭisaṅkhāya atītāya vedanāya anapekkho hoti; anāgataṃ vedanaṃ nābhinandati; paccuppannāya vedanāya nibbidāya virāgāya nirodhāya paṭipanno hoti.

“Ahaṃ kho etarahi saññāya khajjāmi...pe... ahaṃ kho etarahi saṅkhārehi khajjāmi. Atītampāhaṃ addhānaṃ evameva saṅkhārehi khajjīṃ, seyyathāpi etarahi paccuppannehi saṅkhārehi khajjāmīti. Ahañceva kho pana anāgate saṅkhāre abhinandeyyaṃ; anāgatampāhaṃ addhānaṃ evameva saṅkhārehi khajjeyyaṃ, seyyathāpi etarahi paccuppannehi saṅkhārehi khajjāmī’ti. So iti paṭisaṅkhāya atītesu saṅkhāresu anapekkho hoti; anāgate saṅkhāre nābhinandati; paccuppannaṃ saṅkhārānaṃ nibbidāya virāgāya nirodhāya paṭipanno hoti.

“Ahaṃ kho etarahi viññāṇena khajjāmi. Atītampi addhānaṃ evameva viññāṇena khajjīṃ, seyyathāpi etarahi paccuppanna viññāṇena khajjāmi. Ahañceva kho pana anāgataṃ viññāṇaṃ abhinandeyyaṃ; anāgatampāhaṃ addhānaṃ evameva viññāṇena khajjeyyaṃ, seyyathāpi etarahi paccuppanna viññāṇena khajjāmī’ti. So iti paṭisaṅkhāya atītasmiṃ viññāṇasmiṃ anapekkho hoti; anāgataṃ viññāṇaṃ nābhinandati; paccuppanna viññāṇassa nibbidāya virāgāya nirodhāya paṭipanno hoti.

“Taṃ kiṃ maññatha, bhikkhave, rūpaṃ niccaṃ vā aniccaṃ vā’ti? “Aniccaṃ, bhante”. “Yaṃ panāniccaṃ dukkhaṃ vā taṃ sukhaṃ vā’ti? “Dukkhaṃ, bhante”. “Yaṃ panāniccaṃ dukkhaṃ vipariṇāmadhammaṃ, kallaṃ nu taṃ samanupassitū – ‘etaṃ mama, eso hamasmi, eso me attā’”ti? “No hetuṃ, bhante”. “Vedanā ... saññā... saṅkhārā... viññāṇaṃ niccaṃ vā aniccaṃ vā’ti? “Aniccaṃ, bhante”. “Yaṃ panāniccaṃ, dukkhaṃ vā taṃ sukhaṃ vā’ti? “Dukkhaṃ, bhante”. “Yaṃ panāniccaṃ dukkhaṃ vipariṇāmadhammaṃ, kallaṃ nu taṃ samanupassitū – ‘etaṃ mama, eso hamasmi, eso me attā’”ti? “No hetuṃ, bhante”. “Tasmātiha, bhikkhave, yaṃ kiñci rūpaṃ atītānāgatapaccuppannaṃ ajjhataṃ vā bahiddhā vā oḷārikaṃ vā sukhumaṃ vā hīnaṃ vā paṇītaṃ vā yaṃ dūre santike vā, sabbaṃ rūpaṃ – ‘netuṃ mama, nesohamasmi, na meso attā’ti evameva yathābhūtaṃ sammappaññāya daṭṭhabbaṃ. Yā kāci vedanā... yā kāci saññā... ye keci saṅkhārā... yaṃ kiñci viññāṇaṃ atītānāgatapaccuppannaṃ...pe... yaṃ dūre santike vā, sabbaṃ viññāṇaṃ – ‘netuṃ mama, nesohamasmi, na meso attā’ti evameva yathābhūtaṃ sammappaññāya daṭṭhabbaṃ’.

“Ayaṃ vuccati, bhikkhave, ariyasāvako apacināti, no ācināti; pajahati [no (sī.)], na upādiyati; visineti [no (sī.)], na ussineti; vidhūpeti [no (sī.)], na sandhūpeti. Kiñca apacināti, no ācināti? Rūpaṃ

apacināti, no ācināti; vedanaṃ ... saññaṃ... saṅkhāre... viññāṇaṃ apacināti, no ācināti. Kiñca pajahati, na upādiyati? Rūpaṃ pajahati, na upādiyati; vedanaṃ... saññaṃ... saṅkhāre... viññāṇaṃ pajahati, na upādiyati. Kiñca visineti, na ussineti? Rūpaṃ visineti, na ussineti; vedanaṃ... saññaṃ... saṅkhāre... viññāṇaṃ visineti, na ussineti. Kiñca vidhūpeti, na sandhūpeti? Rūpaṃ vidhūpeti, na sandhūpeti; vedanaṃ... saññaṃ... saṅkhāre... viññāṇaṃ vidhūpeti, na sandhūpeti.

“Evaṃ passaṃ, bhikkhave, sutavā ariyasāvako rūpasimipi nibbindati, vedanāyapi... saññāyapi... saṅkhāresupi... viññāṇasmimipi nibbindati. Nibbindaṃ virajjati; virāgā vimuccati. Vimuttasmim vimuttamitī ñāṇaṃ hoti. ‘Khīṇā jāti, vusitaṃ brahmacariyaṃ, kataṃ karaṇīyaṃ, nāparaṃ itthattāyā’ ti pajānāti.

“Ayaṃ vuccati, bhikkhave, bhikkhu nevācināti na apacināti, apacinitvā ṭhito neva pajahati na upādiyati, pajahitvā ṭhito neva visineti na ussineti, visinetvā ṭhito neva vidhūpeti na sandhūpeti. Vidhūpetvā ṭhito kiñca nevācināti na apacināti? Apacinitvā ṭhito rūpaṃ nevācināti na apacināti; apacinitvā ṭhito vedanaṃ... saññaṃ... saṅkhāre... viññāṇaṃ nevācināti na apacināti. Apacinitvā ṭhito kiñca neva pajahati na upādiyati? Pajahitvā ṭhito rūpaṃ neva pajahati na upādiyati; pajahitvā ṭhito vedanaṃ... saññaṃ... saṅkhāre... viññāṇaṃ neva pajahati na upādiyati. Pajahitvā ṭhito kiñca neva visineti na ussineti? Visinetvā ṭhito rūpaṃ neva visineti na ussineti; visinetvā ṭhito vedanaṃ... saññaṃ... saṅkhāre... viññāṇaṃ neva visineti na ussineti. Visinetvā ṭhito kiñca neva vidhūpeti na sandhūpeti? Vidhūpetvā ṭhito rūpaṃ neva vidhūpeti na sandhūpeti; vidhūpetvā ṭhito vedanaṃ... saññaṃ... saṅkhāre... viññāṇaṃ neva vidhūpeti na sandhūpeti. Vidhūpetvā ṭhito evaṃvimuttaccittaṃ kho, bhikkhave, bhikkhuṃ saindā devā sabrahmakā sapajāpatikā ārakāva namassanti –

“Namo te purisājañña, namo te purisuttama;  
Yassa te nābhijānāma, yampi nissāya jhāyasī’ ti. sattamaṃ;

## 8. Piṇḍolyasuttaṃ

**80.** Ekaṃ samayaṃ bhagavā sakkesu viharati kapilavatthusmiṃ nigrodhārāme. Atha kho bhagavā kismiñcīdeva pakaraṇe bhikkhusaṅghaṃ paṇāmetvā pubbaṅhasamayaṃ nivāsetvā pattacīvaramādāya kapilavatthuṃ piṇḍāya pāvisi. Kapilavatthusmiṃ piṇḍāya caritvā pacchābhattaṃ piṇḍapātaṭṭhikānto yena mahāvanaṃ tenupasaṅkami divāvihārāya. Mahāvanaṃ ajjhogāhetvā beluvalaṭṭhikāya mūle divāvihāraṃ nisīdi.

Atha kho bhagavato rahogatassa paṭisallīnassa evaṃ cetaso parivitaṅko udapādi – “mayā kho bhikkhusaṅgho pabāḷho. Santettha bhikkhū navā acirapabbajitā adhunāgatā imaṃ dhammavinayaṃ. Tesāṃ mamaṃ apassantānaṃ siyā aññathattaṃ siyā vipariṇāmo. Seyyathāpi nāma vacchassa taruṇassa mātaraṃ apassantassa siyā aññathattaṃ siyā vipariṇāmo, evameva santettha bhikkhū navā acirapabbajitā adhunāgatā imaṃ dhammavinayaṃ tesāṃ mamaṃ apassantānaṃ siyā aññathattaṃ siyā vipariṇāmo. Seyyathāpi nāma bījānaṃ taruṇānaṃ udakaṃ alabhantānaṃ siyā aññathattaṃ siyā vipariṇāmo, evameva santettha...pe... tesāṃ mamaṃ alabhantānaṃ dassanāya siyā aññathattaṃ siyā vipariṇāmo. Yaṃnūnāhaṃ yatheva mayā pubbe bhikkhusaṅgho anuggahito, evameva etarahi anuggaṇheyyaṃ bhikkhusaṅgha’ nti.

Atha kho brahmā sahampati bhagavato cetasā cetoparivitaṅkamaññāya – seyyathāpi nāma balavā puriso samiñjitaṃ [sammiñjitaṃ (sī. syā. kaṃ. pī.)] vā bāhaṃ pasāreyya pasāritaṃ vā bāhaṃ samiñjeyya evameva – brahmaloke antarahito bhagavato purato pāturahosi. Atha kho brahmā sahampati ekaṃsaṃ uttarāsaṅgaṃ karitvā yena bhagavā tenañjaliṃ paṇāmetvā bhagavantaṃ etadavoca – “evametaṃ, bhagavā; evametaṃ, sugata! Bhagavato, bhante, bhikkhusaṅgho pabāḷho. Santettha bhikkhū navā acirapabbajitā adhunāgatā imaṃ dhammavinayaṃ. Tesāṃ bhagavantaṃ apassantānaṃ siyā aññathattaṃ siyā vipariṇāmo. Seyyathāpi nāma vacchassa taruṇassa mātaraṃ apassantassa siyā aññathattaṃ siyā

vipariṇāmo, evameva santettha bhikkhū navā acirapabbajitā adhunāgatā imaṃ dhammavinayaṃ tesam bhagavantam apassantānaṃ siyā aññathattaṃ siyā vipariṇāmo. Seyyathāpi nāma bījānaṃ taruṇānaṃ udakaṃ alabhantānaṃ siyā aññathattaṃ siyā vipariṇāmo, evameva santettha bhikkhū navā acirapabbajitā adhunāgatā imaṃ dhammavinayaṃ, tesam bhagavantam alabhantānaṃ dassanāya siyā aññathattaṃ siyā vipariṇāmo. Abhinandatu, bhante, bhagavā bhikkhusaṅghaṃ; abhivadatu, bhante, bhagavā bhikkhusaṅghaṃ. Yatheva bhagavatā pubbe bhikkhusaṅgho anuggahito, evameva etarahi anuggaṇhātu bhikkhusaṅgha’’nti.

Adhivāsesi bhagavā tuṅhībhāvena. Atha kho brahmā sahampati bhagavato adhivāsaṇaṃ viditvā bhagavantam abhivādetvā padakkhiṇaṃ katvā tatthevataradhāyī.

Atha kho bhagavā sāyanhasamayaṃ paṭisallānā vuṭṭhito yena nigrodhārāmo tenupasaṅkami; upasaṅkamitvā paññatte āsane nisīdi. Nisajja kho bhagavā tathārūpaṃ iddhābhisaṅkhāraṃ abhisaṅkhāsi [abhisaṅkhāresi (syā. kaṃ.), abhisaṅkhāyī (pī.), abhisaṅkharoti (ka.)] yathā te bhikkhū (ekadvīhikāya sārājjamānarūpā yenāhaṃ [yena bhagavā (?)] tenupasaṅkameyyuṃ. Tepi bhikkhū ) [( ) sī. syā. kaṃ. potthakesu natthi] ekadvīhikāya sārājjamānarūpā yena bhagavā tenupasaṅkamimṣu; upasaṅkamitvā bhagavantam abhivādetvā ekamantaṃ nisīdimṣu. Ekamantaṃ nisinne kho te bhikkhū bhagavā etadavoca

“Antamidam, bhikkhave, jīvikānaṃ yadidaṃ piṇḍolyaṃ. Abhisāpoyaṃ, bhikkhave, lokasmiṃ piṇḍolo vicarasi pattapāṇīti. Tañca kho etaṃ, bhikkhave, kulaputtā upenti atthavasikā, atthavaṣaṃ paṭicca; neva rājābhiniṭā, na corābhiniṭā, na iṇaṭṭā, na bhayaṭṭā, na ājīvikāpakatā; api ca kho otiṇṇama jātiyā jarāya maraṇena sokehi paridevehi dukkhehi domanassehi upāyāsehi dukkhotiṇṇā dukkhaparetā appeva nāma imassa kevalassa dukkhakkhandhassa antakiriya paññāyethāti.

“Evaṃ pabbajito cāyaṃ, bhikkhave, kulaputto. So ca hoti abhijjhālu kāmesu tibbasārāgo byāpannacitto paduṭṭhamanaṣāṅkappo muṭṭhassati asampajāno asamāhito vibbhantacitto pākatindriyo. Seyyathāpi, bhikkhave, chavālātaṃ ubhatopadittaṃ majjhe gūthagataṃ, neva gāme kaṭṭhatthaṃ pharati, nāraññe kaṭṭhatthaṃ pharati. Tathūpamāhaṃ, bhikkhave, imaṃ puggalaṃ vadāmi gihibhogā ca parihīno, sāmāññatthañca na paripūreti.

“Tayome, bhikkhave, akusalavitakkā – kāmavitakko, byāpādavitakko, vihiṃsāvitakko. Ime ca bhikkhave, tayo akusalavitakkā kva aparisesā nirujjhanti? Catūsu vā satipaṭṭhānesu suppatiṭṭhitacittassa viharato animittaṃ vā samādhiṃ bhāvayato. Yāvañcidaṃ, bhikkhave, alameva animitto samādhi bhāvetuṃ. Animitto, bhikkhave, samādhi bhāvito bahulīkato mahapphalo hoti mahānisamso.

“Dvemā, bhikkhave, diṭṭhiyo – bhavadiṭṭhi ca vibhavadiṭṭhi ca. Tatra kho, bhikkhave, sutavā ariyasāvako iti paṭisaṅcikkhati – ‘atthi nu kho taṃ kiñci lokasmiṃ yamaṃ upādiyamāno na vajjavā assa’nti? So evaṃ pajānāti – ‘natthi nu kho taṃ kiñci lokasmiṃ yamaṃ upādiyamāno na vajjavā assaṃ. Ahañhi rūpaññeva upādiyamāno upādiyeyyaṃ vedanaññeva... saññaññeva... saṅkhāreyeva viññānaññeva upādiyamāno upādiyeyyaṃ. Tassa me assa [ayaṃ (ka.)] upādānapaccayā bhavo; bhavapaccayā jāti; jātipaccayā jarāmaraṇaṃ sokaparidevadukkhadomanassupāyāsā sambhaveyyuṃ. Evametassa kevalassa dukkhakkhandhassa samudayo assa’’ti.

“Taṃ kiṃ maññatha, bhikkhave, rūpaṃ niccaṃ vā aniccaṃ vā’’ti? “Aniccaṃ, bhante”. “Yaṃ paṇāniccaṃ dukkhaṃ vā taṃ sukhaṃ vā’’ti? “Dukkhaṃ, bhante”. “Yaṃ paṇāniccaṃ dukkhaṃ vipariṇāmadhammaṃ kallaṃ nu taṃ samanupassituṃ – ‘etaṃ mama, esohamasmi, eso me attā’’ti? “No hetam, bhante”. “Vedanā... saññā... saṅkhārā... viññānaṃ...pe... tasmātiha, bhikkhave, evaṃ passaṃ... nāparaṃ itthatāyāti pajānātī’’ti. Aṭṭhamam.

## 9. Pālileyasuttaṃ

**81.** Ekaṃ samayaṃ bhagavā kosambiyaṃ viharati ghoṣitārāme. Atha kho bhagavā pubbaṅhasamayaṃ nivāsetvā pattaṭṭvaramādāya kosambim piṇḍāya pāvisi. Kosambiyaṃ piṇḍāya caritvā pacchābhataṃ piṇḍapāṭapaṭikkanto sāmaṃ senāsaṇaṃ saṃsāmetvā pattaṭṭvaramādāya anāmantetvā upaṭṭhāke anapaloketvā bhikkhusaṅghaṃ eko adutiyo cārikaṃ pakkāmi.

Atha kho aññataro bhikkhu acirapakkantassa bhagavato yenāyasmā ānando tenupasaṅkami; upasaṅkamtivā āyasmantaṃ ānandaṃ etadavoca – ‘‘esāvuso, ānanda, bhagavā sāmaṃ senāsaṇaṃ saṃsāmetvā pattaṭṭvaramādāya anāmantetvā upaṭṭhāke anapaloketvā bhikkhusaṅghaṃ eko adutiyo cārikaṃ pakkanto’’ti. ‘‘Yasmiṃ, āvuso, samaye bhagavā sāmaṃ senāsaṇaṃ saṃsāmetvā pattaṭṭvaramādāya anāmantetvā upaṭṭhāke anapaloketvā bhikkhusaṅghaṃ eko adutiyo cārikaṃ pakkamati, ekova bhagavā tasmim samaye viharitukāmo hoti; na bhagavā tasmim samaye kenaci anubandhitabbo hoti’’ti.

Atha kho bhagavā anupubbena cārikaṃ caramāno yena pālileyyakaṃ [pāruleyyakaṃ (sī. pī.)] tadavasari. Tatra sudam bhagavā pālileyyake viharati bhaddasālamūle. Atha kho sambahulā bhikkhū yenāyasmā ānando tenupasaṅkamimsu; upasaṅkamtivā āyasmatā ānandena saddhim sammodimsu. Sammodanīyaṃ kathaṃ sārāṇīyaṃ vītisāretvā ekamantaṃ nisīdimsu. Ekamantaṃ nisinnā kho te bhikkhū āyasmantaṃ ānandaṃ etadavocuṃ – ‘‘cīrassutā kho no, āvuso ānanda, bhagavato sammukhā dhammī kathā; icchāma mayaṃ, āvuso ānanda, bhagavato sammukhā dhammiṃ kathaṃ sotu’’nti.

Atha kho āyasmā ānando tehi bhikkhūhi saddhim yena pālileyyakaṃ bhaddasālamūlaṃ yena bhagavā tenupasaṅkami; upasaṅkamtivā bhagavantaṃ abhivādetvā ekamantaṃ nisīdi. Ekamantaṃ nisinne kho te bhikkhū bhagavā dhammiyā kathāya sandassesī samādapesī samuttejesī sampahaṃsesī. Tena kho pana samayena aññatarassa bhikkhuno evaṃ cetaso parivītakko udapādi – ‘‘kathaṃ nu kho jānato kathaṃ passato anantarā āsavānaṃ khayō hoti’’ti? Atha kho bhagavā tassa bhikkhuno cetasā cetoparivītakkaṃ aññāya bhikkhū āmantesi – ‘‘vicayaso desito, bhikkhave, mayā dhammo; vicayaso desitā cattāro satipaṭṭhānā; vicayaso desitā cattāro sammappadhānā; vicayaso desitā cattāro iddhipādā; vicayaso desitāni pañcīndriyāni; vicayaso desitāni pañca balāni; vicayaso desitā sattabojjhaṅgā; vicayaso desito ariyo aṭṭhaṅgiko maggo. Evaṃ vicayaso desito, bhikkhave, mayā dhammo. Evaṃ vicayaso desite kho, bhikkhave, mayā dhamme atha ca panidhekaccassa bhikkhuno evaṃ cetaso parivītakko udapādi – ‘‘kathaṃ nu kho jānato kathaṃ passato anantarā āsavānaṃ khayō hoti’’ti?’’

‘‘Kathaṅca, bhikkhave, jānato kathaṃ passato anantarā āsavānaṃ khayō hoti? Idha bhikkhave, assutavā puthujjano ariyānaṃ adassāvī ariyadhammassa akovido ariyadhamme avinīto, sappurisānaṃ adassāvī sappurisadhammassa akovido sappurisadhamme avinīto rūpaṃ attato samanupassati. Yā kho pana sā, bhikkhave, samanupassanā saṅkhāro so. So pana saṅkhāro kiṃnidāno kiṃsamudayo kiṃjātiko kiṃpabhavo? Avijjāsamphassajena, bhikkhave, vedayitena phuṭṭhassa assutavato puthujjanassa uppannā taṇhā; tatojo so saṅkhāro. Iti kho, bhikkhave, sopi saṅkhāro anicco saṅkhato paṭiccasamuppanno. Sāpi taṇhā aniccā saṅkhatā paṭiccasamuppannā. Sāpi vedanā aniccā saṅkhatā paṭiccasamuppannā. Sopi phasso anicco saṅkhato paṭiccasamuppanno. Sāpi avijjā aniccā saṅkhatā paṭiccasamuppannā. Evampi kho, bhikkhave, jānato evaṃ passato anantarā āsavānaṃ khayō hoti.

‘‘Na heva kho rūpaṃ attato samanupassati; api ca kho rūpavantaṃ attānaṃ samanupassati. Yā kho pana sā, bhikkhave, samanupassanā saṅkhāro so. So pana saṅkhāro kiṃnidāno kiṃsamudayo kiṃjātiko kiṃpabhavo? Avijjāsamphassajena, bhikkhave, vedayitena phuṭṭhassa assutavato puthujjanassa uppannā taṇhā; tatojo so saṅkhāro. Iti kho, bhikkhave, sopi saṅkhāro anicco saṅkhato paṭiccasamuppanno. Sāpi taṇhā... sāpi vedanā... sopi phasso... sāpi avijjā aniccā saṅkhatā paṭiccasamuppannā. Evampi kho, bhikkhave, jānato evaṃ passato anantarā āsavānaṃ khayō hoti.

‘‘Na heva kho rūpaṃ attato samanupassati, na rūpavantaṃ attānaṃ samanupassati; api ca kho attani rūpaṃ samanupassati. Yā kho pana sā, bhikkhave, samanupassanā saṅkhāro so. So pana saṅkhāro

kiṃnidāno kiṃsamudayo kiṃjātiko kiṃpabhavo? Avijjāsamphassajena, bhikkhave, vedayitena phuṭṭhassa assutavato puthujjanassa uppannā taṇhā; tatojo so saṅkhāro. Iti kho, bhikkhave, sopi saṅkhāro anicco saṅkhato paṭiccasamuppanno. Sāpi taṇhā... sāpi vedanā... sopi phasso... sāpi avijjā aniccā saṅkhatā paṭiccasamuppannā. Evampi kho, bhikkhave, jānato evaṃ passato anantarā āsavānaṃ khayō hoti.

“Na heva kho rūpaṃ attato samanupassati, na rūpavantaṃ attānaṃ samanupassati, na attani rūpaṃ samanupassati; api ca kho rūpasmiṃ attānaṃ samanupassati. Yā kho pana sā, bhikkhave, samanupassanā saṅkhāro so. So pana saṅkhāro kiṃnidāno kiṃsamudayo kiṃjātiko kiṃpabhavo? Avijjāsamphassajena, bhikkhave, vedayite phuṭṭhassa assutavato puthujjanassa uppannā taṇhā; tatojo so saṅkhāro. Iti kho, bhikkhave, sopi saṅkhāro anicco saṅkhato paṭiccasamuppanno. Sāpi taṇhā ... sāpi vedanā... sopi phasso... sāpi avijjā aniccā saṅkhatā paṭiccasamuppannā. Evampi kho, bhikkhave, jānato...pe... āsavānaṃ khayō hoti.

“Na heva kho rūpaṃ attato samanupassati, na rūpavantaṃ attānaṃ, na attani rūpaṃ, na rūpasmiṃ attānaṃ samanupassati; api ca kho vedanaṃ attato samanupassati, api ca kho vedanāvantaṃ attānaṃ samanupassati, api ca kho attani vedanaṃ samanupassati, api ca kho vedanāya attānaṃ samanupassati; api ca kho saññaṃ... api ca kho saṅkhāre attato samanupassati, api ca kho saṅkhāravantaṃ attānaṃ samanupassati, api ca kho attani saṅkhāre samanupassati, api ca kho saṅkhāresu attānaṃ samanupassati; api ca kho viññānaṃ attato samanupassati, api ca kho viññānavantaṃ attānaṃ, api ca kho attani viññānaṃ, api ca kho viññānasmiṃ attānaṃ samanupassati. Yā kho pana sā, bhikkhave, samanupassanā saṅkhāro so. So pana saṅkhāro kiṃnidāno...pe... kiṃpabhavo? Avijjāsamphassajena, bhikkhave, vedayite phuṭṭhassa assutavato puthujjanassa uppannā taṇhā; tatojo so saṅkhāro. Iti kho, bhikkhave, sopi saṅkhāro anicco saṅkhato paṭiccasamuppanno. Sāpi taṇhā... sāpi vedanā... sopi phasso ... sāpi avijjā aniccā saṅkhatā paṭiccasamuppannā. Evaṃ kho, bhikkhave, jānato evaṃ passato anantarā āsavānaṃ khayō hoti.

“Na heva kho rūpaṃ attato samanupassati, na vedanaṃ attato samanupassati, na saññaṃ... na saṅkhāre... na viññānaṃ attato samanupassati; api ca kho evaṃdiṭṭhi hoti – ‘so attā so loko, so pecca bhavissāmi nicco dhuvo sassato avipariṇāmadhammo’ti. Yā kho pana sā, bhikkhave, sassatadiṭṭhi saṅkhāro so. So pana saṅkhāro kiṃnidāno...pe... evampi kho, bhikkhave, jānato evaṃ passato anantarā āsavānaṃ khayō hoti.

“Na heva kho rūpaṃ attato samanupassati, na vedanaṃ ... na saññaṃ... na saṅkhāre... na viññānaṃ attato samanupassati; nāpi evaṃdiṭṭhi hoti – ‘so attā so loko, so pecca bhavissāmi nicco dhuvo sassato avipariṇāmadhammo’ti. Api ca kho evaṃdiṭṭhi hoti – ‘no cassaṃ no ca me siyā nābhavissaṃ na me bhavissatī’ti. Yā kho pana sā, bhikkhave, ucchedadiṭṭhi saṅkhāro so. So pana saṅkhāro kiṃnidāno kiṃsamudayo kiṃjātiko kiṃpabhavo? Avijjāsamphassajena, bhikkhave, vedayitena phuṭṭhassa assutavato puthujjanassa uppannā taṇhā; tatojo so saṅkhāro. Iti kho, bhikkhave, sopi saṅkhāro anicco... pe... evampi kho, bhikkhave, jānato evaṃ passato anantarā āsavānaṃ khayō hoti.

“Na heva kho rūpaṃ attato samanupassati, na vedanaṃ... na saññaṃ... na saṅkhāre... na viññānaṃ attato samanupassati...pe... na viññānasmiṃ attato samanupassati, nāpi evaṃdiṭṭhi hoti – ‘so attā so loko, so pecca bhavissāmi nicco dhuvo sassato avipariṇāmadhammo’ti; nāpi evaṃdiṭṭhi hoti – ‘no cassaṃ no ca me siyā nābhavissaṃ na me bhavissatī’ti; api ca kho kaṅkhī hoti vicikicchī anīṭṭhaṅgato saddhamme. Yā kho pana sā, bhikkhave, kaṅkhitā vicikicchitā anīṭṭhaṅgatatā saddhamme saṅkhāro so. So pana saṅkhāro kiṃnidāno kiṃsamudayo kiṃjātiko kiṃpabhavo? Avijjāsamphassajena, bhikkhave, vedayitena phuṭṭhassa assutavato puthujjanassa uppannā taṇhā; tatojo so saṅkhāro. Iti kho, bhikkhave, sopi saṅkhāro anicco saṅkhato paṭiccasamuppanno. Sāpi taṇhā aniccā saṅkhatā paṭiccasamuppannā. Sāpi vedanā aniccā saṅkhatā paṭiccasamuppannā. Sopi phasso anicco saṅkhato paṭiccasamuppanno. Sāpi avijjā aniccā saṅkhatā paṭiccasamuppannā. Evaṃ kho, bhikkhave, jānato evaṃ

passato anantarā āsavānaṃ khayō hotī’ ti. Navamaṃ.

## 10. Puṇṇamasuttaṃ

**82.** Ekaṃ samayaṃ bhagavā sāvattiyā viharati pubbārāme migāramātipāsāde mahatā bhikkhusaṅghena saddhiṃ. Tena kho pana samayena bhagavā tadahuposathe pannarase puṇṇāya puṇṇamāya rattiyā bhikkhusaṅghaparivuto ajjhokāse nisinno hoti.

Atha kho aññataro bhikkhu uṭṭhāyāsanaṃ ekamsaṃ uttarāsaṅgaṃ karitvā yena bhagavā tenañjaliṃ paṇāmetvā bhagavantāṃ etadavoca – “puccheyyāhaṃ, bhante, bhagavantāṃ kiñcīdeva [kañcīdeva (?)] desāṃ, sace me bhagavā okāsaṃ karotī pañhassa veyyākaraṇāyā’ ti? “Tena hi tvaṃ, bhikkhu, sake āsane nisīditvā puccha yadākaṅkhasī’ ti. “Evaṃ, bhante’ ti kho so bhikkhu bhagavato paṭissutvā sake āsane nisīditvā bhagavantāṃ etadavoca – “ime nu kho, bhante, pañcupādānakkhandhā, seyyathidaṃ – rūpupādānakkhandho, vedanupādānakkhandho, saññupādānakkhandho, saṅkhārurupādānakkhandho, viññānupādānakkhandho’ ti.

“Ime kho pana, bhikkhu, pañcupādānakkhandhā; seyyathidaṃ – rūpupādānakkhandho...pe... viññānupādānakkhandho’ ti. “Sādhu, bhante’ ti kho so bhikkhu bhagavato bhāsitaṃ abhinanditvā anumoditvā bhagavantāṃ uttariṃ pañhaṃ apucchi –

“Ime kho pana, bhante, pañcupādānakkhandhā kiṃmūlakā’ ti? “Ime kho, bhikkhu, pañcupādānakkhandhā chandamūlakā’ ti...pe... taññeva nu kho, bhante, upādānaṃ te pañcupādānakkhandhā udāhu aññatra pañcahi upādānakkhandhehi upādānanti? “Na kho, bhikkhu, taññeva upādānaṃ te pañcupādānakkhandhā nāpi aññatra pañcahi upādānakkhandhehi upādānaṃ, api ca yo tatha chandarāgo taṃ tatha upādāna’ nti. “Sādhu, bhante’ ti kho so bhikkhu...pe... uttariṃ pañhaṃ apucchi –

“Siyā pana, bhante, pañcupādānakkhandhesu chandarāgavemattatā’ ti? “Siyā, bhikkhū’ ti bhagavā avoca – “idha, bhikkhu, ekaccassa evaṃ hoti – evaṃrūpo siyaṃ anāgatamaddhānaṃ, evaṃvedano siyaṃ anāgatamaddhānaṃ, evaṃsañño siyaṃ anāgatamaddhānaṃ, evaṃsaṅkhāro siyaṃ anāgatamaddhānaṃ, evaṃviññāṇo siyaṃ anāgatamaddhāna’ nti. Evaṃ kho, bhikkhu, siyā pañcupādānakkhandhesu chandarāgavemattatā’ ti? “Sādhu, bhante’ ti kho so bhikkhu...pe... uttariṃ pañhaṃ apucchi –

“Kittāvatā nu kho, bhante, khandhānaṃ khandhādhivacana’ nti? “Yaṃ kiñci, bhikkhu, rūpaṃ atītānāgatapaccuppannaṃ ajjhattaṃ vā bahiddhā vā oḷārikaṃ vā sukhumaṃ vā hīnaṃ vā pañītaṃ vā yaṃ dūre santike vā, ayaṃ vuccati rūpakkhandho. Yā kāci vedanā... yā kāci saññā ... ye keci saṅkhārā... yaṃ kiñci viññānaṃ atītānāgatapaccuppannaṃ ajjhattaṃ vā bahiddhā vā oḷārikaṃ vā sukhumaṃ vā hīnaṃ vā pañītaṃ vā yaṃ dūre santike vā, ayaṃ vuccati viññānakkhandho. Ettāvatā kho, bhikkhu, khandhānaṃ khandhādhivacana’ nti. “Sādhu, bhante’ ti kho so bhikkhu...pe... apucchi –

“Ko nu kho, bhante, hetu ko paccayo rūpakkhandhassa paññāpanāya; ko hetu ko paccayo vedanākkhandhassa paññāpanāya; ko hetu ko paccayo saññākkhandhassa paññāpanāya; ko hetu ko paccayo saṅkhārakkhandhassa paññāpanāya; ko hetu ko paccayo viññānakkhandhassa paññāpanāya’ ti? “Cattāro kho, bhikkhu, mahābhūtā hetu, cattāro mahābhūtā paccayo rūpakkhandhassa paññāpanāya. Phasso hetu phasso paccayo vedanākkhandhassa paññāpanāya. Phasso hetu phasso paccayo saññākkhandhassa paññāpanāya. Phasso hetu, phasso paccayo saṅkhārakkhandhassa paññāpanāya. Nāmarūpaṃ hetu, nāmarūpaṃ paccayo viññānakkhandhassa paññāpanāya’ ti. “Sādhu, bhante’ ti kho so bhikkhu...pe... apucchi –

“Kathaṃ nu kho, bhante, sakkāyadiṭṭhi hotī’ ti? “Idha, bhikkhu, assutavā puthujjano ariyānaṃ

adassāvī ariyadhammassa akovido ariyadhamme avinīto, sappurisānaṃ adassāvī sappurisadhammassa akovido sappurisadhamme avinīto rūpaṃ attato samanupassati, rūpavantaṃ vā attānaṃ; attani vā rūpaṃ, rūpasmiṃ vā attānaṃ; vedanaṃ... saññaṃ... saṅkhāre... viññāṇaṃ... attato samanupassati, viññāṇavantaṃ vā attānaṃ; attani vā viññāṇaṃ, viññāṇasmiṃ vā attānaṃ. Evaṃ kho, bhikkhu, sakkāyadiṭṭhi hotī”ti. “Sādhu, bhante”ti kho so bhikkhu...pe... apucchi –

“Kathaṃ pana, bhante, sakkāyadiṭṭhi na hotī”ti? “Idha, bhikkhu, sutavā ariyasāvako ariyānaṃ dassāvī ariyadhammassa kovido ariyadhamme suvinīto, sappurisānaṃ dassāvī sappurisadhammassa kovido sappurisadhamme suvinīto na rūpaṃ attato samanupassati, na rūpavantaṃ vā attānaṃ; na attani vā rūpaṃ, na rūpasmiṃ vā attānaṃ; na vedanaṃ... na saññaṃ... na saṅkhāre... na viññāṇaṃ attato samanupassati, na viññāṇavantaṃ vā attānaṃ; na attani vā viññāṇaṃ, na viññāṇasmiṃ vā attānaṃ. Evaṃ kho, bhikkhu, sakkāyadiṭṭhi na hotī”ti. “Sādhu, bhante”ti kho so bhikkhu...pe... apucchi –

“Ko nu kho, bhante, rūpassa assādo, ko ādīnavo, kiṃ nissaraṇaṃ; ko vedanāya... ko saññāya... ko saṅkhārānaṃ... ko viññāṇassa assādo, ko ādīnavo, kiṃ nissaraṇa”nti? “Yaṃ kho, bhikkhu, rūpaṃ paṭicca uppajjati sukhaṃ somanassaṃ – ayaṃ rūpassa assādo. Yaṃ rūpaṃ aniccaṃ dukkhaṃ vipariṇāmadhammaṃ – ayaṃ rūpassa ādīnavo. Yo rūpasmiṃ chandarāgavinayo chandarāgappahānaṃ – idaṃ rūpassa nissaraṇaṃ. Yaṃ vedanaṃ paṭicca... yaṃ saññaṃ paṭicca... ye saṅkhāre paṭicca... yaṃ viññāṇaṃ paṭicca uppajjati sukhaṃ somanassaṃ – ayaṃ viññāṇassa assādo. Yaṃ viññāṇaṃ aniccaṃ dukkhaṃ vipariṇāmadhammaṃ – ayaṃ viññāṇassa ādīnavo. Yo viññāṇasmiṃ chandarāgavinayo chandarāgappahānaṃ – idaṃ viññāṇassa nissaraṇa”nti. “Sādhu, bhante”ti kho so bhikkhu bhagavato bhāsitaṃ abhinanditvā anumoditvā bhagavantaṃ uttariṃ pañhaṃ apucchi –

“Kathaṃ nu kho, bhante, jānato, kathaṃ passato imasmiñca saviññāṇake kāye bahiddhā ca sabbanimittesu ahaṅkāramamaṅkāramānānusayā na hontī”ti? “Yaṃ kiñci, bhikkhu, rūpaṃ atītānāgatapaccuppannaṃ ajjhataṃ vā bahiddhā vā oḷārikaṃ vā sukhumaṃ vā hīnaṃ vā pañītaṃ vā yaṃ dūre santike vā, sabbaṃ rūpaṃ – ‘netam mama, nesohamasmi, na meso attā’ti evametam yathābhūtaṃ sammappaññāya passati. Yā kāci vedanā... yā kāci saññā... ye keci saṅkhārā... yaṃ kiñci viññāṇaṃ atītānāgatapaccuppannaṃ ajjhataṃ vā bahiddhā vā oḷārikaṃ vā sukhumaṃ vā hīnaṃ vā pañītaṃ vā yaṃ dūre santike vā, sabbaṃ viññāṇaṃ – ‘netam mama, nesohamasmi, na meso attā’ti evametam yathābhūtaṃ sammappaññāya passati. Evaṃ kho, bhikkhu, jānato evaṃ passato imasmiñca saviññāṇake kāye bahiddhā ca sabbanimittesu ahaṅkāramamaṅkāramānānusayā na hontī”ti.

Tena kho pana samayena aññatarassa bhikkhuno evaṃ cetaso parivītakko udapādi – “iti kira bho rūpaṃ anattā, vedanā... saññā... saṅkhārā... viññāṇaṃ anattā; anattakatāni kammāni kathamattānaṃ [katamattānaṃ (pī.), kammattānaṃ (syā. kam. ka.)] phusissanti”ti. Atha kho bhagavā tassa bhikkhuno cetasā ceto parivītakkaṃ aññāya bhikkhū āmantesi –

“Thānaṃ kho panetaṃ, bhikkhave, vijjati yaṃ idhekacco moghapuriso avidvā avijjāgato taṇhādhipateyyena cetasā satthusāsanaṃ atidhāvītappaṃ maññeyya. Iti kira, bho, rūpaṃ anattā, vedanā... saññā... saṅkhārā... viññāṇaṃ anattā. Anattakatāni kammāni kathamattānaṃ phusissantīti? Paṭipucchāvīnītā kho me tumhe, bhikkhave, tatra tatra tesu tesu dhammesu.

“Taṃ kiṃ maññātha, bhikkhave, rūpaṃ niccaṃ vā aniccaṃ vā”ti? “Aniccaṃ, bhante”. “Vedanā... saññā... saṅkhārā... viññāṇaṃ niccaṃ vā aniccaṃ vā”ti? “Aniccaṃ, bhante”. “Yaṃ panāniccaṃ dukkhaṃ vā taṃ sukhaṃ vā”ti? “Dukkhaṃ, bhante”. “Yaṃ panāniccaṃ dukkhaṃ vipariṇāmadhammaṃ, kallaṃ nu taṃ samanupassitum – ‘etaṃ mama, esohamasmi, eso me attā’”ti? “No hetam, bhante”. Tasmātiha...pe... evaṃ passaṃ...pe... nāparaṃ itthattāyāti pajānātī”ti.

“Dve khandhā taññeva siyaṃ, adhivacanañca hetunā;  
Sakkāyena duve vuttā, assādaviññāṇakena ca;

Ete dasavidhā vuttā, hoti bhikkhu pucchāyā’’ti. dasamaṃ;

Khajjanīyavaggo aṭṭhamo.

Tassuddānaṃ –

Assādo dve samudayā, arahantehi apare dve;  
Sīho khajjanī piṇḍolyaṃ, pālileyena puṇṇamāti.

## 9. Theravaggo

### 1. Ānandasuttaṃ

**83.** Sāvattihinidānaṃ. Tatra kho āyasmā ānando bhikkhū āmantesi – ‘āvuso, bhikkhave’’ti. ‘Āvuso’’ti kho te bhikkhū āyasmato ānandassa paccassosum. Āyasmā ānando etadavoca –

‘Puṇṇo nāma, āvuso, āyasmā mantāṇiputto [mantāṇiputto (ka. sī. syā. kaṃ. pī. ka.)] amhākaṃ navakānaṃ sataṃ bahūpakāro hoti. So amhe iminā ovādena ovadati – ‘upādāya, āvuso ānanda, asmīti hoti, no anupādāya. Kiñca upādāya asmīti hoti, no anupādāya? Rūpaṃ upādāya asmīti hoti, no anupādāya. Vedanaṃ... saññaṃ... saṅkhāre... viññāṇaṃ upādāya asmīti hoti, no anupādāya’’.

‘Seyyathāpi, āvuso ānanda, itthī vā puriso vā daharo yuvā maṇḍanakajātiko ādāse vā parisuddhe pariyaḍāte acche vā udakapatte sakaṃ mukhanimittaṃ paccavekkhamāno upādāya passeyya, no anupādāya; evameva kho, āvuso ānanda, rūpaṃ upādāya asmīti hoti, no anupādāya. Vedanaṃ... saññaṃ... saṅkhāre... viññāṇaṃ upādāya asmīti hoti, no anupādāya.

‘Taṃ kiṃ maññasi, āvuso ānanda, ‘rūpaṃ niccaṃ vā aniccaṃ vā’’ti? ‘Aniccaṃ, āvuso’. Vedanā... sañña ... saṅkhārā... viññāṇaṃ niccaṃ vā aniccaṃ vā’’ti? ‘Aniccaṃ, āvuso’. Tasmātiha... pe... evaṃ passaṃ...pe... nāparaṃ itthattāyāti pajānātīti. Puṇṇo nāma āvuso āyasmā mantāṇiputto amhākaṃ navakānaṃ sataṃ bahūpakāro hoti. So amhe iminā ovādena ovadati. Idañca pana me āyasmato puṇṇassa mantāṇiputtassa dhammadesanaṃ sutvā dhammo abhisamitoti. Paṭhamam.

### 2. Tissasuttaṃ

**84.** Sāvattihinidānaṃ. Tena kho pana samayena āyasmā tisso bhagavato pitucchāputto sambahulānaṃ bhikkhūnaṃ evamāroceti – ‘api me, āvuso, madhurakajāto viya kāyo; disāpi me na pakkhāyanti; dhammāpi maṃ na paṭibhanti; thinamiddhañca [thinamiddhañca (sī. syā. kaṃ. pī.)] me cittaṃ pariyādāya tiṭṭhati; anabhirato ca brahmacariyaṃ carāmi; hoti ca me dhammesu vicikicchā’’ti.

Atha kho sambahulā bhikkhū yena bhagavā tenupasaṅkamiṃsu; upasaṅkamtivā bhagavantaṃ abhivādetvā ekamantaṃ nisīdiṃsu. Ekamantaṃ nisinnā kho te bhikkhū bhagavantaṃ etadavocum – ‘āyasmā, bhante, tisso bhagavato pitucchāputto sambahulānaṃ bhikkhūnaṃ evamāroceti – ‘api me, āvuso, madhurakajāto viya kāyo; disāpi me na pakkhāyanti; dhammāpi maṃ na paṭibhanti; thinamiddhañca me cittaṃ pariyādāya tiṭṭhati; anabhirato ca brahmacariyaṃ carāmi; hoti ca me dhammesu vicikicchā’’ti.

Atha kho bhagavā aññataraṃ bhikkhuṃ āmantesi – ‘ehi tvaṃ, bhikkhu, mama vacanena tissaṃ bhikkhuṃ āmantehī’’ti. ‘Evaṃ, bhante’’ti kho so bhikkhu bhagavato paṭissutvā yenāyasmā tisso tenupasaṅkami; upasaṅkamtivā āyasmantaṃ tissaṃ etadavoca – ‘sathā taṃ, āvuso tissa, āmanteti’’ti. ‘Evamāvuso’’ti kho āyasmā tisso tassa bhikkhuno paṭissutvā yena bhagavā tenupasaṅkami; upasaṅkamtivā bhagavantaṃ abhivādetvā ekamantaṃ nisīdi. Ekamantaṃ nisinnaṃ kho āyasmantaṃ



tissam bhagavā etadavoca – “saccam kira tvam, tissa, sambahulānam bhikkhūnam evamārocesi – ‘api me, āvuso, madhurakajāto viya kāyo...pe... hoti ca me dhammesu vicikicchā’”ti? “Evam, bhante”. “Taṃ kiṃ maññasi, tissa, rūpe avigatarāgassa avigatacchandassa avigatapemassa avigatapiṇḍāsassa avigataparilāhassa avigatataṇhassa, tassa rūpassa vipariṇāmaññathābhāvā uppajjanti sokaparidevadukkhadomanassupāyāsā”ti? “Evam, bhante”.

“Sādhu sādhu, tissa! Evañhetam, tissa, hoti. Yathā taṃ rūpe avigatarāgassa... vedanāya... saññāya... saṅkhāresu avigatarāgassa...pe... tesam saṅkhārānam vipariṇāmaññathābhāvā uppajjanti sokaparidevadukkhadomanassupāyāsā”ti? “Evam, bhante”.

“Sādhu sādhu, tissa! Evañhetam, tissa, hoti. Yathā taṃ viññāṇe avigatarāgassa avigatacchandassa avigatapemassa avigatapiṇḍāsassa avigataparilāhassa avigatataṇhassa, tassa viññāṇassa vipariṇāmaññathābhāvā uppajjanti sokaparidevadukkhadomanassupāyāsā”ti? “Evam, bhante”.

“Sādhu sādhu, tissa! Evañhetam, tissa, hoti. Yathā taṃ viññāṇe avigatarāgassa. Taṃ kiṃ maññasi, tissa, rūpe avigatarāgassa avigatacchandassa avigatapemassa avigatapiṇḍāsassa avigataparilāhassa avigatataṇhassa, tassa rūpassa vipariṇāmaññathābhāvā uppajjanti sokaparidevadukkhadomanassupāyāsā”ti? “No hetam, bhante”.

“Sādhu sādhu, tissa! Evañhetam, tissa, hoti. Yathā taṃ rūpe avigatarāgassa... vedanāya... saññāya... saṅkhāresu avigatarāgassa... viññāṇe avigatarāgassa avigatacchandassa avigatapemassa avigatapiṇḍāsassa avigataparilāhassa avigatataṇhassa tassa viññāṇassa vipariṇāmaññathābhāvā uppajjanti sokaparidevadukkhadomanassupāyāsā”ti? “No hetam, bhante”.

“Sādhu sādhu, tissa! Evañhetam, tissa, hoti. Yathā taṃ viññāṇe avigatarāgassa. Taṃ kiṃ maññasi, tissa, rūpam niccam vā aniccam vā”ti? “Aniccam, bhante”. “Vedanā ... saññā... saṅkhārā... viññāṇam niccam vā aniccam vā”ti? “Aniccam, bhante”. Tasmātiha...pe... evam passam...pe... nāparam itthattāyāti pajānāti”ti.

“Seyyathāpi, tissa, dve purisā – eko puriso amaggakusalo, eko puriso maggakusalo. Tamenam so amaggakusalo puriso amum maggakusalam purisam maggam puccheyya. So evam vadeyya – ‘ehi, bho purisa, ayam maggo. Tena muhuttam gaccha. Tena muhuttam gantvā dakkhissasi dvedhāpatham, tattha vāmam muñcivā dakkhiṇam gaṇhāhi. Tena muhuttam gaccha. Tena muhuttam gantvā dakkhissasi tibbam vanasaṇḍam. Tena muhuttam gaccha. Tena muhuttam gantvā dakkhissasi mahantam ninnam pallalam. Tena muhuttam gaccha. Tena muhuttam gantvā dakkhissasi sobbham papātam. Tena muhuttam gaccha. Tena muhuttam gantvā dakkhissasi samam bhūmibhāgam ramaṇiya’”nti.

“Upamā kho myāyam, tissa, katā atthassa viññāpanāya. Ayam cevettha attho – ‘puriso amaggakusalo’ti kho, tissa, puthujjanassetam adhivacanam. ‘Puriso maggakusalo’ti kho, tissa, tathāgatassetam adhivacanam arahato sammāsambuddhassa. ‘Dvedhāpatho’ti kho, tissa, vicikicchāyetaṃ adhivacanam. ‘Vāmo maggo’ti kho, tissa, aṭṭhaṅgikassetam micchāmaggassa adhivacanam, seyyathidaṃ – micchādīṭṭhiyā...pe... micchāsamādhissa. ‘Dakkhiṇo maggo’ti kho, tissa, ariyassetam aṭṭhaṅgikassa maggassa adhivacanam, seyyathidaṃ – sammādīṭṭhiyā...pe... sammāsamādhissa. ‘Tibbo vanasaṇḍo’ti kho, tissa, avijjāyetaṃ adhivacanam. ‘Mahantam ninnam pallala’nti kho, tissa, kāmānametaṃ adhivacanam. ‘Sobbho papāto’ti kho, tissa, kodhūpāyāsassetam adhivacanam. ‘Samo bhūmibhāgo ramaṇiyo’ti kho, tissa, nibbānassetam adhivacanam. Abhirama, tissa, abhirama, tissa! Ahamovādena ahamanuggahena ahamanusāsaniyā”ti [[ahamāmisadhammānuggahena mamovādena mamānusāsaniyāti \(ka.\)](#)].

Idamavoca bhagavā. Attamano āyasmā tisso bhagavato bhāsitaṃ abhinandīti. Dutiyaṃ.

### 3. Yamakasuttaṃ

85. Ekaṃ samayaṃ āyasmā sārīputto sāvattthiyaṃ viharati jetavane anāthapiṇḍikassa ārāme. Tena kho pana samayena yamakassa nāma bhikkhuno evarūpaṃ pāpakaṃ diṭṭhigataṃ uppannaṃ hoti – “tathāhaṃ bhagavatā dhammaṃ desitaṃ ājānāmi, yathā khīṇāsavo bhikkhu kāyassa bheda ucchijjati vinassati, na hoti paraṃ marañā”ti.

Assosun kho sambahulā bhikkhū yamakassa kira nāma bhikkhuno evarūpaṃ pāpakaṃ diṭṭhigataṃ uppannaṃ hoti – “tathāhaṃ bhagavatā dhammaṃ desitaṃ ājānāmi, yathā khīṇāsavo bhikkhu kāyassa bheda ucchijjati vinassati, na hoti paraṃ marañā”ti. Atha kho te bhikkhū yenāyasmā yamako tenupasaṅkamimsu; upasaṅkamitvā āyasmatā yamakena saddhiṃ sammodimsu. Sammodanīyaṃ kathaṃ saraṇīyaṃ vītisāretvā ekamantaṃ nisīdīmsu. Ekamantaṃ nisinnā kho te bhikkhū āyasmantaṃ yamakaṃ etadavocun –

“Saccaṃ kira te, āvuso yamaka, evarūpaṃ pāpakaṃ diṭṭhigataṃ uppannaṃ – ‘tathāhaṃ bhagavatā dhammaṃ desitaṃ ājānāmi, yathā khīṇāsavo bhikkhu kāyassa bheda ucchijjati vinassati, na hoti paraṃ marañā’”ti? “Evaṃ khvāhaṃ, āvuso, bhagavatā dhammaṃ desitaṃ ājānāmi – ‘khīṇāsavo bhikkhu kāyassa bheda ucchijjati vinassati, na hoti paraṃ marañā’”ti.

“Mā, āvuso yamaka, evaṃ avaca, mā bhagavantaṃ abbhācikkhi. Na hi sādhu bhagavato abbhācikkhanaṃ. Na hi bhagavā evaṃ vadeyya – ‘khīṇāsavo bhikkhu kāyassa bheda ucchijjati vinassati, na hoti paraṃ marañā’”ti. Evampi kho āyasmā yamako tehi bhikkhūhi vuccamāno tatheva taṃ pāpakaṃ diṭṭhigataṃ thāmasā parāmāsā abhinivissa voharati – “tathāhaṃ bhagavatā dhammaṃ desitaṃ ājānāmi, yathā khīṇāsavo bhikkhu kāyassa bheda ucchijjati vinassati, na hoti paraṃ marañā”ti.

Yato kho te bhikkhū nāsakkhimsu āyasmantaṃ yamakaṃ etasmā pāpakā diṭṭhigatā vivecetun, atha kho te bhikkhū utṭhāyāsanā yenāyasmā sārīputto tenupasaṅkamimsu; upasaṅkamitvā āyasmantaṃ sārīputtaṃ etadavocun – “yamakassa nāma, āvuso sārīputta, bhikkhuno evarūpaṃ pāpakaṃ diṭṭhigataṃ uppannaṃ – ‘tathāhaṃ bhagavatā dhammaṃ desitaṃ ājānāmi yathā khīṇāsavo bhikkhu kāyassa bheda ucchijjati vinassati, na hoti paraṃ marañā’”ti. Sādhāyasmā sārīputto yena yamako bhikkhu tenupasaṅkamatu anukampaṃ upādāyā”ti. Adhivāsesi kho āyasmā sārīputto tuṅhībhāvena. Atha kho āyasmā sārīputto sāyanhasamayā paṭisallānā vuṭṭhito yenāyasmā yamako tenupasaṅkami; upasaṅkamitvā āyasmatā yamakena saddhiṃ sammodi...pe... ekamantaṃ nisinnā kho āyasmā sārīputto āyasmantaṃ yamakaṃ etadavoca –

“Saccaṃ kira te, āvuso yamaka, evarūpaṃ pāpakaṃ diṭṭhigataṃ uppannaṃ – ‘tathāhaṃ bhagavatā dhammaṃ desitaṃ ājānāmi, yathā khīṇāsavo bhikkhu kāyassa bheda ucchijjati vinassati, na hoti paraṃ marañā’”ti? “Evaṃ khvāhaṃ, āvuso, bhagavatā dhammaṃ desitaṃ ājānāmi, yathā khīṇāsavo bhikkhu kāyassa bheda ucchijjati vinassati, na hoti paraṃ marañā”ti.

“Taṃ kiṃ maññasi, āvuso yamaka, rūpaṃ niccaṃ vā aniccaṃ vā”ti? “Aniccaṃ, āvuso”. “Vedanā niccā... saññā... saṅkhārā... viññāṇaṃ niccaṃ vā aniccaṃ vā”ti? “Aniccaṃ, āvuso”. Tasmātiha...pe... evaṃ passaṃ...pe... nāparaṃ itthattāyāti pajānāti”ti.

“Taṃ kiṃ maññasi, āvuso yamaka, rūpaṃ tathāgatoti samanupassasī”ti? “No hetam, āvuso” ... “vedanaṃ tathāgatoti samanupassasī”ti? “No hetam, āvuso”... “saññā... saṅkhāre... viññāṇaṃ tathāgatoti samanupassasī”ti? “No hetam, āvuso”.

“Taṃ kiṃ maññasi, āvuso yamaka, rūpasmim tathāgatoti samanupassasī”ti? “No hetam, āvuso”. “Aññatra rūpā tathāgatoti samanupassasī”ti? “No hetam, āvuso”. “Vedanāya... aññatra vedanāya... pe... saññāya... aññatra saññāya... saṅkhāresu... aññatra saṅkhārehi... viññāṇasmim tathāgatoti

samanupassasī’’ti? ‘‘No hetam, āvuso’’. ‘‘Aññatra viññāṇā tathāgatoti samanupassasī’’ti? ‘‘No hetam, āvuso’’.

‘‘Tam kiṃ maññasi, āvuso yamaka, rūpaṃ... vedanaṃ... saññaṃ... saṅkhāre... viññāṇaṃ tathāgatoti samanupassasī’’ti? ‘‘No hetam, āvuso’’.

‘‘Tam kiṃ maññasi, āvuso yamaka, ayaṃ so arūpī... avedano... asaṅhī... asaṅkhāro... aviññāṇo tathāgatoti samanupassasī’’ti? ‘‘No hetam, āvuso’’. ‘‘Ettha ca te, āvuso yamaka, diṭṭheva dhamme saccato thetato [tathato (syā. kam.)] tathāgate anupalabbhiyamāne [tathāgate anupalabbhamāne (?)], kallaṃ nu te taṃ veyyākaraṇaṃ – ‘tathāhaṃ bhagavatā dhammaṃ desitaṃ ājānāmi, yathā khīṇāsavo bhikkhu kāyassa bheda ucchijjati vinassati, na hoti paraṃ maraṇā’’ti?

‘‘Ahu kho me taṃ, āvuso sārīputta, pubbe aviddasuno pāpakaṃ diṭṭhigataṃ; idaṅca panāyasmato sārīputtassa dhammadesanaṃ sutvā tañceva pāpakaṃ diṭṭhigataṃ pahīnaṃ, dhammo ca me abhisamito’’ti.

‘‘Sace taṃ, āvuso yamaka, evaṃ puccheyyūṃ – ‘yo so, āvuso yamaka, bhikkhu arahaṃ khīṇāsavo so kāyassa bheda paraṃ maraṇā kiṃ hoti’’ti? Evaṃ puṭṭho tvaṃ, āvuso yamaka, kinti byākareyyāsī’’ti? ‘‘Sace maṃ, āvuso, evaṃ puccheyyūṃ – ‘yo so, āvuso yamaka, bhikkhu arahaṃ khīṇāsavo so kāyassa bheda paraṃ maraṇā kiṃ hoti’’ti? Evaṃ puṭṭhohaṃ, āvuso, evaṃ byākareyyaṃ – ‘rūpaṃ kho, āvuso, aniccaṃ. Yadaniccaṃ taṃ dukkhaṃ; yaṃ dukkhaṃ taṃ niruddhaṃ tadatthaṅgataṃ. Vedanā... sañña... saṅkhārā... viññāṇaṃ aniccaṃ. Yadaniccaṃ taṃ dukkhaṃ; yaṃ dukkhaṃ taṃ niruddhaṃ tadatthaṅgata’nti. Evaṃ puṭṭhohaṃ, āvuso, evaṃ byākareyya’’nti.

‘‘Sādhu sādhu, āvuso yamaka! Tena hāvuso, yamaka, upamaṃ te karissāmi etasseva atthassa bhiyyosomattāya ñāṇāya. Seyyathāpi, āvuso yamaka, gahapati vā gahapatiputto vā aḍḍho mahaddhano mahābhogo; so ca ārakkhasampanno. Tassa kocideva puriso uppajjeyya anattakāmo ahitakāmo ayogakkhemakāmo jīvitā voropetukāmo. Tassa evamassa – ‘ayaṃ kho gahapati vā gahapatiputto vā aḍḍho mahaddhano mahābhogo; so ca ārakkhasampanno; nāyaṃ [na hāyaṃ (syā. kam.)] sukaro pasayha jīvitā voropetuṃ. Yaṃnūnāhaṃ anupakhajja jīvitā voropeyya’nti. So taṃ gahapatiṃ vā gahapatiputtaṃ vā upasaṅkamtivā evaṃ vadeyya – ‘upaṭṭhaheyyaṃ taṃ, bhante’’ti. Tameṇaṃ so gahapati vā gahapatiputto vā upaṭṭhāpeyya. So upaṭṭhaheyya pubbuṭṭhāyī pacchānipātī kiṃkārapaṭissāvī manāpacārī piyavādī. Tassa so gahapati vā gahapatiputto vā mittatopi naṃ saddaheyya [daheyya (syā. kam. pī. ka.)]; suhajjatopi naṃ saddaheyya; tasmañca vissāsaṃ āpajjeyya. Yadā kho, āvuso, tassa purisassa evamassa – ‘saṃvissattho kho myāyaṃ gahapati vā gahapatiputto vā’’ti, atha naṃ rahogataṃ viditvā tiṅhena satthena jīvitā voropeyya.

‘‘Tam kiṃ maññasi, āvuso yamaka, yadā hi so puriso amuṃ gahapatiṃ vā gahapatiputtaṃ vā upasaṅkamtivā evaṃ āha – ‘upaṭṭhaheyyaṃ taṃ, bhante’’ti, tadāpi so vadhakova. Vadhakaṅca pana santaṃ na aññasi – ‘vadhako me’’ti. Yadāpi so upaṭṭhahati pubbuṭṭhāyī pacchānipātī kiṃkārapaṭissāvī manāpacārī piyavādī, tadāpi so vadhakova. Vadhakaṅca pana santaṃ na aññasi – ‘vadhako me’’ti. Yadāpi naṃ rahogataṃ viditvā tiṅhena satthena jīvitā voropeti, tadāpi so vadhakova. Vadhakaṅca pana santaṃ na aññasi – ‘vadhako me’’ti. ‘‘Evamāvuso’’ti. ‘‘Evameva kho, āvuso, assutavā puthujjano ariyānaṃ adassāvī ariyadhammassa akovido ariyadhamme avinīto, sappurisānaṃ adassāvī sappurisadhammassa akovido sappurisadhamme avinīto rūpaṃ attato samanupassati, rūpavantaṃ vā attānaṃ; attani vā rūpaṃ, rūpasmim vā attānaṃ. Vedanaṃ... saññaṃ... saṅkhāre... viññāṇaṃ attato samanupassati, viññāṇavantaṃ vā attānaṃ; attani vā viññāṇaṃ, viññāṇasmim vā attānaṃ’’.

‘‘So aniccaṃ rūpaṃ ‘aniccaṃ rūpa’nti yathābhūtaṃ nappajānāti. Aniccaṃ vedanaṃ ‘aniccā vedanā’’ti yathābhūtaṃ nappajānāti. Aniccaṃ saññaṃ ‘aniccā sañña’’ti yathābhūtaṃ nappajānāti. Anicce saṅkhāre ‘aniccā saṅkhārā’’ti yathābhūtaṃ nappajānāti. Aniccaṃ viññāṇaṃ ‘aniccaṃ viññāṇa’nti

yathābhūtaṃ nappajānāti.

“Dukkhaṃ rūpaṃ ‘dukkhaṃ rūpa’nti yathābhūtaṃ nappajānāti. Dukkhaṃ vedanaṃ... dukkhaṃ saññaṃ... dukkhe saṅkhāre... dukkhaṃ viññāṇaṃ ‘dukkhaṃ viññāṇa’nti yathābhūtaṃ nappajānāti.

“Anattaṃ rūpaṃ ‘anattā rūpa’nti yathābhūtaṃ nappajānāti. Anattaṃ vedanaṃ... anattaṃ saññaṃ... anatte saṅkhāre... anattaṃ viññāṇaṃ ‘anattaṃ viññāṇa’nti yathābhūtaṃ nappajānāti.

“Saṅkhataṃ rūpaṃ ‘saṅkhataṃ rūpa’nti yathābhūtaṃ nappajānāti. Saṅkhataṃ vedanaṃ... saṅkhataṃ saññaṃ... saṅkhate saṅkhāre... saṅkhataṃ viññāṇaṃ ‘saṅkhataṃ viññāṇa’nti yathābhūtaṃ nappajānāti.

“Vadhakaṃ rūpaṃ ‘vadhakaṃ rūpa’nti yathābhūtaṃ nappajānāti. Vadhakaṃ vedanaṃ ‘vadhakā vedanā’ti... vadhakaṃ saññaṃ ‘vadhakā sañña’ti... vadhake saṅkhāre ‘vadhakā saṅkhārā’ti yathābhūtaṃ nappajānāti. Vadhakaṃ viññāṇaṃ ‘vadhakaṃ viññāṇa’nti yathābhūtaṃ nappajānāti.

“So rūpaṃ upeti upādiyati adhiṭṭhāti ‘attā me’ti. Vedanaṃ... saññaṃ... saṅkhāre... viññāṇaṃ upeti upādiyati adhiṭṭhāti ‘attā me’ti. Tassime pañcupādānakkhandhā upetā upādinnā dīgharattaṃ ahitāya dukkhāya saṃvattanti.

“Sutavā ca kho, āvuso, ariyasāvako ariyānaṃ dassāvī...pe... sappurisadhamme suvinīto na rūpaṃ attato samanupassati, na rūpavantaṃ attānaṃ; na attani rūpaṃ, na rūpasmim attānaṃ. Na vedanaṃ... na saññaṃ... na saṅkhāre... na viññāṇaṃ attato samanupassati, na viññāṇavantaṃ attānaṃ; na attani viññāṇaṃ, na viññāṇasmim attānaṃ.

“So aniccaṃ rūpaṃ ‘aniccaṃ rūpa’nti yathābhūtaṃ pajānāti. Aniccaṃ vedanaṃ ... aniccaṃ saññaṃ... anicce saṅkhāre ... aniccaṃ viññāṇaṃ ‘aniccaṃ viññāṇa’nti yathābhūtaṃ pajānāti.

“Dukkhaṃ rūpaṃ ‘dukkhaṃ rūpa’nti yathābhūtaṃ pajānāti. Dukkhaṃ vedanaṃ... dukkhaṃ saññaṃ... dukkhe saṅkhāre... dukkhaṃ viññāṇaṃ ‘dukkhaṃ viññāṇa’nti yathābhūtaṃ pajānāti.

“Anattaṃ rūpaṃ ‘anattā rūpa’nti yathābhūtaṃ pajānāti. Anattaṃ vedanaṃ... anattaṃ saññaṃ... anatte saṅkhāre... anattaṃ viññāṇaṃ ‘anattā viññāṇa’nti yathābhūtaṃ pajānāti.

“Saṅkhataṃ rūpaṃ ‘saṅkhataṃ rūpa’nti yathābhūtaṃ pajānāti. Saṅkhataṃ vedanaṃ... saṅkhataṃ saññaṃ... saṅkhate saṅkhāre... saṅkhataṃ viññāṇaṃ ‘saṅkhataṃ viññāṇa’nti yathābhūtaṃ pajānāti.

“Vadhakaṃ rūpaṃ ‘vadhakaṃ rūpa’nti yathābhūtaṃ pajānāti. Vadhakaṃ vedanaṃ... vadhakaṃ saññaṃ... vadhake saṅkhāre ‘vadhakā saṅkhārā’ti yathābhūtaṃ pajānāti. Vadhakaṃ viññāṇaṃ ‘vadhakaṃ viññāṇa’nti yathābhūtaṃ pajānāti.

“So rūpaṃ na upeti, na upādiyati, nādhiṭṭhāti – ‘attā me’ti. Vedanaṃ... saññaṃ... saṅkhāre... viññāṇaṃ na upeti, na upādiyati, nādhiṭṭhāti – ‘attā me’ti. Tassime pañcupādānakkhandhā anupetā anupādinnā dīgharattaṃ hitāya sukhāya saṃvattanti’ti. “Evametaṃ, āvuso sārīputta, hoti yesaṃ āyasmantānaṃ tādīsā sabrahmacāriṇo anukampakā atthakāmā ovādakā anusāsakā. Idañca pana me āyasmato sārīputtassa dhammadesanaṃ sutvā anupādāya āsavehi cittaṃ vimutta’nti. Tatiyaṃ.

#### 4. Anurādhasuttaṃ

86. Evaṃ me suttaṃ – ekaṃ samayaṃ bhagavā vesāliyaṃ viharati mahāvane kūṭāgārasālāyaṃ.

Tena kho pana samayena āyasmā anurādho bhagavato avidūre araṇṇakuṭīkāyaṃ viharati. Atha kho sambahulā aññatitthiyā paribbājakā yena āyasmā anurādho tenupasaṅkamimṣu; upasaṅkamitvā āyasmatā anurādheṇa saddhiṃ sammodiṃsu. Sammodanīyaṃ kathaṃ sāraṇīyaṃ vītisāretvā ekamantaṃ nisīdiṃsu. Ekamantaṃ nisinnā kho te aññatitthiyā paribbājakā āyasmantaṃ anurādhaṃ etadavocaṃ – “yo so, āvuso anurādha, tathāgato uttamapuriso paramapuriso paramapattipatto, taṃ tathāgato imesu catūsu ṭhānesu paññāpayamāno paññāpeti – ‘hoti tathāgato paraṃ maraṇā’ti vā, ‘na hoti tathāgato paraṃ maraṇā’ti vā, ‘hoti ca na ca hoti tathāgato paraṃ maraṇā’ti vā, ‘neva hoti na na hoti tathāgato paraṃ maraṇā’ti vā’”ti?

Evam vutte, āyasmā anurādho te aññatitthiye paribbājake etadavoca – “yo so āvuso tathāgato uttamapuriso paramapuriso paramapattipatto taṃ tathāgato aññatra imehi catūhi ṭhānehi paññāpayamāno paññāpeti – ‘hoti tathāgato paraṃ maraṇā’ti vā, ‘na hoti tathāgato paraṃ maraṇā’ti vā, ‘hoti ca na ca hoti tathāgato paraṃ maraṇā’ti vā, ‘neva hoti na na hoti tathāgato paraṃ maraṇā’ti vā’”ti. Evam vutte, aññatitthiyā paribbājakā āyasmantaṃ anurādhaṃ etadavocaṃ – “so cāyaṃ bhikkhu navo bhavissati acirapabbajito, therō vā pana bālo abyatto’”ti. Atha kho aññatitthiyā paribbājakā āyasmantaṃ anurādhaṃ navavādena ca bālavādena ca apasādetvā utṭhāyāsanaṃ pakkamimṣu.

Atha kho āyasmato anurādheṇa acirapakkantesu tesu aññatitthiyesu paribbājakesu etadahosi – “sace kho maṃ te aññatitthiyā paribbājakā uttariṃ pañhaṃ puccheyyumaṃ. Kathaṃ byākaramāno nu khvāhaṃ tesam aññatitthiyānaṃ paribbājakānaṃ vuttavādī ceva bhagavato assaṃ, na ca bhagavantaṃ abhūtena abbhācikkheyyaṃ, dhammassa cānudhammaṃ byākareyyaṃ, na ca koci sahadhammiko vādānuvādo gārayhaṃ ṭhānaṃ āgaccheyyā’”ti?

Atha kho āyasmā anurādho yena bhagavā tenupasaṅkami; upasaṅkamitvā...pe... ekamantaṃ nisinnā kho āyasmā anurādho bhagavantaṃ etadavoca – “idhāhaṃ, bhante, bhagavato avidūre araṇṇakuṭīkāyaṃ viharāmi. Atha kho, bhante, sambahulā aññatitthiyā paribbājakā yenaṃ tenupasaṅkamimṣu ...pe... maṃ etadavocaṃ – “yo so, āvuso anurādha, tathāgato uttamapuriso paramapuriso paramapattipatto taṃ tathāgato imesu catūsu ṭhānesu paññāpayamāno paññāpeti – hoti tathāgato paraṃ maraṇā’ti vā, na hoti... hoti ca na ca hoti, neva hoti na na hoti tathāgato paraṃ maraṇā’ti vā’”ti?

Evam vuttāhaṃ, bhante, te aññatitthiye paribbājake etadavocaṃ – “yo so, āvuso, tathāgato uttamapuriso paramapuriso paramapattipatto, taṃ tathāgato aññatra imehi catūhi ṭhānehi paññāpayamāno paññāpeti – ‘hoti tathāgato paraṃ maraṇā’ti vā...pe... ‘neva hoti na na hoti tathāgato paraṃ maraṇā’ti vā’ti. Evam vutte, bhante, te aññatitthiyā paribbājakā maṃ etadavocaṃ – ‘so cāyaṃ bhikkhu na vo bhavissati acirapabbajito therō vā pana bālo abyatto’”ti. Atha kho maṃ, bhante, te aññatitthiyā paribbājakā navavādena bālavādena ca apasādetvā utṭhāyāsanaṃ pakkamimṣu’”.

“Tassa mayhaṃ, bhante, acirapakkantesu tesu aññatitthiyesu paribbājakesu etadahosi – ‘sace kho maṃ te aññatitthiyā paribbājakā uttariṃ pañhaṃ puccheyyumaṃ. Kathaṃ byākaramāno nu khvāhaṃ tesam aññatitthiyānaṃ paribbājakānaṃ vuttavādī ceva bhagavato assaṃ, na ca bhagavantaṃ abhūtena abbhācikkheyyaṃ, dhammassa cānudhammaṃ byākareyyaṃ, na ca koci sahadhammiko vādānuvādo gārayhaṃ ṭhānaṃ āgaccheyyā’”ti?

“Taṃ kiṃ maññasi, anurādha, rūpaṃ niccaṃ vā aniccaṃ vā’”ti? “Aniccaṃ, bhante’”. “Yaṃ paṇāniccaṃ dukkhaṃ vā taṃ sukhaṃ vā’”ti? “Dukkhaṃ, bhante’”. “Yaṃ paṇāniccaṃ dukkhaṃ vipariṇāmadhammaṃ kallaṃ nu taṃ samanupassitumaṃ – ‘etaṃ mama, esohamasmi, eso me attā’”ti? “No hetamaṃ, bhante’”. “Vedanā... saññā... saṅkhārā... viññānaṃ niccaṃ vā aniccaṃ vā’”ti? “Aniccaṃ, bhante’”...pe... tasmātiha...pe... evaṃ passaṃ...pe... nāparaṃ itthattāyāti pajānāti’”.

“Taṃ kiṃ maññasi, anurādha, rūpaṃ tathāgatoti samanupassasi’”ti? “No hetamaṃ, bhante’”.

“Vedanam... saññaṃ... saṅkhāre... viññāṇaṃ tathāgatoti samanupassasī”ti? “No hetam, bhante”.

“Tam kiṃ maññasī, anurādha, rūpasmim tathāgatoti samanupassasī”ti? “No hetam, bhante”.  
 “Aññatra rūpā tathāgatoti samanupassasī”ti? “No hetam, bhante”. “Vedanāya...pe... aññatra vedanāya...pe... saññāya... aññatra saññāya... saṅkhāresu... aññatra saṅkhārehi... viññāṇasmim... aññatra viññāṇā tathāgatoti samanupassasī”ti? “No hetam, bhante”.

“Tam kiṃ maññasī, anurādha, rūpaṃ... vedanā... saññā... saṅkhārā... viññāṇaṃ tathāgatoti samanupassasī”ti? “No hetam, bhante”.

“Tam kiṃ maññasī, anurādha, ayaṃ so arūpī vedano asaññī asāṅkhāro aviññāṇo tathāgatoti samanupassasī”ti? “No hetam, bhante”.

“Ettha ca te, anurādha, diṭṭheva dhamme saccato thetato tathāgate anupalabbhiyamāne kallaṃ nu te taṃ veyyākaraṇaṃ – ‘yo so, āvuso, tathāgato uttamapuriso paramapuriso paramapattipatto taṃ tathāgato aññatra imehi catūhi ṭhānehi paññāpayamāno paññāpeti – hoti tathāgato paraṃ maraṇāti vā... neva hoti na na hoti tathāgato paraṃ maraṇāti vā’”ti? “No hetam, bhante”.

“Sādhu sādhu, anurādha! Pubbe cāhaṃ, anurādha, etarahi ca dukkhañceva paññāpemi, dukkhassa ca nirodha”nti. Catutthaṃ.

## 5. Vakkalisuttaṃ

**87.** Ekaṃ samayaṃ bhagavā rājagahe viharati veḷuvane kalandakanivāpe. Tena kho pana samayena āyasmā vakkali kumbhakāranivesane viharati ābādhiko dukkhito bāḷhagilāno. Atha kho āyasmā vakkali upaṭṭhāke āmantesi – “etha tumhe, āvuso, yena bhagavā tenupasaṅkamatha; upasaṅkamitvā mama vacanena bhagavato pāde sirasā vandatha – ‘vakkali, bhante, bhikkhu ābādhiko dukkhito bāḷhagilāno, so bhagavato pāde sirasā vandatī’ti. Evañca vadetha – ‘sādhu kira, bhante, bhagavā yena vakkali bhikkhu tenupasaṅkamatū; anukampaṃ upādāyā’”ti. “Evamāvuso”ti kho te bhikkhū āyasmato vakkalissa paṭissutvā yena bhagavā tenupasaṅkamimṣu; upasaṅkamitvā bhagavantaṃ abhivādetvā ekamantaṃ nisīdimṣu. Ekamantaṃ nisinnā kho te bhikkhū bhagavantaṃ etadavocaṃ – “vakkali, bhante, bhikkhu ābādhiko dukkhito bāḷhagilāno, so bhagavato pāde sirasā vandati; evañca pana vadeti – ‘sādhu kira, bhante, bhagavā yena vakkali bhikkhu tenupasaṅkamatū; anukampaṃ upādāyā’”ti. Adhivāsesi bhagavā tuṅhībhāvena.

Atha kho bhagavā nivāsetvā pattacīvaramādāya yenāyasmā vakkali tenupasaṅkami. Addasā kho āyasmā vakkali bhagavantaṃ dūratova āgacchantaṃ. Disvāna mañcake samadhosi [samañcosi (sī.), samañcopi (syā. kam.) sam + dhū + ī = samadhosi]. Atha kho bhagavā āyasmantaṃ vakkaliṃ etadavoca – “alaṃ, vakkali, mā tvaṃ mañcake samadhosi. Santimāni āsanāni paññattāni; tatthāhaṃ nisīdissāmī”ti. Nisīdi bhagavā paññatte āsane. Nisajja kho bhagavā āyasmantaṃ vakkaliṃ etadavoca – “kacci te, vakkali, khamanīyaṃ, kacci yāpanīyaṃ, kacci dukkhā vedanā paṭikkamanti, no abhikkamanti; paṭikkamosānaṃ paññāyati, no abhikkamo”ti? “Na me, bhante, khamanīyaṃ, na yāpanīyaṃ; bāḷhā me dukkhā vedanā abhikkamanti, no paṭikkamanti; abhikkamosānaṃ paññāyati, no paṭikkamo”ti. “Kacci te, vakkali, na kiñci kukkucçaṃ, na koci vippaṭisāro”ti? “Taggha me, bhante, anappakaṃ kukkucçaṃ, anappako vippaṭisāro”ti. “Kacci pana taṃ, vakkali, attā sīlato na upavadatī”ti? “Na kho maṃ, bhante, attā sīlato upavadatī”ti. “No ce kira taṃ, vakkali, attā sīlato upavadati; atha kiñca te kukkucçaṃ ko ca vippaṭisāro”ti? “Cirapaṭikāhaṃ, bhante, bhagavantaṃ dassanāya upasaṅkamitukāmo, natthi ca me kāyasmim tāvaticā balamattā, yāvatahaṃ [yāhaṃ (sī.), yāyāhaṃ (pī.)] bhagavantaṃ dassanāya upasaṅkameyya”nti.

“Alaṃ, vakkali, kiṃ te iminā pūtikāyena diṭṭhena? Yo kho, vakkali, dhammaṃ passati so maṃ

passati; yo maṃ passati so dhammaṃ passati. Dhammañhi, vakkali, passanto maṃ passati; maṃ passanto dhammaṃ passati.

“Taṃ kiṃ maññasi, vakkali, rūpaṃ niccaṃ vā aniccaṃ vā”ti? “Aniccaṃ, bhante”. “Yaṃ paṇāniccaṃ dukkhaṃ vā taṃ sukhaṃ vā”ti? “Dukkhaṃ, bhante”. “Yaṃ paṇāniccaṃ dukkhaṃ vipariṇāmadhammaṃ, kallaṃ nu taṃ samanupassituṃ – ‘etaṃ mama, esohamasmi, eso me attā’”ti? “No hetamaṃ, bhante”. “Vedanā... saññā... saṅkhārā... viññāṇaṃ niccaṃ vā aniccaṃ vā”ti? “Aniccaṃ, bhante”...pe... eso me attāti? “No hetamaṃ, bhante”. “Tasmātiha...pe... evaṃ passaṃ...pe... nāparaṃ itthattāyāti pajānāti”ti.

Atha kho bhagavā āyasmantaṃ vakkaliṃ iminā ovādena ovaditvā utthāyāsanaṃ yena gijjhakūṭo pabbato tena pakkāmi. Atha kho āyasmā vakkali acirapakkantassa bhagavato upaṭṭhāke āmantesi – “etha maṃ, āvuso, mañcakaṃ āropetvā yena isigilipassaṃ kāḷasilā tenupasaṅkamatha. Kathañhi nāma mādiso antaraghare kālaṃ kattabbaṃ maññeyyā”ti? “Evamāvuso”ti kho te bhikkhū āyasmato vakkalissa paṭissutvā āyasmantaṃ vakkaliṃ mañcakaṃ āropetvā yena isigilipassaṃ kāḷasilā tenupasaṅkamimsu. Atha kho bhagavā tañca rattiyaṃ tañca divāvasesaṃ gijjhakūṭe pabbate vihāsi. Atha kho dve devatāyo abhikkantāya rattiyā abhikkantavaṇṇā kevalakappaṃ gijjhakūṭaṃ obhāsetvā yena bhagavā tenupasaṅkamimsu...pe... ekamantaṃ aṭṭhaṃsu. Ekamantaṃ ṭhitā kho ekā devatā bhagavantaṃ etadavoca – “vakkali, bhante, bhikkhu vimokkhāya cetetī”ti. Aparā devatā bhagavantaṃ etadavoca – “so hi nūna, bhante, suvimutto vimuccissatī”ti. Idamavocumaṃ tā devatāyo. Idamaṃ vatvā bhagavantaṃ abhivādetvā padakkhiṇaṃ katvā tatthevantaradhāyimsu.

Atha kho bhagavā tassā rattiyā accayena bhikkhū āmantesi – “etha tumhe, bhikkhave, yena vakkali bhikkhu tenupasaṅkamatha; upasaṅkamitvā vakkaliṃ bhikkhumaṃ evaṃ vadetha –

“‘Suṇāvuso tvamaṃ, vakkali, bhagavato vacanaṃ dvinnāṇca devatānaṃ. Imaṃ, āvuso, rattiyaṃ dve devatāyo abhikkantāya rattiyā abhikkantavaṇṇā kevalakappaṃ gijjhakūṭaṃ obhāsetvā yena bhagavā tenupasaṅkamimsu; upasaṅkamitvā bhagavantaṃ abhivādetvā ekamantaṃ aṭṭhaṃsu. Ekamantaṃ ṭhitā kho, āvuso, ekā devatā bhagavantaṃ etadavoca – vakkali, bhante, bhikkhu vimokkhāya cetetīti. Aparā devatā bhagavantaṃ etadavoca – so hi nūna, bhante, suvimutto vimuccissatīti. Bhagavā ca taṃ, āvuso vakkali, evamāha – mā bhāyi, vakkali; mā bhāyi, vakkali! Apāpakaṃ te maraṇaṃ bhavissati, apāpikā kālakiriyā”ti. “Evaṃ, bhante”ti kho te bhikkhū bhagavato paṭissutvā yenāyasmā vakkali tenupasaṅkamimsu; upasaṅkamitvā āyasmantaṃ vakkaliṃ etadavocumaṃ – ‘suṇāvuso vakkali, bhagavato vacanaṃ dvinnāṇca devatāna’nti.

Atha kho āyasmā vakkali upaṭṭhāke āmantesi – “etha maṃ, āvuso, mañcakā oropetha. Kathañhi nāma mādiso ucce āsane nisīditvā tassa bhagavato sāsanaṃ sotabbaṃ maññeyyā”ti! “Evamāvuso”ti kho te bhikkhū āyasmato vakkalissa paṭissutvā āyasmantaṃ vakkaliṃ mañcakā oropesumaṃ. “Imaṃ, āvuso, rattiyaṃ dve devatāyo abhikkantāya rattiyā...pe... ekamantaṃ aṭṭhaṃsu. Ekamantaṃ ṭhitā kho, āvuso, ekā devatā bhagavantaṃ etadavoca – ‘vakkali, bhante, bhikkhu vimokkhāya cetetī’ti. Aparā devatā bhagavantaṃ etadavoca – ‘so hi nūna, bhante, suvimutto vimuccissatī’ti. Bhagavā ca taṃ, āvuso vakkali, evamāha – ‘mā bhāyi, vakkali; mā bhāyi, vakkali! Apāpakaṃ te maraṇaṃ bhavissati, apāpikā kālakiriyā”ti. “Tena hāvuso, mama vacanena bhagavato pāde sirasā vandatha – ‘vakkali, bhante, bhikkhu ābādhiko dukkhito bāḷhagilāno. So bhagavato pāde sirasā vandatī’ti. Evañca vadetha – ‘rūpaṃ aniccaṃ. Tāhaṃ, bhante, na kaṅkhāmi. Yadaniccaṃ taṃ dukkhanti na vicikicchāmi. Yadaniccaṃ dukkhaṃ vipariṇāmadhammaṃ, natthi me tattha chando vā rāgo vā pemaṃ vāti na vicikicchāmi. Vedanā aniccā. Tāhaṃ, bhante, na kaṅkhāmi. Yadaniccaṃ taṃ dukkhanti na vicikicchāmi. Yadaniccaṃ dukkhaṃ vipariṇāmadhammaṃ, natthi me tattha chando vā rāgo vā pemaṃ vāti na vicikicchāmi. Saññā... saṅkhārā aniccā. Tāhaṃ, bhante, na kaṅkhāmi. Yadaniccaṃ taṃ dukkhanti na vicikicchāmi. Yadaniccaṃ dukkhaṃ vipariṇāmadhammaṃ, natthi me tattha chando vā rāgo vā pemaṃ vāti na vicikicchāmi. Viññāṇaṃ aniccaṃ. Tāhaṃ, bhante, na kaṅkhāmi. Yadaniccaṃ taṃ dukkhanti na

vicikicchāmi. Yadaniccaṃ dukkhaṃ vipariṇāmadhammaṃ, natthi me tattha chando vā rāgo vā pemaṃ vāti na vicikicchāmi”’ti. “Evamāvuso”’ti kho te bhikkhū āyasmato vakkalissa paṭissutvā pakkamiṃsu. Atha kho āyasmā vakkali acirapakkantesu tesu bhikkhūsu satthaṃ āhāresi.

Atha kho te bhikkhū yena bhagavā tenupasaṅkamimṃsu; upasaṅkamitvā ekamantaṃ nisīdimṃsu. Ekamantaṃ nisinnā kho te bhikkhū bhagavantaṃ etadavocuṃ – “vakkali, bhante, bhikkhu ābādhiko dukkhito bāḷhagilāno; so bhagavato pāde sirasā vandati; evañca vadeti – ‘rūpaṃ aniccaṃ. Tāhaṃ, bhante, na kaṅkhāmi. Yadaniccaṃ taṃ dukkhanti na vicikicchāmi. Yadaniccaṃ dukkhaṃ vipariṇāmadhammaṃ, natthi me tattha chando vā rāgo vā pemaṃ vāti na vicikicchāmi. Vedanā... saññā... saṅkhārā ... viññāṇaṃ aniccaṃ. Tāhaṃ, bhante, na kaṅkhāmi. Yadaniccaṃ taṃ dukkhanti na vicikicchāmi. Yadaniccaṃ dukkhaṃ vipariṇāmadhammaṃ, natthi me tattha chando vā rāgo vā pemaṃ vāti na vicikicchāmi”’ti.

Atha kho bhagavā bhikkhū āmantesi – “āyāma, bhikkhave, yena isigilipassaṃ kāḷasilā tenupasaṅkamissāma; yattha vakkalinā kulaputtana satthamāharita”’nti. “Evaṃ, bhante”’ti kho te bhikkhū bhagavato paccassosuṃ. Atha kho bhagavā sambahulehi bhikkhūhi saddhiṃ yena isigilipassaṃ kāḷasilā tenupasaṅkami. Addasā kho bhagavā āyasmantaṃ vakkaliṃ dūratova mañcake vivattakkhandhaṃ semānaṃ.

Tena kho pana samayena dhūmāyitattaṃ timirāyitattaṃ gacchateva purimaṃ disaṃ, gacchati pacchimaṃ disaṃ, gacchati uttaraṃ disaṃ, gacchati dakkhiṇaṃ disaṃ, gacchati uddhaṃ disaṃ, gacchati adho disaṃ, gacchati anudisaṃ. Atha kho bhagavā bhikkhū āmantesi – “passatha no tumhe, bhikkhave, etaṃ dhūmāyitattaṃ timirāyitattaṃ gacchateva purimaṃ disaṃ...pe... gacchati anudisa”’nti. “Evaṃ, bhante”. “Eso kho, bhikkhave, māro pāpimā vakkalissa kulaputtassa viññāṇaṃ samanvesati [samannesati (ka. sī. pī.)] – ‘kattha vakkalissa kulaputtassa viññāṇaṃ patitṭhita’nti? Appatitṭhitena ca, bhikkhave, viññāṇena vakkali kulaputto parinibbuto”’ti. Pañcamaṃ.

## 6. Assajisuttaṃ

88. Ekaṃ samayaṃ bhagavā rājagahe viharati veḷuvane kalandakanivāpe. Tena kho pana samayena āyasmā assaji kassapakārāme viharati ābādhiko dukkhito bāḷhagilāno. Atha kho āyasmā assaji upaṭṭhāke āmantesi – “etha tumhe, āvuso, yena bhagavā tenupasaṅkamatha; upasaṅkamitvā mama vacanena bhagavato pāde sirasā vandatha – ‘assaji, bhante, bhikkhu ābādhiko dukkhito bāḷhagilāno. So bhagavato pāde sirasā vandatī’ti. Evañca vadetha – ‘sādhū kira, bhante, bhagavā yena assaji bhikkhu tenupasaṅkamatu anukampaṃ upādāyā”’ti. “Evamāvuso”’ti kho te bhikkhū āyasmato assajissa paṭissutvā yena bhagavā tenupasaṅkamimṃsu; upasaṅkamitvā bhagavantaṃ abhivādetvā ekamantaṃ nisīdimṃsu. Ekamantaṃ nisinnā kho te bhikkhū bhagavantaṃ etadavocuṃ – “assaji, bhante, bhikkhu ābādhiko...pe... sādhū kira, bhante, bhagavā yena assaji bhikkhu tenupasaṅkamatu anukampaṃ upādāyā”’ti. Adhivāsesi bhagavā tuṅhībhāvena.

Atha kho bhagavā sāyanhasamayaṃ paṭisallānā vuṭṭhito yenāyasmā assaji tenupasaṅkami. Addasā kho āyasmā assaji bhagavantaṃ dūratova āgacchantaṃ. Disvāna mañcake samadhosi. Atha kho bhagavā āyasmantaṃ assajiṃ [āyasmato assajissa (pī. ka.)] etadavoca – “alaṃ, assaji, mā tvaṃ mañcake samadhosi. Santimāni āsanāni paññattāni, tathāhaṃ nisīdissāmi”’ti. Nisīdi bhagavā paññatte āsane. Nisajja kho bhagavā āyasmantaṃ assajiṃ etadavoca – “kacci te, assaji, khamanīyaṃ, kacci yāpanīyaṃ...pe... paṭikkamosānaṃ paññāyati no abhikkamo”’ti?

“Na me, bhante, khamanīyaṃ...pe... abhikkamosānaṃ paññāyati no paṭikkamo”’ti. “Kacci te, assaji, na kiñci kukkucchaṃ na koci vippaṭisāro”’ti? “Taggha me, bhante, anappakaṃ kukkucchaṃ anappako vippaṭisāro”’ti. “Kacci pana taṃ, assaji, attā sīlato na upavadatī”’ti? “Na kho maṃ, bhante, attā sīlato upavadatī”’ti. “No ce kira taṃ, assaji, attā sīlato upavadati, atha kiñca te kukkucchaṃ ko ca



vippaṭṭisāro’’ti? ‘‘Pubbe khvāhaṃ, bhante, gelaññe passambhetvā passambhetvā kāyasaṅkhāre viharāmi, sohaṃ samādhiṃ nappaṭilabhāmi. Tassa mayhaṃ, bhante, taṃ samādhiṃ appaṭilabhato evaṃ hoti – ‘no cassāhaṃ parihāyāmi’’ti. ‘‘Ye te, assaji, samaṇabrāhmaṇā samādhisārakā samādhisāmaññā tesāṃ taṃ samādhiṃ appaṭilabhatāṃ evaṃ hoti – ‘no cassu mayaṃ parihāyāma’’ti.

‘‘Taṃ kiṃ maññasi, assaji, rūpaṃ niccaṃ vā aniccaṃ vā’’ti? ‘‘Aniccaṃ, bhante’’...pe... viññāṇaṃ ...pe... tasmātiha...pe... evaṃ passaṃ...pe... nāparaṃ itthattāyāti pajānātīti. So sukhaṃ ce vedanaṃ vedayati [vediyati (sī. pī.)], sā ‘aniccā’’ti pajānāti. ‘Anajjhositā’’ti pajānāti. ‘Anabhinanditā’’ti pajānāti. Dukkhaṃ ce vedanaṃ vedayati, sā ‘aniccā’’ti pajānāti. ‘Anajjhositā’’ti pajānāti. ‘Anabhinanditā’’ti pajānāti. Adukkhamasukhaṃ ce vedanaṃ vedayati, sā ‘aniccā’’ti pajānāti...pe... ‘anabhinanditā’’ti pajānāti. So sukhaṃ ce vedanaṃ vedayati, viṣaṃyutto naṃ vedayati; dukkhaṃ ce vedanaṃ vedayati, viṣaṃyutto naṃ vedayati; adukkhamasukhaṃ ce vedanaṃ vedayati, viṣaṃyutto naṃ vedayati. So kāyapariyantikaṃ ce vedanaṃ vedayamāno ‘kāyapariyantikaṃ vedanaṃ vedayāmi’’ti pajānāti. Jīvitapariyantikaṃ ce vedanaṃ vedayamānāe ‘jīvitapariyantikaṃ vedanaṃ vedayāmi’’ti pajānāti. ‘Kāyassa bhedaṃ uddhaṃ jīvitapariyādānā idheva sabbavedayitāni anabhinanditāni sītībhavissanti’’ti pajānāti.

‘‘Seyyathāpi, assaji, telañca paṭicca, vaṭṭiñca paṭicca, telappadīpo jhāyeyya; tasseva telassa ca vaṭṭiyā ca pariyaḍānā anāhāro nibbāyeyya. Evameva kho, assaji, bhikkhu kāyapariyantikaṃ vedanaṃ vedayamāno ‘kāyapariyantikaṃ vedanaṃ vedayāmi’’ti pajānāti. Jīvitapariyantikaṃ vedanaṃ vedayamāno ‘jīvitapariyantikaṃ vedanaṃ vedayāmi’’ti pajānāti. ‘Kāyassa bhedaṃ uddhaṃ jīvitapariyādānā idheva sabbavedayitāni anabhinanditāni sītībhavissanti’’ti pajānāti’’ti. Chaṭṭhaṃ.

## 7. Khemakasuttaṃ

89. Ekaṃ samayaṃ sambahulā therā bhikkhū kosambiyaṃ viharanti ghoṣitārāme. Tena kho pana samayena āyasmā khemako badarikārāme viharati ābādhiko dukkhito bāḷhagilāno. Atha kho therā bhikkhū sāyanhasamayaṃ paṭisallānā vuṭṭhitā āyasmantaṃ dāsakaṃ āmantesaṃ – ‘‘ehi tvaṃ, āvuso dāsaka, yena khemako bhikkhu tenupasaṅkama; upasaṅkamitvā khemakaṃ bhikkhuṃ evaṃ vadehi – ‘therā taṃ, āvuso khemaka, evamāhaṃsu – kacci te, āvuso, khamanīyaṃ, kacci yāpanīyaṃ, kacci dukkhā vedanā paṭikkamanti no abhikkamanti, paṭikkamosānaṃ paññāyati no abhikkamo’’ti? ‘‘Evamāvuso’’ti kho āyasmā dāsako therānaṃ bhikkhūnaṃ paṭissutvā yenāyasmā khemako tenupasaṅkami; upasaṅkamitvā āyasmantaṃ khemakaṃ etadavoca – ‘‘therā taṃ, āvuso khemaka, evamāhaṃsu – ‘kacci te, āvuso, khamanīyaṃ...pe... no abhikkamo’’ti? ‘‘Na me, āvuso, khamanīyaṃ na yāpanīyaṃ...pe... abhikkamosānaṃ paññāyati no paṭikkamo’’ti.

Atha kho āyasmā dāsako yena therā bhikkhū tenupasaṅkami; upasaṅkamitvā there bhikkhū etadavoca – ‘‘khemako, āvuso, bhikkhu evamāha – ‘na me, āvuso, khamanīyaṃ...pe... abhikkamosānaṃ paññāyati no paṭikkamo’’ti. ‘‘Ehi tvaṃ, āvuso dāsaka, yena khemako bhikkhu tenupasaṅkama; upasaṅkamitvā khemakaṃ bhikkhuṃ evaṃ vadehi – ‘therā taṃ, āvuso khemaka, evamāhaṃsu – pañcime, āvuso, upādānakkhandhā vuttā bhagavatā, seyyathidaṃ – rūpupādānakkhandho, vedanupādānakkhandho, saññupādānakkhandho, saṅkhārūpādānakkhandho, viññāṇupādānakkhandho. Imesu āyasmā khemako pañcasu upādānakkhandhesu kiñci attāṃ vā attaniyaṃ vā samanupassati’’ti?

‘‘Evamāvuso’’ti kho āyasmā dāsako therānaṃ bhikkhūnaṃ paṭissutvā yenāyasmā khemako tenupasaṅkami; upasaṅkamitvā...pe... therā taṃ, āvuso khemaka, evamāhaṃsu – ‘‘pañcime, āvuso, upādānakkhandhā vuttā bhagavatā, seyyathidaṃ – rūpupādānakkhandho...pe... viññāṇupādānakkhandho. Imesu āyasmā khemako pañcasu upādānakkhandhesu kiñci attāṃ vā attaniyaṃ vā samanupassati’’ti? ‘‘Pañcime, āvuso, upādānakkhandhā vuttā bhagavatā, seyyathidaṃ – rūpupādānakkhandho...pe... viññāṇupādānakkhandho. Imesu khvāhaṃ, āvuso, pañcasu

upādānakkhandhesu na kiñci attam vā attaniyam vā samanupassāmī’’ti.

Atha kho āyasmā dāsako yena therā bhikkhū tenupasaṅkama; upasaṅkamitvā there bhikkhū etadavoca – ‘‘khemako, āvuso, bhikkhu evamāha – ‘pañcime, āvuso, upādānakkhandhā vuttā bhagavatā, seyyathidaṃ – rūpupādānakkhandho...pe... viññāṇupādānakkhandho. Imesu khvāhaṃ, āvuso, pañcasu upādānakkhandhesu na kiñci attam vā attaniyam vā samanupassāmī’’ti. ‘‘Ehi tvam, āvuso dāsaka, yena khemako bhikkhu tenupasaṅkama; upasaṅkamitvā khemakaṃ bhikkhuṃ evaṃ vadehi – ‘therā taṃ, āvuso khemaka, evamāhaṃsu – pañcime, āvuso, upādānakkhandhā vuttā bhagavatā, seyyathidaṃ – rūpupādānakkhandho...pe... viññāṇupādānakkhandho. No ce kirāyasmā khemako imesu pañcasu upādānakkhandhesu kiñci attam vā attaniyam vā samanupassati. Tenahāyasmā khemako araham khīṇāsavo’’ti.

‘‘Evamāvuso’’ti kho āyasmā dāsako therānaṃ bhikkhūnaṃ paṭissutvā yenāyasmā khemako...pe... therā taṃ, āvuso khemaka, evamāhaṃsu – ‘pañcime, āvuso, upādānakkhandhā vuttā bhagavatā, seyyathidaṃ – rūpupādānakkhandho...pe... viññāṇupādānakkhandho; no ce kirāyasmā khemako imesu pañcasu upādānakkhandhesu kiñci attam vā attaniyam vā samanupassati, tenahāyasmā khemako araham khīṇāsavo’’ti. ‘‘Pañcime, āvuso, upādānakkhandhā vuttā bhagavatā, seyyathidaṃ – rūpupādānakkhandho...pe... viññāṇupādānakkhandho. Imesu khvāhaṃ, āvuso, pañcasu upādānakkhandhesu na kiñci attam vā attaniyam vā samanupassāmī, na camhi araham khīṇāsavo; api ca me, āvuso, pañcasu upādānakkhandhesu ‘asmī’’ti adhigataṃ, ‘ayamahasmī’’ti na ca samanupassāmī’’ti.

Atha kho āyasmā dāsako yena therā bhikkhū...pe... there bhikkhū etadavoca – ‘‘khemako, āvuso, bhikkhu evamāha – pañcime, āvuso, upādānakkhandhā vuttā bhagavatā, seyyathidaṃ – rūpupādānakkhandho...pe... viññāṇupādānakkhandho. Imesu khvāhaṃ, āvuso, pañcasu upādānakkhandhesu na kiñci attam vā attaniyam vā samanupassāmī, na camhi araham khīṇāsavo; api ca me, āvuso, pañcasu upādānakkhandhesu ‘asmī’’ti adhigataṃ, ‘ayamahasmī’’ti na ca samanupassāmī’’ti.

‘‘Ehi tvam, āvuso dāsaka, yena khemako bhikkhu tenupasaṅkama; upasaṅkamitvā khemakaṃ bhikkhuṃ evaṃ vadehi – ‘therā taṃ, āvuso khemaka, evamāhaṃsu – yametaṃ, āvuso khemaka, asmīti vadesi, kimetaṃ asmīti vadesi? Rūpaṃ asmīti vadesi, aññatra rūpā asmīti vadesi, vedanaṃ... saññaṃ... saṅkhāre... viññāṇaṃ asmīti vadesi, aññatra viññāṇā asmīti vadesi. Yametaṃ, āvuso khemaka, asmīti vadesi. Kimetaṃ asmīti vadesi’’ti?

‘‘Evamāvuso’’ti kho āyasmā dāsako therānaṃ bhikkhūnaṃ paṭissutvā yenāyasmā khemako tenupasaṅkama; upasaṅkamitvā āyasmantaṃ khemakaṃ etadavoca – therā taṃ, āvuso khemaka, evamāhaṃsu – ‘yametaṃ, āvuso khemaka, ‘asmī’’ti vadesi, kimetaṃ ‘asmī’’ti vadesi? Rūpaṃ ‘asmī’’ti vadesi aññatra rūpā ‘asmī’’ti vadesi? Vedanaṃ... saññaṃ... saṅkhāre... viññāṇaṃ ‘asmī’’ti vadesi aññatra viññāṇā ‘asmī’’ti vadesi? Yametaṃ, āvuso khemaka, ‘asmī’’ti vadesi, kimetaṃ ‘asmī’’ti vadesi’’ti? ‘‘Alaṃ, āvuso dāsaka, kiṃ imāya sandhāvanikāya! Āharāvuso, daṇḍaṃ; ahameva yena therā bhikkhū tenupasaṅkamissāmī’’ti.

Atha kho āyasmā khemako daṇḍamolubbha yena therā bhikkhū tenupasaṅkama; upasaṅkamitvā therehi bhikkhūhi saddhiṃ sammodi. Sammodaniyam kathaṃ saraṇiyam vītisāretvā ekamantaṃ nisīdi. Ekamantaṃ nisinnaṃ kho āyasmantaṃ khemakaṃ therā bhikkhū etadavocuṃ – ‘yametaṃ, āvuso khemaka, ‘asmī’’ti vadesi, kimetaṃ ‘asmī’’ti vadesi? Rūpaṃ ‘asmī’’ti vadesi, aññatra rūpā ‘asmī’’ti vadesi? Vedanaṃ... saññaṃ... saṅkhāre... viññāṇaṃ ‘asmī’’ti vadesi, aññatra viññāṇā ‘asmī’’ti vadesi? Yametaṃ, āvuso khemaka, ‘asmī’’ti vadesi, kimetaṃ ‘asmī’’ti vadesi’’ti? ‘‘Na khvāhaṃ, āvuso, rūpaṃ ‘asmī’’ti vadāmi; napi aññatra rūpā ‘asmī’’ti vadāmi. Na vedanaṃ... na saññaṃ... na saṅkhāre... na viññāṇaṃ ‘asmī’’ti vadāmi; napi aññatra viññāṇā ‘asmī’’ti vadāmi. Api ca me, āvuso, pañcasu

upādānakkhandhesu ‘asmī’ti adhiḡataṃ ‘ayamahasmī’ti na ca samanupassāmi’.

“Seyyathāpi, āvuso, uppalassa vā padumassa vā puṇḍarīkassa vā gandho. Yo nu kho evaṃ vadeyya – ‘pattassa gandho’ti vā ‘vaṇṇassa [vaṇḍassa (katthaci)] gandho’ti vā ‘kiṇḡakkhassa gandho’ti vā sammā nu kho so vadamāno vadeyyā’ti? “No hetam, āvuso”. “Yathā katham, paṇāvuso, sammā byākaramāno byākareyyā’ti? “Pupphassa gandho’ti kho, āvuso, sammā byākaramāno byākareyyā’ti. “Evameva khvāhaṃ, āvuso, na rūpaṃ ‘asmī’ti vadāmi, napi aññatra rūpā ‘asmī’ti vadāmi. Na vedanaṃ... na saññaṃ... na saṅkhāre... na viññāṇaṃ ‘asmī’ti vadāmi, napi aññatra viññāṇā ‘asmī’ti vadāmi. Api ca me, āvuso, pañcasu upādānakkhandhesu ‘asmī’ti adhiḡataṃ ‘ayamahasmī’ti na ca samanupassāmi’.

“Kiñcāpi, āvuso, ariyasāvakassa pañcorambhāgiyāni saṃyojanāni pahīnāni bhavanti, atha khvassa hoti – ‘yo ca pañcasu upādānakkhandhesu anusahagato asmīti māno, asmīti chando, asmīti anusayo asamūhato. So aparena samayena pañcasu upādānakkhandhesu udayabbayānupassī viharati – iti rūpaṃ, iti rūpassa samudayo, iti rūpassa atthaṅgamo; iti vedanā... iti sañña... iti saṅkhārā... iti viññāṇaṃ, iti viññāṇassa samudayo, iti viññāṇassa atthaṅgamo’ti. Tassimesu pañcasu upādānakkhandhesu udayabbayānupassino viharato yopissa hoti pañcasu upādānakkhandhesu anusahagato ‘asmī’ti, māno ‘asmī’ti, chando ‘asmī’ti anusayo asamūhato, sopi samugghātaṃ gacchati.

“Seyyathāpi, āvuso, vatthaṃ saṃkiliṭṭhaṃ malaggahitaṃ. Tameṇaṃ sāmikā rajakassa anupadajjuṃ. Tameṇaṃ rajako ūse vā khāre vā gomaye vā sammadditvā acche udake vikkhāleti. Kiñcāpi taṃ hoti vatthaṃ parisuddhaṃ pariyoḍātaṃ, atha khvassa hoti yeva anusahagato ūsagandho vā khāragandho vā gomayagandho vā asamūhato. Tameṇaṃ rajako sāmikānaṃ deti. Tameṇaṃ sāmikā gandhaparibhāvite karaṇḍake nikkhipanti. Yopissa hoti anusahagato ūsagandho vā khāragandho vā gomayagandho vā asamūhato, sopi samugghātaṃ gacchati. Evameva kho, āvuso, kiñcāpi ariyasāvakassa pañcorambhāgiyāni saṃyojanāni pahīnāni bhavanti, atha khvassa hoti yeva pañcasu upādānakkhandhesu anusahagato ‘asmī’ti, māno ‘asmī’ti, chando ‘asmī’ti anusayo asamūhato. So aparena samayena pañcasu upādānakkhandhesu udayabbayānupassī viharati. ‘Iti rūpaṃ, iti rūpassa samudayo, iti rūpassa atthaṅgamo; iti vedanā... iti sañña... iti saṅkhārā... iti viññāṇaṃ, iti viññāṇassa samudayo, iti viññāṇassa atthaṅgamo’ti. Tassa imesu pañcasu upādānakkhandhesu udayabbayānupassino viharato yopissa hoti pañcasu upādānakkhandhesu anusahagato ‘asmī’ti, māno ‘asmī’ti, chando ‘asmī’ti anusayo asamūhato, sopi samugghātaṃ gacchati’ ti.

Evaṃ vutte, therā bhikkhū āyasmantaṃ khemakaṃ etadavocum – “na kho [na kho pana (ka.)] mayaṃ āyasmantaṃ khemakaṃ vihesāpekhā pucchimha, api cāyasmā khemako pahosi tassa bhagavato sāsanaṃ vitthārena ācikkhitum desetum paññāpetum paṭṭhapetum vivaritam vibhajitam uttānīkatum. Tayidaṃ āyasmataṃ khemakena tassa bhagavato sāsanaṃ vitthārena ācikkhitam desitam paññāpitaṃ paṭṭhapitaṃ vivaritam vibhajitam uttānīkata” nti.

Idamavoca āyasmā khemako. Attamanā therā bhikkhū āyasmato khemakassa bhāsitaṃ abhinandum. Imasmiṇca pana veyyākaraṇasmim bhaññaṃāne saṭṭhimattānaṃ therānaṃ bhikkhūnaṃ anupādāya āsavehi cittāni vimuccimṣu, āyasmato khemakassa cāti. Sattamaṃ.

## 8. Channasuttaṃ

90. Ekaṃ samayaṃ sambahulā therā bhikkhū bārānasiyaṃ viharanti isipatane migadāye. Atha kho āyasmā channo sāyanhasamayaṃ paṭisallānā vuṭṭhito avāpuraṇaṃ [apāpuraṇaṃ (sī. syā. kaṃ.)] ādāya vihārena vihāraṃ upasaṅkamtivā there bhikkhū etadavoca – “ovadantu maṃ āyasmanto therā, anusāsantu maṃ āyasmanto therā, karontu me āyasmanto therā dhammiṃ kathaṃ, yathāhaṃ dhammaṃ passeyya’ nti.

Evaṃ vutte, therā bhikkhū āyasmantaṃ channaṃ etadavocum – “rūpaṃ kho, āvuso channa,

aniccam; vedanā aniccā; saññā aniccā; saṅkhārā aniccā; viññāṇaṃ aniccaṃ. Rūpaṃ anattā; vedanā... saññā... saṅkhārā... viññāṇaṃ anattā. Sabbe saṅkhārā aniccā; sabbe dhammā anattā”ti.

Atha kho āyasmato channassa etadahosi – “mayhampi kho etaṃ evaṃ [mayhampi kho evaṃ (syā. kaṃ.)] hoti – ‘rūpaṃ aniccaṃ, vedanā... saññā... saṅkhārā... viññāṇaṃ aniccaṃ; rūpaṃ anattā, vedanā ... saññā... saṅkhārā... viññāṇaṃ anattā. Sabbe saṅkhārā aniccā, sabbe dhammā anattā’ti. Atha ca pana me sabbasaṅkhārasamathe sabbūpadhipaṭṭinissagge taṇhākkhaye virāge nirodhe nibbāne cittaṃ na pakkhandati nappasīdati na santiṭṭhati nādhimuccati. Paritassanā upādānaṃ uppajjati; paccudāvattati mānaṣaṃ – ‘atha ko carahi me attā’ti? Na kho panevaṃ dhammaṃ passato hoti. Ko nu kho me tathā dhammaṃ deseyya yathāhaṃ dhammaṃ passeyya’nti.

Atha kho āyasmato channassa etadahosi – “ayaṃ kho āyasmā ānando kosambiyaṃ viharati ghoṣitārāme satthu ceva saṃvaṇṇito sambhāvito ca viññūnaṃ sabrahmacārīnaṃ, pahoti ca me āyasmā ānando tathā dhammaṃ desetuṃ yathāhaṃ dhammaṃ passeyyaṃ; atthi ca me āyasmante ānande tāvatikā viṣṭatthi [viṣṭatthi (?)]. Yaṃnūnāhaṃ yenāyasmā ānando tenupasaṅkameyya”nti. Atha kho āyasmā channo senāsaṇaṃ saṃsāmetvā pattacīvaramādāya yena kosambī ghoṣitārāmo yenāyasmā ānando tenupasaṅkameyya; upasaṅkamitvā āyasmata ānandena saddhiṃ sammodi...pe... ekamantaṃ nisino kho āyasmā channo āyasmantaṃ ānandaṃ etadavoca –

“Ekamidāhaṃ, āvuso ānanda, samayaṃ bārāṇasiyaṃ viharāmi isipatane migadāye. Atha khvāhaṃ, āvuso, sāyanhasamayaṃ paṭisallānā vuṭṭhito avāpuraṇaṃ ādāya vihārena vihāraṃ upasaṅkamim; upasaṅkamitvā there bhikkhū etadavocaṃ – ‘ovadantu maṃ āyasmanto therā, anusāsantu maṃ āyasmanto therā, karontu me āyasmanto therā dhammiṃ kathaṃ yathāhaṃ dhammaṃ passeyya’nti. Evaṃ vutte maṃ, āvuso, therā bhikkhū etadavocaṃ – ‘rūpaṃ kho, āvuso channa, aniccaṃ; vedanā... saññā... saṅkhārā... viññāṇaṃ aniccaṃ; rūpaṃ anattā...pe... viññāṇaṃ anattā. Sabbe saṅkhārā aniccā, sabbe dhammā anattā’”ti.

“Tassa mayhaṃ, āvuso, etadahosi – ‘mayhampi kho etaṃ evaṃ hoti – rūpaṃ aniccaṃ...pe... viññāṇaṃ aniccaṃ, rūpaṃ anattā, vedanā... saññā... saṅkhārā... viññāṇaṃ anattā. Sabbe saṅkhārā aniccā, sabbe dhammā anattā’ti. Atha ca pana me sabbasaṅkhārasamathe sabbūpadhipaṭṭinissagge taṇhākkhaye virāge nirodhe nibbāne cittaṃ na pakkhandati nappasīdati na santiṭṭhati nādhimuccati. Paritassanā upādānaṃ uppajjati; paccudāvattati mānaṣaṃ – ‘atha ko carahi me attā’ti? Na kho panevaṃ dhammaṃ passato hoti. Ko nu kho me tathā dhammaṃ deseyya yathāhaṃ dhammaṃ passeyyanti!

“Tassa mayhaṃ, āvuso, etadahosi – ‘ayaṃ kho āyasmā ānando kosambiyaṃ viharati ghoṣitārāme satthu ceva saṃvaṇṇito sambhāvito ca viññūnaṃ sabrahmacārīnaṃ, pahoti ca me āyasmā ānando tathā dhammaṃ desetuṃ yathāhaṃ dhammaṃ passeyyaṃ. Atthi ca me āyasmante ānande tāvatikā viṣṭatthi. Yaṃnūnāhaṃ yenāyasmā ānando tenupasaṅkameyya’nti. Ovadatu maṃ, āyasmā ānando; anusāsantu maṃ, āyasmā ānando; karontu me, āyasmā ānando dhammiṃ kathaṃ yathāhaṃ dhammaṃ passeyya’nti.

“Ettakenapi mayaṃ āyasmato channassa attamaṇā api nāma taṃ [attamaṇā abhiraddhā, taṃ (sī. syā. kaṃ.)] āyasmā channo āvi akāsi khīlaṃ chindi [pabhindī (sī. syā. kaṃ. pī.)]. Odahāvuso, channa, sotamaṃ; bhabbosi [bhabbo tvamaṃ (ka.)] dhammaṃ viññātu”nti. Atha kho āyasmato channassa tāvatakena [tāvadeva (sī.)] ulāraṃ pītipāmojjaṃ uppajji – “bhabbo kirasmi dhammaṃ viññātu”nti.

“Sammukhā metaṃ, āvuso channa, bhagavato sutamaṃ, sammukhā ca paṭiggahitaṃ kaccānagottaṃ bhikkhuṃ ovadantassa – dvayanissito khvāyaṃ, kaccāna, loko yebhuyyena atthitañceva natthitañca. Lokasamudayaṃ kho, kaccāna, yathābhūtaṃ sammappaññāya passato yā loke natthitā, sā na hoti. Lokanirodhaṃ kho, kaccāna, yathābhūtaṃ sammappaññāya passato yā loke atthitā, sā na hoti. Upayupādānābhinivesavinibandho khvāyaṃ, kaccāna, loko yebhuyyena taṃ cāyaṃ upayupādānaṃ cetaso adhiṭṭhānābhinivesānusayaṃ na upeti na upādiyati nādhīṭṭhāti ‘attā me’ti. Dukkhaveva

uppajjamānaṃ uppajjati, dukkhaṃ nirujjhamānaṃ nirujjhatīti na kaṅkhati na vicikicchati. Aparappaccayā ñāṇamevassa ettha hoti. Ettāvātā kho, kaccāna, sammādiṭṭhi hoti. Sabbamatthīti kho, kaccāna, ayameko anto. Sabbam natthīti ayam dutiyo anto. Ete te, kaccāna, ubho ante anupagamma majjhena tathāgato dhammaṃ deseti – avijjāpaccayā saṅkhārā; saṅkhārapaccayā viññāṇaṃ...pe... evametassa kevalassa dukkhakkhandhassa samudayo hoti. Avijjāya tveva asesavirāganirodhā saṅkhāranirodho...pe... evametassa kevalassa dukkhakkhandhassa nirodho hotī”ti.

“Evametam, āvuso ānanda, hoti yesam āyasmantānaṃ tādīsā sabrahmacārayo anukampakā atthakāmā ovādakā anusāsakā. Idañca pana me āyasmato ānandassa dhammadesanaṃ sutvā dhammo abhisamito”ti. Aṭṭhamam.

## 9. Rāhulasuttaṃ

91. Sāvattihinidānaṃ. Atha kho āyasmā rāhulo yena bhagavā tenupasaṅkami; upasaṅkamitvā...pe... ekamantaṃ nisinno kho āyasmā rāhulo bhagavantaṃ etadavoca – “kathaṃ nu kho, bhante, jānato kathaṃ passato imasmiṅca saviññāṇake kāye bahiddhā ca sabbanimittesu ahaṅkāramamaṅkāramānānusayā na hontī”ti?

“Yam kiñci, rāhula, rūpaṃ atītānāgatapaccuppannaṃ ajjhataṃ vā bahiddhā vā oḷārikaṃ vā sukhumaṃ vā hīnaṃ vā paṇītaṃ vā yaṃ dūre santike vā, sabbaṃ rūpaṃ ‘netam mama, nesohamasmi, na meso attā’ti evametam yathābhūtaṃ sammappaññāya passati. Yā kāci vedanā ... yā kāci saññā... ye keci saṅkhārā... yaṃ kiñci viññāṇaṃ atītānāgatapaccuppannaṃ ajjhataṃ vā bahiddhā vā...pe... sabbaṃ viññāṇaṃ ‘netam mama, nesohamasmi, na meso attā’ti evametam yathābhūtaṃ sammappaññāya passati. Evaṃ kho, rāhula, jānato evaṃ passato imasmiṅca saviññāṇake kāye bahiddhā ca sabbanimittesu ahaṅkāramamaṅkāramānānusayā na hontī”ti. Navamaṃ.

## 10. Dutiyarāhulasuttaṃ

92. Sāvattihinidānaṃ. Ekamantaṃ nisinno kho āyasmā rāhulo bhagavantaṃ etadavoca – “kathaṃ nu kho, bhante, jānato kathaṃ passato imasmiṅca saviññāṇake kāye bahiddhā ca sabbanimittesu ahaṅkāramamaṅkāramānāpagataṃ mānaṣaṃ hoti vidhāsamatikantaṃ santaṃ suvimutta”nti? “Yam kiñci, rāhula, rūpaṃ atītānāgatapaccuppannaṃ ajjhataṃ vā bahiddhā vā...pe... yaṃ dūre santike vā, sabbaṃ rūpaṃ ‘netam mama, nesohamasmi, na meso attā’ti evametam yathābhūtaṃ sammappaññāya disvā anupādā vimutto hoti. Yā kāci vedanā... yā kāci saññā... ye keci saṅkhārā... yaṃ kiñci viññāṇaṃ atītānāgatapaccuppannaṃ ajjhataṃ vā bahiddhā vā oḷārikaṃ vā sukhumaṃ vā hīnaṃ vā paṇītaṃ vā yaṃ dūre santike vā, sabbaṃ viññāṇaṃ ‘netam mama, nesohamasmi, na meso attā’ti evametam yathābhūtaṃ sammappaññāya disvā anupādā vimutto hoti. Evaṃ kho, rāhula, jānato evaṃ passato imasmiṅca saviññāṇake kāye bahiddhā ca sabbanimittesu ahaṅkāramamaṅkāramānāpagataṃ mānaṣaṃ hoti vidhā samatikantaṃ santaṃ suvimutta”nti. Dasamaṃ.

Theravaggo navamo.

Tassuddānaṃ –

Ānando tisso yamako, anurādho ca vakkali;  
Assaji khemako channo, rāhulā apare duve.

## 10. Pupphavaggo

### 1. Nadisuttaṃ

**93.** Sāvattthinidānaṃ. “Seyyathāpi, bhikkhave, nadī pabbateyyā ohārinī dūraṅgamā sīghasotā. Tassā ubhosu tīresu [ubhato tīre (sī.), ubhato tīresu (syā. kaṃ.)] kāsā cepi jātā assu, te naṃ ajjholambeyyūṃ; kusā cepi jātā assu, te naṃ ajjholambeyyūṃ; pabbajā [babbajā (sī. pī.)] cepi jātā assu, te naṃ ajjholambeyyūṃ; bīraṇā cepi jātā assu, te naṃ ajjholambeyyūṃ; rukkhā cepi jātā assu, te naṃ ajjholambeyyūṃ. Tassā puriso sotena vuyhamāno kāse cepi gaṇheyya, te palujjeyyūṃ. So tatonidānaṃ anayabyasanaṃ āpajjeyya. Kuse cepi gaṇheyya, pabbaje cepi gaṇheyya, bīraṇe cepi gaṇheyya, rukkhe cepi gaṇheyya, te palujjeyyūṃ. So tatonidānaṃ anayabyasanaṃ āpajjeyya. Evameva kho, bhikkhave, assutavā puthujjano ariyānaṃ adassāvī ariyadhammassa akovido ariyadhamme avinīto, sappurisānaṃ adassāvī sappurisdhammassa akovido sappurisdhamme avinīto rūpaṃ attato samanupassati, rūpavantaṃ vā attānaṃ; attani vā rūpaṃ, rūpasmiṃ vā attānaṃ. Tassa taṃ rūpaṃ palujjati. So tatonidānaṃ anayabyasanaṃ āpajjati. Vedanaṃ... saññāṃ... saṅkhāre... viññāṇaṃ attato samanupassati, viññāṇavantaṃ vā attānaṃ; attani vā viññāṇaṃ, viññāṇasmiṃ vā attānaṃ. Tassa taṃ viññāṇaṃ palujjati. So tatonidānaṃ anayabyasanaṃ āpajjati. Taṃ kiṃ maññatha, bhikkhave, rūpaṃ niccaṃ vā aniccaṃ vā’ti? “Aniccaṃ bhante”. “Vedanā... saññā... saṅkhārā... viññāṇaṃ niccaṃ vā aniccaṃ vā’ti? “Aniccaṃ bhante”. “Tasmātiha...pe... evaṃ passaṃ...pe... nāparaṃ itthattāyāti pajānāti’ti. Paṭhamaṃ.

## 2. Pupphasuttaṃ

**94.** Sāvattthinidānaṃ. “Nāhaṃ, bhikkhave, lokena vivadāmi, lokova mayā vivadati. Na, bhikkhave, dhammavādī kenaci lokasmiṃ vivadati. Yaṃ, bhikkhave, natthisammatam loke paṇḍitānaṃ, ahampi taṃ ‘natthī’ti vadāmi. Yaṃ, bhikkhave, atthisammatam loke paṇḍitānaṃ, ahampi taṃ ‘atthī’ti vadāmi’”.

“Kiñca, bhikkhave, natthisammatam loke paṇḍitānaṃ, yamaṃ ‘natthī’ti vadāmi? Rūpaṃ, bhikkhave, niccaṃ dhuvam sassatam avipariṇāmadhammaṃ natthisammatam loke paṇḍitānaṃ; ahampi taṃ ‘natthī’ti vadāmi. Vedanā... saññā... saṅkhārā... viññāṇaṃ niccaṃ dhuvam sassatam avipariṇāmadhammaṃ natthisammatam loke paṇḍitānaṃ; ahampi taṃ ‘natthī’ti vadāmi. Idaṃ kho, bhikkhave, natthisammatam loke paṇḍitānaṃ; ahampi taṃ ‘natthī’ti vadāmi’”.

“Kiñca, bhikkhave, atthisammatam loke paṇḍitānaṃ, yamaṃ ‘atthī’ti vadāmi? Rūpaṃ, bhikkhave, aniccaṃ dukkhaṃ vipariṇāmadhammaṃ atthisammatam loke paṇḍitānaṃ; ahampi taṃ ‘atthī’ti vadāmi. Vedanā aniccā...pe... viññāṇaṃ aniccaṃ dukkhaṃ vipariṇāmadhammaṃ atthisammatam loke paṇḍitānaṃ; ahampi taṃ ‘atthī’ti vadāmi. Idaṃ kho, bhikkhave, atthisammatam loke paṇḍitānaṃ; ahampi taṃ ‘atthī’ti vadāmi’”.

“Atthi, bhikkhave, loke lokadhammo, taṃ tathāgato abhisambujjhati abhisameti; abhisambujjhivā abhisametvā taṃ ācikkhati deseti paññapeti paṭṭhapeti vivarati vibhajati uttānīkaroti.

“Kiñca, bhikkhave, loke lokadhammo, taṃ tathāgato abhisambujjhati abhisameti, abhisambujjhivā abhisametvā ācikkhati deseti paññapeti paṭṭhapeti vivarati vibhajati uttānīkaroti? Rūpaṃ, bhikkhave, loke lokadhammo taṃ tathāgato abhisambujjhati abhisameti. Abhisambujjhivā abhisametvā ācikkhati deseti paññapeti paṭṭhapeti vivarati vibhajati uttānīkaroti.

“Yo, bhikkhave, tathāgatena evaṃ ācikkhiyamāne desiyamāne paññapiyamāne paṭṭhapiyamāne vivariyamāne vibhajiyaṃ uttānīkariyamāne na jānāti na passati tamahaṃ, bhikkhave, bālaṃ puthujjanaṃ andhaṃ acakkhukaṃ ajānantaṃ apassantaṃ kinti karomi! Vedanā, bhikkhave, loke lokadhammo...pe... saññā, bhikkhave... saṅkhārā, bhikkhave... viññāṇaṃ, bhikkhave, loke lokadhammo taṃ tathāgato abhisambujjhati abhisameti. Abhisambujjhivā abhisametvā ācikkhati deseti paññapeti paṭṭhapeti vivarati vibhajati uttānīkaroti.

“Yo, bhikkhave, tathāgatena evaṃ ācikkhiyamāne desiyamāne paññapiyamāne paṭṭhapiyamāne

vivariyamāne vibhajiyyamāne uttānīkariyamāne na jānāti na passati tamahaṃ, bhikkhave, bālaṃ puthujjanaṃ andhaṃ acakkhukaṃ ajānantam apassantam kinti karomi!

“Seyyathāpi, bhikkhave, uppalaṃ vā padumaṃ vā puṇḍarīkaṃ vā udake jātaṃ udake saṃvaḍḍhaṃ udakā accuggamma tḥāti [tiṭṭhantaṃ (ka.)] anupalittaṃ udakena; evameva kho, bhikkhave, tathāgato loka jāto loka saṃvaḍḍho lokaṃ abhibhuyya viharati anupalitto lokenā”ti. Dutiyam.

### 3. Pheṇapiṇḍūpamasuttaṃ

95. Ekaṃ samayaṃ bhagavā ayujjhāyaṃ [ayojjhāyaṃ (sī. pī.)] viharati gaṅgāya nadiyā tīre. Tatra kho bhagavā bhikkhū āmantesi –

“Seyyathāpi, bhikkhave, ayaṃ gaṅgā nadī mahantaṃ pheṇapiṇḍaṃ āvaheyya. Tameṇaṃ cakkhumā puriso passeyya nijjhāyeyya yoniso upaparikkheyya. Tassa taṃ passato nijjhāyato yoniso upaparikkhato rittakaññeva khāyeyya, tucchakaññeva khāyeyya, asārakaññeva khāyeyya. Kiñhi siyā, bhikkhave, pheṇapiṇḍe sāro? Evameva kho, bhikkhave, yaṃ kiñci rūpaṃ atītānāgatapaccuppannaṃ...pe... yaṃ dūre santike vā taṃ bhikkhu passati nijjhāyati yoniso upaparikkhati. Tassa taṃ passato nijjhāyato yoniso upaparikkhato rittakaññeva khāyati, tucchakaññeva khāyati, asārakaññeva khāyati. Kiñhi siyā, bhikkhave, rūpe sāro?

“Seyyathāpi, bhikkhave, saradasamaye thullaphusitake deve vassante udake udakapubbuḷaṃ [udakabubbuḷaṃ (sī. pī.)] uppajjati ceva nirujjhati ca. Tameṇaṃ cakkhumā puriso passeyya nijjhāyeyya yoniso upaparikkheyya. Tassa taṃ passato nijjhāyato yoniso upaparikkhato rittakaññeva khāyeyya, tucchakaññeva khāyeyya, asārakaññeva khāyeyya. Kiñhi siyā, bhikkhave, udakapubbuḷe sāro? Evameva kho, bhikkhave, yā kāci vedanā atītānāgatapaccuppannā...pe... yā dūre santike vā taṃ bhikkhu passati nijjhāyati yoniso upaparikkhati. Tassa taṃ passato nijjhāyato yoniso upaparikkhato rittakaññeva khāyati, tucchakaññeva khāyati, asārakaññeva khāyati. Kiñhi siyā, bhikkhave, vedanāya sāro?

“Seyyathāpi, bhikkhave, gimhānaṃ pacchime māse tḥite majjhanhike kāle marīcikā phandati. Tameṇaṃ cakkhumā puriso passeyya nijjhāyeyya yoniso upaparikkheyya. Tassa taṃ passato nijjhāyato yoniso upaparikkhato rittakaññeva khāyeyya, tucchakaññeva khāyeyya...pe... kiñhi siyā, bhikkhave, marīcikāya sāro? Evameva kho, bhikkhave, yā kāci saññā...pe....

“Seyyathāpi, bhikkhave, puriso sārathhiko sārāgavesī sārāpariyesaṇaṃ caramāno tiṇhaṃ kuṭhāriṃ [kudhāriṃ (syā. kaṃ. ka.)] ādāya vanaṃ paviseyya. So tatha passeyya mahantaṃ kadalikkhandhaṃ ujjuṃ navaṃ akukkukajātaṃ [akukkujātaṃ (ka. sī. pī.), akusajātaṃ (ka. sī.), akukkujakajātaṃ (ka.)]. Tameṇaṃ mūle chindeyya; mūle chetvā agge chindeyya, agge chetvā pattavaṭṭiṃ vinibbhujeyya. So tassa pattavaṭṭiṃ vinibbhujanto pheggumpi nādhigaccheyya, kuto sāraṃ! Tameṇaṃ cakkhumā puriso passeyya nijjhāyeyya yoniso upaparikkheyya. Tassa taṃ passato nijjhāyato yoniso upaparikkhato rittakaññeva khāyeyya, tucchakaññeva khāyeyya, asārakaññeva khāyeyya. Kiñhi siyā, bhikkhave, kadalikkhandhe sāro? Evameva kho, bhikkhave, ye keci saṅkhārā atītānāgatapaccuppannā...pe... ye dūre santike vā taṃ bhikkhu passati nijjhāyati yoniso upaparikkhati. Tassa taṃ passato nijjhāyato yoniso upaparikkhato rittakaññeva khāyati, tucchakaññeva khāyati, asārakaññeva khāyati. Kiñhi siyā, bhikkhave, saṅkhāresu sāro?

“Seyyathāpi, bhikkhave, māyākāro vā māyākārantevāsī vā cātumahāpathe [cātummahāpathe (sī. syā. kaṃ. pī.)] māyaṃ vidaṃseyya. Tameṇaṃ cakkhumā puriso passeyya nijjhāyeyya yoniso upaparikkheyya. Tassa taṃ passato nijjhāyato yoniso upaparikkhato rittakaññeva khāyeyya, tucchakaññeva khāyeyya, asārakaññeva khāyeyya. Kiñhi siyā, bhikkhave, māyāya sāro? Evameva kho, bhikkhave, yaṃ kiñci viññānaṃ atītānāgatapaccuppannaṃ...pe... yaṃ dūre santike vā, taṃ bhikkhu passati nijjhāyati yoniso upaparikkhati. Tassa taṃ passato nijjhāyato yoniso upaparikkhato rittakaññeva

khāyati, tucchakaññaeva khāyati, asārakaññaeva khāyati. Kiñhi siyā, bhikkhave, viññāṇe sāro?

“Evaṃ passaṃ, bhikkhave, sutavā ariyasāvako rūpasimipi nibbindati, vedanāyapi... saññāyapi... sañkhāresupi ... viññāṇasimipi nibbindati. Nibbindaṃ virajjati; virāgā vimuccati. Vimuttasmiṃ vimuttamiti ñāṇaṃ hoti...pe... nāparaṃ itthattāyāti pajānāti”.

Idamavoca bhagavā. Idaṃ vatvāna sugato athāparaṃ etadavoca satthā –

“Pheṇapiṇḍūpamaṃ rūpaṃ, vedanā bubbuḷūpamā [[bubbulūpamā \(sī.\)](#), [pubbuḷopamā \(ka.\)](#)];  
Marīcīkūpamā saññā, sañkhārā kadalūpamā;  
Māyūpamañca viññāṇaṃ, desitādiccabandhunā.

“Yathā yathā nijjhāyati, yoniso upaparikkhati;  
Rittakaṃ tucchakaṃ hoti, yo naṃ passati yoniso.

“Imañca kāyaṃ ārabba, bhūripaññaena desitaṃ;  
Pahānaṃ tiṇṇaṃ dhammaṇaṃ, rūpaṃ passatha [[passetha \(sī.\)](#)] chaḍḍitaṃ.

“Āyu usmā ca viññāṇaṃ, yadā kāyaṃ jahantimaṃ;  
Apariddho [[apaviṭṭho \(syā. kaṃ.\)](#)] tadā seti, parabhattaṃ acetanaṃ.

“Etādisāyaṃ santāno, māyāyaṃ bālalāpinī;  
Vadhako esa akkhāto, sāro ettha na vijjati.

“Evaṃ khandhe avekkheyya, bhikkhu āraddhavīriyo;  
Divā vā yadi vā rattiṃ, sampajāno paṭissato.

“Jaheyya sabbasaṃyogaṃ, kareyya saraṇattano;  
Careyyādittasīsova, patthayaṃ accutaṃ pada’nti. tatiyaṃ;

#### 4. Gomayapiṇḍasuttaṃ

96. Sāvattihinidānaṃ. Ekamantaṃ nisinna kho so bhikkhu bhagavantaṃ etadavoca – “atthi nu kho, bhante, kiñci rūpaṃ yaṃ rūpaṃ niccaṃ dhuvā sassataṃ avipariṇāmadhammaṃ sassatisamaṃ tatheva ṭhassati? Atthi nu kho, bhante, kāci vedanā yā vedanā niccā dhuvā sassatā avipariṇāmadhammā sassatisamaṃ tatheva ṭhassati? Atthi nu kho, bhante, kāci saññā yā saññā...pe... atthi nu kho, bhante, keci sañkhārā ye sañkhārā niccā dhuvā sassatā avipariṇāmadhammā sassatisamaṃ tatheva ṭhassanti? Atthi nu kho, bhante, kiñci viññāṇaṃ, yaṃ viññāṇaṃ niccaṃ dhuvā sassataṃ avipariṇāmadhammaṃ sassatisamaṃ tatheva ṭhassati’ ti? “Natthi kho, bhikkhu, kiñci rūpaṃ, yaṃ rūpaṃ niccaṃ dhuvā sassataṃ avipariṇāmadhammaṃ sassatisamaṃ tatheva ṭhassati. Natthi kho, bhikkhu, kāci vedanā... kāci saññā... keci sañkhārā... kiñci viññāṇaṃ, yaṃ viññāṇaṃ niccaṃ dhuvā sassataṃ avipariṇāmadhammaṃ sassatisamaṃ tatheva ṭhassati’ ti.

Atha kho bhagavā parittaṃ gomayapiṇḍaṃ pañinā gahetvā taṃ bhikkhuṃ etadavoca – “ettakopi kho, bhikkhu, attabhāvapaṭilābho natthi nicco dhuvo sassato avipariṇāmadhammo sassatisamaṃ tatheva ṭhassati. Ettako cepi, bhikkhu, attabhāvapaṭilābho abhaviṣṣa nicco dhuvo sassato avipariṇāmadhammo, nayidaṃ brahmacariyavāso paññāyetha sammā dukkhakkhayāya. Yasmā ca kho, bhikkhu, ettakopi attabhāvapaṭilābho natthi nicco dhuvo sassato avipariṇāmadhammo, tasmā brahmacariyavāso paññāyati sammā dukkhakkhayāya.

“Bhūtapubbāhaṃ, bhikkhu, rājā ahoṣiṃ khattiyo muddhāvasitto. Tassa mayhaṃ, bhikkhu, rañño



sato khattiyassa muddhāvasittassa caturāsītinagarasahassāni ahesuṃ kusāvati rājadhānippamukhāni. Tassa mayhaṃ, bhikkhu, rañño sato khattiyassa muddhāvasittassa caturāsītipāsādasahassāni ahesuṃ dhammapāsādappamukhāni. Tassa mayhaṃ, bhikkhu, rañño sato khattiyassa muddhāvasittassa caturāsītikūṭāgārasahassāni ahesuṃ mahābyūhakūṭāgārappamukhāni [mahāvīyūhakūṭāgārappamukhāni (dī. ni. 2.263)]. Tassa mayhaṃ, bhikkhu, rañño sato khattiyassa muddhāvasittassa caturāsītipallaṅkasahassāni ahesuṃ dantamayāni sāramayāni sovaṇṇamayāni goṇakatthatāni paṭikatthatāni paṭalikatthatāni kadalimigapavarapaccattharaṇāni [kādalimigapavarapaccattharaṇāni (sī.)] sauttaracchadāni ubhatolohitakūpadhānāni. Tassa mayhaṃ, bhikkhu, rañño sato khattiyassa muddhāvasittassa caturāsītināgasahassāni ahesuṃ sovaṇṇālaṅkāraṇi sovaṇṇaddhajāni hemajālapaṭicchannāni uposathanāgarājappamukhāni. Tassa mayhaṃ, bhikkhu, rañño sato khattiyassa muddhāvasittassa caturāsītiassasahassāni ahesuṃ sovaṇṇālaṅkāraṇi sovaṇṇaddhajāni hemajālapaṭicchannāni valāhakaassarājappamukhāni. Tassa mayhaṃ, bhikkhu, rañño sato khattiyassa muddhāvasittassa caturāsītirathasahassāni ahesuṃ sovaṇṇālaṅkāraṇi sovaṇṇaddhajāni hemajālapaṭicchannāni vejayantārathappamukhāni. Tassa mayhaṃ, bhikkhu, rañño sato khattiyassa muddhāvasittassa caturāsītimaṇisahasassāni ahesuṃ maṇiratanappamukhāni. Tassa mayhaṃ, bhikkhu... pe... caturāsītiitthisahasassāni ahesuṃ subhaddādevippamukhāni. Tassa mayhaṃ, bhikkhu... pe... caturāsītikhattiyasahasassāni ahesuṃ anuyantāni pariṇāyakaratanappamukhāni. Tassa mayhaṃ, bhikkhu... pe... caturāsītidhenusahasassāni ahesuṃ dukūlasandanāni kaṃsūpadhāraṇāni. Tassa mayhaṃ, bhikkhu... pe... caturāsītivatthakoṭisahasassāni ahesuṃ khomasukhumāni koseyyasukhumāni kambalasukhumāni kappāsikasukhumāni. Tassa mayhaṃ, bhikkhu... pe... caturāsītithālipākasahasassāni ahesuṃ; sāyaṃ pātaṃ bhattābhīhāro abhīhariyittha.

“Tesaṃ kho pana, bhikkhu, caturāsītiyā nagarasahasassānaṃ ekaññeva taṃ nagaraṃ hoti yamaṃ tena samayena ajjhāvasāmi – kusāvati rājadhāni. Tesaṃ kho pana, bhikkhu, caturāsītiyā pāsādasahasassānaṃ ekoyeva so pāsādo hoti yamaṃ tena samayena ajjhāvasāmi – dhammo pāsādo. Tesaṃ kho pana, bhikkhu, caturāsītiyā kūṭāgārasahasassānaṃ ekaññeva taṃ kūṭāgāraṃ hoti yamaṃ tena samayena ajjhāvasāmi – mahābyūhaṃ kūṭāgāraṃ. Tesaṃ kho pana, bhikkhu, caturāsītiyā pallaṅkasahasassānaṃ ekoyeva so pallaṅko hoti yamaṃ tena samayena paribhuñjāmi – dantamayo vā sāramayo vā sovaṇṇamayo vā rūpiyamayo vā. Tesaṃ kho pana, bhikkhu, caturāsītiyā nāgasahasassānaṃ ekoyeva so nāgo hoti yamaṃ tena samayena abhiruhāmi – uposatho nāgarājā. Tesaṃ kho pana, bhikkhu, caturāsītiyā assasahasassānaṃ ekoyeva so asso hoti yamaṃ tena samayena abhiruhāmi – valāhako assarājā. Tesaṃ kho pana, bhikkhu, caturāsītiyā rathasahasassānaṃ ekoyeva so ratho hoti yamaṃ tena samayena abhiruhāmi – vejayanto ratho. Tesaṃ kho pana, bhikkhu, caturāsītiyā itthisahasassānaṃ ekāyeva sā itthī hoti yā maṃ tena samayena paccupaṭṭhāti – khattiyāni vā velāmikā vā. Tesaṃ kho pana, bhikkhu, caturāsītiyā vatthakoṭisahasassānaṃ ekaññeva taṃ vatthayugaṃ hoti yamaṃ tena samayena paridahāmi – khomasukhumaṃ vā koseyyasukhumaṃ vā kambalasukhumaṃ vā kappāsikasukhumaṃ vā. Tesaṃ kho pana, bhikkhu, caturāsītiyā thālipākasahasassānaṃ ekoyeva so thālipāko hoti yato nālikodanaparamaṃ bhuñjāmi tadupiyañca sūpeyyaṃ [sūpabyañjanaṃ (syā. kaṃ.)]. Iti kho, bhikkhu, sabbe te saṅkhārā atītā niruddhā vipariṇatā. Evaṃ aniccā kho, bhikkhu, saṅkhārā. Evaṃ addhuvā kho, bhikkhu, saṅkhārā. Evaṃ anassāsikā kho, bhikkhu, saṅkhārā. Yāvañcidam, bhikkhu, alameva sabbasaṅkhāresu nibbindituṃ, alaṃ virajjituṃ, alaṃ vimuccitu’nti. Catutthaṃ.

## 5. Nakhasikhāsuttam

97. Sāvattihinidānaṃ. Ekamantaṃ nisinno kho so bhikkhu bhagavantaṃ etadavoca – “atthi nu kho, bhante, kiñci rūpaṃ yaṃ rūpaṃ niccaṃ dhuvāṃ sassataṃ avipariṇāmadhammaṃ sassatisamaṃ tatheva ṭhassati? Atthi nu kho, bhante, kāci vedanā yā vedanā niccā dhuvāṃ sassatā avipariṇāmadhammā sassatisamaṃ tatheva ṭhassati? Atthi nu kho, bhante, kāci saññā... pe... keci saṅkhārā, ye saṅkhārā niccā dhuvāṃ sassatā avipariṇāmadhammā sassatisamaṃ tatheva ṭhassanti? Atthi nu kho, bhante, kiñci viññānaṃ, yaṃ viññānaṃ niccaṃ dhuvāṃ sassataṃ avipariṇāmadhammaṃ sassatisamaṃ tatheva ṭhassati’ ti? “Natthi kho, bhikkhu, kiñci rūpaṃ, yaṃ rūpaṃ niccaṃ dhuvāṃ sassataṃ

avipariṇāmadhammaṃ sassatisamaṃ tatheva ṭhassati. Natthi kho, bhikkhu, kāci vedanā... kāci saññā... keci saṅkhārā...pe... kiñci viññāṇaṃ, yaṃ viññāṇaṃ niccaṃ dhuvaṃ sassataṃ avipariṇāmadhammaṃ sassatisamaṃ tatheva ṭhassati”ti.

Atha kho bhagavā parittaṃ nakhasikhāyaṃ paṃsum āropetvā taṃ bhikkhuṃ etadavoca – “ettakampi kho, bhikkhu, rūpaṃ natthi niccaṃ dhuvaṃ sassataṃ avipariṇāmadhammaṃ sassatisamaṃ tatheva ṭhassati. Ettakaṃ cepi, bhikkhu, rūpaṃ abhaviṣṣa niccaṃ dhuvaṃ sassataṃ avipariṇāmadhammaṃ, nayidaṃ brahmacariyavāso paññāyetha sammā dukkhakkhayāya. Yasmā ca kho, bhikkhu, ettakampi rūpaṃ natthi niccaṃ dhuvaṃ sassataṃ avipariṇāmadhammaṃ, tasmā brahmacariyavāso paññāyati sammā dukkhakkhayāya”.

“Ettakāpi kho, bhikkhu, vedanā natthi niccā dhuvā sassatā avipariṇāmadhammā sassatisamaṃ tatheva ṭhassati. Ettakā cepi, bhikkhu, vedanā abhaviṣṣa niccā dhuvā sassatā avipariṇāmadhammā, na yidaṃ brahmacariyavāso paññāyetha sammā dukkhakkhayāya. Yasmā ca kho, bhikkhu, ettakāpi vedanā natthi niccā dhuvā sassatā avipariṇāmadhammā, tasmā brahmacariyavāso paññāyati sammā dukkhakkhayāya.

“Ettakāpi kho, bhikkhu, saññā natthi...pe... ettakāpi kho, bhikkhu, saṅkhārā natthi niccā dhuvā sassatā avipariṇāmadhammā sassatisamaṃ tatheva ṭhassanti. Ettakā cepi, bhikkhu, saṅkhārā abhaviṣṣaṃsu niccā dhuvā sassatā avipariṇāmadhammā, na yidaṃ brahmacariyavāso paññāyetha sammā dukkhakkhayāya. Yasmā ca kho, bhikkhu, ettakāpi saṅkhārā natthi niccā dhuvā sassatā avipariṇāmadhammā, tasmā brahmacariyavāso paññāyati sammā dukkhakkhayāya.

“Ettakampi kho, bhikkhu, viññāṇaṃ natthi niccaṃ dhuvaṃ sassataṃ avipariṇāmadhammaṃ sassatisamaṃ tatheva ṭhassati. Ettakampi kho, bhikkhu, viññāṇaṃ abhaviṣṣa niccaṃ dhuvaṃ sassataṃ avipariṇāmadhammaṃ, na yidaṃ brahmacariyavāso paññāyetha sammā dukkhakkhayāya. Yasmā ca kho, bhikkhu, ettakampi viññāṇaṃ natthi niccaṃ dhuvaṃ sassataṃ avipariṇāmadhammaṃ, tasmā brahmacariyavāso paññāyati sammā dukkhakkhayāya.

“Taṃ kiṃ maññasi, bhikkhu, rūpaṃ niccaṃ vā aniccaṃ vā”ti? “Aniccaṃ, bhante”. “Vedanā... saññā... saṅkhārā... viññāṇaṃ niccaṃ vā aniccaṃ vā”ti? “Aniccaṃ bhante”...pe... “tasmātiha...pe... evaṃ passaṃ...pe... nāparaṃ itthattāyāti pajānātī”ti. Pañcamaṃ.

## 6. Suddhikasuttaṃ

98. Sāvattihinidānaṃ. Ekamantaṃ nisinno kho so bhikkhu bhagavantaṃ etadavoca – “atthi nu kho, bhante, kiñci rūpaṃ, yaṃ rūpaṃ niccaṃ dhuvaṃ sassataṃ avipariṇāmadhammaṃ sassatisamaṃ tatheva ṭhassati? Atthi nu kho, bhante, kāci vedanā...pe... kāci saññā... keci saṅkhārā... kiñci viññāṇaṃ, yaṃ viññāṇaṃ niccaṃ dhuvaṃ sassataṃ avipariṇāmadhammaṃ sassatisamaṃ tatheva ṭhassati”ti? “Natthi kho, bhikkhu, kiñci rūpaṃ yaṃ rūpaṃ niccaṃ dhuvaṃ sassataṃ avipariṇāmadhammaṃ sassatisamaṃ tatheva ṭhassati. Natthi kho, bhikkhu, kāci vedanā... kāci saññā... keci saṅkhārā... kiñci viññāṇaṃ, yaṃ viññāṇaṃ niccaṃ dhuvaṃ sassataṃ avipariṇāmadhammaṃ sassatisamaṃ tatheva ṭhassati”ti. Chaṭṭhaṃ.

## 7. Gaddulabaddhasuttaṃ

99. Sāvattihinidānaṃ. “Anamataggoyaṃ, bhikkhave, saṃsāro. Pubbā koṭi na paññāyati avijjānīvaraṇānaṃ sattānaṃ taṇhāsaṃyojanānaṃ sandhāvataṃ saṃsarataṃ. Hoti so, bhikkhave, samayo yaṃ mahāsamuddo ussussati visussati na bhavati; na tvevāhaṃ, bhikkhave, avijjānīvaraṇānaṃ sattānaṃ taṇhāsaṃyojanānaṃ sandhāvataṃ saṃsarataṃ dukkhassa antakiriyaṃ vadāmi. Hoti so, bhikkhave, samayo yaṃ sineru pabbatarājā ḍayhati vinassati na bhavati; na tvevāhaṃ, bhikkhave, avijjānīvaraṇānaṃ sattānaṃ taṇhāsaṃyojanānaṃ sandhāvataṃ saṃsarataṃ dukkhassa antakiriyaṃ

vadāmi. Hoti so, bhikkhave, samayo yaṃ mahāpathavī ḍayhati vinassati na bhavati; na tvevāhaṃ, bhikkhave, avijjānīvaraṇānaṃ sattānaṃ taṇhāsamyōjanānaṃ sandhāvataṃ saṃsaratāṃ dukkhassa antakiriyaṃ vadāmi”.

“Seyyathāpi, bhikkhave, sā gaddulabaddho [gaddūlabandho (syā. kaṃ.)] dalhe khīle vā thambhe vā upanibaddho tameva khīlaṃ vā thambhaṃ vā anuparidhāvati anuparivattati; evameva kho, bhikkhave, assutavā puthujjano ariyānaṃ adassāvī...pe... sappurisadhamme avinīto rūpaṃ attato samanupassati... pe... vedanaṃ attato samanupassati... saññaṃ attato samanupassati... saṅkhāre attato samanupassati... viññānaṃ attato samanupassati, viññānavantaṃ vā attānaṃ; attani vā viññānaṃ, viññānaṃsmiṃ vā attānaṃ. So rūpaññeva anuparidhāvati anuparivattati, vedanaññeva...pe... saññaññeva... saṅkhāreyeva... viññānaññeva anuparidhāvati anuparivattati. So rūpaṃ anuparidhāvaṃ anuparivattaṃ, vedanaṃ...pe... saññaṃ... saṅkhāre... viññānaṃ anuparidhāvaṃ anuparivattaṃ, na parimuccati rūpamhā, na parimuccati vedanāya, na parimuccati saññāya, na parimuccati saṅkhārehi, na parimuccati viññānamhā, na parimuccati jātiyā jarāmaṇena sokehi paridevehi dukkhehi domanassehi upāyāsehi. ‘Na parimuccati dukkhasmā’ti vadāmi”.

“Sutavā ca kho, bhikkhave, ariyasāvako ariyānaṃ dassāvī...pe... sappurisadhamme suvinīto, na rūpaṃ attato samanupassati...pe... na vedanaṃ... na saññaṃ... na saṅkhāre... na viññānaṃ attato samanupassati, na viññānavantaṃ vā attānaṃ; na attani vā viññānaṃ, na viññānaṃsmiṃ vā attānaṃ. So rūpaṃ nānuparidhāvati nānuparivattati, vedanaṃ... saññaṃ... saṅkhāre... viññānaṃ nānuparidhāvati nānuparivattati. So rūpaṃ ananuparidhāvaṃ ananuparivattaṃ, vedanaṃ... saññaṃ... saṅkhāre... viññānaṃ ananuparidhāvaṃ ananuparivattaṃ; parimuccati rūpamhā, parimuccati vedanāya, parimuccati saññāya, parimuccati saṅkhārehi, parimuccati viññānamhā, parimuccati jātiyā jarāmaṇena sokehi paridevehi dukkhehi domanassehi upāyāsehi. ‘Parimuccati dukkhasmā’ti vadāmi”ti. Sattamaṃ.

## 8. Dutiyagaddulabaddhasuttaṃ

**100.** Sāvattthinidānaṃ. “Anamataggoyāṃ, bhikkhave, saṃsāro. Pubbā koṭi na paññāyati avijjānīvaraṇānaṃ sattānaṃ taṇhāsamyōjanānaṃ sandhāvataṃ saṃsaratāṃ. Seyyathāpi, bhikkhave, sā gaddulabaddho dalhe khīle vā thambhe vā upanibaddho. So gacchati cepi tameva khīlaṃ vā thambhaṃ vā upagacchati; tiṭṭhati cepi tameva khīlaṃ vā thambhaṃ vā upatiṭṭhati; nisīdati cepi tameva khīlaṃ vā thambhaṃ vā upanisīdati; nipajjati cepi tameva khīlaṃ vā thambhaṃ vā upanipajjati. Evameva kho, bhikkhave, assutavā puthujjano rūpaṃ ‘etaṃ mama, esohamasmi, eso me attā’ti samanupassati. Vedanaṃ... saññaṃ... saṅkhāre... viññānaṃ ‘etaṃ mama, esohamasmi, eso me attā’ti samanupassati. So gacchati cepi ime pañcupādānakkhandhe upagacchati; tiṭṭhati cepi ime pañcupādānakkhandhe upatiṭṭhati; nisīdati cepi ime pañcupādānakkhandhe upanisīdati; nipajjati cepi ime pañcupādānakkhandhe upanipajjati. Tasmātiha, bhikkhave, abhikkhaṇaṃ sakaṃ cittaṃ paccavekkhitabbaṃ – ‘dīgharattamidaṃ cittaṃ saṃkiliṭṭhaṃ rāgena dosena mohenā’ti. Cittasaṃkilesā, bhikkhave, sattā saṃkilissanti; cittavodānā sattā visujjhanti.

“Diṭṭhaṃ vo, bhikkhave, caraṇaṃ nāma citta’nti? “Evaṃ, bhante”. “Tampi kho, bhikkhave, caraṇaṃ nāma cittaṃ citteneva cittitaṃ. Tenapi kho, bhikkhave, caraṇena cittaṃ cittaññeva cittataraṃ. Tasmātiha, bhikkhave, abhikkhaṇaṃ sakaṃ cittaṃ paccavekkhitabbaṃ – ‘dīgharattamidaṃ cittaṃ saṃkiliṭṭhaṃ rāgena dosena mohenā’ti. Cittasaṃkilesā, bhikkhave, sattā saṃkilissanti; cittavodānā sattā visujjhanti.

“Nāhaṃ, bhikkhave, aññaṃ ekanikāyampi samanupassāmi evaṃ cittaṃ. Yathayidaṃ, bhikkhave, tiracchānagatā pāṇā, tepi kho, bhikkhave, tiracchānagatā pāṇā citteneva cittitā, tehipi kho, bhikkhave, tiracchānagatehi pāṇehi cittaññeva cittataraṃ. Tasmātiha, bhikkhave, abhikkhaṇaṃ sakaṃ cittaṃ paccavekkhitabbaṃ – ‘dīgharattamidaṃ cittaṃ saṃkiliṭṭhaṃ rāgena dosena mohenā’ti. Cittasaṃkilesā, bhikkhave, sattā saṃkilissanti; cittavodānā sattā visujjhanti.

“Seyyathāpi, bhikkhave, rajako vā cittakārako vā rajanāya vā lākhāya vā haliddiyā vā nīliyā vā mañjīṭṭhāya [mañjēṭṭhāya (sī. syā. kam.), mañjēṭṭhiyā (pī.)] vā suparimaṭṭhe phalake vā bhittiyā vā dussapaṭṭe vā itthirūpaṃ vā purisarūpaṃ vā abhinimmineyya sabbaṅgapaccaṅgiṃ; evameva kho, bhikkhave, assutavā puthujjano rūpaññeva abhinibbattento abhinibbatteti, vedanaññeva...pe... saññaññeva... saṅkhāre yeva... viññāṇaṇñeva abhinibbattento abhinibbatteti. Taṃ kiṃ maññatha, bhikkhave, rūpaṃ niccaṃ vā aniccaṃ vā”ti? “Aniccaṃ, bhante”. “Vedanā... sañña... saṅkhārā... viññāṇaṃ...pe... “tasmātiha, bhikkhave, evaṃ passaṃ...pe... nāparaṃ itthattāyāti pajānāti”ti. Aṭṭhamāṃ.

## 9. Vāsijaṭasuttaṃ

**101.** Sāvattthinidānaṃ. “Jānato ahaṃ, bhikkhave, passato āsavānaṃ khayāṃ vadāmi, no ajānato no apassato. Kiñca, bhikkhave, jānato kiṃ passato āsavānaṃ khayā hoti? ‘Iti rūpaṃ, iti rūpassa samudayo, iti rūpassa atthaṅgamo; iti vedanā... iti sañña... iti saṅkhārā... iti viññāṇaṃ, iti viññāṇassa samudayo, iti viññāṇassa atthaṅgamo’ti – evaṃ kho, bhikkhave, jānato evaṃ passato āsavānaṃ khayā hoti”.

“Bhāvanānuyogaṃ ananuyuttassa, bhikkhave, bhikkhuno viharato kiñcāpi evaṃ icchā uppajjeyya – ‘aho vata me anupādāya āsavehi cittaṃ vimucceyyā’ti, atha khvassa neva anupādāya āsavehi cittaṃ vimuccati. Taṃ kissa hetu? ‘Abhāvitattā’ tissa vacanīyaṃ. Kissa abhāvitattā? Abhāvitattā catunnaṃ satipaṭṭhānānaṃ, abhāvitattā catunnaṃ sammappadhānānaṃ, abhāvitattā catunnaṃ iddhipādānaṃ, abhāvitattā pañcannaṃ indriyānaṃ, abhāvitattā pañcannaṃ balānaṃ, abhāvitattā sattannaṃ bojjhaṅgānaṃ, abhāvitattā ariyassa aṭṭhaṅgikassa maggassa.

“Seyyathāpi, bhikkhave, kukkuṭiyā aṇḍāni aṭṭha vā dasa vā dvādasa vā. Tānassu kukkuṭiyā na sammā adhisayitāni, na sammā pariseditāni, na sammā paribhāvitāni. Kiñcāpi tassā kukkuṭiyā evaṃ icchā uppajjeyya – ‘aho, vata me kukkuṭapotakā pādanakhasikhāya vā mukhatuṇḍakena vā aṇḍakosaṃ padāletvā sotthinā abhinibbhijjeyyu’nti, atha kho abhabbāva te kukkuṭapotakā pādanakhasikhāya vā mukhatuṇḍakena vā aṇḍakosaṃ padāletvā sotthinā abhinibbhijjituṃ. Taṃ kissa hetu? Tathā hi pana, bhikkhave, kukkuṭiyā aṇḍāni aṭṭha vā dasa vā dvādasa vā; tāni kukkuṭiyā na sammā adhisayitāni, na sammā pariseditāni, na sammā paribhāvitāni. Evameva kho, bhikkhave, bhāvanānuyogaṃ ananuyuttassa bhikkhuno viharato kiñcāpi evaṃ icchā uppajjeyya – ‘aho, vata me anupādāya āsavehi cittaṃ vimucceyyā’ti, atha khvassa neva anupādāya āsavehi cittaṃ vimuccati. Taṃ kissa hetu? ‘Abhāvitattā’ tissa vacanīyaṃ. Kissa abhāvitattā? Abhāvitattā catunnaṃ satipaṭṭhānānaṃ...pe... aṭṭhaṅgikassa maggassa.

“Bhāvanānuyogaṃ anuyuttassa, bhikkhave, bhikkhuno viharato kiñcāpi na evaṃ icchā uppajjeyya – ‘aho vata me anupādāya āsavehi cittaṃ vimucceyyā’ti, atha khvassa anupādāya āsavehi cittaṃ vimuccati. Taṃ kissa hetu? ‘Bhāvitattā’ tissa vacanīyaṃ. Kissa bhāvitattā? Bhāvitattā catunnaṃ satipaṭṭhānānaṃ, bhāvitattā catunnaṃ sammappadhānānaṃ, bhāvitattā catunnaṃ iddhipādānaṃ, bhāvitattā pañcannaṃ indriyānaṃ, bhāvitattā pañcannaṃ balānaṃ, bhāvitattā sattannaṃ bojjhaṅgānaṃ, bhāvitattā ariyassa aṭṭhaṅgikassa maggassa.

“Seyyathāpi, bhikkhave, kukkuṭiyā aṇḍāni aṭṭha vā dasa vā dvādasa vā. Tānassu kukkuṭiyā sammā adhisayitāni, sammā pariseditāni, sammā paribhāvitāni. Kiñcāpi tassā kukkuṭiyā na evaṃ icchā uppajjeyya – ‘aho vata me kukkuṭapotakā pādanakhasikhāya vā mukhatuṇḍakena vā aṇḍakosaṃ padāletvā sotthinā abhinibbhijjeyyu’nti, atha kho bhabbāva te kukkuṭapotakā pādanakhasikhāya vā mukhatuṇḍakena vā aṇḍakosaṃ padāletvā sotthinā abhinibbhijjituṃ. Taṃ kissa hetu? Tathā hi pana, bhikkhave, kukkuṭiyā aṇḍāni aṭṭha vā dasa vā dvādasa vā; tānassu kukkuṭiyā sammā adhisayitāni, sammā pariseditāni, sammā paribhāvitāni. Evameva kho, bhikkhave, bhāvanānuyogaṃ anuyuttassa bhikkhuno viharato kiñcāpi na evaṃ icchā uppajjeyya – ‘aho vata me anupādāya āsavehi cittaṃ vimucceyyā’ti, atha khvassa anupādāya āsavehi cittaṃ vimuccati. Taṃ kissa hetu? ‘Bhāvitattā’ tissa

vacanīyaṃ. Kissa bhāvitattā? Bhāvitattā catunnaṃ satipaṭṭhānānaṃ...pe... bhāvitattā ariyassa aṭṭhaṅgikassa maggassa.

“Seyyathāpi, bhikkhave, palagaṇḍassa vā palagaṇḍantevāsissa vā vāsijaṭṭhe dissanteva aṅgulipadāni dissati aṅguṭṭhapadaṃ. No ca khvassa evaṃ ñāṇaṃ hoti – ‘ettakaṃ vata me aṅga vāsijaṭṭassa khīṇaṃ, ettakaṃ hiyyo, ettakaṃ pare’ti. Atha khvassa khīṇe khīṇantveva ñāṇaṃ hoti. Evameva kho, bhikkhave, bhāvanānuyogaṃ anuyuttassa bhikkhuno viharato kiñcāpi na evaṃ ñāṇaṃ hoti – ‘ettakaṃ vata me aṅga āsavānaṃ khīṇaṃ, ettakaṃ hiyyo, ettakaṃ pare’ti, atha khvassa khīṇe khīṇantveva ñāṇaṃ hoti. Seyyathāpi, bhikkhave, sāmuddikāya nāvāya vettabandhanabaddhāya vassamāsāni udake pariyādāya hemantikena thalaṃ ukkhittāya vātātapaparetāni vettabandhanāni. Tāni pāvusakena meghena abhippavuṭṭhāni appakasireneva paṭippassambhanti pūtikāni bhavanti; evameva kho, bhikkhave, bhāvanānuyogaṃ anuyuttassa bhikkhuno viharato appakasireneva saṃyojanāni paṭippassambhanti pūtikāni bhavanti’”ti. Navamaṃ.

## 10. Aniccasaññāsuttaṃ

**102.** Sāvattthinidānaṃ. “Aniccasaññā, bhikkhave, bhāvitā bahulīkatā sabbāṃ kāmāraṅgaṃ pariyādiyati, sabbāṃ rūparāgaṃ pariyādiyati, sabbāṃ bhavarāgaṃ pariyādiyati, sabbāṃ avijjaṃ pariyādiyati, sabbāṃ asmimānaṃ samūhanati”.

“Seyyathāpi, bhikkhave, saradasamaye kassako mahānaṅgalena kasanto sabbāni mūlasantānakāni sampadāleṇa kasati; evameva kho, bhikkhave, aniccasaññā bhāvitā bahulīkatā sabbāṃ kāmāraṅgaṃ pariyādiyati, sabbāṃ rūparāgaṃ pariyādiyati, sabbāṃ bhavarāgaṃ pariyādiyati, sabbāṃ avijjaṃ pariyādiyati, sabbāṃ asmimānaṃ samūhanati.

“Seyyathāpi, bhikkhave, pabbajalāyako pabbajaṃ lāyitvā agge gahetvā odhunāti niddhunāti nicchoṭeti; evameva kho, bhikkhave, aniccasaññā bhāvitā bahulīkatā sabbāṃ kāmāraṅgaṃ pariyādiyati... pe... sabbāṃ asmimānaṃ samūhanati.

“Seyyathāpi, bhikkhave, ambapiṇḍiyā vaṇṭacchinnāya yāni tattha ambāni vaṇṭapaṭibandhāni sabbāni tāni tadanvayāni bhavanti; evameva kho, bhikkhave, aniccasaññā bhāvitā...pe... sabbāṃ asmimānaṃ samūhanati.

“Seyyathāpi, bhikkhave, kūṭāgārassa yā kāci goṇāsiyo sabbā tā kūṭāṅgamā kūṭāninnā kūṭasamosaraṇā, kūṭaṃ tāsāṃ aggamakkhāyati; evameva kho, bhikkhave, aniccasaññā bhāvitā...pe... sabbāṃ asmimānaṃ samūhanati.

“Seyyathāpi, bhikkhave, ye keci mūlagandhā kāḷānusārigandho tesāṃ aggamakkhāyati; evameva kho, bhikkhave, aniccasaññā...pe... sabbāṃ asmimānaṃ samūhanati.

“Seyyathāpi, bhikkhave, ye keci sārāgandhā, lohitaṇḍanaṃ tesāṃ aggamakkhāyati; evameva kho, bhikkhave, aniccasaññā...pe... sabbāṃ asmimānaṃ samūhanati.

“Seyyathāpi, bhikkhave, ye keci pupphagandhā, vassikaṃ tesāṃ aggamakkhāyati; evameva kho, bhikkhave, aniccasaññā...pe... sabbāṃ asmimānaṃ samūhanati.

“Seyyathāpi, bhikkhave, ye keci kuṭṭarājāno [kuḍḍarājāno (sī.)], sabbete rañño cakkavattissa anuyantā bhavanti, rājā tesāṃ cakkavatti aggamakkhāyati; evameva kho, bhikkhave, aniccasaññā...pe... sabbāṃ asmimānaṃ samūhanati.

“Seyyathāpi, bhikkhave, yā kāci tārarūpānaṃ pabhā, sabbā tā candimappabhāya kalamā

nāgghanti soḷasim, candappabhā tāsam aggamakkhāyati; evameva kho, bhikkhave, aniccasaññā... pe... sabbam asmimānaṃ samūhanati.

“Seyyathāpi, bhikkhave, saradasamaye viddhe vigatavalāhake deve ādicco nataṃ abhussakkamāno, sabbam ākāsagataṃ tamagataṃ abhivihacca bhāsate ca tapate ca virocate ca; evameva kho, bhikkhave, aniccasaññā bhāvitā bahulikatā sabbam kāmarāgaṃ pariyādiyati, sabbam rūparāgaṃ pariyādiyati, sabbam bhavarāgaṃ pariyādiyati, sabbam avijjaṃ pariyādiyati, sabbam asmimānaṃ samūhanati.

“Kathaṃ bhāvitā ca, bhikkhave, aniccasaññā kathaṃ bahulikatā sabbam kāmarāgaṃ pariyādiyati... pe... sabbam asmimānaṃ samūhanati? ‘Iti rūpaṃ, iti rūpassa samudayo, iti rūpassa atthaṅgamo; iti vedanā... iti saññā... iti saṅkhārā... iti viññānaṃ, iti viññānaṃ samudayo, iti viññānaṃ atthaṅgamo’ ti – evaṃ bhāvitā kho, bhikkhave, aniccasaññā evaṃ bahulikatā sabbam kāmarāgaṃ pariyādiyati, sabbam rūparāgaṃ pariyādiyati, sabbam bhavarāgaṃ pariyādiyati, sabbam avijjaṃ pariyādiyati, sabbam asmimānaṃ samūhanati’ ti. Dasamaṃ.

Pupphavaggo dasamo.

Tassuddānaṃ –

Nadī pupphañca pheñañca, gomayañca nakhāsikhaṃ;  
Suddhikaṃ dve ca gaddulā, vāsījaṃ aniccatāti.

Majjhimaṇṇāsako samatto.

Tassa majjhimaṇṇāsakassa vagguddānaṃ –

Upayo arahanto ca, khajjanī therasavhayaṃ;  
Pupphavaggena paṇṇāsa, dutiyo tena vuccatīti.

## 11. Antavaggo

### 1. Antasuttaṃ

**103.** Sāvattthinidānaṃ. “Cattārome, bhikkhave, antā. Katame cattāro? Sakkāyanto, sakkāyasamudayanto, sakkāyanirodhanto, sakkāyanirodhagāminippaṭipadanto. Katamo ca, bhikkhave, sakkāyanto? Pañcupādānakkhandhātissa vacanīyaṃ. Katame pañca? Seyyathidaṃ – rūpupādānakkhandho, vedanupādānakkhandho, saññupādānakkhandho, saṅkhārurupādānakkhandho, viññārupādānakkhandho – ayaṃ vuccati, bhikkhave, sakkāyanto’.

“Katamo ca, bhikkhave, sakkāyasamudayanto? Yāyaṃ taṇhā ponobhavikā nandirāgasahagatā tatratatrābhinandinī, seyyathidaṃ – kāmataṇhā, bhavataṇhā, vibhavataṇhā. Ayaṃ vuccati, bhikkhave, sakkāyasamudayanto.

“Katamo ca, bhikkhave, sakkāyanirodhanto? Yo tassāyeva taṇhāya asesavirāganirodho cāgo paṭinissaggo mutti anālayo – ayaṃ vuccati, bhikkhave, sakkāyanirodhanto.

“Katamo ca, bhikkhave, sakkāyanirodhagāminippaṭipadanto? Ayameva ariyo atthaṅgiko maggo. Seyyathidaṃ – sammādiṭṭhi, sammāsaṅkappo, sammāvācā, sammākammanto, sammājiṃvo, sammāvāyāmo, sammāsati, sammāsamādhī. Ayaṃ vuccati, bhikkhave,

sakkāyanirodhagāminippaṭipadanto. Ime kho, bhikkhave, cattāro antā’’ti. Paṭhamam.

## 2. Dukkhasuttaṃ

**104.** Sāvattthinidānaṃ. “Dukkhañca vo, bhikkhave, desessāmi dukkhasamudayañca dukkhanirodhañca dukkhanirodhagāminiñca paṭipadaṃ. Taṃ suṇātha. Katamañca, bhikkhave, dukkhaṃ? Pañcupādānakkhandhātissa vacanīyaṃ. Katame pañca? Seyyathidaṃ – rūpupādānakkhandho...pe... viññāṇupādānakkhandho. Idaṃ vuccati, bhikkhave, dukkhaṃ. Katamo ca, bhikkhave, dukkhasamudayo? Yāyaṃ taṇhā ponobhavikā...pe... kāmataṇhā, bhavataṇhā, vibhavataṇhā – ayaṃ vuccati, bhikkhave, dukkhasamudayo. Katamo ca, bhikkhave, dukkhanirodho? Yo tassāyeva taṇhāya asesavirāganirodho cāgo paṭinissaggo mutti anālayo – ayaṃ vuccati, bhikkhave, dukkhanirodho. Katamā ca, bhikkhave, dukkhanirodhagāminī paṭipadā? Ayameva ariyo aṭṭhaṅgiko maggo. Seyyathidaṃ – sammādiṭṭhi...pe... sammāsamādhi. Ayaṃ vuccati, bhikkhave, dukkhanirodhagāminī paṭipadā’’ti. Dutiyam.

## 3. Sakkāyasuttaṃ

**105.** Sāvattthinidānaṃ. “Sakkāyañca vo, bhikkhave, desessāmi sakkāyasamudayañca sakkāyanirodhañca sakkāyanirodhagāminiñca paṭipadaṃ. Taṃ suṇātha. Katamo ca, bhikkhave, sakkāyo? Pañcupādānakkhandhātissa vacanīyaṃ. Katame pañca? Seyyathidaṃ – rūpupādānakkhandho, vedanupādānakkhandho, saññupādānakkhandho, saṅkhārupādānakkhandho, viññāṇupādānakkhandho. Ayaṃ vuccati, bhikkhave, sakkāyo. Katamo ca, bhikkhave, sakkāyasamudayo? Yāyaṃ taṇhā ponobhavikā...pe... kāmataṇhā, bhavataṇhā, vibhavataṇhā – ayaṃ vuccati, bhikkhave, sakkāyasamudayo. Katamo ca, bhikkhave, sakkāyanirodho? Yo tassāyeva taṇhāya...pe... ayaṃ vuccati, bhikkhave, sakkāyanirodho. Katamā ca, bhikkhave, sakkāyanirodhagāminī paṭipadā? Ayameva ariyo aṭṭhaṅgiko maggo. Seyyathidaṃ – sammādiṭṭhi...pe... sammāsamādhi. Ayaṃ vuccati, bhikkhave, sakkāyanirodhagāminī paṭipadā’’ti. Tatiyam.

## 4. Pariññeyyasuttaṃ

**106.** Sāvattthinidānaṃ. “Pariññeyye ca, bhikkhave, dhamme desessāmi pariññañca pariññātāvīñca puggalaṃ. Taṃ suṇātha. Katame ca, bhikkhave, pariññeyyā dhammā? Rūpaṃ, bhikkhave, pariññeyyo dhammo. Vedanā...pe... saññā... saṅkhārā... viññāṇaṃ pariññeyyo dhammo. Ime vuccanti, bhikkhave, pariññeyyā dhammā. Katamā ca, bhikkhave, pariññā? Rāgakkhayo, dosakkhayo, mohakkhayo – ayaṃ vuccati, bhikkhave, pariññā. Katamo ca, bhikkhave, pariññātāvī puggalo? Arahātissa vacanīyaṃ. Yvāyaṃ āyasmā evaṃnāmo evaṃgotto – ayaṃ vuccati, bhikkhave, pariññātāvī puggalo’’ti. Catuttham.

## 5. Samaṇasuttaṃ

**107.** Sāvattthinidānaṃ. “Pañcime, bhikkhave, upādānakkhandhā. Katame pañca? Seyyathidaṃ – rūpupādānakkhandho...pe... viññāṇupādānakkhandho. Ye hi keci, bhikkhave, samaṇā vā brāhmaṇā vā imesaṃ pañcannaṃ upādānakkhandhānaṃ assādañca ādīnavañca nissaraṇaṃ yathābhūtaṃ nappajānanti...pe... pajānanti, sayam abhiññā sacchikatvā upasampajja viharanti’’ti. Pañcamam.

## 6. Dutiyasamaṇasuttaṃ

**108.** Sāvattthinidānaṃ. “Pañcime, bhikkhave, upādānakkhandhā. Katame pañca? Seyyathidaṃ – rūpupādānakkhandho, vedanupādānakkhandho, saññupādānakkhandho, saṅkhārupādānakkhandho, viññāṇupādānakkhandho. Ye hi keci, bhikkhave, samaṇā vā brāhmaṇā vā imesaṃ pañcannaṃ upādānakkhandhānaṃ samudayañca atthaṅgamañca assādañca ādīnavañca nissaraṇaṃ yathābhūtaṃ nappajānanti...pe... pajānanti, sayam abhiññā sacchikatvā upasampajja viharanti’’ti. Chaṭṭham.

## 7. Sotāpannasuttaṃ

109. Sāvattthinidānaṃ. “Pañcime, bhikkhave, upādānakkhandhā. Katame pañca? Seyyathidaṃ – rūpupādānakkhandho...pe... viññāṇupādānakkhandho. Yato kho, bhikkhave, ariyasāvako imesaṃ pañcannaṃ upādānakkhandhānaṃ samudayañca atthaṅgamañca assādañca ādīnavañca nissaraṇaṃ yathābhūtaṃ pajānāti. Ayaṃ vuccati, bhikkhave, ariyasāvako sotāpanno avinipātadhammo niyato sambodhiparāyano”ti. Sattamaṃ.

## 8. Arahantasuttaṃ

110. Sāvattthinidānaṃ. “Pañcime, bhikkhave, upādānakkhandhā. Katame pañca? Seyyathidaṃ – rūpupādānakkhandho...pe... viññāṇupādānakkhandho. Yato kho, bhikkhave, bhikkhu imesaṃ pañcannaṃ upādānakkhandhānaṃ samudayañca atthaṅgamañca assādañca ādīnavañca nissaraṇaṃ yathābhūtaṃ viditvā anupādāvimutto hoti. Ayaṃ vuccati, bhikkhave, bhikkhu arahamaṃ khīṇāsavo vusitavā katakaraṇīyo ohitabhāro anuppattasadattho parikkhīṇabhavasamaṃyojano sammadaññāvimutto”ti. Aṭṭhamaṃ.

## 9. Chandappahānasuttaṃ

111. Sāvattthinidānaṃ. “Rūpe, bhikkhave, yo chando yo rāgo yā nandī yā taṇhā, taṃ pajahatha. Evaṃ taṃ rūpaṃ pahīnaṃ bhavissati ucchinnamūlaṃ tālavatthukataṃ anabhāvaṃkataṃ āyatiṃ anuppādadhammaṃ. Vedanāya...pe... saññāya... saṅkhāresu... viññāṇe yo chando yo rāgo yā nandī yā taṇhā, taṃ pajahatha. Evaṃ taṃ viññāṇaṃ pahīnaṃ bhavissati ucchinnamūlaṃ tālavatthukataṃ anabhāvaṃkataṃ āyatiṃ anuppādadhamma”nti. Navamaṃ.

## 10. Dutiyachandappahānasuttaṃ

112. Sāvattthinidānaṃ. “Rūpe, bhikkhave, yo chando yo rāgo yā nandī yā taṇhā ye upayupādānā cetaso adhiṭṭhānābhinivesānusayā, te pajahatha. Evaṃ taṃ rūpaṃ pahīnaṃ bhavissati ucchinnamūlaṃ... pe... vedanāya... saññāya... saṅkhāresu yo chando...pe... evaṃ te saṅkhārā pahīnā bhavissanti ucchinnamūlā tālavatthukatā anabhāvaṃkatā āyatiṃ anuppādadhammā. Viññāṇe yo chando yo rāgo yā nandī yā taṇhā ye upayupādānā cetaso adhiṭṭhānābhinivesānusayā, te pajahatha. Evaṃ taṃ viññāṇaṃ pahīnaṃ bhavissati ucchinnamūlaṃ tālavatthukataṃ anabhāvaṃkataṃ āyatiṃ anuppādadhamma”nti. Dasamaṃ.

Antavaggo ekādasamo.

Tassuddānaṃ –

Anto dukkhañca sakkāyo, pariññeyyā samaṇā duve;  
Sotāpanno arahā ca, duve ca chandappahānāti.

## 12. Dhammakathikavaggo

### 1. Avijjāsuttaṃ

113. Sāvattthinidānaṃ. Atha kho aññataro bhikkhu yena bhagavā tenupasaṅkami...pe... ekamantaṃ nisinno kho so bhikkhu bhagavantaṃ etadavoca – “‘avijjā avijjā’ti, bhante, vuccati. Katamā nu kho, bhante, avijjā, kittāvatā ca avijjāgato hotī”ti? “Idha, bhikkhu, assutavā puthujjano rūpaṃ nappajānāti, rūpasamudayaṃ nappajānāti, rūpanirodham nappajānāti, rūpanirodhagāminim paṭipadaṃ nappajānāti;



vedanaṃ nappajānāti... saññaṃ... saṅkhāre nappajānāti...pe... viññānanirodhagāminim paṭipadaṃ nappajānāti. Ayaṃ vuccati, bhikkhu, avijjā. Ettāvata ca avijjāgato hoti’ ti. Paṭhamaṃ.

## 2. Vijjāsuttaṃ

114. Sāvattthinidānaṃ. Ekamantaṃ nisinno kho so bhikkhu bhagavantaṃ etadavoca – “vijjā vijjā’ ti, bhante, vuccati. Katamā nu kho, bhante, vijjā, kittāvata ca vijjāgato hoti’ ti? “Idha, bhikkhu, sutavā ariyasāvako rūpaṃ pajānāti, rūpasamudayaṃ pajānāti, rūpanirodhaṃ pajānāti, rūpanirodhagāminim paṭipadaṃ pajānāti. Vedanaṃ... saññaṃ... saṅkhāre pajānāti...pe... viññānanirodhagāminim paṭipadaṃ pajānāti. Ayaṃ vuccati, bhikkhu, vijjā. Ettāvata ca vijjāgato hoti’ ti. Dutiyamaṃ.

## 3. Dhammakathikasuttaṃ

115. Sāvattthinidānaṃ. Ekamantaṃ nisinno kho so bhikkhu bhagavantaṃ etadavoca – “dhammakathiko dhammakathiko’ ti, bhante, vuccati. Kittāvata nu kho, bhante, dhammakathiko hoti’ ti? “Rūpassa ce, bhikkhu, nibbidāya virāgāya nirodhāya dhammaṃ deseti ‘dhammakathiko bhikkhū’ ti alaṃ vacanāya. Rūpassa ce, bhikkhu, nibbidāya virāgāya nirodhāya paṭipanno hoti, ‘dhammānudhammapaṭipanno bhikkhū’ ti alaṃ vacanāya. Rūpassa ce, bhikkhu, nibbidā virāgā nirodhā anupādāvimutto hoti, ‘diṭṭhadhammanibbānappatto bhikkhū’ ti alaṃ vacanāya. Vedanāya ce, bhikkhu... pe... saññāya ce, bhikkhu... saṅkhārānaṃ ce, bhikkhu... viññānaṃ ce, bhikkhu, nibbidāya virāgāya nirodhāya dhammaṃ deseti, ‘dhammakathiko bhikkhū’ ti alaṃ vacanāya. Viññānaṃ ce, bhikkhu, nibbidāya virāgāya nirodhāya paṭipanno hoti, ‘dhammānudhammapaṭipanno bhikkhū’ ti alaṃ vacanāya. Viññānaṃ ce, bhikkhu, nibbidā virāgā nirodhā anupādāvimutto hoti, ‘diṭṭhadhammanibbānappatto bhikkhū’ ti alaṃ vacanāya’ ti. Tatiyamaṃ.

## 4. Dutiyadhammakathikasuttaṃ

116. Sāvattthinidānaṃ. Ekamantaṃ nisinno kho so bhikkhu bhagavantaṃ etadavoca – “dhammakathiko dhammakathiko’ ti, bhante, vuccati. Kittāvata nu kho, bhante, dhammakathiko hoti, kittāvata dhammānudhammapaṭipanno hoti, kittāvata diṭṭhadhammanibbānappatto hoti’ ti? “Rūpassa ce, bhikkhu, nibbidāya virāgāya nirodhāya dhammaṃ deseti, ‘dhammakathiko bhikkhū’ ti alaṃ vacanāya. Rūpassa ce, bhikkhu, nibbidāya virāgāya nirodhāya paṭipanno hoti, ‘dhammānudhammapaṭipanno bhikkhū’ ti alaṃ vacanāya. Rūpassa ce, bhikkhu, nibbidā virāgā nirodhā anupādāvimutto hoti, ‘diṭṭhadhammanibbānappatto bhikkhū’ ti alaṃ vacanāya. Vedanāya ce, bhikkhu... pe... saññāya ce, bhikkhu... saṅkhārānaṃ ce, bhikkhu... viññānaṃ ce, bhikkhu, nibbidāya virāgāya nirodhāya dhammaṃ deseti, ‘dhammakathiko bhikkhū’ ti alaṃ vacanāya. Viññānaṃ ce, bhikkhu, nibbidāya virāgāya nirodhāya paṭipanno hoti, ‘dhammānudhammapaṭipanno bhikkhū’ ti alaṃ vacanāya. Viññānaṃ ce, bhikkhu, nibbidā virāgā nirodhā anupādāvimutto hoti, ‘diṭṭhadhammanibbānappatto bhikkhū’ ti alaṃ vacanāya’ ti. Catutthamaṃ.

## 5. Bandhanasuttaṃ

117. Sāvattthinidānaṃ. “Idha bhikkhave assutavā puthujjano ariyānaṃ adassāvī...pe... sappurisadhamme avinīto rūpaṃ attato samanupassati, rūpavantaṃ vā attānaṃ; attani vā rūpaṃ, rūpasmim vā attānaṃ. Ayaṃ vuccati, bhikkhave, assutavā puthujjano rūpabandhanabaddho santarabāhirabandhanabaddho atīradassī apāradassī, baddho jīyati [baddho jāyati (sī. pī.) baddho jāyati baddho jīyati (sī. aṭṭha. syā. aṭṭha.)] baddho mīyati baddho asmā lokā paraṃ lokaṃ gacchati. Vedanaṃ attato samanupassati...pe... vedanāya vā attānaṃ. Ayaṃ vuccati, bhikkhave, assutavā puthujjano vedanābandhanabaddho santarabāhirabandhanabaddho atīradassī apāradassī, baddho jīyati baddho mīyati baddho asmā lokā paraṃ lokaṃ gacchati. Saññaṃ... saṅkhāre... viññānaṃ attato

samanupassati...pe... ayaṃ vuccati, bhikkhave, assutavā puthujjano viññāṇabandhanabaddho santarabāhirabandhanabaddho atīradassī apāradassī, baddho jīyati baddho mīyati baddho asmā lokā paraṃ lokam gaṇhati”.

“Sutavā ca kho, bhikkhave, ariyasāvako ariyānaṃ dassāvī...pe... sappurisdhamme suvinīto na rūpaṃ attato samanupassati, na rūpavantaṃ vā attānaṃ; na attani vā rūpaṃ, na rūpasmiṃ vā attānaṃ. Ayaṃ vuccati, bhikkhave, sutavā ariyasāvako na rūpabandhanabaddho, na santarabāhirabandhanabaddho, tīradassī, pāradassī; ‘parimutto so dukkhasmā’ ti vadāmi. Na vedanaṃ attato...pe... na saññaṃ attato...pe... na saṅkhāre attato...pe... na viññāṇaṃ attato samanupassati...pe... ayaṃ vuccati, bhikkhave, sutavā ariyasāvako na viññāṇabandhanabaddho, na santarabāhirabandhanabaddho, tīradassī, pāradassī, ‘parimutto so dukkhasmā’ ti vadāmi” ti. Pañcamam.

## 6. Paripucchitasuttaṃ

118. Sāvattthinidānaṃ. “Taṃ kiṃ maññaṭha, bhikkhave, rūpaṃ ‘etaṃ mama, esohamasmi, eso me attā’ ti samanupassathā’ ti? “No hetam, bhante”. “Sādhu, bhikkhave! Rūpaṃ, bhikkhave, ‘netam mama, nesohamasmi, na meso attā’ ti evametaṃ yathābhūtaṃ sammappaññāya daṭṭhabbam. “Vedanaṃ... saññaṃ... saṅkhāre... viññāṇaṃ ‘etaṃ mama, esohamasmi, eso me attā’ ti samanupassathā’ ti? “No hetam, bhante”. “Sādhu, bhikkhave! Viññāṇaṃ, bhikkhave, ‘netam mama, nesohamasmi, na meso attā’ ti evametaṃ yathābhūtaṃ sammappaññāya daṭṭhabbam...pe... evaṃ passaṃ...pe... kataṃ karaṇīyaṃ, nāparaṃ itthattāyāti pajānātīti. Chaṭṭham.

## 7. Dutiyaparipucchitasuttaṃ

119. Sāvattthinidānaṃ. “Taṃ kiṃ maññaṭha, bhikkhave, rūpaṃ ‘netam mama, nesohamasmi, na meso attā’ ti samanupassathā’ ti? “Evaṃ, bhante”. “Sādhu bhikkhave! Rūpaṃ, bhikkhave, ‘netam mama, nesohamasmi, na meso attā’ ti evametaṃ yathābhūtaṃ sammappaññāya daṭṭhabbam. Vedanaṃ... saññaṃ... saṅkhāre... viññāṇaṃ ‘netam mama, nesohamasmi, na meso attā’ ti samanupassathā’ ti? “Evaṃ, bhante”. “Sādhu bhikkhave! Viññāṇaṃ, bhikkhave, ‘netam mama, nesohamasmi, na meso attā’ ti evametaṃ yathābhūtaṃ sammappaññāya daṭṭhabbam...pe... evaṃ...pe... nāparaṃ itthattāyāti pajānātī’ ti. Sattamaṃ.

## 8. Saṃyojaniyasuttaṃ

120. Sāvattthinidānaṃ. “Saṃyojaniye ca, bhikkhave, dhamme desessāmī saṃyojanañca. Taṃ suṇātha. Katame ca, bhikkhave, saṃyojaniyā dhammā, katamaṃ saṃyojanaṃ? Rūpaṃ, bhikkhave, saṃyojaniyo dhammo; yo tattha chandarāgo, taṃ tattha saṃyojanaṃ. Vedanā...pe... saññā... saṅkhārā... viññāṇaṃ saṃyojaniyo dhammo; yo tattha chandarāgo, taṃ tattha saṃyojanaṃ. Ime vuccanti, bhikkhave, saṃyojaniyā dhammā, idaṃ saṃyojana’ nti. Aṭṭhamam.

## 9. Upādānīyasuttaṃ

121. Sāvattthinidānaṃ. “Upādāniye ca, bhikkhave, dhamme desessāmī upādānañca. Taṃ suṇātha. Katame ca, bhikkhave, upādāniyā dhammā, katamaṃ upādānaṃ? Rūpaṃ, bhikkhave, upādāniyo dhammo, yo tattha chandarāgo, taṃ tattha upādānaṃ. Vedanā...pe... saññā... saṅkhārā... viññāṇaṃ upādāniyo dhammo; yo tattha chandarāgo, taṃ tattha upādānaṃ. Ime vuccanti, bhikkhave, upādāniyā dhammā, idaṃ upādāna’ nti. Navamaṃ.

## 10. Sīlavantasuttaṃ

122. Ekaṃ samayaṃ āyasmā ca sārīputto āyasmā ca mahākoṭṭhiko [mahākoṭṭhito (sī. syā. kaṃ. pī.)]

bārāṇasiyaṃ viharanti isipatane migadāye. Atha kho āyasmā mahākoṭṭhiko sāyanhasamayaṃ paṭisallānā vuṭṭhito yenāyasmā sārīputto tenupasaṅkami...pe... etadavoca – “sīlavatāvuso, sārīputta, bhikkhunā katame dhammā yoniso manasikātabbā”ti? “Sīlavatāvuso, koṭṭhika, bhikkhunā pañcupādānakkhandhā aniccato dukkhato rogato gaṇḍato sallato aghato ābādhato parato palokato suññato anattato yoniso manasi kātabbā. Katame pañca? Seyyathidaṃ – rūpupādānakkhandho, vedanupādānakkhandho, saññupādānakkhandho, saṅkhārupādānakkhandho, viññāṇupādānakkhandho. Sīlavatāvuso, koṭṭhika, bhikkhunā ime pañcupādānakkhandhā aniccato dukkhato rogato gaṇḍato sallato aghato ābādhato parato palokato suññato anattato yoniso manasi kātabbā. Tḥānaṃ kho panetaṃ, āvuso, vijjati yaṃ sīlavā bhikkhu ime pañcupādānakkhandhe aniccato...pe... anattato yoniso manasi karonto sotāpattiphalāṃ sacchikareyyā”ti.

“Sotāpanna panāvuso sārīputta, bhikkhunā katame dhammā yoniso manasi kātabbā”ti?  
 “Sotāpanna napa kho, āvuso koṭṭhika, bhikkhunā ime pañcupādānakkhandhā aniccato...pe... anattato yoniso manasi kātabbā. Tḥānaṃ kho panetaṃ, āvuso, vijjati yaṃ sotāpanno bhikkhu ime pañcupādānakkhandhe aniccato...pe... anattato yoniso manasi karonto sakadāgāmi phalaṃ sacchikareyyā”ti.

“Sakadāgāminā panāvuso sārīputta, bhikkhunā katame dhammā yoniso manasi kātabbā”ti?  
 “Sakadāgāmināpi kho, āvuso koṭṭhika, bhikkhunā ime pañcupādānakkhandhā aniccato...pe... anattato yoniso manasi kātabbā. Tḥānaṃ kho panetaṃ, āvuso, vijjati yaṃ sakadāgāmī bhikkhu ime pañcupādānakkhandhe aniccato...pe... anattato yoniso manasi karonto anāgāmi phalaṃ sacchikareyyā”ti.

“Anāgāminā panāvuso sārīputta, bhikkhunā katame dhammā yoniso manasi kātabbā”ti?  
 “Anāgāmināpi kho, āvuso koṭṭhika, bhikkhunā ime pañcupādānakkhandhā aniccato...pe... anattato yoniso manasi kātabbā. Tḥānaṃ kho panetaṃ, āvuso, vijjati yaṃ anāgāmī bhikkhu ime pañcupādānakkhandhe aniccato...pe... anattato yoniso manasi karonto arahattaṃ sacchikareyyā”ti.

“Arahatā panāvuso sārīputta, katame dhammā yoniso manasi kātabbā”ti? “Arahatāpi kho, āvuso koṭṭhika, ime pañcupādānakkhandhe aniccato dukkhato rogato gaṇḍato sallato aghato ābādhato parato palokato suññato anattato yoniso manasi kātabbā. Natthi, khvāvuso, arahato uttari karaṇīyaṃ katassa vā paticayo; api ca ime dhammā bhāvitā bahulīkatā diṭṭhadhammasukhavihārā ceva saṃvattanti satisampajaññā cā”ti. Dasamaṃ.

## 11. Sutavantasuttaṃ

**123.** Ekaṃ samayaṃ āyasmā ca sārīputto āyasmā ca mahākoṭṭhiko bārāṇasiyaṃ viharanti isipatane migadāye. Atha kho āyasmā mahākoṭṭhiko sāyanhasamayaṃ paṭisallānā vuṭṭhito yenāyasmā sārīputto tenupasaṅkami; upasaṅkamitvā...pe... etadavoca –

“Sutavatāvuso sārīputta, bhikkhunā katame dhammā yoniso manasi kātabbā”ti? “Sutavatāvuso koṭṭhika, bhikkhunā pañcupādānakkhandhā aniccato...pe... anattato yoniso manasi kātabbā. Katame pañca? Seyyathidaṃ – rūpupādānakkhandho...pe... viññāṇupādānakkhandho. Sutavatāvuso koṭṭhika, bhikkhunā ime pañcupādānakkhandhā aniccato...pe... anattato yoniso manasi kātabbā. Tḥānaṃ kho panetaṃ, āvuso, vijjati – yaṃ sutavā bhikkhu ime pañcupādānakkhandhe aniccato...pe... anattato yoniso manasi karonto sotāpattiphalāṃ sacchikareyyā”ti.

“Sotāpanna panāvuso sārīputta, bhikkhunā katame dhammā yoniso manasi kātabbā”ti?  
 “Sotāpanna napa kho āvuso koṭṭhika, bhikkhunā ime pañcupādānakkhandhā aniccato...pe... anattato yoniso manasi kātabbā. Tḥānaṃ kho panetaṃ, āvuso, vijjati – yaṃ sotāpanno bhikkhu ime pañcupādānakkhandhe aniccato...pe... anattato yoniso manasi karonto sakadāgāmi phalaṃ...pe...

anāgāmiṭṭhalaṃ...pe... arahattaphalaṃ sacchikareyyā’’ti.

‘‘Arahatā panāvuso sārīputta, katame dhammā yoniso manasi kātabbā’’ti? ‘‘Arahatāpi khvāvuso, koṭṭhika, ime pañcupādānakkhandhā aniccato dukkhato rogato gaṇḍato sallato aghato ābādhatto parato palokato suññato anattato yoniso manasi kātabbā. Natthi, khvāvuso, arahato uttari karaṇīyaṃ, katassa vā patīcayo; api ca kho ime dhammā bhāvitā bahulīkatā diṭṭhadhammasukhavihārāya ceva saṃvattanti satisampajaññā cā’’ti. Ekādasamaṃ.

## 12. Kappasuttaṃ

**124.** Sāvattihinidānaṃ. Atha kho āyasmā kappo yena bhagavā tenupasaṅkami...pe... ekamantaṃ nisinna kho āyasmā kappo bhagavantaṃ etadavoca – ‘‘kathaṃ nu kho, bhante, jānato kathaṃ passato imasmiṅca saviññāṇake kāye bahiddhā ca sabbanimittesu ahaṅkāramamaṅkāramānānusayā na hontī’’ti?

‘‘Yaṃ kiñci, kappo, rūpaṃ atītānāgatapaccuppannaṃ ajjhataṃ vā bahiddhā vā oḷārikaṃ vā sukhumaṃ vā hīnaṃ vā paṇītaṃ vā yaṃ dūre santike vā, sabbaṃ rūpaṃ ‘nettaṃ mama, nesohamasmi, na meso attā’’ti evamevaṃ yathābhūtaṃ sammappaññāya passati. Yā kāci vedanā...pe... yā kāci saññā... ye keci saṅkhārā... yaṃ kiñci viññāṇaṃ atītānāgatapaccuppannaṃ ajjhataṃ vā bahiddhā vā oḷārikaṃ vā sukhumaṃ vā hīnaṃ vā paṇītaṃ vā yaṃ dūre santike vā, sabbaṃ viññāṇaṃ ‘nettaṃ mama, nesohamasmi, na meso attā’’ti evamevaṃ yathābhūtaṃ sammappaññāya passati. Evaṃ kho, kappo, jānato evaṃ passato imasmiṅca saviññāṇake kāye bahiddhā ca sabbanimittesu ahaṅkāramamaṅkāramānānusayā na hontī’’ti. Dvādasamaṃ.

## 13. Dutiyakappasuttaṃ

**125.** Sāvattihinidānaṃ. Ekamantaṃ nisinna kho āyasmā kappo bhagavantaṃ etadavoca – ‘‘kathaṃ nu kho, bhante, jānato kathaṃ passato imasmiṅca saviññāṇake kāye bahiddhā ca sabbanimittesu ahaṅkāramamaṅkāramānāpagataṃ mānasaṃ hoti vidhā samatikkantaṃ santaṃ suvimutta’’nti?

‘‘Yaṃ kiñci, kappo, rūpaṃ atītānāgatapaccuppannaṃ...pe... sabbaṃ rūpaṃ ‘nettaṃ mama, nesohamasmi, na meso attā’’ti evamevaṃ yathābhūtaṃ sammappaññāya disvā anupādāvimutto hoti. Yā kāci vedanā... yā kāci saññā... ye keci saṅkhārā... yaṃ kiñci viññāṇaṃ atītānāgatapaccuppannaṃ ajjhataṃ vā bahiddhā vā oḷārikaṃ vā sukhumaṃ vā hīnaṃ vā paṇītaṃ vā yaṃ dūre santike vā, sabbaṃ viññāṇaṃ ‘nettaṃ mama, nesohamasmi, na meso attā’’ti evamevaṃ yathābhūtaṃ sammappaññāya disvā anupādāvimutto hoti. Evaṃ kho, kappo, jānato evaṃ passato imasmiṅca saviññāṇake kāye bahiddhā ca sabbanimittesu ahaṅkāramamaṅkāramānāpagataṃ mānasaṃ hoti vidhā samatikkantaṃ santaṃ suvimutta’’nti. Terasamaṃ.

Dhammakathikavaggo dvādasamo.

Tassuddānaṃ –

Avijjā vijjā dve kathikā, bandhanā paripucchitā duve;  
Saṃyojanaṃ upādānaṃ, sīlaṃ sutavā dve ca kappenti.

## 13. Avijjāvaggo

### 1. Samudayadhammasuttaṃ

**126.** Sāvattihinidānaṃ. Atha kho aññataro bhikkhu yena bhagavā tenupasaṅkami; upasaṅkamitvā... pe... ekamantaṃ nisinna kho so bhikkhu bhagavantaṃ etadavoca – ‘‘avijjā avijjā’’ti, bhante, vuccati.

Katamā nu kho, bhante, avijjā, kittāvatā ca avijjāgato hotī’ ti?

“Idha, bhikkhu, assutavā puthujjano samudayadhammaṃ rūpaṃ ‘samudayadhammaṃ rūpa’nti yathābhūtaṃ nappajānāti; vayadhammaṃ rūpaṃ ‘vayadhammaṃ rūpa’nti yathābhūtaṃ nappajānāti; samudayavayadhammaṃ rūpaṃ ‘samudayavayadhammaṃ rūpa’nti yathābhūtaṃ nappajānāti. Samudayadhammaṃ vedanaṃ ‘samudayadhammā vedanā’ti yathābhūtaṃ nappajānāti; vayadhammaṃ vedanaṃ ‘vayadhammā vedanā’ti yathābhūtaṃ nappajānāti; samudayavayadhammaṃ vedanaṃ ‘samudayavayadhammā vedanā’ti yathābhūtaṃ nappajānāti. Samudayadhammaṃ saññaṃ...pe... samudayadhamme sañkhāre ‘samudayadhammā sañkhārā’ti yathābhūtaṃ nappajānāti; vayadhamme sañkhāre ‘vayadhammā sañkhārā’ti yathābhūtaṃ nappajānāti; samudayavayadhamme sañkhāre ‘samudayavayadhammā sañkhārā’ti yathābhūtaṃ nappajānāti. Samudayadhammaṃ viññāṇaṃ ‘samudayadhammaṃ viññāṇa’nti yathābhūtaṃ nappajānāti; vayadhammaṃ viññāṇaṃ ‘vayadhammaṃ viññāṇa’nti yathābhūtaṃ nappajānāti; samudayavayadhammaṃ viññāṇaṃ ‘samudayavayadhammaṃ viññāṇa’nti yathābhūtaṃ nappajānāti. Ayaṃ vuccati, bhikkhu, avijjā; ettāvatā ca avijjāgato hotī’ ti.

Evam vutte, so bhikkhu bhagavantaṃ etadavoca – “vijjā vijjā’ti, bhante, vuccati. Katamā nu kho, bhante, vijjā, kittāvatā ca vijjāgato hotī’ ti?

“Idha, bhikkhu, sutavā ariyasāvako samudayadhammaṃ rūpaṃ ‘samudayadhammaṃ rūpa’nti yathābhūtaṃ pajānāti; vayadhammaṃ rūpaṃ ‘vayadhammaṃ rūpa’nti yathābhūtaṃ pajānāti; samudayavayadhammaṃ rūpaṃ ‘samudayavayadhammaṃ rūpa’nti yathābhūtaṃ pajānāti. Samudayadhammaṃ vedanaṃ ‘samudayadhammā vedanā’ti yathābhūtaṃ pajānāti; vayadhammaṃ vedanaṃ ‘vayadhammā vedanā’ti yathābhūtaṃ pajānāti; samudayavayadhammaṃ vedanaṃ ‘samudayavayadhammā vedanā’ti yathābhūtaṃ pajānāti. Samudayadhammaṃ saññaṃ... samudayadhamme sañkhāre ‘samudayadhammā sañkhārā’ti yathābhūtaṃ pajānāti; vayadhamme sañkhāre ‘vayadhammā sañkhārā’ti yathābhūtaṃ pajānāti; samudayavayadhamme sañkhāre ‘samudayavayadhammā sañkhārā’ti yathābhūtaṃ pajānāti. Samudayadhammaṃ viññāṇaṃ ‘samudayadhammaṃ viññāṇa’nti yathābhūtaṃ pajānāti; vayadhammaṃ viññāṇaṃ ‘vayadhammaṃ viññāṇa’nti yathābhūtaṃ pajānāti; samudayavayadhammaṃ viññāṇaṃ ‘samudayavayadhammaṃ viññāṇa’nti yathābhūtaṃ pajānāti. Ayaṃ vuccati, bhikkhu, vijjā; ettāvatā ca vijjāgato hotī’ ti. Paṭhamam.

## 2. Dutiyasamudayadhammasuttaṃ

127. Ekaṃ samayaṃ āyasmā ca sārīputto āyasmā ca mahākoṭṭhiko bārāṇasiyaṃ viharanti isipatane migadāye. Atha kho āyasmā mahākoṭṭhiko sāyanhasamayaṃ paṭisallānā vuṭṭhito...pe... ekamantaṃ nisīno kho āyasmā mahākoṭṭhiko āyasmantaṃ sārīputtaṃ etadavoca – “avijjā, avijjā’ti, āvuso sārīputta, vuccati. Katamā nu kho, āvuso, avijjā, kittāvatā ca avijjāgato hotī’ ti?

“Idhāvuso assutavā puthujjano samudayadhammaṃ rūpaṃ ‘samudayadhammaṃ rūpa’nti yathābhūtaṃ nappajānāti; vayadhammaṃ rūpaṃ...pe... ‘samudayavayadhammaṃ rūpa’nti yathābhūtaṃ nappajānāti. Samudayadhammaṃ vedanaṃ...pe... vayadhammaṃ vedanaṃ...pe... ‘samudayavayadhammā vedanā’ti yathābhūtaṃ nappajānāti. Samudayadhammaṃ saññaṃ...pe... samudayadhamme sañkhāre...pe... vayadhamme sañkhāre...pe... samudayavayadhamme sañkhāre ‘samudayavayadhammā sañkhārā’ti yathābhūtaṃ nappajānāti. Samudayadhammaṃ viññāṇaṃ...pe... samudayavayadhammaṃ viññāṇaṃ ‘samudayavayadhammaṃ viññāṇa’nti yathābhūtaṃ nappajānāti. Ayaṃ vuccati, āvuso, avijjā; ettāvatā ca avijjāgato hotī’ ti. Dutiyam.

## 3. Tatiyasamudayadhammasuttaṃ

128. Ekaṃ samayaṃ āyasmā ca sārīputto āyasmā ca mahākoṭṭhiko bārāṇasiyaṃ viharanti isipatane

migadāye...pe... ekamantaṃ nisinno kho āyasmā mahākoṭṭhiko āyasmantaṃ sārīputtaṃ etadavoca – “vijjā, vijjā’ti, āvuso sārīputta, vuccati. Katamā nu kho, āvuso, vijjā, kittāvatā ca vijjāgato hotī’ti?”

“Idhāvuso, sutavā ariyasāvako samudayadhammaṃ rūpaṃ ‘samudayadhammaṃ rūpa’nti yathābhūtaṃ pajānāti; vayadhammaṃ rūpaṃ...pe... samudayavayadhammaṃ rūpaṃ ‘samudayavayadhammaṃ rūpa’nti yathābhūtaṃ pajānāti; samudayadhammaṃ vedanaṃ...pe... samudayavayadhammā vedanā ... samudayadhammaṃ saññāṃ...pe... samudayadhamme saṅkhāre... vayadhamme saṅkhāre... samudayavayadhamme saṅkhāre ‘samudayavayadhammā saṅkhārā’ti yathābhūtaṃ pajānāti. Samudayadhammaṃ viññāṇaṃ... vayadhammaṃ viññāṇaṃ... samudayavayadhammaṃ viññāṇaṃ ‘samudayavayadhammaṃ viññāṇa’nti yathābhūtaṃ pajānāti. Ayaṃ vuccatāvuso, vijjā; ettāvatā ca vijjāgato hotī’ti. Tatiyaṃ.

#### 4. Assādasuttaṃ

**129.** Bārāṇasiyaṃ viharanti isipatane migadāye...pe... ekamantaṃ nisinno kho āyasmā mahākoṭṭhiko āyasmantaṃ sārīputtaṃ etadavoca – “avijjā, avijjā’ti, āvuso sārīputta, vuccati. Katamā nu kho, āvuso, avijjā, kittāvatā ca avijjāgato hotī’ti?”

“Idhāvuso assutavā puthujjano rūpassa assādañca ādīnavañca nissaraṇaṇca yathābhūtaṃ nappajānāti. Vedanāya...pe... saññāya... saṅkhārānaṃ... viññāṇassa assādañca ādīnavañca nissaraṇaṇca yathābhūtaṃ nappajānāti. Ayaṃ vuccatāvuso, avijjā; ettāvatā ca avijjāgato hotī’ti. Catutthaṃ.

#### 5. Dutiyaassādasuttaṃ

**130.** Bārāṇasiyaṃ viharanti isipatane migadāye...pe... “vijjā, vijjā’ti, āvuso sārīputta, vuccati. Katamā nu kho, āvuso, vijjā, kittāvatā ca vijjāgato hotī’ti?”

“Idhāvuso, sutavā ariyasāvako rūpassa assādañca ādīnavañca nissaraṇaṇca yathābhūtaṃ pajānāti. Vedanāya...pe... saññāya... saṅkhārānaṃ... viññāṇassa assādañca ādīnavañca nissaraṇaṇca yathābhūtaṃ pajānāti. Ayaṃ vuccatāvuso, vijjā; ettāvatā ca vijjāgato hotī’ti. Pañcamaṃ.

#### 6. Samudayasuttaṃ

**131.** Bārāṇasiyaṃ viharanti isipatane migadāye...pe... “avijjā, avijjā’ti, āvuso sārīputta, vuccati. Katamā nu kho, āvuso, avijjā, kittāvatā ca avijjāgato hotī’ti?”

“Idhāvuso, assutavā puthujjano rūpassa samudayañca atthaṅgamañca assādañca ādīnavañca nissaraṇaṇca yathābhūtaṃ nappajānāti. Vedanāya...pe... saññāya... saṅkhārānaṃ... viññāṇassa samudayañca atthaṅgamañca assādañca ādīnavañca nissaraṇaṇca yathābhūtaṃ nappajānāti. Ayaṃ vuccatāvuso, avijjā; ettāvatā ca avijjāgato hotī’ti. Chaṭṭhaṃ.

#### 7. Dutiyasamudayasuttaṃ

**132.** Bārāṇasiyaṃ viharanti isipatane migadāye...pe... ekamantaṃ nisinno kho āyasmā mahākoṭṭhiko āyasmantaṃ sārīputtaṃ etadavoca – “vijjā, vijjā’ti, āvuso sārīputta, vuccati. Katamā nu kho, āvuso, vijjā, kittāvatā ca vijjāgato hotī’ti?”

“Idhāvuso, sutavā ariyasāvako rūpassa samudayañca atthaṅgamañca assādañca ādīnavañca nissaraṇaṇca yathābhūtaṃ pajānāti. Vedanāya...pe... saññāya... saṅkhārānaṃ... viññāṇassa

samudayañca atthaṅgamañca assādañca ādīnavañca nissaraṇaṇca yathābhūtaṃ pajānāti. Ayaṃ vuccatāvuso, vijjā; ettāvatā ca vijjāgato hotī’ ti. Sattamaṃ.

### 8. Koṭṭhikasuttaṃ

**133.** Bārāṇasiyaṃ viharanti isipatane migadāye. Atha kho āyasmā sārīputto sāyanhasamayaṃ... pe... ekamantaṃ nisinno kho āyasmā sārīputto āyasmantaṃ mahākoṭṭhikaṃ etadavoca – “avijjā, avijjā’ ti, āvuso koṭṭhika, vuccati. Katamā nu kho, āvuso, avijjā, kittāvatā ca avijjāgato hotī’ ti?

“Idhāvuso, assutavā puthujjano rūpassa assādañca ādīnavañca nissaraṇaṇca yathābhūtaṃ nappajānāti. Vedanāya...pe... saññāya... saṅkhārānaṃ... viññāṇassa assādañca ādīnavañca nissaraṇaṇca yathābhūtaṃ nappajānāti. Ayaṃ vuccatāvuso, avijjā; ettāvatā ca avijjāgato hotī’ ti.

Evam vutte, āyasmā sārīputto āyasmantaṃ mahākoṭṭhikaṃ etadavoca – “vijjā, vijjā’ ti, āvuso koṭṭhika, vuccati. Katamā nu kho, āvuso, vijjā, kittāvatā ca vijjāgato hotī’ ti?

“Idhāvuso sutavā ariyasāvako rūpassa assādañca ādīnavañca nissaraṇaṇca yathābhūtaṃ pajānāti. Vedanāya...pe... saññāya... saṅkhārānaṃ... viññāṇassa assādañca ādīnavañca nissaraṇaṇca yathābhūtaṃ pajānāti. Ayaṃ vuccatāvuso, vijjā; ettāvatā ca vijjāgato hotī’ ti. Aṭṭhamaṃ.

### 9. Dutiyakoṭṭhikasuttaṃ

**134.** Bārāṇasiyaṃ viharanti isipatane migadāye...pe... “avijjā, avijjā’ ti, āvuso koṭṭhika, vuccati. Katamā nu kho, āvuso, avijjā, kittāvatā ca avijjāgato hotī’ ti?

“Idhāvuso, assutavā puthujjano rūpassa samudayañca atthaṅgamañca assādañca ādīnavañca nissaraṇaṇca yathābhūtaṃ nappajānāti. Vedanāya...pe... saññāya... saṅkhārānaṃ... viññāṇassa samudayañca atthaṅgamañca assādañca ādīnavañca nissaraṇaṇca yathābhūtaṃ nappajānāti. Ayaṃ vuccatāvuso, avijjā; ettāvatā ca avijjāgato hotī’ ti.

Evam vutte, āyasmā sārīputto āyasmantaṃ mahākoṭṭhikaṃ etadavoca – “vijjā, vijjā’ ti, āvuso koṭṭhika, vuccati. Katamā nu kho, āvuso, vijjā, kittāvatā ca vijjāgato hotī’ ti?

“Idhāvuso, sutavā ariyasāvako rūpassa samudayañca atthaṅgamañca assādañca ādīnavañca nissaraṇaṇca yathābhūtaṃ pajānāti. Vedanāya...pe... saññāya... saṅkhārānaṃ... viññāṇassa samudayañca atthaṅgamañca assādañca ādīnavañca nissaraṇaṇca yathābhūtaṃ pajānāti. Ayaṃ vuccatāvuso, vijjā; ettāvatā ca vijjāgato hotī’ ti. Navamaṃ.

### 10. Tatiyakoṭṭhikasuttaṃ

**135.** Taññeva nidānaṃ. Ekamantaṃ nisinno kho āyasmā sārīputto āyasmantaṃ mahākoṭṭhikaṃ etadavoca – “avijjā, avijjā’ ti, āvuso koṭṭhika, vuccati. Katamā nu kho, āvuso, avijjā, kittāvatā ca avijjāgato hotī’ ti?

“Idhāvuso, assutavā puthujjano rūpaṃ nappajānāti, rūpasamudayaṃ nappajānāti, rūpanirodhaṃ nappajānāti, rūpanirodhagāminiṃ paṭipadaṃ nappajānāti. Vedanaṃ nappajānāti...pe... saññaṃ... saṅkhāre... viññāṇaṃ nappajānāti, viññāṇasamudayaṃ nappajānāti, viññāṇanirodhaṃ nappajānāti, viññāṇanirodhagāminiṃ paṭipadaṃ nappajānāti. Ayaṃ vuccatāvuso, avijjā; ettāvatā ca avijjāgato hotī’ ti.

Evam vutte, āyasmā sārīputto āyasmantaṃ mahākoṭṭhikaṃ etadavoca – “‘vijjā, vijjā’ ti, āvuso koṭṭhika, vuccati. Katamā nu kho, āvuso, vijjā, kittāvatā ca vijjāgato hotī’ ti? ‘‘Idhāvuso, sutavā ariyasāvako rūpaṃ pajānāti, rūpasamudayaṃ pajānāti, rūpanirodhaṃ pajānāti, rūpanirodhagāminīṃ paṭipadaṃ pajānāti. Vedanaṃ... saññaṃ... saṅkhāre... viññāṇaṃ pajānāti, viññāṇasamudayaṃ pajānāti, viññāṇanirodhaṃ pajānāti, viññāṇanirodhagāminīṃ paṭipadaṃ pajānāti. Ayaṃ vuccatāvuso, vijjā; ettāvatā ca vijjāgato hotī’ ti. Dasamaṃ.

Avijjāvaggo terasamo.

Tassuddānaṃ –

Samudayadhamme tīṇi, assādo apare duve;  
Samudaye ca dve vuttā, koṭṭhike apare tayoti.

## 14. Kukkuḷavaggo

### 1. Kukkuḷasuttaṃ

**136.** Sāvattthinidānaṃ. “Rūpaṃ, bhikkhave, kukkuḷaṃ, vedanā kukkuḷā, saññā kukkuḷā, saṅkhārā kukkuḷā, viññāṇaṃ kukkuḷaṃ. Evaṃ passaṃ, bhikkhave, sutavā ariyasāvako rūpasmimpi nibbindati, vedanāyapi nibbindati, saññāyapi nibbindati, saṅkhāresupi nibbindati, viññāṇasmimpi nibbindati. Nibbindaṃ virajjati; virāgā vimuccati. Vimuttasmiṃ vimuttamiti ñāṇaṃ hoti. ‘Khīṇā jāti, vusitaṃ brahmacariyaṃ, kataṃ karaṇīyaṃ, nāparaṃ itthattāyā’ ti pajānāti’ ti. Paṭhamaṃ.

### 2. Aniccasuttaṃ

**137.** Sāvattthinidānaṃ. “Yaṃ, bhikkhave, aniccaṃ; tatra vo chando pahātabbo. Kiñca, bhikkhave, aniccaṃ? Rūpaṃ, bhikkhave, aniccaṃ; tatra vo chando pahātabbo. Vedanā aniccā...pe... saññā... saṅkhārā... viññāṇaṃ aniccaṃ; tatra vo chando pahātabbo. Yaṃ, bhikkhave, aniccaṃ; tatra vo chando pahātabbo’ ti. Dutiyamaṃ.

### 3. Dutiyaaniccasuttaṃ

**138.** Sāvattthinidānaṃ. “Yaṃ, bhikkhave, aniccaṃ; tatra vo rāgo pahātabbo. Kiñca, bhikkhave, aniccaṃ? Rūpaṃ, bhikkhave, aniccaṃ; tatra vo rāgo pahātabbo. Vedanā aniccā... saññā... saṅkhārā... viññāṇaṃ aniccaṃ; tatra vo rāgo pahātabbo. Yaṃ, bhikkhave, aniccaṃ; tatra vo rāgo pahātabbo’ ti. Tatiyamaṃ.

### 4. Tatiyaaniccasuttaṃ

**139.** Sāvattthinidānaṃ. “Yaṃ, bhikkhave, aniccaṃ; tatra vo chandarāgo pahātabbo. Kiñca, bhikkhave, aniccaṃ? Rūpaṃ, bhikkhave, aniccaṃ, tatra vo chandarāgo pahātabbo. Vedanā aniccā... saññā... saṅkhārā... viññāṇaṃ aniccaṃ; tatra vo chandarāgo pahātabbo. Yaṃ, bhikkhave, aniccaṃ; tatra vo chandarāgo pahātabbo’ ti. Catutthaṃ.

### 5. Dukkhasuttaṃ

**140.** Sāvattthinidānaṃ. “Yaṃ, bhikkhave, dukkhaṃ; tatra vo chando pahātabbo...pe... yaṃ, bhikkhave, dukkhaṃ; tatra vo chando pahātabbo’ ti. Pañcamaṃ.



## 6. Dutiyadukkhasuttaṃ

141. Sāvattthinidānaṃ. “Yaṃ, bhikkhave, dukkhaṃ; tatra vo rāgo pahātabbo...pe... yaṃ, bhikkhave, dukkhaṃ; tatra vo rāgo pahātabbo”’ti. Chaṭṭhaṃ.

## 7. Tatiyadukkhasuttaṃ

142. Sāvattthinidānaṃ. “Yaṃ, bhikkhave, dukkhaṃ; tatra vo chandarāgo pahātabbo...pe... yaṃ, bhikkhave, dukkhaṃ; tatra vo chandarāgo pahātabbo”’ti. Sattamaṃ.

## 8. Anattasuttaṃ

143. Sāvattthinidānaṃ. “Yo, bhikkhave, anattā; tatra vo chando pahātabbo. Ko ca, bhikkhave, anattā? Rūpaṃ, bhikkhave, anattā; tatra vo chando pahātabbo. Vedanā anattā... saññā... saṅkhārā... viññāṇaṃ anattā; tatra vo chando pahātabbo. Yo, bhikkhave, anattā; tatra vo chando pahātabbo”’ti. Aṭṭhamaṃ.

## 9. Dutiyaanattasuttaṃ

144. Sāvattthinidānaṃ. “Yo, bhikkhave, anattā; tatra vo rāgo pahātabbo. Ko ca, bhikkhave, anattā? Rūpaṃ, bhikkhave, anattā; tatra vo rāgo pahātabbo. Vedanā anattā... saññā... saṅkhārā... viññāṇaṃ anattā; tatra vo rāgo pahātabbo. Yo, bhikkhave, anattā; tatra vo rāgo pahātabbo”’ti. Navamaṃ.

## 10. Tatiyaanattasuttaṃ

145. Sāvattthinidānaṃ. “Yo, bhikkhave, anattā; tatra vo chandarāgo pahātabbo. Ko ca, bhikkhave, anattā? Rūpaṃ, bhikkhave, anattā; tatra vo chandarāgo pahātabbo. Vedanā anattā... saññā... saṅkhārā... viññāṇaṃ anattā; tatra vo chandarāgo pahātabbo. Yo, bhikkhave, anattā; tatra vo chandarāgo pahātabbo”’ti. Dasamaṃ.

## 11. Nibbidābahulasuttaṃ

146. Sāvattthinidānaṃ. “Saddhāpabbajitassa, bhikkhave, kulaputtassa ayamanudhammo hoti – yaṃ rūpe nibbidābahulo [nibbidābahulaṃ (syā. kaṃ. pī. ka.)] vihareyya. Vedanāya...pe... saññāya... saṅkhāresu... viññāṇe nibbidābahulo vihareyya. Yo rūpe nibbidābahulo viharanto, vedanāya... saññāya... saṅkhāresu... viññāṇe nibbidābahulo viharanto rūpaṃ parijānāti, vedanaṃ... saññaṃ... saṅkhāre... viññāṇaṃ parijānāti; so rūpaṃ parijānaṃ vedanaṃ parijānaṃ saññaṃ parijānaṃ saṅkhāre parijānaṃ viññāṇaṃ parijānaṃ parimuccati rūpamhā, parimuccati vedanāya, parimuccati saññāya, parimuccati saṅkhārehi, parimuccati viññāṇamhā, parimuccati jātiyā jarāya maraṇena sokehi paridevehi dukkhehi domanassehi upāyāsehi; ‘parimuccati dukkhasmā’ti vadāmī”’ti. Ekādasamaṃ.

## 12. Aniccānupassīsuttaṃ

147. Sāvattthinidānaṃ. “Saddhāpabbajitassa, bhikkhave, kulaputtassa ayamanudhammo hoti – yaṃ rūpe aniccānupassī vihareyya. Vedanāya... saññāya... saṅkhāresu... viññāṇe aniccānupassī vihareyya... pe... ‘parimuccati dukkhasmā’ti vadāmī”’ti. Dvādasamaṃ.

## 13. Dukkhānupassīsuttaṃ

148. Sāvattthinidānaṃ. “Saddhāpabbajitassa, bhikkhave, kulaputtassa ayamanudhammo hoti – yaṃ

rūpe dukkhānupassī vihareyya. Vedanāya... saññāya... saṅkhāresu... viññāṇe dukkhānupassī vihareyya...pe... ‘parimuccati dukkhasmā’ti vadāmi’ti. Terasamaṃ.

#### 14. Anattānupassīsuttaṃ

149. Sāvattthinidānaṃ. “Saddhāpabbajitassa, bhikkhave, kulaputtassa ayamanudhammo hoti – yaṃ rūpe anattānupassī vihareyya. Vedanāya... saññāya... saṅkhāresu... viññāṇe anattānupassī vihareyya. (So rūpe) anattānupassī viharanto, vedanāya... saññāya... saṅkhāresu... viññāṇe anattānupassī viharanto rūpaṃ parijānāti, vedanaṃ...pe... saññaṃ... saṅkhāre... viññāṇaṃ parijānāti. So rūpaṃ parijānaṃ vedanaṃ parijānaṃ saññaṃ parijānaṃ saṅkhāre parijānaṃ viññāṇaṃ parijānaṃ parimuccati rūpamhā, parimuccati vedanāya, parimuccati saññāya, parimuccati saṅkhārehi, parimuccati viññāṇamhā, parimuccati jātiyā jarāya maraṇena sokehi paridevehi dukkhehi domanassehi upāyāsehi; ‘parimuccati dukkhasmā’ti vadāmi’ti. Cuddasamaṃ.

Kukkuḷavaggo cuddasamo.

Tassuddānaṃ –

Kukkuḷā tayo aniccena, dukkhena apare tayo;  
Anattena tayo vuttā, kulaputtena dve dukāti.

#### 15. Diṭṭhivaggo

##### 1. Ajjhattasuttaṃ

150. Sāvattthinidānaṃ. “Kismiṃ nu kho, bhikkhave, sati, kiṃ upādāya uppajjati ajjhattaṃ sukhadukkha’nti? Bhagavaṃmūlakā no, bhante, dhammā...pe... “rūpe kho, bhikkhave, sati rūpaṃ upādāya uppajjati ajjhattaṃ sukhadukkhaṃ. Vedanāya sati...pe... saññāya sati... saṅkhāresu sati... viññāṇe sati viññāṇaṃ upādāya uppajjati ajjhattaṃ sukhadukkhaṃ. Taṃ kiṃ maññatha, bhikkhave, rūpaṃ niccaṃ vā aniccaṃ vā’ti? “Aniccaṃ, bhante”. “Yaṃ panāniccaṃ dukkhaṃ vā taṃ sukhaṃ vā’ti? “Dukkhaṃ, bhante”. “Yaṃ panāniccaṃ dukkhaṃ vipariṇāmadhammaṃ, api nu taṃ anupādāya uppajjeyya ajjhattaṃ sukhadukkha’nti? “No hetamaṃ, bhante”. “Vedanā...pe... saññā... saṅkhārā... viññāṇaṃ niccaṃ vā aniccaṃ vā’ti? “Aniccaṃ, bhante”. “Yaṃ panāniccaṃ, dukkhaṃ vā taṃ sukhaṃ vā’ti? “Dukkhaṃ, bhante”. “Yaṃ panāniccaṃ dukkhaṃ vipariṇāmadhammaṃ, api nu taṃ anupādāya uppajjeyya ajjhattaṃ sukhadukkha’nti? “No hetamaṃ, bhante”. “Evaṃ passaṃ...pe... nāparaṃ itthattāyāti pajānāti’ti. Paṭhamamaṃ.

##### 2. Etaṃmamasuttaṃ

151. Sāvattthinidānaṃ. “Kismiṃ nu kho, bhikkhave, sati, kiṃ upādāya, kiṃ abhinivissa – ‘etaṃ mama, esohamasmi, eso me attā’ti samanupassati’nti? Bhagavaṃmūlakā no, bhante, dhammā...pe... “rūpe kho, bhikkhave, sati, rūpaṃ upādāya, rūpaṃ abhinivissa ...pe... viññāṇe sati, viññāṇaṃ upādāya, viññāṇaṃ abhinivissa – ‘etaṃ mama, esohamasmi, eso me attā’ti samanupassati. Taṃ kiṃ maññatha, bhikkhave, rūpaṃ niccaṃ vā aniccaṃ vā’ti? “Aniccaṃ, bhante”...pe... vipariṇāmadhammaṃ, api nu taṃ anupādāya etaṃ mama, esohamasmi, eso me attāti samanupasseyyāti? “No hetamaṃ, bhante”. “Vedanā... saññā... saṅkhārā... viññāṇaṃ niccaṃ vā aniccaṃ vā’ti? “Aniccaṃ bhante”...pe... vipariṇāmadhammaṃ, api nu taṃ anupādāya etaṃ mama, esohamasmi, eso me attāti samanupasseyyāti? “No hetamaṃ, bhante”. “Evaṃ passaṃ...pe... nāparaṃ itthattāyāti pajānāti’ti. Dutiyamaṃ.

##### 3. Soattāsuttaṃ

**152.** Sāvattthinidānaṃ. “Kismiṃ nu kho, bhikkhave, sati, kiṃ upādāya, kiṃ abhinivissa evaṃ diṭṭhi uppajjati – ‘so attā, so loko, so pecca bhavissāmi nicco dhuvo sassato avipariṇāmadhammo’”ti? Bhagavaṃmūlakā no, bhante, dhammā...pe.... “Rūpe kho, bhikkhave, sati, rūpaṃ upādāya, rūpaṃ abhinivissa evaṃ diṭṭhi uppajjati – ‘so attā, so loko, so pecca bhavissāmi nicco dhuvo sassato avipariṇāmadhammo’”ti. Vedanāya...pe... saññāya... saṅkhāresu ...pe... viññāṇe sati, viññāṇaṃ upādāya, viññāṇaṃ abhinivissa evaṃ diṭṭhi uppajjati – ‘so attā, so loko, so pecca bhavissāmi nicco dhuvo sassato avipariṇāmadhammo’”ti.

“Taṃ kiṃ maññatha, bhikkhave, rūpaṃ niccaṃ vā aniccaṃ vā”ti? “Aniccaṃ, bhante”. “Yaṃ panāniccaṃ, dukkhaṃ vā taṃ sukhaṃ vā”ti? “Dukkhaṃ, bhante”. “Yaṃ panāniccaṃ dukkhaṃ vipariṇāmadhammaṃ, api nu taṃ anupādāya evaṃ diṭṭhi uppajjeyya – ‘so attā, so loko, so pecca bhavissāmi nicco dhuvo sassato avipariṇāmadhammo’”ti? “No hetamaṃ, bhante”. “Vedanā... saññā... saṅkhārā... viññāṇaṃ niccaṃ vā aniccaṃ vā”ti? “Aniccaṃ, bhante”. “Yaṃ panāniccaṃ dukkhaṃ vā taṃ sukhaṃ vā”ti? “Dukkhaṃ, bhante”. “Yaṃ panāniccaṃ dukkhaṃ vipariṇāmadhammaṃ, api nu taṃ anupādāya evaṃ diṭṭhi uppajjeyya – ‘so attā so loko, so pecca bhavissāmi nicco dhuvo sassato avipariṇāmadhammo’”ti? “No hetamaṃ, bhante”. Evaṃ passaṃ...pe... nāparaṃ itthattāyāti pajānātī. Tatiyaṃ.

#### 4. Nocamesiyāsuttaṃ

**153.** Sāvattthinidānaṃ. “Kismiṃ nu kho, bhikkhave, sati, kiṃ upādāya, kiṃ abhinivissa evaṃ diṭṭhi uppajjati – ‘no cassaṃ, no ca me siyā, nābhavissa, na me bhavissatī’”ti? Bhagavaṃmūlakā no, bhante, dhammā...pe... “rūpe kho, bhikkhave, sati, rūpaṃ upādāya, rūpaṃ abhinivissa evaṃ diṭṭhi uppajjati – ‘no cassaṃ, no ca me siyā, nābhavissa, na me bhavissatī’”ti. Vedanāya sati... saññāya sati... saṅkhāresu sati... viññāṇe sati, viññāṇaṃ upādāya, viññāṇaṃ abhinivissa, evaṃ diṭṭhi uppajjati – ‘no cassaṃ, no ca me siyā, nābhavissa, na me bhavissatī’”ti. Taṃ kiṃ maññatha, bhikkhave, rūpaṃ niccaṃ vā aniccaṃ vā”ti? “Aniccaṃ, bhante”. “Yaṃ panāniccaṃ, dukkhaṃ vā taṃ sukhaṃ vā”ti? “Dukkhaṃ, bhante”. “Yaṃ panāniccaṃ dukkhaṃ vipariṇāmadhammaṃ, api nu taṃ anupādāya evaṃ diṭṭhi uppajjeyya – ‘no cassaṃ, no ca me siyā, nābhavissa, na me bhavissatī’”ti? “No hetamaṃ, bhante”. “Vedanā... saññā... saṅkhārā... viññāṇaṃ niccaṃ vā aniccaṃ vā”ti? “Aniccaṃ, bhante”. “Yaṃ panāniccaṃ, dukkhaṃ vā taṃ sukhaṃ vā”ti? “Dukkhaṃ, bhante”. “Yaṃ panāniccaṃ dukkhaṃ vipariṇāmadhammaṃ, api nu taṃ anupādāya evaṃ diṭṭhi uppajjeyya – ‘no cassaṃ, no ca me siyā, nābhavissa, na me bhavissatī’”ti? “No hetamaṃ, bhante”. “Evaṃ passaṃ...pe... nāparaṃ itthattāyāti pajānātī”ti. Catutthaṃ.

#### 5. Micchādiṭṭhisuttaṃ

**154.** Sāvattthinidānaṃ. “Kismiṃ nu kho, bhikkhave, sati, kiṃ upādāya, kiṃ abhinivissa micchādiṭṭhi uppajjati”ti? Bhagavaṃmūlakā no, bhante, dhammā...pe... “rūpe kho, bhikkhave, sati, rūpaṃ upādāya, rūpaṃ abhinivissa micchādiṭṭhi uppajjati. Vedanāya sati... micchādiṭṭhi uppajjati. Saññāya sati... saṅkhāresu sati... viññāṇe sati, viññāṇaṃ upādāya, viññāṇaṃ abhinivissa micchādiṭṭhi uppajjati. Taṃ kiṃ maññatha, bhikkhave, rūpaṃ niccaṃ vā aniccaṃ vā”ti? “Aniccaṃ, bhante”. “Yaṃ panāniccaṃ...pe... api nu taṃ anupādāya micchādiṭṭhi uppajjeyyā”ti? “No hetamaṃ, bhante”. “Vedanā... saññā... saṅkhārā... viññāṇaṃ niccaṃ vā aniccaṃ vā”ti? “Aniccaṃ, bhante”. “Yaṃ panāniccaṃ, dukkhaṃ vā taṃ sukhaṃ vā”ti? “Dukkhaṃ, bhante”. “Yaṃ panāniccaṃ dukkhaṃ vipariṇāmadhammaṃ, api nu taṃ anupādāya micchādiṭṭhi uppajjeyyā”ti? “No hetamaṃ, bhante”. “Evaṃ passaṃ...pe... nāparaṃ itthattāyāti pajānātī”ti. Pañcamaṃ.

#### 6. Sakkāyadiṭṭhisuttaṃ

**155.** Sāvattthinidānaṃ. “Kismiṃ nu kho, bhikkhave, sati, kiṃ upādāya, kiṃ abhinivissa sakkāyadiṭṭhi uppajjati”ti? Bhagavaṃmūlakā no, bhante, dhammā...pe... “rūpe kho, bhikkhave, sati,

rūpaṃ upādāya, rūpaṃ abhinivissa sakkāyaditṭhi uppajjati. Vedanāya sati... saññāya sati... saṅkhāresu sati... viññāṇe sati, viññāṇaṃ upādāya, viññāṇaṃ abhinivissa sakkāyaditṭhi uppajjati. Taṃ kiṃ maññatha, bhikkhave, rūpaṃ niccaṃ vā aniccaṃ vā”ti? “Aniccaṃ, bhante”. “Yaṃ paṇāniccaṃ... pe... api nu taṃ anupādāya sakkāyaditṭhi uppajjeyyā”ti? “No hetam, bhante”. “Vedanā... saññā... saṅkhārā... viññāṇaṃ niccaṃ vā aniccaṃ vā”ti? “Aniccaṃ, bhante”. “Yaṃ paṇāniccaṃ... pe... api nu taṃ anupādāya sakkāyaditṭhi uppajjeyyā”ti? “No hetam, bhante”. “Evaṃ passaṃ... pe... nāparaṃ itthattāyāti pajānātī”ti. Chaṭṭhaṃ.

## 7. Attānudiṭṭhisuttaṃ

156. Sāvattthinidānaṃ. “Kismiṃ nu kho, bhikkhave, sati, kiṃ upādāya, kiṃ abhinivissa attānudiṭṭhi uppajjati”ti? Bhagavaṃmūlakā no, bhante, dhammā...pe... “rūpe kho, bhikkhave, sati, rūpaṃ upādāya, rūpaṃ abhinivissa attānudiṭṭhi uppajjati. Vedanāya sati... saññāya sati... saṅkhāresu sati... viññāṇe sati, viññāṇaṃ upādāya, viññāṇaṃ abhinivissa attānudiṭṭhi uppajjati. Taṃ kiṃ maññatha, bhikkhave, rūpaṃ niccaṃ vā aniccaṃ vā”ti? “Aniccaṃ, bhante”. “Yaṃ paṇāniccaṃ... pe... api nu taṃ anupādāya attānudiṭṭhi uppajjeyyā”ti? “No hetam, bhante”. “Vedanā... saññā... saṅkhārā... viññāṇaṃ niccaṃ vā aniccaṃ vā”ti? “Aniccaṃ, bhante”. “Yaṃ paṇāniccaṃ... pe... api nu taṃ anupādāya attānudiṭṭhi uppajjeyyā”ti? “No hetam, bhante”. “Evaṃ passaṃ... pe... nāparaṃ itthattāyāti pajānātī”ti. Sattamaṃ.

## 8. Abhinivesasuttaṃ

157. Sāvattthinidānaṃ. “Kismiṃ nu kho, bhikkhave, sati, kiṃ upādāya, kiṃ abhinivissa uppajjanti saṃyojanābhinivesavinibandhā”ti? Bhagavaṃmūlakā no, bhante, dhammā...pe... “rūpe kho, bhikkhave, sati, rūpaṃ upādāya, rūpaṃ abhinivissa uppajjanti saṃyojanābhinivesavinibandhā. Vedanāya sati... saññāya sati... saṅkhāresu sati... viññāṇe sati, viññāṇaṃ upādāya, viññāṇaṃ abhinivissa uppajjanti saṃyojanābhinivesavinibandhā. Taṃ kiṃ maññatha, bhikkhave, rūpaṃ niccaṃ vā aniccaṃ vā”ti? “Aniccaṃ, bhante”. “Yaṃ paṇāniccaṃ... pe... api nu taṃ anupādāya uppajjeyyūṃ saṃyojanābhinivesavinibandhā”ti? “No hetam, bhante”...pe... “evaṃ passaṃ... pe... nāparaṃ itthattāyāti pajānātī”ti. Aṭṭhamaṃ.

## 9. Dutiyaabhinivesasuttaṃ

158. Sāvattthinidānaṃ. “Kismiṃ nu kho, bhikkhave, sati, kiṃ upādāya, kiṃ abhinivissa uppajjanti saṃyojanābhinivesavinibandhājhosānā”ti? [vinibandhā ajjhosānāti (sī. ka.)] Bhagavaṃmūlakā no, bhante, dhammā...pe... “rūpe kho, bhikkhave, sati, rūpaṃ upādāya, rūpaṃ abhinivissa uppajjanti saṃyojanābhinivesavinibandhājhosānā. Vedanāya sati... saññāya sati... saṅkhāresu sati... viññāṇe sati, viññāṇaṃ upādāya, viññāṇaṃ abhinivissa uppajjanti saṃyojanābhinivesavinibandhājhosānā. Taṃ kiṃ maññatha, bhikkhave, rūpaṃ niccaṃ vā aniccaṃ vā”ti? “Aniccaṃ, bhante”. “Yaṃ paṇāniccaṃ... pe... api nu taṃ anupādāya uppajjeyyūṃ saṃyojanābhinivesavinibandhājhosānā”ti? “No hetam, bhante”...pe... “evaṃ passaṃ... pe... nāparaṃ itthattāyāti pajānātī”ti. Navamaṃ.

## 10. Ānandasuttaṃ

159. Sāvattthinidānaṃ. Atha kho āyasmā ānando yena bhagavā tenupasaṅkami; upasaṅkamitvā... pe... bhagavantaṃ etadavoca – “sādhu me, bhante, bhagavā saṃkhittena dhammaṃ desetu, yamaṃ bhagavato dhammaṃ sutvā eko vūpakaṭṭho appamatto ātāpī pahitatto vihareyya”nti.

“Taṃ kiṃ maññasi, ānanda, rūpaṃ niccaṃ vā aniccaṃ vā”ti? “Aniccaṃ, bhante”. “Yaṃ paṇāniccaṃ, dukkhaṃ vā taṃ sukhaṃ vā”ti? “Dukkhaṃ, bhante”. “Yaṃ paṇāniccaṃ dukkhaṃ vipariṇāmadhammaṃ, kallaṃ nu taṃ samanupassituṃ – ‘etaṃ mama, esohamasmi, eso me attā’”ti? “No hetam, bhante”. “Vedanā... saññā... saṅkhārā... viññāṇaṃ niccaṃ vā aniccaṃ vā”ti? “Aniccaṃ,

bhante”. “Yaṃ paṇāniccaṃ, dukkhaṃ vā taṃ sukhaṃ vā”ti? “Dukkhaṃ, bhante”. “Yaṃ paṇāniccaṃ dukkhaṃ vipariṇāmadhammaṃ, kallaṃ nu taṃ samanupassituṃ – ‘etaṃ mama, eso hamasmai, eso me attā’”ti? “No hettaṃ, bhante” [no hettaṃ bhante. tasmātihānanda yaṃ kiñci rūpaṃ atītānāgatapaccuppannaṃ...pe... daṭṭhabbaṃ. (sī. syā. kaṃ. pī.)]. “Evaṃ passaṃ...pe... nāparaṃ itthattāyāti pajānātī”ti. Dasamaṃ.

Diṭṭhivaggo pañcadasamo.

Tassuddānaṃ –

Ajjhattikaṃ etaṃmama, soattā nocamesiyā;  
Micchāsakkāyattānu dve, abhinivesā ānandenāti.

Uparipaṇṇāsako samatto.

Tassa uparipaṇṇāsakassa vagguddānaṃ –

Anto dhammakathikā vijjā, kukkuḷaṃ diṭṭhipañcamā;  
Tatiyo paṇṇāsako vutto, nipātoti pavuccatīti [nipāto tena vuccatīti (sī. syā. kaṃ.)].

Khandhasaṃyuttaṃ samattaṃ.

## 2. Rādhasaṃyuttaṃ

### 1. Paṭhamavaggo

#### 1. Mārasuttaṃ

**160.** Sāvattthinidānaṃ. Atha kho āyasmā rādho yena bhagavā tenupasaṅkami; upasaṅkamitvā bhagavantāṃ abhivādetvā ekamantaṃ nisīdi. Ekamantaṃ nisinno kho āyasmā rādho bhagavantāṃ etadavoca –

“Māro, māro”ti, bhante, vuccati. Kittāvataṃ nu kho, bhante, māro”ti? “Rūpe kho, rādha, sati māro vā assa māretā vā yo vā pana mīyati. Tasmātiha tvaṃ, rādha, rūpaṃ māroti passa, māretāti passa, mīyatīti passa, rogoti passa, gaṇḍoti passa, sallanti passa, aghanti passa, aghabhūtanti passa. Ye naṃ evaṃ passantī te sammā passantī. Vedanāya sati... saññāya sati... saṅkhāresu sati... viññāṇe sati māro vā assa māretā vā yo vā pana mīyati. Tasmātiha tvaṃ, rādha, viññāṇaṃ māroti passa, māretāti passa, mīyatīti passa, rogoti passa, gaṇḍoti passa, sallanti passa, aghanti passa, aghabhūtanti passa. Ye naṃ evaṃ passantī, te sammā passantī”ti.

“Sammādassanaṃ pana, bhante, kimatthiya”nti? “Sammādassanaṃ kho, rādha, nibbidatthaṃ”. “Nibbidā pana, bhante, kimatthiyā”ti? “Nibbidā kho, rādha, virāgatthā”. “Virāgo pana, bhante, kimatthiyo”ti? “Virāgo kho, rādha, vimuttattho”. “Vimutti pana, bhante, kimatthiyā”ti? “Vimutti kho, rādha, nibbānatthā”. “Nibbānaṃ pana, bhante, kimatthiya”nti? “Accayāsi [accasarā (sī. syā. kaṃ.), assa (pī.), accayā (ka.)], rādha, pañhaṃ, nāsakkhi pañhassa pariyaṇṇaṃ gahetuṃ. Nibbānogaḍhañhi, rādha, brahmacariyaṃ vussati, nibbānaparāyaṇaṃ nibbānapariyosāna”nti. Paṭhamaṃ.

#### 2. Sattasuttaṃ

**161.** Sāvattthinidānaṃ. Ekamantaṃ nisinno kho āyasmā rādho bhagavantāṃ etadavoca – “satto,

satto'ti, bhante, vuccati. Kittāvatā nu kho, bhante, sattoti vuccatī'ti? “Rūpe kho, rādha, yo chando yo rāgo yā nandī yā taṇhā, tatra satto, tatra visatto, tasmā sattoti vuccati. Vedanāya... saññāya... saṅkhāresu... viññāṇe yo chando yo rāgo yā nandī yā taṇhā, tatra satto, tatra visatto, tasmā sattoti vuccatī”.

“Seyyathāpi, rādha, kumārakā vā kumārikāyo vā paṃsvāgārakehi kīḷanti. Yāvakīvañca tesu paṃsvāgārakesu avigatarāgā honti avigatacchandā avigatapemā avigatapipāsā avigatapariḷāhā avigatataṇhā, tāva tāni paṃsvāgārakāni allīyanti keḷāyanti dhanāyanti [manāyanti (sī. pī. ka.)] mamāyanti. Yato ca kho, rādha, kumārakā vā kumārikāyo vā tesu paṃsvāgārakesu vigatarāgā honti vigatacchandā vigatapemā vigatapipāsā vigatapariḷāhā vigatataṇhā, atha kho tāni paṃsvāgārakāni hatthehi ca pādehi ca vikiranti vidhamanti viddhamṣenti vikīḷaniyaṃ [vikīḷanikaṃ (sī. syā. kaṃ. pī.)] karonti. Evameva kho, rādha, tumhepi rūpaṃ vikiratha vidhamatha viddhamṣetha vikīḷaniyaṃ karotha taṇhākkhayāya paṭipajjatha. Vedanaṃ vikiratha vidhamatha viddhamṣetha vikīḷaniyaṃ karotha taṇhākkhayāya paṭipajjatha. Saññaṃ... saṅkhāre vikiratha vidhamatha viddhamṣetha vikīḷaniyaṃ karotha taṇhākkhayāya paṭipajjatha. Viññāṇaṃ vikiratha vidhamatha viddhamṣetha vikīḷaniyaṃ karotha taṇhākkhayāya paṭipajjatha. Taṇhākkhayo hi, rādha, nibbāna'ti. Dutiyaṃ.

### 3. Bhavanettisuttaṃ

162. Sāvattthinidānaṃ. Ekamantaṃ nisinno kho āyasmā rādho bhagavantaṃ etadavoca – “bhavanettinirodho [bhavanetti (sī. syā. kaṃ. pī.)], bhavanettinirodho'ti [bhavanettīti (sī. syā. kaṃ.)], bhante, vuccatī. Katamā nu kho, bhante, bhavanetti, katamo bhavanettinirodho'ti? “Rūpe kho, rādha, yo chando yo rāgo yā nandī yā taṇhā ye upayupādānā cetaso adhiṭṭhānābhīnivesānusayā – ayaṃ vuccatī bhavanetti. Tesam nirodho [nirodhā (sī. syā. kaṃ. pī.)] bhavanettinirodho. Vedanāya... saññāya... saṅkhāresu ... viññāṇe yo chando...pe... adhiṭṭhānābhīnivesānusayā – ayaṃ vuccatī bhavanetti. Tesam nirodho bhavanettinirodho'ti. Tatiyaṃ.

### 4. Pariññeyyasuttaṃ

163. Sāvattthinidānaṃ. Āyasmā rādho yena bhagavā tenupasaṅkami; upasaṅkamitvā bhagavantaṃ abhivādetvā ekamantaṃ nisīdi. Ekamantaṃ nisinnaṃ kho āyasmantaṃ rādhaṃ bhagavā etadavoca –

“Pariññeyye ca, rādha, dhamme desessāmi pariññāñca pariññātāvīṃ puggalañca. Taṃ suṇāhi, sādhukaṃ manasi karohi; bhāsissāmi'ti. “Evaṃ, bhante'ti kho āyasmā rādho bhagavato paccassosi. Bhagavā etadavoca – “katame ca, rādha, pariññeyyā dhammā? Rūpaṃ kho, rādha, pariññeyyo dhammo, vedanā pariññeyyo dhammo, saññā pariññeyyo dhammo, saṅkhārā pariññeyyo dhammo, viññāṇaṃ pariññeyyo dhammo. Ime vuccanti, rādha, pariññeyyā dhammā. Katamā ca, rādha, pariññā? Yo kho, rādha, rāgakkhayo dosakkhayo mohakkhayo – ayaṃ vuccatī, rādha, pariññā. Katamo ca, rādha, pariññātāvī puggalo? ‘Arahā'tissa vacanīyaṃ. Yvāyaṃ āyasmā evaṃnāmo evaṃgotto – ayaṃ vuccatī, rādha, pariññātāvī puggalo'ti. Catutthaṃ.

### 5. Samaṇasuttaṃ

164. Sāvattthinidānaṃ. Ekamantaṃ nisinnaṃ kho āyasmantaṃ rādhaṃ bhagavā etadavoca – “pañcime, rādha, upādānakkhandhā. Katame pañca? Rūpupādānakkhandho, vedanupādānakkhandho, saññupādānakkhandho, saṅkhārupādānakkhandho, viññārupādānakkhandho. Ye hi keci, rādha, samaṇā vā brāhmaṇā vā imesaṃ pañcannaṃ upādānakkhandhānaṃ assādañca ādīnavañca nissaraṇaṇca yathābhūtaṃ nappajānanti; na me te, rādha, samaṇā vā brāhmaṇā vā samaṇesu vā samaṇasammata brāhmaṇesu vā brāhmaṇasammata, na ca pana te āyasmanto sāmāññatthaṃ vā brahmaññatthaṃ vā diṭṭheva dhamme sayaṃ abhiññā sacchikatvā upasampajja viharanti. Ye ca kho keci, rādha, samaṇā vā brāhmaṇā vā imesaṃ pañcannaṃ upādānakkhandhānaṃ assādañca ādīnavañca nissaraṇaṇca

yathābhūtaṃ pajānanti; te kho me, rādha, samaṇā vā brāhmaṇā vā samaṇesu ceva samaṇasammataṃ brāhmaṇesu ca brāhmaṇasammataṃ, te ca paṇāyasmanto sāmaññatthaṃ brahmaññatthaṃ diṭṭheva dhamme sayamaṃ abhiññā sacchikatvā upasampajja viharanti’ ti. Pañcamaṃ.

## 6. Dutiyasamaṇasuttaṃ

165. Sāvattthinidānaṃ. Ekamantaṃ nisinnaṃ kho āyasmantaṃ rādhaṃ bhagavā etadavoca – ‘‘pañcime, rādha, upādānakkhandhā. Katame pañca? Rūpupādānakkhandho...pe... viññāṇupādānakkhandho. Ye hi keci, rādha, samaṇā vā brāhmaṇā vā imesaṃ pañcannaṃ upādānakkhandhānaṃ samudayaṃ atthaṅgamaṃ assādaṃ ādīnavaṃ nissaraṇaṃ yathābhūtaṃ nappajānanti...pe... sayamaṃ abhiññā sacchikatvā upasampajja viharanti’ ti. Chaṭṭhaṃ.

## 7. Sotāpannasuttaṃ

166. Sāvattthinidānaṃ. Ekamantaṃ nisinnaṃ kho āyasmantaṃ rādhaṃ bhagavā etadavoca – ‘‘pañcime, rādha, upādānakkhandhā. Katame pañca? Rūpupādānakkhandho...pe... viññāṇupādānakkhandho. Yato kho, rādha, ariyasāvako imesaṃ pañcannaṃ upādānakkhandhānaṃ samudayaṃ atthaṅgamaṃ assādaṃ ādīnavaṃ nissaraṇaṃ yathābhūtaṃ pajānati – ayaṃ vuccati, rādha, ariyasāvako sotāpanno avinipātadhammo niyato sambodhiparāyano’ ti. Sattamaṃ.

## 8. Arahantasuttaṃ

167. Sāvattthinidānaṃ. Ekamantaṃ nisinnaṃ kho āyasmantaṃ rādhaṃ bhagavā etadavoca – ‘‘pañcime, rādha, upādānakkhandhā. Katame pañca? Rūpupādānakkhandho...pe... viññāṇupādānakkhandho. Yato kho, rādha, bhikkhu imesaṃ pañcannaṃ upādānakkhandhānaṃ samudayaṃ atthaṅgamaṃ assādaṃ ādīnavaṃ nissaraṇaṃ yathābhūtaṃ viditvā anupādāvimutto hoti – ayaṃ vuccati, rādha, arahantaṃ khīṇāsavo vusitavā katakaraṇīyo ohitabhāro anuppattasadattho parikkhīṇabhavasamyojano sammadaññāvimutto’ ti. Aṭṭhamaṃ.

## 9. Chandarāgasuttaṃ

168. Sāvattthinidānaṃ. Ekamantaṃ nisinnaṃ kho āyasmantaṃ rādhaṃ bhagavā etadavoca – ‘‘rūpe kho, rādha, yo chando yo rāgo yā nandī yā taṇhā, taṃ pajahatha. Evaṃ taṃ rūpaṃ pahīnaṃ bhavissati ucchinnamūlaṃ tālavatthukataṃ anabhāvaṃkataṃ āyatiṃ anuppādadhamaṃ. Vedanāya yo chando yo rāgo yā nandī yā taṇhā, taṃ pajahatha. Evaṃ sā vedanā pahīnā bhavissati ucchinnamūlā tālavatthukatā anabhāvaṃkatā āyatiṃ anuppādadhamaṃ. Saññāya... saṅkhāresu yo chando yo rāgo yā nandī yā taṇhā, taṃ pajahatha. Evaṃ te saṅkhārā pahīnā bhavissanti ucchinnamūlā tālavatthukatā anabhāvaṃkatā āyatiṃ anuppādadhamaṃ. Viññāṇe yo chando yo rāgo yā nandī yā taṇhā, taṃ pajahatha. Evaṃ taṃ viññāṇaṃ pahīnaṃ bhavissati...pe... anuppādadhama’ nti. Navamaṃ.

## 10. Dutiyachandarāgasuttaṃ

169. Sāvattthinidānaṃ. Ekamantaṃ nisinnaṃ kho āyasmantaṃ rādhaṃ bhagavā etadavoca – ‘‘rūpe kho, rādha, yo chando yo rāgo yā nandī yā taṇhā ye upayupādānā cetaso adhiṭṭhānābhinivesānusayā, te pajahatha. Evaṃ taṃ rūpaṃ pahīnaṃ bhavissati ucchinnamūlaṃ tālavatthukataṃ anabhāvaṃkataṃ āyatiṃ anuppādadhamaṃ. Vedanāya yo chando yo rāgo yā nandī yā taṇhā ye upayupādānā cetaso adhiṭṭhānābhinivesānusayā, te pajahatha. Evaṃ sā vedanā pahīnā bhavissati ucchinnamūlā tālavatthukatā anabhāvaṃkatā āyatiṃ anuppādadhamaṃ. Saññāya... saṅkhāresu yo chando yo rāgo yā nandī yā taṇhā ye upayupādānā cetaso adhiṭṭhānābhinivesānusayā, te pajahatha. Evaṃ te saṅkhārā pahīnā bhavissanti ucchinnamūlā tālavatthukatā anabhāvaṃkatā āyatiṃ anuppādadhamaṃ. Viññāṇe yo chando yo rāgo yā nandī yā taṇhā ye upayupādānā cetaso adhiṭṭhānābhinivesānusayā, te pajahatha. Evaṃ taṃ viññāṇaṃ

pahīnaṃ bhavissati ucchinnamūlaṃ tālavatthukatam anabhāvaṃkatam āyatim anuppādadhamma’’nti. Dasamaṃ.

Rādhasaṃyuttassa paṭhamo vaggo.

Tassuddānaṃ –

Māro satto bhavanetti, pariññeyyā samaṇā duve;  
Sotāpanno arahā ca, chandarāgāpare duveti.

## 2. Dutiyavaggo

### 1. Mārasuttaṃ

170. Sāvattthinidānaṃ. Ekamantaṃ nisinno kho āyasmā rādho bhagavantaṃ etadavoca – “‘māro, māro’ti, bhante, vuccati. Katamo nu kho, bhante, māro’’ti? ‘‘Rūpaṃ kho, rādha, māro, vedanā māro, saññā māro, saṅkhārā māro, viññāṇaṃ māro. Evaṃ passaṃ, rādha, sutavā ariyasāvako rūpasmimpi nibbindati, vedanāyapi nibbindati, saññāyapi nibbindati, saṅkhāresupi nibbindati, viññāṇasmimpi nibbindati. Nibbindaṃ virajjati; virāgā vimuccati. Vimuttasmiṃ vimuttamiti ñāṇaṃ hoti. ‘Khīṇā jāti, vusitaṃ brahmacariyaṃ, kataṃ karaṇīyaṃ, nāparaṃ itthattāyā’ti pajānāti’’ti. Paṭhamaṃ.

### 2. Māradhammasuttaṃ

171. Sāvattthinidānaṃ. Ekamantaṃ nisinno kho āyasmā rādho bhagavantaṃ etadavoca – “‘māradhammo, māradhammo’ti, bhante, vuccati. Katamo nu kho, bhante, māradhammo’’ti? ‘‘Rūpaṃ kho, rādha, māradhammo, vedanā māradhammo, saññā māradhammo, saṅkhārā māradhammo, viññāṇaṃ māradhammo. Evaṃ passaṃ...pe... nāparaṃ itthattāyāti pajānāti’’ti. Dutiyaṃ.

### 3. Aniccassuttaṃ

172. Sāvattthinidānaṃ. Ekamantaṃ nisinno kho āyasmā rādho bhagavantaṃ etadavoca – “‘aniccaṃ, anicca’nti, bhante, vuccati. Katamaṃ nu kho, bhante, anicca’’nti? ‘‘Rūpaṃ kho, rādha, aniccaṃ, vedanā aniccā, saññā aniccā, saṅkhārā aniccā, viññāṇaṃ aniccaṃ. Evaṃ passaṃ...pe... nāparaṃ itthattāyāti pajānāti’’ti. Tatiyaṃ.

### 4. Aniccadhammasuttaṃ

173. Sāvattthinidānaṃ. Ekamantaṃ nisinno kho āyasmā rādho bhagavantaṃ etadavoca – “‘aniccadhammo, aniccadhammo’ti, bhante, vuccati. Katamo nu kho, bhante, aniccadhammo’’ti? ‘‘Rūpaṃ kho, rādha, aniccadhammo, vedanā aniccadhammo, saññā aniccadhammo, saṅkhārā aniccadhammo, viññāṇaṃ aniccadhammo. Evaṃ passaṃ...pe... nāparaṃ itthattāyāti pajānāti’’ti. Catutthaṃ.

### 5. Dukkhasuttaṃ

174. Sāvattthinidānaṃ. Ekamantaṃ nisinno kho āyasmā rādho bhagavantaṃ etadavoca – “‘dukkhaṃ, dukkha’nti, bhante, vuccati. Katamaṃ nu kho, bhante, dukkha’’nti? ‘‘Rūpaṃ kho, rādha, dukkhaṃ, vedanā dukkhā, saññā dukkhā, saṅkhārā dukkhā, viññāṇaṃ dukkhaṃ. Evaṃ passaṃ...pe... nāparaṃ itthattāyāti pajānāti’’ti. Pañcamaṃ.



## 6. Dukkhadhammasuttaṃ

175. Sāvattthinidānaṃ. Ekamantaṃ nisinno kho āyasmā rādho bhagavantaṃ etadavoca – ““dukkhadhammo, dukkhadhammo’ti, bhante, vuccati. Katamo nu kho, bhante, dukkhadhammo’”ti? “Rūpaṃ kho, rādha, dukkhadhammo, vedanā dukkhadhammo, saññā dukkhadhammo, saṅkhārā dukkhadhammo, viññāṇaṃ dukkhadhammo. Evaṃ passaṃ...pe... nāparaṃ itthattāyāti pajānātī’”ti. Chaṭṭhaṃ.

## 7. Anattasuttaṃ

176. Sāvattthinidānaṃ. Ekamantaṃ nisinno kho āyasmā rādho bhagavantaṃ etadavoca – ““anattā, anattā’ti, bhante, vuccati. Katamo nu kho, bhante, anattā’”ti? “Rūpaṃ kho, rādha, anattā, vedanā anattā, saññā anattā, saṅkhārā anattā, viññāṇaṃ anattā. Evaṃ passaṃ...pe... nāparaṃ itthattāyāti pajānātī’”ti. Sattamaṃ.

## 8. Anattadhammasuttaṃ

177. Sāvattthinidānaṃ. Ekamantaṃ nisinno kho āyasmā rādho bhagavantaṃ etadavoca – ““anattadhammo, anattadhammo’ti, bhante, vuccati. Katamo nu kho, bhante, anattadhammo’”ti? “Rūpaṃ kho, rādha, anattadhammo, vedanā anattadhammo, saññā anattadhammo, saṅkhārā anattadhammo, viññāṇaṃ anattadhammo. Evaṃ passaṃ...pe... nāparaṃ itthattāyāti pajānātī’”ti. Aṭṭhamaṃ.

## 9. Khayadhammasuttaṃ

178. Sāvattthinidānaṃ. Ekamantaṃ nisinno kho āyasmā rādho bhagavantaṃ etadavoca – ““khayadhammo, khayadhammo’ti, bhante, vuccati. Katamo nu kho, bhante, khayadhammo’”ti? “Rūpaṃ kho, rādha, khayadhammo, vedanā khayadhammo, saññā khayadhammo, saṅkhārā khayadhammo, viññāṇaṃ khayadhammo. Evaṃ passaṃ...pe... nāparaṃ itthattāyāti pajānātī’”ti. Navamaṃ.

## 10. Vayadhammasuttaṃ

179. Sāvattthinidānaṃ. Ekamantaṃ nisinno kho āyasmā rādho bhagavantaṃ etadavoca – ““vayadhammo, vayadhammo’ti, bhante, vuccati. Katamo nu kho, bhante, vayadhammo’”ti? “Rūpaṃ kho, rādha, vayadhammo, vedanā vayadhammo, saññā vayadhammo, saṅkhārā vayadhammo, viññāṇaṃ vayadhammo. Evaṃ passaṃ...pe... nāparaṃ itthattāyāti pajānātī’”ti. Dasamaṃ.

## 11. Samudayadhammasuttaṃ

180. Sāvattthinidānaṃ. Ekamantaṃ nisinno kho āyasmā rādho bhagavantaṃ etadavoca – ““samudayadhammo, samudayadhammo’ti, bhante, vuccati. Katamo nu kho, bhante, samudayadhammo’”ti? “Rūpaṃ kho, rādha, samudayadhammo, vedanā samudayadhammo, saññā samudayadhammo, saṅkhārā samudayadhammo, viññāṇaṃ samudayadhammo. Evaṃ passaṃ...pe... nāparaṃ itthattāyāti pajānātī’”ti. Ekādasamaṃ.

## 12. Nirodhadhammasuttaṃ

181. Sāvattthinidānaṃ. Ekamantaṃ nisinno kho āyasmā rādho bhagavantaṃ etadavoca – ““nirodhadhammo, nirodhadhammo’ti, bhante, vuccati. Katamo nu kho, bhante, nirodhadhammo’”ti?

“Rūpaṃ kho, rādhā, nirodhadhammo, vedanā nirodhadhammo, saññā nirodhadhammo, saṅkhārā nirodhadhammo, viññāṇaṃ nirodhadhammo. Evaṃ passaṃ...pe... nāparaṃ itthattāyāti pajānāti”ti. Dvādasamaṃ.

Rādhasaṃyuttassa dutiyo vaggo.

Tassuddānaṃ –

Māro ca māradhammo ca, aniccena apare duve;  
Dukkheṇa ca duve vuttā, anattena [anattehi (sī. syā. kaṃ.)] tattheva ca;  
Khayavayasamudayaṃ, nirodhadhammena dvādasāti.

### 3. Āyācanavaggo

#### 1-11. Mārādisuttaekādasakaṃ

**182.** Sāvattthinidānaṃ. Ekamantaṃ nisinno kho āyasmā rādho bhagavantaṃ etadavoca – “sādhu me, bhante, bhagavā saṃkhittena dhammaṃ desetu, yamaṃ bhagavato dhammaṃ sutvā eko vūpakaṭṭho appamatto ātāpī pahitatto vihareyya”nti.

“Yo kho, rādha, māro; tatra te chando pahātabbo, rāgo pahātabbo, chandarāgo pahātabbo [sīhaḷapothhake pana “tatra te chando pahātabboti ekaṃ suttaṃ, tatra te rāgo pahātabboti ekaṃ suttaṃ, tatra te chandarāgo pahātabboti ekaṃ sutta”nti evaṃ visuṃ visuṃ tīṇi suttāni vibhajitvā dassitāni. evamuparisuttēsupi]. Ko ca, rādha, māro? Rūpaṃ kho, rādha, māro; tatra te chando pahātabbo, rāgo pahātabbo, chandarāgo pahātabbo [sīhaḷapothhake pana “tatra te chando pahātabboti ekaṃ suttaṃ, tatra te rāgo pahātabboti ekaṃ suttaṃ, tatra te chandarāgo pahātabboti ekaṃ sutta”nti evaṃ visuṃ visuṃ tīṇi suttāni vibhajitvā dassitāni. evamuparisuttēsupi]. Vedanā māro; tatra te chando pahātabbo...pe... saññā māro; tatra te chando pahātabbo...pe... saṅkhārā māro; tatra te chando pahātabbo...pe... viññāṇaṃ māro; tatra te chando pahātabbo...pe... yo kho, rādha, māro; tatra te chando pahātabbo, rāgo pahātabbo, chandarāgo pahātabbo”ti.

**183.** Yo kho, rādha, māradhammo; tatra te chando pahātabbo, rāgo pahātabbo, chandarāgo pahātabbo...pe....

**184.** Yaṃ kho, rādha, aniccaṃ...pe....

**185.** Yo kho, rādha, aniccadhammo...pe....

**186.** Yaṃ kho, rādha, dukkhaṃ...pe....

**187.** Yo kho, rādha, dukkhadhammo...pe....

**188.** Yo kho, rādha, anattā...pe....

**189.** Yo kho, rādha, anattadhammo...pe....

**190.** Yo kho, rādha, khayadhammo...pe....

**191.** Yo kho, rādha, vayadhammo...pe....

192. Yo kho, rādha, samudayadhammo; tatra te chando pahātabbo, rāgo pahātabbo, chandarāgo pahātabbo...pe....

## 12. Nirodhadhammasuttam

193. Sāvattthinidānaṃ. Ekamantaṃ nisinno kho āyasmā rādho bhagavantaṃ etadavoca – ‘‘sādhu me, bhante, bhagavā saṃkhittena dhammaṃ desetu, yamaṃ bhagavato dhammaṃ sutvā eko vūpakaṭṭho appamatto ātāpī pahitatto vihareyya’’nti.

‘‘Yo kho, rādha, nirodhadhammo; tatra te chando pahātabbo, rāgo pahātabbo, chandarāgo pahātabbo. Ko ca, rādha, nirodhadhammo? Rūpaṃ kho, rādha, nirodhadhammo; tatra te chando pahātabbo...pe... vedanā nirodhadhammo; tatra te chando pahātabbo...pe... saññā nirodhadhammo; tatra te chando pahātabbo...pe... saṅkhārā nirodhadhammo; tatra te chando pahātabbo...pe... viññāṇaṃ nirodhadhammo; tatra te chando pahātabbo...pe... yo kho, rādha, nirodhadhammo; tatra te chando pahātabbo, rāgo pahātabbo, chandarāgo pahātabbo’’ti [[sīhaḷapotthake pana imasmiṃ vagge chattimsa suttāni vibhātāni ekekaṃ suttam tīṇi tīṇi katvā, evaṃ catutthavaggepi](#)].

Āyācanavaggo tatiyo.

Tassuddānaṃ –

Māro ca māradhammo ca, aniccena apare duve;  
Dukkheṇa ca duve vuttā, anattena tatheva ca;  
Khayavayasamudayaṃ, nirodhadhammena dvādasāti.

## 4. Upanisinnavaggo

### 1-11. Mārādisuttaekādasakaṃ

194. Sāvattthinidānaṃ. Ekamantaṃ nisinnaṃ kho āyasmantaṃ rādhaṃ bhagavā etadavoca – ‘‘yo kho, rādha, māro; tatra te chando pahātabbo, rāgo pahātabbo, chandarāgo pahātabbo. Ko ca, rādha, māro? Rūpaṃ kho, rādha, māro; tatra te chando pahātabbo...pe... viññāṇaṃ māro; tatra te chando pahātabbo...pe... yo kho, rādha, māro; tatra te chando pahātabbo, rāgo pahātabbo, chandarāgo pahātabbo’’ti.

195. Yo kho, rādha, māradhammo; tatra te chando pahātabbo, rāgo pahātabbo, chandarāgo pahātabbo...pe....

196. Yaṃ kho, rādha, aniccaṃ...pe....

197. Yo kho, rādha, aniccadhammo...pe....

198. Yaṃ kho, rādha, dukkhaṃ...pe....

199. Yo kho, rādha, dukkhadhammo...pe....

200. Yo kho, rādha, anattā...pe....

201. Yo kho, rādha, anattadhammo...pe....

202. Yo kho, rādha, khayadhammo...pe....

203. Yo kho, rādha, vayadhammo...pe....

204. Yo kho, rādha, samudayadhammo; tatra te chando pahātabbo, rāgo pahātabbo, chandarāgo pahātabbo...pe....

## 12. Nirodhadhammasuttaṃ

205. Sāvattthinidānaṃ. Ekamantaṃ nisinnaṃ kho āyasmantaṃ rādhaṃ bhagavā etadavoca – ‘yo kho, rādha, nirodhadhammo; tatra te chando pahātabbo, rāgo pahātabbo, chandarāgo pahātabbo. Ko ca, rādha, nirodhadhammo? Rūpaṃ kho, rādha, nirodhadhammo; tatra te chando pahātabbo, rāgo pahātabbo, chandarāgo pahātabbo. Vedanā...pe... saññā...pe... saṅkhārā...pe... viññānaṃ nirodhadhammo; tatra te chando pahātabbo, rāgo pahātabbo, chandarāgo pahātabbo. Yo kho, rādha, nirodhadhammo; tatra te chando pahātabbo, rāgo pahātabbo, chandarāgo pahātabbo’ ti.

Upanisinnavaggo catuttho.

Tassuddānaṃ –

Māro ca māradhammo ca, aniccena apare duve;  
Dukkheṇa ca duve vuttā, anattena tattheva ca;  
Khayavayasamudayaṃ, nirodhadhammena dvādasāti.

Rādhasaṃyuttaṃ samattaṃ.

## 3. Diṭṭhisamṃyuttaṃ

### 1. Sotāpattivaggo

#### 1. Vātasuttaṃ

206. Ekaṃ samayaṃ bhagavā sāvattthiyaṃ viharati jetavane. Bhagavā etadavoca – ‘kismiṃ nu kho, bhikkhave, sati, kiṃ upādāya, kiṃ abhinivissa evaṃ diṭṭhi uppajjati – ‘na vātā vāyanti, na najjo sandanti, na gabbhiniyo vijāyanti, na candimasūriyā uđenti vā apenti vā esikaṭṭhāyitṭhitā’ ti?

‘‘Bhagavaṃmūlakā no, bhante, dhammā bhagavaṃnettikā bhagavaṃpaṭisaraṇā. Sādhū vata, bhante, bhagavantaññeva paṭibhātu etassa bhāsitaṃ attho. Bhagavato sutvā bhikkhū dhāressanti’’ ti. ‘‘Tena hi, bhikkhave, suṇātha, sādhukaṃ manasi karotha; bhāsissāmi’’ ti. ‘‘Evaṃ, bhante’’ ti kho te bhikkhū bhagavato paccassosum. Bhagavā etadavoca –

‘‘Rūpe kho, bhikkhave, sati, rūpaṃ upādāya, rūpaṃ abhinivissa evaṃ diṭṭhi uppajjati – ‘na vātā vāyanti, na najjo sandanti, na gabbhiniyo vijāyanti, na candimasūriyā uđenti vā apenti vā esikaṭṭhāyitṭhitā’ ti. Vedanāya sati...pe... saññāya sati... saṅkhāresu sati... viññāṇe sati, viññānaṃ upādāya, viññānaṃ abhinivissa evaṃ diṭṭhi uppajjati – ‘na vātā vāyanti, na najjo sandanti, na gabbhiniyo vijāyanti, na candimasūriyā uđenti vā apenti vā esikaṭṭhāyitṭhitā’ ti. Taṃ kiṃ maññatha, bhikkhave, rūpaṃ niccaṃ vā aniccaṃ vā’ ti? ‘‘Aniccaṃ, bhante’’. ‘‘Yaṃ panāniccaṃ, dukkhaṃ vā taṃ sukhaṃ vā’ ti? ‘‘Dukkhaṃ, bhante’’. ‘‘Yaṃ panāniccaṃ, dukkhaṃ vipariṇāmadhammaṃ, api nu taṃ anupādāya evaṃ diṭṭhi uppajjeyya – ‘na vātā vāyanti, na najjo sandanti, na gabbhiniyo vijāyanti, na candimasūriyā uđenti vā apenti vā esikaṭṭhāyitṭhitā’ ti? ‘‘No hetam, bhante’’. ‘‘

“Vedanā niccā vā aniccā vā”ti... “saññā... saṅkhārā... viññāṇaṃ niccaṃ vā aniccaṃ vā”ti? “Aniccaṃ, bhante”. “Yaṃ panāniccaṃ dukkhaṃ vā taṃ sukhaṃ vā”ti? “Dukkhaṃ, bhante”. “Yaṃ panāniccaṃ dukkhaṃ vipariṇāmadhammaṃ, api nu taṃ anupādāya evaṃ diṭṭhi uppajjeyya – ‘na vātā vāyanti, na najjo sandanti, na gabbhiniyo vijāyanti, na candimasūriyā uđenti vā apenti vā esikaṭṭhāyitṭhitā”ti? “No hetam, bhante”. “Yampidaṃ [yamidaṃ (aññattha)] diṭṭhaṃ sutam mutam viññātaṃ pattaṃ pariyesitaṃ anuvicariṭaṃ manasā tampi niccaṃ vā aniccaṃ vā”ti? “Aniccaṃ, bhante”. “Yaṃ panāniccaṃ dukkhaṃ vā taṃ sukhaṃ vā”ti? “Dukkhaṃ, bhante”. “Yaṃ panāniccaṃ dukkhaṃ vipariṇāmadhammaṃ, api nu taṃ anupādāya evaṃ diṭṭhi uppajjeyya – ‘na vātā vāyanti, na najjo sandanti, na gabbhiniyo vijāyanti, na candimasūriyā uđenti vā apenti vā esikaṭṭhāyitṭhitā”ti? “No hetam, bhante”.

“Yato kho, bhikkhave, ariyasāvakassa imesu ca [imesu chasu (sī. syā. kaṃ. pī.) evamuparipi] ṭhānesu kaṅkhā pahīnā hoti, dukkhepissa kaṅkhā pahīnā hoti, dukkhasamudayepissa kaṅkhā pahīnā hoti, dukkhanirodhepissa kaṅkhā pahīnā hoti, dukkhanirodhagāminiyā paṭipadāyapissa kaṅkhā pahīnā hoti – ayaṃ vuccati, bhikkhave, ariyasāvako sotāpanno avinipātadhammo niyato sambodhiparāyano”ti. Paṭhamam.

## 2. Etaṃmamasuttaṃ

**207.** Sāvattthinidānaṃ. “Kismiṃ nu kho, bhikkhave, sati, kiṃ upādāya, kiṃ abhinivissa evaṃ diṭṭhi uppajjati – ‘etaṃ mama, eso hamasmi, eso me attā”ti? Bhagavaṃmūlakā no, bhante, dhammā...pe... “rūpe kho, bhikkhave, sati, rūpaṃ upādāya, rūpaṃ abhinivissa evaṃ diṭṭhi uppajjati – ‘etaṃ mama, eso hamasmi, eso me attā”ti. Vedanāya sati...pe... saññāya sati ... saṅkhāresu sati... viññāṇe sati, viññāṇaṃ upādāya, viññāṇaṃ abhinivissa evaṃ diṭṭhi uppajjati – ‘etaṃ mama, eso hamasmi, eso me attā”ti.

“Taṃ kiṃ maññatha, bhikkhave, rūpaṃ niccaṃ vā aniccaṃ vā”ti? “Aniccaṃ, bhante”...pe... “vedanā... saññā... saṅkhārā... viññāṇaṃ niccaṃ vā aniccaṃ vā”ti? “Aniccaṃ, bhante”...pe... api nu taṃ anupādāya evaṃ diṭṭhi uppajjeyya – ‘etaṃ mama, eso hamasmi, eso me attā”ti? “No hetam, bhante”. “Yampidaṃ diṭṭhaṃ sutam mutam viññātaṃ pattaṃ pariyesitaṃ anuvicariṭaṃ manasā tampi niccaṃ vā aniccaṃ vā”ti? “Aniccaṃ, bhante”. “Yaṃ panāniccaṃ dukkhaṃ vā taṃ sukhaṃ vā”ti? “Dukkhaṃ, bhante”. “Yaṃ panāniccaṃ dukkhaṃ vipariṇāmadhammaṃ, api nu taṃ anupādāya evaṃ diṭṭhi uppajjeyya – ‘etaṃ mama, eso hamasmi, eso me attā”ti? “No hetam, bhante”.

“Yato kho, bhikkhave, ariyasāvakassa imesu ca ṭhānesu kaṅkhā pahīnā hoti, dukkhepissa kaṅkhā pahīnā hoti...pe... dukkhanirodhagāminiyā paṭipadāyapissa kaṅkhā pahīnā hoti – ayaṃ vuccati, bhikkhave, ariyasāvako sotāpanno avinipātadhammo niyato sambodhiparāyano”ti. Dutiyam.

## 3. Soattāsuttaṃ

**208.** Sāvattthinidānaṃ. “Kismiṃ nu kho, bhikkhave, sati, kiṃ upādāya, kiṃ abhinivissa evaṃ diṭṭhi uppajjati – ‘so attā, so loko, so pecca bhavissāmi nicco dhuvo sassato avipariṇāmadhammo”ti? Bhagavaṃmūlakā no, bhante, dhammā...pe....

“Rūpe kho, bhikkhave, sati, rūpaṃ upādāya, rūpaṃ abhinivissa evaṃ diṭṭhi uppajjati – ‘so attā, so loko, so pecca bhavissāmi nicco dhuvo sassato avipariṇāmadhammo”ti. Vedanāya sati...pe... saññāya sati... saṅkhāresu sati... viññāṇe sati, viññāṇaṃ upādāya, viññāṇaṃ abhinivissa evaṃ diṭṭhi uppajjati – ‘so attā, so loko, so pecca bhavissāmi nicco dhuvo sassato avipariṇāmadhammo”ti.

“Taṃ kiṃ maññatha, bhikkhave, rūpaṃ niccaṃ vā aniccaṃ vā”ti? “Aniccaṃ bhante”...pe... api nu taṃ anupādāya evaṃ diṭṭhi uppajjeyya – ‘so attā...pe... avipariṇāmadhammo”ti? “No hetam,

bhante”. “Vedanā... saññā... saṅkhārā... viññāṇaṃ niccaṃ vā aniccaṃ vā”ti? “Aniccaṃ bhante...pe... api nu taṃ anupādāya evaṃ diṭṭhi uppajjeyya – ‘so attā...pe... avipariṇāmadhammo’”ti? “No hetam, bhante”. “Yampidaṃ diṭṭhaṃ sutam mutaṃ viññātaṃ pattaṃ pariyesitaṃ anuvicaritaṃ manasā tampi niccaṃ vā aniccaṃ vā”ti? “Aniccaṃ, bhante...pe... api nu taṃ anupādāya evaṃ diṭṭhi uppajjeyya – ‘so attā, so loko, so pecca bhavissāmi nicco dhuvo sassato avipariṇāmadhammo’”ti? “No hetam, bhante”.

“Yato kho, bhikkhave, ariyasāvakaṃ imesu ca ṭhānesu kaṅkhā pahīnā hoti, dukkhepissa kaṅkhā pahīnā hoti...pe... dukkhanirodhagāminiyā paṭipadāyapissa kaṅkhā pahīnā hoti – ayaṃ vuccati, bhikkhave, ariyasāvako sotāpanno avinipātadhammo niyato sambodhiparāyano”ti. Tatiyaṃ.

#### 4. Nocamesiyāsuttaṃ

**209.** Sāvattthinidānaṃ. “Kismiṃ nu kho, bhikkhave, sati, kiṃ upādāya, kiṃ abhinivissa evaṃ diṭṭhi uppajjati – ‘no cassaṃ, no ca me siyā, nābhavissa, na me bhavissatī’”ti? Bhagavaṃmūlakā no, bhante, dhammā...pe....

“Rūpe kho, bhikkhave, sati, rūpaṃ upādāya, rūpaṃ abhinivissa evaṃ diṭṭhi uppajjati – ‘no cassaṃ, no ca me siyā, nābhavissa, na me bhavissatī’ti. Vedanāya sati... saññāya sati... saṅkhāresu sati... viññāṇe sati, viññāṇaṃ upādāya, viññāṇaṃ abhinivissa evaṃ diṭṭhi uppajjati – ‘no cassaṃ, no ca me siyā, nābhavissa, na me bhavissatī’”ti.

“Taṃ kiṃ maññatha, bhikkhave, rūpaṃ niccaṃ vā aniccaṃ vā”ti? “Aniccaṃ, bhante”...pe... api nu taṃ anupādāya evaṃ diṭṭhi uppajjeyya – ‘no cassaṃ, no ca me siyā, nābhavissa, na me bhavissatī’ti? “No hetam, bhante”. “Vedanā... saññā... saṅkhārā... viññāṇaṃ niccaṃ vā aniccaṃ vā”ti? “Aniccaṃ, bhante...pe... api nu taṃ anupādāya evaṃ diṭṭhi uppajjeyya – ‘no cassaṃ, no ca me siyā, nābhavissa, na me bhavissatī’”ti? “No hetam, bhante”. “Yampidaṃ diṭṭhaṃ sutam mutaṃ viññātaṃ pattaṃ pariyesitaṃ anuvicaritaṃ manasā tampi niccaṃ vā aniccaṃ vā”ti? “Aniccaṃ, bhante...pe... api nu taṃ anupādāya evaṃ diṭṭhi uppajjeyya – ‘no cassaṃ, no ca me siyā, nābhavissa, na me bhavissatī’”ti? “No hetam, bhante”.

“Yato kho, bhikkhave, ariyasāvakaṃ imesu ca ṭhānesu kaṅkhā pahīnā hoti, dukkhepissa kaṅkhā pahīnā hoti...pe... dukkhanirodhagāminiyā paṭipadāyapissa kaṅkhā pahīnā hoti – ayaṃ vuccati, bhikkhave, ariyasāvako sotāpanno avinipātadhammo niyato sambodhiparāyano”ti. Catutthaṃ.

#### 5. Natthidinnasuttaṃ

**210.** Sāvattthinidānaṃ. “Kismiṃ nu kho, bhikkhave, sati kiṃ upādāya, kiṃ abhinivissa evaṃ diṭṭhi uppajjati – ‘natthi dinnam, natthi yiṭṭham, natthi hutam, natthi sukata dukkaṭānaṃ [sukkaṭadukkaṭānaṃ (sī. pī.)] kammānaṃ phalaṃ vipāko; natthi ayaṃ loko, natthi paro loko, natthi mātā, natthi pitā, natthi sattā opapātikā; natthi loke samaṇabrāhmaṇā sammaggatā [samaggatā (ka.)] sammāpaṭipannā ye imaṅca lokam paraṅca lokam sayam abhiññā sacchikatvā pavedenti. Cātumahābhūtika [cātummahābhūtika (sī. syā. kaṃ. pī.)] ayaṃ puriso yadā kālaṅkaroti pathavī pathavīkāyaṃ anupeti anupagacchati, āpo āpokāyaṃ anupeti anupagacchati, tejo tejokāyaṃ anupeti anupagacchati, vāyo vāyokāyaṃ anupeti anupagacchati. Ākāsaṃ indriyāni saṅkamanti. Āsandipaṅcamā purisā mataṃ ādāya gacchanti. Yāva ālāhanā padāni paññāyanti. Kāpotakāni aṭṭhīni bhavanti. Bhassantā āhutiyo. Dattupaññattaṃ yadidaṃ dānaṃ [dattupaññattamidaṃ dānaṃ nāma (sabbattha)]. Tesam tucchaṃ musā vilāpo ye keci atthikavādaṃ vadanti. Bāle ca paṇḍite ca kāyassa bhedā ucchijjanti vinassanti na honti paraṃ maraṇā”ti? Bhagavaṃmūlakā no, bhante, dhammā...pe... “rūpe kho, bhikkhave, sati, rūpaṃ upādāya, rūpaṃ abhinivissa evaṃ diṭṭhi uppajjati – ‘natthi dinnam, natthi yiṭṭham...pe... kāyassa bhedā ucchijjanti vinassanti na honti paraṃ maraṇā’ti. Vedanāya sati...pe... saññāya sati... saṅkhāresu sati...

viññāṇe sati, viññāṇaṃ upādāya, viññāṇaṃ abhinivissa evaṃ diṭṭhi uppajjati – ‘natthi dinnam, natthi yiṭṭham...pe... kāyassa bheda ucchijjanti vinassanti na honti param marañā’’ti.

“Taṃ kiṃ maññatha, bhikkhave, rūpaṃ niccaṃ vā aniccaṃ vā’’ti? “Aniccaṃ, bhante...pe... api nu taṃ anupādāya evaṃ diṭṭhi uppajjeyya – ‘natthi dinnam, natthi yiṭṭham...pe... kāyassa bheda ucchijjanti vinassanti na honti param marañā’’ti? “No hetam, bhante”. “Vedanā... saññā... saṅkhārā... viññāṇaṃ niccaṃ vā aniccaṃ vā’’ti? “Aniccaṃ, bhante...pe... api nu taṃ anupādāya evaṃ diṭṭhi uppajjeyya – ‘natthi dinnam, natthi yiṭṭham...pe... kāyassa bheda ucchijjanti vinassanti na honti param marañā’’ti? “No hetam, bhante”. “Yampidaṃ diṭṭham sutam mutam viññātam pattam pariyesitam anuvicaritam manasā tampi niccaṃ vā aniccaṃ vā’’ti? “Aniccaṃ, bhante...pe... api nu taṃ anupādāya evaṃ diṭṭhi uppajjeyya – ‘natthi dinnam, natthi yiṭṭham...pe... ye keci atthikavādam vadanti; bāle ca paṇḍite ca kāyassa bheda ucchijjanti vinassanti na honti param marañā’’ti? “No hetam, bhante’’.

“Yato kho, bhikkhave, ariyasāvakassa imesu ca ṭhānesu kaṅkhā pahīnā hoti, dukkhepissa kaṅkhā pahīnā hoti...pe... dukkhanirodhagāminiyā paṭipadāyapissa kaṅkhā pahīnā hoti – ayaṃ vuccati, bhikkhave, ariyasāvako sotāpanno avinipātadhammo niyato sambodhiparāyano’’ti. Pañcamaṃ.

## 6. Karotosuttam

**211.** Sāvattthinidānaṃ. “Kismiṃ nu kho, bhikkhave, sati, kiṃ upādāya, kiṃ abhinivissa evaṃ diṭṭhi uppajjati – ‘karoto kārayato chindato chedāpayato pacato pācāpayato socato socāpayato kilamato kilamāpayato phandato phandāpayato pānamatipātayato adinnaṃ ādiyato sandhiṃ chindato nillopaṃ harato ekāgārikaṃ karoto paripante tiṭṭhato paradāraṃ gacchato musā bhaṇato karoto na karīyati pāpaṃ. Khurapariyante cepi cakkena yo imissā pathaviyā pāṇe ekamaṃsakhalaṃ ekamaṃsapuñjaṃ kareyya, natthi tatonidānaṃ pāpaṃ, natthi pāpassa āgamo. Dakkhiṇaṃ cepi gaṅgāya tīraṃ gaccheyya; hananto ghātento chindanto chedāpento pacanto pācento, natthi tatonidānaṃ pāpaṃ, natthi pāpassa āgamo. Uttaraṃ cepi gaṅgāya tīraṃ gaccheyya; dadanto dāpento yajanto yajāpento, natthi tatonidānaṃ puññaṃ, natthi puññaṃ āgamo. Dānena damena saṃyamena saccavajjena natthi puññaṃ natthi puññaṃ āgamo’’ti. Bhagavaṃmūlakā no, bhante, dhammā...pe... “rūpe kho, bhikkhave, sati, rūpaṃ upādāya, rūpaṃ abhinivissa evaṃ diṭṭhi uppajjati – ‘karoto kārayato...pe... natthi puññaṃ natthi puññaṃ āgamo’’ti. Vedanāya sati...pe... saññāya sati... saṅkhāresu sati... viññāṇe sati, viññāṇaṃ upādāya, viññāṇaṃ abhinivissa evaṃ diṭṭhi uppajjati – ‘karoto kārayato...pe... natthi puññaṃ natthi puññaṃ āgamo’’ti.

“Taṃ kiṃ maññatha, bhikkhave, rūpaṃ niccaṃ vā aniccaṃ vā’’ti? “Aniccaṃ, bhante’’...pe... api nu taṃ anupādāya evaṃ diṭṭhi uppajjeyya – ‘karoto...pe... natthi puññaṃ natthi puññaṃ āgamo’’ti? “No hetam, bhante”. “Vedanā... saññā... saṅkhārā... viññāṇaṃ niccaṃ vā aniccaṃ vā’’ti? “Aniccaṃ, bhante...pe... api nu taṃ anupādāya evaṃ diṭṭhi uppajjeyya – ‘karoto kārayato...pe... natthi puññaṃ natthi puññaṃ āgamo’’ti? “No hetam, bhante”. “Yampidaṃ diṭṭham sutam mutam viññātam pattam pariyesitam anuvicaritam manasā tampi niccaṃ vā aniccaṃ vā’’ti? “Aniccaṃ, bhante...pe... api nu taṃ anupādāya evaṃ diṭṭhi uppajjeyya – ‘karoto kārayato...pe... natthi puññaṃ natthi puññaṃ āgamo’’ti? “No hetam, bhante’’.

“Yato kho, bhikkhave, ariyasāvakassa imesu ca ṭhānesu kaṅkhā pahīnā hoti, dukkhepissa kaṅkhā pahīnā hoti...pe... dukkhanirodhagāminiyā paṭipadāyapissa kaṅkhā pahīnā hoti – ayaṃ vuccati, bhikkhave, ariyasāvako sotāpanno avinipātadhammo niyato sambodhiparāyano’’ti. Chaṭṭhaṃ.

## 7. Hetusuttam

**212.** Sāvattthinidānaṃ. “Kismiṃ nu kho, bhikkhave, sati, kiṃ upādāya, kiṃ abhinivissa evaṃ diṭṭhi

uppajjati – ‘natthi hetu, natthi paccayo sattānaṃ saṃkilesāya. Ahetū appaccayā sattā saṃkilissanti. Natthi hetu, natthi paccayo sattānaṃ visuddhiyā. Ahetū appaccayā sattā visujjhanti. Natthi balaṃ natthi vīriyaṃ natthi purisathāmo natthi purisaparakkamo. Sabbe sattā sabbe paṇā sabbe bhūtā sabbe jīvā avasā abalā avīriyā niyatisaṅgatibhāvaparīṇatā chasvevābhijātīsu sukhadukkhaṃ paṭisaṃvedentī’’ti? Bhagavaṃmūlakā no, bhante, dhammā...pe... ‘rūpe kho, bhikkhave, sati, rūpaṃ upādāya, rūpaṃ abhinivissa evaṃ diṭṭhi uppajjati – ‘natthi hetu, natthi paccayo...pe... sukhadukkhaṃ paṭisaṃvedentī’’ti. Vedanāya sati...pe... saññāya sati... saṅkhāresu sati... viññāṇe sati, viññāṇaṃ upādāya, viññāṇaṃ abhinivissa evaṃ diṭṭhi uppajjati – ‘natthi hetu, natthi paccayo...pe... sukhadukkhaṃ paṭisaṃvedentī’’ti.

‘‘Taṃ kiṃ maññatha, bhikkhave, rūpaṃ niccaṃ vā aniccaṃ vā’’ti? ‘‘Aniccaṃ, bhante...pe... vipariṇāmadhammaṃ, api nu taṃ anupādāya evaṃ diṭṭhi uppajjeyya – ‘natthi hetu, natthi paccayo...pe... sukhadukkhaṃ paṭisaṃvedentī’’ti? ‘‘No hetam, bhante’’. ‘‘Vedanā... saññā... saṅkhārā... viññāṇaṃ niccaṃ vā aniccaṃ vā’’ti? ‘‘Aniccaṃ, bhante...pe... api nu taṃ anupādāya evaṃ diṭṭhi uppajjeyya – ‘natthi hetu, natthi paccayo...pe... sukhadukkhaṃ paṭisaṃvedentī’’ti? ‘‘No hetam, bhante’’. ‘‘Yampidaṃ diṭṭhaṃ sutam mutam viññātam pattaṃ pariyesitam anuvicaritam manasā tampi niccaṃ vā aniccaṃ vā’’ti? ‘‘Aniccaṃ, bhante...pe... api nu taṃ anupādāya evaṃ diṭṭhi uppajjeyya – ‘natthi hetu natthi paccayo...pe... sukhadukkhaṃ paṭisaṃvedentī’’ti? ‘‘No hetam, bhante’’.

‘‘Yato kho, bhikkhave, ariyasāvakassa imesu ca thānesu kaṅkhā pahīnā hoti, dukkhepissa kaṅkhā pahīnā hoti ...pe... dukkhanirodhagāminiyā paṭipadāyapissa kaṅkhā pahīnā hoti – ayaṃ vuccati, bhikkhave, ariyasāvako sotāpanno avinipātadhammo niyato sambodhiparāyano’’ti. Sattamaṃ.

## 8. Mahādiṭṭhisuttaṃ

**213.** Sāvattthinidānaṃ. ‘‘Kismiṃ nu kho, bhikkhave, sati, kiṃ upādāya, kiṃ abhinivissa evaṃ diṭṭhi uppajjati – ‘sattime kāyā akaṭā, akaṭavidhā, animmitā, animmāṭā, vañjhā, kūṭaṭṭhā, esikaṭṭhāyitṭhitā; te na iñjanti, na vipariṇamanti [na vipariṇāmenti (pī. ka.)], na aññamaññaṃ byābādhenti; nālaṃ aññamaññaṃ sukhāya vā dukkhāya vā sukhadukkāya vā. Katame satta? Pathavīkāyo, āpokāyo, tejokāyo, vāyokāyo, sukhe, dukkhe, jīve sattame. Ime satta [jīve. sattime (bahūsu)] kāyā akaṭā, akaṭavidhā, animmitā, animmāṭā, vañjhā, kūṭaṭṭhā esikaṭṭhāyitṭhitā; te na iñjanti, na vipariṇamanti, na aññamaññaṃ byābādhenti; nālaṃ aññamaññaṃ sukhāya vā dukkhāya vā sukhadukkāya vā. Yopi tiṇhena satthena sīsaṃ chindati, na sopi kañci [na koci kañci (sī. syā. kaṃ.), na koci taṃ (pī. ka.)] jīvitā voropeti; sattannaṃtveva kāyānamantarena satthaṃ vivaramanupavisati [vivaramanupatati (katthaci) diṅghamajjhimesupi]. Cuddasa kho panimāni yonipamukhasatasahassāni satṭhi ca satāni cha ca satāni pañca ca kammuno satāni pañca ca kammāni, tīni ca kammāni, kamme ca aḍḍhakamme ca dvaṭṭhipaṭipadā, dvaṭṭhantarakappā, chaḷābhijātiyo, aṭṭhapurisabhūmiyo, ekūnapaññaṃ ājīvakasate, ekūnapaññaṃ paribbājakasate, ekūnapaññaṃ nāgavāsasate, vīse indriyasate, tiṃse nirayasate, chatṭimsarajodhātuyo, satta saññīgabbhā, satta asaññīgabbhā, satta nigaṇṭhigabbhā, satta devā, satta mānūsā, satta pesācā, satta sarā, satta pavuṭā [sapuṭā (ka.), pavudhā (pī.)], satta papātā, satta ca papātasatāni, satta supinā, satta supinasatāni, cullāsīti mahākappino [mahākappuno (sī. pī.)] satasahassāni, yāni bāle ca paṇḍite ca sandhāvitvā saṃsaritvā dukkhassantaṃ karissanti. Tattha natthi imināhaṃ sīlena vā vatena vā tapena vā brahmacariyena vā aparipakkaṃ vā kammaṃ paripācessāmi; paripakkaṃ vā kammaṃ phussa phussa byantīkarissāmīti hevaṃ natthi doṇamite sukhadukkhe pariyantakate saṃsāre, natthi hāyanaḍḍhane, natthi ukkaṃsāvakaṃse. Seyyathāpi nāma suttaguḷe khitte nibbeṭhiyamānameva paleti; evameva bāle ca paṇḍite ca nibbeṭhiyamānā sukhadukkhaṃ palenti’’ti?

Bhagavaṃmūlakā no, bhante, dhammā...pe... ‘rūpe kho, bhikkhave, sati, rūpaṃ upādāya, rūpaṃ abhinivissa evaṃ diṭṭhi uppajjati – ‘sattime kāyā akaṭā, akaṭavidhā...pe... sukhadukkhaṃ palenti’’ti. Vedanāya sati...pe... saññāya sati... saṅkhāresu sati... viññāṇe sati, viññāṇaṃ upādāya, viññāṇaṃ



abhinivissa evaṃ diṭṭhi uppajjati – ‘sattime kāyā akaṭā, akaṭavidhā...pe... sukhadukkhaṃ palenti’”ti. “Taṃ kiṃ maññatha, bhikkhave, rūpaṃ niccaṃ vā aniccaṃ vā”ti? “Aniccaṃ, bhante”... pe... “yaṃ paṇāniccaṃ dukkhaṃ vipariṇāmadhammaṃ, api nu taṃ anupādāya evaṃ diṭṭhi uppajjeyya – ‘sattime kāyā akaṭā akaṭavidhā...pe... sukhadukkhaṃ palenti’”ti? “No hetam, bhante”. “Yampidaṃ diṭṭhaṃ sutam mutaṃ viññātaṃ pattaṃ pariyesitaṃ anuvicaritaṃ manasā tampi niccaṃ vā aniccaṃ vā”ti? “Aniccaṃ, bhante...pe... api nu taṃ anupādāya evaṃ diṭṭhi uppajjeyya – ‘sattime kāyā akaṭā akaṭavidhā...pe... nibbēṭhiyamānā sukhadukkhaṃ palenti’”ti? “No hetam, bhante”.

“Yato kho, bhikkhave, ariyasāvakaṃ imesu ca ṭhānesu kaṅkhā pahīnā hoti, dukkhepissa kaṅkhā pahīnā hoti...pe... dukkhanirodhagāminiyā paṭipadāyapissa kaṅkhā pahīnā hoti – ayaṃ vuccati, bhikkhave, ariyasāvako sotāpanno avinipātadhammo niyato sambodhiparāyano”ti. Aṭṭhamam.

### 9. Sassatadiṭṭhisuttaṃ

214. Sāvattthinidānaṃ. “Kismiṃ nu kho, bhikkhave, sati, kiṃ upādāya, kiṃ abhinivissa evaṃ diṭṭhi uppajjati – ‘sassato loko’”ti? Bhagavaṃmūlakā no, bhante, dhammā...pe... “rūpe kho, bhikkhave, sati, rūpaṃ upādāya, rūpaṃ abhinivissa evaṃ diṭṭhi uppajjati – ‘sassato loko’”ti. Vedanāya sati...pe... saññāya sati... saṅkhāresu sati... viññāṇe sati, viññāṇaṃ upādāya, viññāṇaṃ abhinivissa evaṃ diṭṭhi uppajjati – ‘sassato loko’”ti.

“Taṃ kiṃ maññatha, bhikkhave, rūpaṃ niccaṃ vā aniccaṃ vā”ti? “Aniccaṃ, bhante”...pe... vipariṇāmadhammaṃ, api nu taṃ anupādāya evaṃ diṭṭhi uppajjeyya – ‘sassato loko’”ti? “No hetam, bhante”. “Vedanā ... saññā... saṅkhārā... viññāṇaṃ niccaṃ vā aniccaṃ vā”ti? “Aniccaṃ, bhante... pe... api nu taṃ anupādāya evaṃ diṭṭhi uppajjeyya – ‘sassato loko’”ti? “No hetam, bhante”. “Yampidaṃ diṭṭhaṃ sutam mutaṃ viññātaṃ pattaṃ pariyesitaṃ anuvicaritaṃ manasā tampi niccaṃ vā aniccaṃ vā”ti? “Aniccaṃ, bhante”. “Yaṃ paṇāniccaṃ dukkhaṃ vā taṃ sukhaṃ vā”ti? “Dukkhaṃ, bhante”. “Yaṃ paṇāniccaṃ dukkhaṃ vipariṇāmadhammaṃ, api nu taṃ anupādāya evaṃ diṭṭhi uppajjeyya – ‘sassato loko’”ti? “No hetam, bhante”.

“Yato kho, bhikkhave, ariyasāvakaṃ imesu ca ṭhānesu kaṅkhā pahīnā hoti, dukkhepissa kaṅkhā pahīnā hoti...pe... dukkhanirodhagāminiyā paṭipadāyapissa kaṅkhā pahīnā hoti – ayaṃ vuccati, bhikkhave, ariyasāvako sotāpanno avinipātadhammo niyato sambodhiparāyano”ti. Navamam.

### 10. Asassatadiṭṭhisuttaṃ

215. Sāvattthinidānaṃ. “Kismiṃ nu kho, bhikkhave, sati, kiṃ upādāya, kiṃ abhinivissa evaṃ diṭṭhi uppajjati – ‘asassato loko’”ti? Bhagavaṃmūlakā no, bhante, dhammā...pe... “rūpe kho, bhikkhave, sati...pe... viññāṇaṃ niccaṃ vā aniccaṃ vā”ti? “Aniccaṃ, bhante”...pe... api nu taṃ anupādāya evaṃ diṭṭhi uppajjeyya – asassato lokoti? “No hetam, bhante”. “Yampidaṃ diṭṭhaṃ sutam mutaṃ viññātaṃ pattaṃ pariyesitaṃ anuvicaritaṃ manasā tampi niccaṃ vā aniccaṃ vā”ti? “Aniccaṃ, bhante...pe... api nu taṃ anupādāya evaṃ diṭṭhi uppajjeyya – ‘asassato loko’”ti? “No hetam, bhante”.

“Yato kho, bhikkhave, ariyasāvakaṃ imesu ca ṭhānesu kaṅkhā pahīnā hoti, dukkhepissa kaṅkhā pahīnā hoti...pe... dukkhanirodhagāminiyā paṭipadāyapissa kaṅkhā pahīnā hoti – ayaṃ vuccati, bhikkhave, ariyasāvako sotāpanno avinipātadhammo niyato sambodhiparāyano”ti. Dasamam.

### 11. Antavāsuttaṃ

216. Sāvattthinidānaṃ. “Kismiṃ nu kho, bhikkhave, sati, kiṃ upādāya, kiṃ abhinivissa evaṃ diṭṭhi uppajjati – ‘antavā loko’”ti? Bhagavaṃmūlakā no, bhante, dhammā...pe... niyato sambodhiparāyano”ti. Ekādasamam.

## 12. Anantavāsuttam

217. Sāvattthinidānaṃ. “Kismiṃ nu kho, bhikkhave, sati, kiṃ upādāya, kiṃ abhinivissa evaṃ diṭṭhi uppajjati – ‘anantavā loko’”ti? Bhagavaṃmūlakā no, bhante, dhammā...pe... niyato sambodhiparāyano”ti. Dvādasamaṃ.

## 13. Taṃjīvaṃtaṃsarīraṃsuttam

218. Sāvattthinidānaṃ. “Kismiṃ nu kho, bhikkhave, sati, kiṃ upādāya, kiṃ abhinivissa evaṃ diṭṭhi uppajjati – ‘taṃ jīvaṃ taṃ sarīra’”nti? Bhagavaṃmūlakā no, bhante, dhammā...pe... niyato sambodhiparāyano”ti. Terasamaṃ.

## 14. Aññaṃjīvaṃaññaṃsarīraṃsuttam

219. Sāvattthinidānaṃ. “Kismiṃ nu kho, bhikkhave, sati, kiṃ upādāya, kiṃ abhinivissa evaṃ diṭṭhi uppajjati – ‘aññaṃ jīvaṃ aññaṃ sarīra’”nti? Bhagavaṃmūlakā no, bhante, dhammā...pe... niyato sambodhiparāyano”ti. Cuddasamaṃ.

## 15. Hotitathāgatosuttam

220. Sāvattthinidānaṃ. “Kismiṃ nu kho bhikkhave, sati, kiṃ upādāya, kiṃ abhinivissa evaṃ diṭṭhi uppajjati – ‘hoti tathāgato paraṃ maraṇā’”ti? Bhagavaṃmūlakā no, bhante, dhammā...pe... niyato sambodhiparāyano”ti. Pannarasamaṃ.

## 16. Nahotitathāgatosuttam

221. Sāvattthinidānaṃ. “Kismiṃ nu kho, bhikkhave, sati, kiṃ upādāya, kiṃ abhinivissa evaṃ diṭṭhi uppajjati – ‘na hoti tathāgato paraṃ maraṇā’”ti? Bhagavaṃmūlakā no, bhante, dhammā...pe... niyato sambodhiparāyano”ti. Soḷasamaṃ.

## 17. Hoticanacahotitathāgatosuttam

222. Sāvattthinidānaṃ. “Kismiṃ nu kho, bhikkhave, sati, kiṃ upādāya, kiṃ abhinivissa evaṃ diṭṭhi uppajjati – ‘hoti ca na ca hoti tathāgato paraṃ maraṇā’”ti? Bhagavaṃmūlakā no, bhante, dhammā...pe... niyato sambodhiparāyano”ti. Sattarasamaṃ.

## 18. Nevahotinanahotitathāgatosuttam

223. Sāvattthinidānaṃ. “Kismiṃ nu kho, bhikkhave, sati, kiṃ upādāya, kiṃ abhinivissa evaṃ diṭṭhi uppajjati – ‘neva hoti, na na hoti tathāgato paraṃ maraṇā’”ti? Bhagavaṃmūlakā no, bhante, dhammā...pe... “rūpe kho, bhikkhave, sati, rūpaṃ upādāya, rūpaṃ abhinivissa evaṃ diṭṭhi uppajjati – ‘neva hoti, na na hoti tathāgato paraṃ maraṇā’”ti...pe....

“Taṃ kiṃ maññaṭṭha, bhikkhave, rūpaṃ niccaṃ vā aniccaṃ vā”ti? “Aniccaṃ, bhante”...pe... vipariṇāmadhammaṃ, api nu taṃ anupādāya evaṃ diṭṭhi uppajjeyya – ‘neva hoti, na na hoti tathāgato paraṃ maraṇā’”ti? “No hetamaṃ, bhante”. “Yampidaṃ diṭṭhaṃ sutamaṃ mutamaṃ viññātaṃ pattamaṃ pariyesitaṃ anuvicariṭamaṃ manasā tampaṃ niccaṃ vā aniccaṃ vā”ti? “Aniccaṃ, bhante”. “Yaṃ panāniccaṃ dukkhaṃ vā taṃ sukhaṃ vā”ti? “Dukkhaṃ, bhante”. “Yaṃ panāniccaṃ dukkhaṃ vipariṇāmadhammaṃ, api nu taṃ anupādāya evaṃ diṭṭhi uppajjeyya – ‘neva hoti, na na hoti tathāgato paraṃ maraṇā’”ti? “No hetamaṃ, bhante”.

“Yato kho, bhikkhave, ariyasāvakassa imesu ca tḥānesu kaṅkhā pahīnā hoti, dukkhepissa kaṅkhā pahīnā hoti, dukkhasamudayepissa kaṅkhā pahīnā hoti, dukkhanirodhepissa kaṅkhā pahīnā hoti, dukkhanirodhagāminiyā paṭipadāyapissa kaṅkhā pahīnā hoti – ayaṃ vuccati, bhikkhave, ariyasāvako sotāpanno avinipātadhammo niyato sambodhiparāyano” ti. Aṭṭhārasamaṃ.

Sotāpattivaggo.

Aṭṭhārasaveyyākaraṇaṃ niṭṭhitaṃ.

Tassuddānaṃ –

Vātaṃ etaṃ mama, so attā no ca me siyā;  
Natthi karoto hetu ca, mahādiṭṭhena aṭṭhamamaṃ.

Sassato loko ca, asassato ca antavā ca;  
Anantavā ca taṃ jīvaṃ taṃ sarīranti;  
Aññaṃ jīvaṃ aññaṃ sarīranti ca.

Hoti tathāgato paraṃ maraṇāti;  
Na hoti tathāgato paraṃ maraṇāti;  
Neva hoti na na hoti tathāgato paraṃ maraṇāti.

## 2. Dutiyagamanavaggo

### 1. Vātasuttaṃ

224. Sāvattthinidānaṃ. “Kismiṃ nu kho, bhikkhave, sati, kiṃ upādāya, kiṃ abhinivissa evaṃ diṭṭhi uppajjati – ‘na vātā vāyanti, na najjo sandanti, na gabbhiniyo vijāyanti, na candimasūriyā uđenti vā apenti vā, esikaṭṭhāyiṭṭhitā’” ti? Bhagavaṃmūlakā no, bhante, dhammā...pe... “rūpe kho, bhikkhave, sati, rūpaṃ upādāya, rūpaṃ abhinivissa evaṃ diṭṭhi uppajjati – ‘na vātā vāyanti...pe... esikaṭṭhāyiṭṭhitā’” ti. Vedanāya sati...pe... saññāya sati...pe... saṅkhāresu sati... viññāṇe sati, viññāṇaṃ upādāya, viññāṇaṃ abhinivissa evaṃ diṭṭhi uppajjati – ‘na vātā vāyanti...pe... esikaṭṭhāyiṭṭhitā’” ti.

“Taṃ kiṃ maññaṭha, bhikkhave, rūpaṃ niccaṃ vā aniccaṃ vā” ti? “Aniccaṃ, bhante”...pe... vipariṇāmadhammaṃ, api nu taṃ anupādāya evaṃ diṭṭhi uppajjeyya – na vātā vāyanti...pe... esikaṭṭhāyiṭṭhitā” ti? “No hetamaṃ, bhante”. “Iti kho, bhikkhave, dukkhe sati, dukkhaṃ upādāya, dukkhaṃ abhinivissa evaṃ diṭṭhi uppajjati – ‘na vātā vāyanti...pe... esikaṭṭhāyiṭṭhitā’” ti. “Vedanā... sañña... saṅkhārā... viññāṇaṃ niccaṃ vā aniccaṃ vā” ti? “Aniccaṃ, bhante”...pe... vipariṇāmadhammaṃ, api nu taṃ anupādāya evaṃ diṭṭhi uppajjeyya ‘na vātā vāyanti...pe... esikaṭṭhāyiṭṭhitā’” ti? “No hetamaṃ, bhante”. “Iti kho, bhikkhave, dukkhe sati, dukkhaṃ upādāya, dukkhaṃ abhinivissa evaṃ diṭṭhi uppajjeyya – ‘na vātā vāyanti, na najjo sandanti, na gabbhiniyo vijāyanti, na candimasūriyā uđenti vā apenti vā, esikaṭṭhāyiṭṭhitā’” ti. Paṭhamamaṃ.

225-240. (Purimavagge viya aṭṭhārasa veyyākaraṇāni vitthāretabbānīti.) Sattarasamaṃ.

### 18. Nevahotinahotisuttaṃ

241. Sāvattthinidānaṃ. “Kismiṃ nu kho, bhikkhave, sati, kiṃ upādāya, kiṃ abhinivissa evaṃ diṭṭhi uppajjati – ‘neva hoti na na hoti tathāgato paraṃ maraṇā’” ti? Bhagavaṃmūlakā no, bhante, dhammā...pe... “rūpe kho, bhikkhave, sati, rūpaṃ upādāya, rūpaṃ abhinivissa evaṃ diṭṭhi uppajjati – ‘neva hoti, na na hoti tathāgato paraṃ maraṇā’” ti. Vedanāya sati... saññāya sati... saṅkhāresu sati... viññāṇe sati,

viññāṇaṃ upādāya, viññāṇaṃ abhinivissa evaṃ diṭṭhi uppajjati – ‘neva hoti, na na hoti tathāgato paraṃ marañā’’ti.

“Taṃ kiṃ maññatha, bhikkhave, rūpaṃ niccaṃ vā aniccaṃ vā’’ti? “Aniccaṃ, bhante’’...pe... vipariṇāmadhammaṃ, api nu taṃ anupādāya evaṃ diṭṭhi uppajjeyya – ‘neva hoti, na na hoti tathāgato paraṃ marañā’’ti? “No hetam, bhante’’. “Iti kho, bhikkhave, dukkhe sati, dukkhaṃ upādāya, dukkhaṃ abhinivissa evaṃ diṭṭhi uppajjati – ‘neva hoti, na na hoti tathāgato paraṃ marañā’’ti. “Vedanā... saññā ... saṅkhārā... viññāṇaṃ niccaṃ vā aniccaṃ vā’’ti? “Aniccaṃ, bhante’’...pe... vipariṇāmadhammaṃ, api nu taṃ anupādāya evaṃ diṭṭhi uppajjeyya – ‘neva hoti, na na hoti tathāgato paraṃ marañā’’ti? “No hetam, bhante’’. “Iti kho, bhikkhave, dukkhe sati, dukkhaṃ upādāya dukkhaṃ abhinivissa evaṃ diṭṭhi uppajjati – ‘neva hoti, na na hoti tathāgato paraṃ marañā’’ti. Aṭṭhārasamaṃ.

### 19. Rūpiattāsuttaṃ

242. Sāvattthinidānaṃ. “Kismiṃ nu kho, bhikkhave, sati, kiṃ upādāya, kiṃ abhinivissa evaṃ diṭṭhi uppajjati – ‘rūpī attā hoti, arogo paraṃ marañā’’ti? Bhagavaṃmūlakā no, bhante, dhammā...pe... “rūpe kho, bhikkhave, sati, rūpaṃ upādāya, rūpaṃ abhinivissa evaṃ diṭṭhi uppajjati – ‘rūpī attā hoti, arogo paraṃ marañā’’ti. Vedanāya sati...pe... saññāya sati... saṅkhāresu sati... viññāṇe sati, viññāṇaṃ upādāya, viññāṇaṃ abhinivissa evaṃ diṭṭhi uppajjati – ‘rūpī attā hoti, arogo paraṃ marañā’’ti.

“Taṃ kiṃ maññatha, bhikkhave, rūpaṃ niccaṃ vā aniccaṃ vā’’ti? “Aniccaṃ, bhante’’...pe... vipariṇāmadhammaṃ, api nu taṃ anupādāya evaṃ diṭṭhi uppajjeyya – ‘rūpī attā hoti, arogo paraṃ marañā’’ti? “No hetam, bhante’’. “Iti kho, bhikkhave, dukkhe sati, dukkhaṃ upādāya, dukkhaṃ abhinivissa evaṃ diṭṭhi uppajjati – ‘rūpī attā hoti, arogo paraṃ marañā’’ti? “Vedanā...pe... “no hetam, bhante’’. “Iti kho, bhikkhave, dukkhe sati, dukkhaṃ upādāya, dukkhaṃ abhinivissa evaṃ diṭṭhi uppajjati – ‘rūpī attā hoti, arogo paraṃ marañā’’ti. Ekūnavīsatiamaṃ.

### 20. Arūpiattāsuttaṃ

243. Sāvattthinidānaṃ. “Kismiṃ nu kho, bhikkhave, sati, kiṃ upādāya, kiṃ abhinivissa evaṃ diṭṭhi uppajjati – ‘arūpī attā hoti arogo paraṃ marañā’’ti? (Peyyālo) vīsatiamaṃ.

### 21. Rūpīcaarūpīcaattāsuttaṃ

244. Sāvattthinidānaṃ. “Rūpī ca arūpī ca attā hoti arogo paraṃ marañā’’ti...pe.... Ekavīsatiamaṃ.

### 22. Nevarūpīnārūpiattāsuttaṃ

245. “Neva rūpī nārūpī attā hoti arogo paraṃ marañā’’ti...pe.... Bāvīsatiamaṃ.

### 23. Ekantasukhīsuttaṃ

246. “Ekantasukhī attā hoti arogo paraṃ marañā’’ti...pe.... Tevīsatiamaṃ.

### 24. Ekantadukkhīsuttaṃ

247. “Ekantadukkhī attā hoti arogo paraṃ marañā’’ti...pe.... Catuvīsatiamaṃ.

### 25. Sukhadukkhīsuttaṃ

248. “Sukhadukkhī attā hoti arogo paraṃ marañā”ti...pe.... Pañcavīsatiṃ.

## 26. Adukkhamasukhīsuttaṃ

249. “Adukkhamasukhī attā hoti arogo paraṃ marañā”ti? Bhagavaṃmūlakā no, bhante, dhammā...pe... “rūpe kho, bhikkhave, sati, rūpaṃ upādāya, rūpaṃ abhinivissa evaṃ diṭṭhi uppajjati – ‘adukkkhamasukhī attā hoti arogo paraṃ marañā’ti. Vedanāya sati... saññāya sati... saṅkhāresu sati... viññāṇe sati, viññāṇaṃ upādāya, viññāṇaṃ abhinivissa evaṃ diṭṭhi uppajjati – ‘adukkkhamasukhī attā hoti arogo paraṃ marañā’”ti.

“Taṃ kiṃ maññatha, bhikkhave, rūpaṃ niccaṃ vā aniccaṃ vā”ti? “Aniccaṃ, bhante”...pe... vipariṇāmadhammaṃ, api nu taṃ anupādāya evaṃ diṭṭhi uppajjeyya – ‘adukkkhamasukhī attā hoti arogo paraṃ marañā’”ti? “No hetuṃ, bhante”. “Iti kho, bhikkhave, dukkhe sati, dukkhaṃ upādāya, dukkhaṃ abhinivissa evaṃ diṭṭhi uppajjati – ‘adukkkhamasukhī attā hoti arogo paraṃ marañā’”ti. “Vedanā... saññā... saṅkhārā... viññāṇaṃ niccaṃ vā aniccaṃ vā”ti? “Aniccaṃ, bhante”...pe... vipariṇāmadhammaṃ, api nu taṃ anupādāya evaṃ diṭṭhi uppajjeyya – ‘adukkkhamasukhī attā hoti arogo paraṃ marañā’”ti? “No hetuṃ, bhante”. “Iti kho, bhikkhave, dukkhe sati, dukkhaṃ upādāya, dukkhaṃ abhinivissa evaṃ diṭṭhi uppajjati – ‘adukkkhamasukhī attā hoti arogo paraṃ marañā’”ti. Chabbīsatiṃ.

Dutiyaṭṭhena.

Tassuddānaṃ –

Vātaṃ etaṃ mama so, attā no ca me siyā;  
Natthi karoto hetu ca, mahādiṭṭhena aṭṭhamaṃ.

Sassato asassato ceva, antānantavā ca vuccati;  
Taṃ jīvaṃ aññaṃ jīvaṃca, tathāgatena cattāro.

Rūpī attā hoti, arūpī ca attā hoti;  
Rūpī ca arūpī ca attā hoti;  
Neva rūpī nārūpī attā hoti, ekantasukhī attā hoti.

Ekantadukkhī attā hoti, sukhadukkhī attā hoti;  
Adukkhamasukhī attā hoti, arogo paraṃ marañāti;  
Ime chabbīsati suttā, dutiyavārena desitā.

## 3. Tatiyagamanavaggo

### 1. Navātasuttaṃ

250. Sāvattthinidānaṃ. “Kismiṃ nu kho, bhikkhave, sati, kiṃ upādāya, kiṃ abhinivissa evaṃ diṭṭhi uppajjati – ‘na vātā vāyanti, na najjo sandanti, na gabbhiniyo vijāyanti, na candimasūriyā uđenti vā apenti vā esikatṭhāyitṭhitā’”ti? Bhagavaṃmūlakā no, bhante, dhammā...pe....

“Rūpe kho, bhikkhave, sati, rūpaṃ upādāya, rūpaṃ abhinivissa evaṃ diṭṭhi uppajjati – na vātā vāyanti...pe... vedanāya sati... saññāya sati... saṅkhāresu sati... viññāṇe sati, viññāṇaṃ upādāya, viññāṇaṃ abhinivissa evaṃ diṭṭhi uppajjati – ‘na vātā vāyanti...pe... esikatṭhāyitṭhitā’”ti.

“Taṃ kiṃ maññatha, bhikkhave, rūpaṃ niccaṃ vā aniccaṃ vā”ti? “Aniccaṃ, bhante”...pe...

vipariṇāmadhammaṃ, api nu taṃ anupādāya evaṃ diṭṭhi uppajjeyya – ‘na vātā vāyanti...pe... esikaṭṭhāyitṭhitā’”ti? “No hetamaṃ, bhante”. “Iti kho, bhikkhave, yadaniccaṃ taṃ dukkhaṃ. Tasmimṃ sati, tadupādāya, evaṃ diṭṭhi uppajjati – ‘na vātā vāyanti, na najjo sandanti, na gabbhiniyo vijāyanti, na candimasūriyā uđenti vā apenti vā esikaṭṭhāyitṭhitā’”ti. “Vedanā... saññā... saṅkhārā... viññāṇaṃ niccaṃ vā aniccaṃ vā’”ti? “Aniccaṃ, bhante”...pe... vipariṇāmadhammaṃ, api nu taṃ anupādāya evaṃ diṭṭhi uppajjeyya – ‘na vātā vāyanti...pe... esikaṭṭhāyitṭhitā’”ti? “No hetamaṃ, bhante”. “Iti kho, bhikkhave, yadaniccaṃ taṃ dukkhaṃ. Tasmimṃ sati, tadupādāya evaṃ diṭṭhi uppajjati – ‘na vātā vāyanti...pe... esikaṭṭhāyitṭhitā’”ti. Paṭhamaṃ.

**251-274.** (Dutiyavagge viya catuvīsati suttāni pūretabbāni.) Pañcavīsatiṃ.

## 26. Adukkhamasukhīsuttaṃ

**275.** Sāvattthinidānaṃ. “Kismiṃ nu kho, bhikkhave, sati, kiṃ upādāya, kiṃ abhinivissa evaṃ diṭṭhi uppajjati – ‘adukkhamaṃ attā hoti arogo paraṃ maraṇā’”ti? Bhagavaṃmūlakā no, bhante, dhammā...pe....

“Rūpe kho, bhikkhave, sati, rūpaṃ upādāya, rūpaṃ abhinivissa evaṃ diṭṭhi uppajjati – ‘adukkhamaṃ attā hoti arogo paraṃ maraṇā’”ti. Vedanāya sati ...pe... saññāya sati... saṅkhāresu sati... viññāṇe sati, viññāṇaṃ upādāya, viññāṇaṃ abhinivissa evaṃ diṭṭhi uppajjati – ‘adukkhamaṃ attā hoti, arogo paraṃ maraṇā’”ti.

“Taṃ kiṃ maññatha, bhikkhave, rūpaṃ niccaṃ vā aniccaṃ vā’”ti? “Aniccaṃ, bhante”...pe... vipariṇāmadhammaṃ, api nu taṃ anupādāya evaṃ diṭṭhi uppajjeyya – ‘adukkhamaṃ attā hoti arogo paraṃ maraṇā’”ti? “No hetamaṃ, bhante”. “Iti kho, bhikkhave, yadaniccaṃ taṃ dukkhaṃ. Tasmimṃ sati, tadupādāya evaṃ diṭṭhi uppajjati – ‘adukkhamaṃ attā hoti arogo paraṃ maraṇā’”ti. “Vedanā...pe... saññā... saṅkhārā... viññāṇaṃ niccaṃ vā aniccaṃ vā’”ti? “Aniccaṃ, bhante”...pe... vipariṇāmadhammaṃ, api nu taṃ anupādāya evaṃ diṭṭhi uppajjeyya – ‘adukkhamaṃ attā hoti, arogo paraṃ maraṇā’”ti? “No hetamaṃ, bhante”. “Iti kho, bhikkhave, yadaniccaṃ taṃ dukkhaṃ. Tasmimṃ sati, tadupādāya evaṃ diṭṭhi uppajjati – ‘adukkhamaṃ attā hoti arogo paraṃ maraṇā’”ti. Chabbīsatiṃ.

Tatiyapeyyālo.

## 4. Catutthagamanavaggo

### 1. Navātasuttaṃ

**276.** Sāvattthinidānaṃ. “Kismiṃ nu kho, bhikkhave, sati, kiṃ upādāya, kiṃ abhinivissa evaṃ diṭṭhi uppajjati – ‘na vātā vāyanti, na najjo sandanti, na gabbhiniyo vijāyanti, na candimasūriyā uđenti vā apenti vā esikaṭṭhāyitṭhitā’”ti? Bhagavaṃmūlakā no, bhante, dhammā...pe....

“Rūpe kho, bhikkhave, sati, rūpaṃ upādāya, rūpaṃ abhinivissa evaṃ diṭṭhi uppajjati – ‘na vātā vāyanti...pe... esikaṭṭhāyitṭhitā’”ti. Vedanāya sati...pe... saññāya sati... saṅkhāresu sati... viññāṇe sati, viññāṇaṃ upādāya, viññāṇaṃ abhinivissa evaṃ diṭṭhi uppajjati – ‘na vātā vāyanti...pe... esikaṭṭhāyitṭhitā’”ti. “Taṃ kiṃ maññatha, bhikkhave, rūpaṃ niccaṃ vā aniccaṃ vā’”ti? “Aniccaṃ, bhante”. “Yaṃ paṇāniccaṃ, dukkhaṃ vā taṃ sukhaṃ vā’”ti? “Dukkhaṃ, bhante”. “Yaṃ paṇāniccaṃ dukkhaṃ vipariṇāmadhammaṃ, kallaṃ nu taṃ samanupassituṃ – ‘etaṃ mama, esohamaṃ, eso me attā’”ti? “No hetamaṃ, bhante”. “Vedanā ... saññā... saṅkhārā... viññāṇaṃ niccaṃ vā aniccaṃ vā’”ti? “Aniccaṃ, bhante”. “Yaṃ paṇāniccaṃ, dukkhaṃ vā taṃ sukhaṃ vā’”ti? “Dukkhaṃ, bhante”. “Yaṃ paṇāniccaṃ dukkhaṃ vipariṇāmadhammaṃ, kallaṃ nu taṃ samanupassituṃ – ‘etaṃ mama, esohamaṃ, eso me attā’”ti? “No hetamaṃ, bhante”.

“Tasmātiha, bhikkhave, yaṃ kiñci rūpaṃ atītānāgatapaccuppannaṃ ajjhattaṃ vā bahiddhā vā, oḷārikaṃ vā sukhumaṃ vā hīnaṃ vā paṇītaṃ vā yaṃ dūre santike vā, sabbaṃ rūpaṃ – ‘netam mama, nesohamasmi, na meso attā’ ti evametaṃ yathābhūtaṃ sammappaññāya daṭṭhabbaṃ. Yā kāci vedanā... yā kāci saññā... ye keci saṅkhārā... yaṃ kiñci viññāṇaṃ atītānāgatapaccuppannaṃ ajjhattaṃ vā bahiddhā vā oḷārikaṃ vā sukhumaṃ vā hīnaṃ vā paṇītaṃ vā yaṃ dūre santike vā, sabbaṃ viññāṇaṃ – ‘netam mama, nesohamasmi, na meso attā’ ti evametaṃ yathābhūtaṃ sammappaññāya daṭṭhabbaṃ.

“Evaṃ passaṃ...pe... nāparaṃ itthattāyāti pajānāti” ti. Paṭhamaṃ.

**277-300.** (Dutiyavagge viya catuvīsati suttāni pūretabbāni.) Pañcavīsatiṃ.

## 26. Adukkhamasukhīsuttaṃ

**301.** Sāvattthinidānaṃ. “Kismiṃ nu kho, bhikkhave, sati, kiṃ upādāya, kiṃ abhinivissa evaṃ diṭṭhi uppajjati – ‘adukkhamaṃ sukhi attā hoti, arogo paraṃ maraṇā’” ti? Bhagavaṃmūlakā no, bhante, dhammā...pe....

“Rūpe kho, bhikkhave, sati, rūpaṃ upādāya, rūpaṃ abhinivissa evaṃ diṭṭhi uppajjati – ‘adukkhamaṃ sukhi attā hoti, arogo paraṃ maraṇā’ ti. Vedanāya sati... saññāya sati... saṅkhāresu sati... viññāṇe sati, viññāṇaṃ upādāya, viññāṇaṃ abhinivissa evaṃ diṭṭhi uppajjati – ‘adukkhamaṃ sukhi attā hoti, arogo paraṃ maraṇā’” ti.

“Taṃ kiṃ maññatha, bhikkhave, rūpaṃ niccaṃ vā aniccaṃ vā” ti? “Aniccaṃ, bhante”. “Yaṃ panāniccaṃ, dukkhaṃ vā taṃ sukhaṃ vā” ti? “Dukkhaṃ, bhante”. “Yaṃ panāniccaṃ dukkhaṃ vipariṇāmadhammaṃ, kallaṃ nu taṃ samanupassituṃ – ‘etaṃ mama, esohamasmi, eso me attā’” ti? “No hetam, bhante”. “Vedanā... saññā... saṅkhārā... viññāṇaṃ niccaṃ vā aniccaṃ vā” ti? “Aniccaṃ, bhante”. “Yaṃ panāniccaṃ dukkhaṃ vā taṃ sukhaṃ vā” ti? “Dukkhaṃ, bhante”. “Yaṃ panāniccaṃ dukkhaṃ vipariṇāmadhammaṃ, kallaṃ nu taṃ samanupassituṃ – ‘etaṃ mama, esohamasmi, eso me attā’” ti? “No hetam, bhante”.

“Tasmātiha, bhikkhave, yaṃ kiñci rūpaṃ atītānāgatapaccuppannaṃ ajjhattaṃ vā bahiddhā vā oḷārikaṃ vā sukhumaṃ vā hīnaṃ vā paṇītaṃ vā yaṃ dūre santike vā, sabbaṃ rūpaṃ – ‘netam mama, nesohamasmi, na meso attā’ ti evametaṃ yathābhūtaṃ sammappaññāya daṭṭhabbaṃ. Yā kāci vedanā... yā kāci saññā... ye keci saṅkhārā... yaṃ kiñci viññāṇaṃ atītānāgatapaccuppannaṃ ajjhattaṃ vā bahiddhā vā, oḷārikaṃ vā sukhumaṃ vā hīnaṃ vā paṇītaṃ vā yaṃ dūre santike vā, sabbaṃ viññāṇaṃ – ‘netam mama, nesohamasmi, na meso attā’” ti evametaṃ yathābhūtaṃ sammappaññāya daṭṭhabbaṃ.

“Evaṃ passaṃ, bhikkhave, sutavā ariyasāvako rūpasimipi nibbindati, vedanāyapi nibbindati, saññāyapi nibbindati, saṅkhāresupi nibbindati, viññāṇasmimipi nibbindati. Nibbindaṃ virajjati; virāgā vimuccati. Vimuttasmiṃ vimuttamīti ñāṇaṃ hoti. ‘Khīṇā jāti, vusitaṃ brahmacariyaṃ, kataṃ karaṇīyaṃ, nāparaṃ itthattāyā’ ti pajānāti” ti. Chabbīsatiṃ.

Tassuddānaṃ –

Purimagamane aṭṭhārasa veyyākaraṇā;  
Dutiyagamane chabbīsāṃ vitthāretabbāni.

Tatiyagamane chabbīsāṃ vitthāretabbāni;  
Catutthagamane chabbīsāṃ vitthāretabbāni.

Diṭṭhisammuttaṃ samattaṃ.

## 4. Okkantasaṃyuttam

### 1. Cakkhusuttam

**302.** Sāvattthinidānaṃ. “Cakkhum, bhikkhave, aniccaṃ vipariṇāmi aññathābhāvi; sotam aniccaṃ vipariṇāmi aññathābhāvi; ghānaṃ aniccaṃ vipariṇāmi aññathābhāvi; jivhā aniccā vipariṇāmi aññathābhāvi [vipariṇāminī aññathābhāvinī (?)]; kāyo anicco vipariṇāmi aññathābhāvi; mano anicco vipariṇāmi aññathābhāvi. Yo, bhikkhave, ime dhamme evaṃ saddahati adhimuccati – ayaṃ vuccati saddhānusārī, okkanto sammattaniyāmaṃ, sappurisabhūmiṃ okkanto, vītivatto puthujjanabhūmiṃ; abhabbo taṃ kammaṃ kātuṃ, yaṃ kammaṃ katvā nirayaṃ vā tiracchānayoṇiṃ vā pettivisayaṃ vā upapajjeyya; abhabbo ca [abhabbova (sī. syā. kaṃ.)] tāva kālaṃ kātuṃ yāva na sotāpattiphalaṃ sacchikaroti”.

“Yassa kho, bhikkhave, ime dhammā evaṃ paññāya mattaso nijjhānaṃ khamanti, ayaṃ vuccati – ‘dhammānusārī, okkanto sammattaniyāmaṃ, sappurisabhūmiṃ okkanto, vītivatto puthujjanabhūmiṃ; abhabbo taṃ kammaṃ kātuṃ, yaṃ kammaṃ katvā nirayaṃ vā tiracchānayoṇiṃ vā pettivisayaṃ vā upapajjeyya; abhabbo ca tāva kālaṃ kātuṃ yāva na sotāpattiphalaṃ sacchikaroti’. Yo, bhikkhave, ime dhamme evaṃ pajānāti evaṃ passati, ayaṃ vuccati – ‘sotāpanno avinipātadhammo niyato sambodhiparāyano’”ti. Paṭhamam.

### 2. Rūpasuttam

**303.** Sāvattthinidānaṃ. “Rūpā, bhikkhave, aniccā vipariṇāmino aññathābhāvino; saddā aniccā vipariṇāmino aññathābhāvino; gandhā aniccā vipariṇāmino aññathābhāvino; rasā aniccā vipariṇāmino aññathābhāvino; phoṭṭhabbā aniccā vipariṇāmino aññathābhāvino; dhammā aniccā vipariṇāmino aññathābhāvino. Yo, bhikkhave, ime dhamme evaṃ saddahati adhimuccati, ayaṃ vuccati saddhānusārī, okkanto sammattaniyāmaṃ, sappurisabhūmiṃ okkanto, vītivatto puthujjanabhūmiṃ; abhabbo taṃ kammaṃ kātuṃ, yaṃ kammaṃ katvā nirayaṃ vā tiracchānayoṇiṃ vā pettivisayaṃ vā upapajjeyya; abhabbo ca tāva kālaṃ kātuṃ yāva na sotāpattiphalaṃ sacchikaroti”.

“Yassa kho, bhikkhave, ime dhammā evaṃ paññāya mattaso nijjhānaṃ khamanti, ayaṃ vuccati – ‘dhammānusārī, okkanto sammattaniyāmaṃ, sappurisabhūmiṃ okkanto, vītivatto puthujjanabhūmiṃ; abhabbo taṃ kammaṃ kātuṃ, yaṃ kammaṃ katvā nirayaṃ vā tiracchānayoṇiṃ vā pettivisayaṃ vā upapajjeyya; abhabbo ca tāva kālaṃ kātuṃ yāva na sotāpattiphalaṃ sacchikaroti’. Yo, bhikkhave, ime dhamme evaṃ pajānāti evaṃ passati, ayaṃ vuccati – ‘sotāpanno avinipātadhammo niyato sambodhiparāyano’”ti. Dutiyam.

### 3. Viññāṇasuttam

**304.** Sāvattthinidānaṃ. “Cakkhuvīññāṇaṃ, bhikkhave, aniccaṃ vipariṇāmi aññathābhāvi; sotaviññāṇaṃ... ghānaviññāṇaṃ... jivhāviññāṇaṃ... kāyaviññāṇaṃ... manoviññāṇaṃ aniccaṃ vipariṇāmi aññathābhāvi. Yo bhikkhave...pe... sambodhiparāyano”ti. Tatiyam.

### 4. Samphassasuttam

**305.** Sāvattthinidānaṃ. “Cakkhusamphasso, bhikkhave, anicco vipariṇāmi aññathābhāvi; sotasamphasso... ghānasamphasso... jivhāsamphasso... kāyasamphasso... manosamphasso anicco vipariṇāmi aññathābhāvi. Yo, bhikkhave, ime dhamme evaṃ saddahati adhimuccati, ayaṃ vuccati ‘saddhānusārī...pe... sambodhiparāyano’”ti. Catuttham.



## 5. Samphassajāsuttam

**306.** Sāvattthinidānaṃ. “Cakkhusamphassajā, bhikkhave, vedanā aniccā vipariṇāmī aññathābhāvī; sotasamphassajā vedanā...pe... ghānasamphassajā vedanā...pe... jivhāsamphassajā vedanā...pe... kāyasamphassajā vedanā...pe... manosamphassajā vedanā aniccā vipariṇāmī aññathābhāvī. Yo, bhikkhave, ime dhamme evaṃ saddahati adhimuccati, ayaṃ vuccati ‘saddhānusārī...pe... sambodhiparāyano’”ti. Pañcamaṃ.

## 6. Rūpasaññāsuttam

**307.** Sāvattthinidānaṃ. “Rūpasaññā, bhikkhave, aniccā vipariṇāmī aññathābhāvī; saddasaññā... gandhasaññā... rasasaññā... phoṭṭhabbasaññā... dhammasaññā aniccā vipariṇāmī aññathābhāvī. Yo, bhikkhave, ime dhamme evaṃ saddahati adhimuccati, ayaṃ vuccati ‘saddhānusārī...pe... sambodhiparāyano’”ti. Chaṭṭhaṃ.

## 7. Rūpasañcetanāsuttam

**308.** Sāvattthinidānaṃ. “Rūpasañcetanā, bhikkhave, aniccā vipariṇāmī aññathābhāvī; saddasañcetanā... gandhasañcetanā... rasasañcetanā... phoṭṭhabbasañcetanā... dhammasañcetanā aniccā vipariṇāmī aññathābhāvī. Yo, bhikkhave, ime dhamme evaṃ saddahati adhimuccati, ayaṃ vuccati ‘saddhānusārī...pe... sambodhiparāyano’”ti. Sattamaṃ.

## 8. Rūpataṇhāsuttam

**309.** Sāvattthinidānaṃ. “Rūpataṇhā, bhikkhave, aniccā vipariṇāmī aññathābhāvī; saddataṇhā... gandhataṇhā... rasataṇhā... phoṭṭhabbataṇhā... dhammataṇhā aniccā vipariṇāmī aññathābhāvī. Yo, bhikkhave, ime dhamme evaṃ saddahati adhimuccati, ayaṃ vuccati ‘saddhānusārī...pe... sambodhiparāyano’”ti. Aṭṭhamaṃ.

## 9. Pathavīdhātusuttam

**310.** Sāvattthinidānaṃ. “Pathavīdhātu, bhikkhave, aniccā vipariṇāmī aññathābhāvī; āpodhātu... tejodhātu... vāyodhātu... ākāśadhātu... viññādhātu aniccā vipariṇāmī aññathābhāvī. Yo, bhikkhave, ime dhamme evaṃ saddahati adhimuccati, ayaṃ vuccati ‘saddhānusārī...pe... sambodhiparāyano’”ti. Navamaṃ.

## 10. Khandhasuttam

**311.** Sāvattthinidānaṃ. “Rūpaṃ, bhikkhave, aniccaṃ vipariṇāmi aññathābhāvī; vedanā aniccā vipariṇāmī aññathābhāvī; saññā... sañkhārā aniccā vipariṇāmino aññathābhāvīno; viññāṇaṃ aniccaṃ vipariṇāmi aññathābhāvī. Yo, bhikkhave, ime dhamme evaṃ saddahati adhimuccati, ayaṃ vuccati saddhānusārī, okkanto sammattaniyāmaṃ, sappurisabhūmiṃ okkanto, vītivatto puthujjanabhūmiṃ; abhabbo taṃ kammaṃ kātuṃ, yaṃ kammaṃ katvā nirayaṃ vā tiracchānayoṇiṃ vā pettivisayaṃ vā upapajjeyya; abhabbo ca tāva kālaṃ kātuṃ yāva na sotāpattiphalaṃ sacchikaroti”.

“Yassa kho, bhikkhave, ime dhammā evaṃ paññāya mattaso nijjhānaṃ khamanti, ayaṃ vuccati – ‘dhammānusārī, okkanto sammattaniyāmaṃ, sappurisabhūmiṃ okkanto, vītivatto puthujjanabhūmiṃ; abhabbo taṃ kammaṃ kātuṃ, yaṃ kammaṃ katvā nirayaṃ vā tiracchānayoṇiṃ vā pettivisayaṃ vā upapajjeyya; abhabbo ca tāva kālaṃ kātuṃ yāva na sotāpattiphalaṃ sacchikaroti’. Yo, bhikkhave, ime dhamme evaṃ pajānāti evaṃ passati, ayaṃ vuccati – ‘sotāpanno avinipātadhammo niyato sambodhiparāyano’”ti. Dasamaṃ.

Okkantasaṃyuttaṃ [okkantikaṃyuttaṃ (pī. ka.)] samattaṃ.

Tassuddānaṃ –

Cakkhu rūpañca viññānaṃ, phasso ca vedanāya ca;  
Saññā ca cetanā taṇhā, dhātu khandhena te dasāti.

## 5. Uppādasāyuttaṃ

### 1. Cakkhusuttaṃ

**312.** Sāvattthinidānaṃ. “Yo kho, bhikkhave, cakkhussa uppādo t̥hiti abhinibbatti pātubhāvo, dukkhasseso uppādo, rogānaṃ t̥hiti, jarāmaṇassa pātubhāvo. Yo sotassa uppādo t̥hiti...pe... yo ghānassa uppādo t̥hiti... yo jivhāya uppādo t̥hiti... yo kāyassa uppādo t̥hiti... yo manassa uppādo t̥hiti abhinibbatti pātubhāvo, dukkhasseso uppādo, rogānaṃ t̥hiti, jarāmaṇassa pātubhāvo. Yo ca, bhikkhave, cakkhussa nirodho vūpasamo atthaṅgamo, dukkhasseso nirodho, rogānaṃ vūpasamo, jarāmaṇassa atthaṅgamo. Yo sotassa nirodho...pe... yo ghānassa nirodho... yo jivhāya nirodho... yo kāyassa nirodho... yo manassa nirodho vūpasamo atthaṅgamo, dukkhasseso nirodho, rogānaṃ vūpasamo, jarāmaṇassa atthaṅgamo”ti. Paṭhamāṃ.

### 2. Rūpasuttaṃ

**313.** Sāvattthinidānaṃ. “Yo kho, bhikkhave, rūpānaṃ uppādo t̥hiti abhinibbatti pātubhāvo, dukkhasseso uppādo, rogānaṃ t̥hiti, jarāmaṇassa pātubhāvo. Yo saddānaṃ... yo gandhānaṃ... yo rasānaṃ... yo phoṭṭhabbānaṃ... yo dhammānaṃ uppādo t̥hiti abhinibbatti pātubhāvo, dukkhasseso uppādo, rogānaṃ t̥hiti, jarāmaṇassa pātubhāvo. Yo ca kho, bhikkhave, rūpānaṃ nirodho vūpasamo atthaṅgamo, dukkhasseso nirodho, rogānaṃ vūpasamo, jarāmaṇassa atthaṅgamo. Yo saddānaṃ... yo gandhānaṃ... yo rasānaṃ... yo phoṭṭhabbānaṃ... yo dhammānaṃ nirodho vūpasamo atthaṅgamo, dukkhasseso nirodho, rogānaṃ vūpasamo, jarāmaṇassa atthaṅgamo”ti. Dutiyāṃ.

### 3. Viññāṇasuttaṃ

**314.** Sāvattthinidānaṃ. “Yo kho, bhikkhave, cakkhuvīññāṇassa uppādo t̥hiti...pe... jarāmaṇassa pātubhāvo...pe... yo manovīññāṇassa uppādo t̥hiti...pe... jarāmaṇassa pātubhāvo. Yo ca kho, bhikkhave, cakkhuvīññāṇassa nirodho...pe... jarāmaṇassa atthaṅgamo...pe... yo manovīññāṇassa nirodho...pe... jarāmaṇassa atthaṅgamo”ti. Tatiyāṃ.

### 4. Samphassasuttaṃ

**315.** Sāvattthinidānaṃ. “Yo kho, bhikkhave, cakkhusamphassassa uppādo t̥hiti...pe... jarāmaṇassa pātubhāvo...pe... yo manosamphassassa uppādo t̥hiti...pe... jarāmaṇassa pātubhāvo. Yo ca kho, bhikkhave, cakkhusamphassassa nirodho...pe... jarāmaṇassa atthaṅgamo...pe... yo manosamphassassa nirodho...pe... jarāmaṇassa atthaṅgamo”ti. Catutthāṃ.

### 5. Samphassajasuttaṃ

**316.** Sāvattthinidānaṃ. “Yo kho, bhikkhave, cakkhusamphassajāya vedanāya uppādo t̥hiti...pe... jarāmaṇassa pātubhāvo...pe....

Yo manosamphassajāya vedanāya uppādo t̥hiti...pe... jarāmaṇassa pātubhāvo. Yo ca kho,

bhikkhave, cakkhusamphassajāya vedanāya nirodho vūpasamo...pe... jarāmaraṇassa atthaṅgamo... pe... yo manosamphassajāya vedanāya nirodho vūpasamo atthaṅgamo, dukkhasseso nirodho, rogānaṃ vūpasamo, jarāmaraṇassa atthaṅgamo’’ti. Pañcamaṃ.

## 6. Saññāsuttaṃ

317. Sāvattthinidānaṃ. “Yo kho, bhikkhave, rūpasaññāya uppādo ṭhiti...pe... jarāmaraṇassa pātubhāvo...pe... yo dhammasaññāya uppādo ṭhiti abhinibbatti pātubhāvo, dukkhasseso uppādo, rogānaṃ ṭhiti, jarāmaraṇassa pātubhāvo. Yo ca kho, bhikkhave, rūpasaññāya nirodho...pe... jarāmaraṇassa atthaṅgamo...pe... yo dhammasaññāya nirodho vūpasamo atthaṅgamo, dukkhasseso nirodho, rogānaṃ vūpasamo, jarāmaraṇassa atthaṅgamo’’ti. Chaṭṭhaṃ.

## 7. Sañcetanāsuttaṃ

318. Sāvattthinidānaṃ. “Yo kho, bhikkhave, rūpasañcetanāya uppādo ṭhiti...pe... jarāmaraṇassa pātubhāvo...pe... yo dhammasañcetanāya uppādo ṭhiti abhinibbatti pātubhāvo, dukkhasseso uppādo, rogānaṃ ṭhiti, jarāmaraṇassa pātubhāvo. Yo ca kho, bhikkhave, rūpasañcetanāya nirodho...pe... jarāmaraṇassa atthaṅgamo...pe... yo dhammasañcetanāya nirodho vūpasamo atthaṅgamo, dukkhasseso nirodho, rogānaṃ vūpasamo, jarāmaraṇassa atthaṅgamo’’ti. Sattamaṃ.

## 8. Taṇhāsuttaṃ

319. Sāvattthinidānaṃ. “Yo kho, bhikkhave, rūpataṇhāya uppādo ṭhiti...pe... jarāmaraṇassa pātubhāvo...pe... yo dhammataṇhāya uppādo ṭhiti abhinibbatti pātubhāvo, dukkhasseso uppādo, rogānaṃ ṭhiti, jarāmaraṇassa pātubhāvo. Yo ca kho, bhikkhave, rūpataṇhāya nirodho...pe... jarāmaraṇassa atthaṅgamo...pe... yo dhammataṇhāya nirodho vūpasamo atthaṅgamo, dukkhasseso nirodho, rogānaṃ vūpasamo, jarāmaraṇassa atthaṅgamo’’ti. Aṭṭhamaṃ.

## 9. Dhātusuttaṃ

320. Sāvattthinidānaṃ. “Yo kho, bhikkhave, pathavīdhātuyā uppādo ṭhiti abhinibbatti pātubhāvo... pe... jarāmaraṇassa pātubhāvo; yo āpodhātuyā... yo tejodhātuyā... yo vāyodhātuyā... yo ākāsadhātuyā... yo viññādhātuyā uppādo ṭhiti abhinibbatti pātubhāvo, dukkhasseso uppādo, rogānaṃ ṭhiti, jarāmaraṇassa pātubhāvo. Yo ca kho, bhikkhave, pathavīdhātuyā nirodho...pe... jarāmaraṇassa atthaṅgamo; yo āpodhātuyā nirodho... yo tejodhātuyā nirodho... yo vāyodhātuyā nirodho... yo ākāsadhātuyā nirodho... yo viññādhātuyā nirodho vūpasamo atthaṅgamo, dukkhasseso nirodho, rogānaṃ vūpasamo, jarāmaraṇassa atthaṅgamo’’ti. Navamaṃ.

## 10. Khandhasuttaṃ

321. Sāvattthinidānaṃ. “Yo kho, bhikkhave, rūpassa uppādo ṭhiti abhinibbatti pātubhāvo, dukkhasseso uppādo, rogānaṃ ṭhiti, jarāmaraṇassa pātubhāvo. Yo vedanāya... yo saññāya... yo saṅkhārānaṃ... yo viññānaṃ uppādo ṭhiti abhinibbatti pātubhāvo, dukkhasseso uppādo, rogānaṃ ṭhiti, jarāmaraṇassa pātubhāvo. Yo ca kho, bhikkhave, rūpassa nirodho vūpasamo atthaṅgamo, dukkhasseso nirodho, rogānaṃ vūpasamo, jarāmaraṇassa atthaṅgamo. Yo vedanāya... yo saññāya... yo saṅkhārānaṃ... yo viññānaṃ nirodho vūpasamo atthaṅgamo, dukkhasseso nirodho, rogānaṃ vūpasamo, jarāmaraṇassa atthaṅgamo’’ti. Dasamaṃ.

Uppādasamyuttaṃ samattaṃ.

Tassuddānaṃ –

Cakkhu rūpañca viññāṇaṃ, phasso ca vedanāya ca;  
Saññā ca cetanā taṇhā, dhātu khandhena te dasāti.

## 6. Kilesasaṃyuttaṃ

### 1. Cakkhusuttaṃ

322. Sāvattthinidānaṃ. “Yo, bhikkhave, cakkhusmiṃ chandarāgo, cittasseso upakkilesa. Yo sotasmim chandarāgo, cittasseso upakkilesa. Yo ghānasmiṃ chandarāgo, cittasseso upakkilesa. Yo jivhāya chandarāgo, cittasseso upakkilesa. Yo kāyasmiṃ chandarāgo, cittasseso upakkilesa. Yo manasmim chandarāgo, cittasseso upakkilesa. Yato kho, bhikkhave, bhikkhuno imesu chasu ṭhānesu cetaso upakkilesa pahīno hoti, nekkhammaninnañcassa cittaṃ hoti. Nekkhammaparibhāvitaṃ cittaṃ kammaniyaṃ khāyati, abhiññā sacchikaraṇīyesu dhammesū”ti. Paṭhamam.

### 2. Rūpasuttaṃ

323. Sāvattthinidānaṃ. “Yo, bhikkhave, rūpesu chandarāgo, cittasseso upakkilesa. Yo saddesu... yo gandhesu... yo rasesu... yo phoṭṭhabbesu... yo dhammesu chandarāgo, cittasseso upakkilesa. Yato kho, bhikkhave, bhikkhuno imesu chasu ṭhānesu cetaso upakkilesa pahīno hoti, nekkhammaninnañcassa cittaṃ hoti. Nekkhammaparibhāvitaṃ cittaṃ kammaniyaṃ khāyati, abhiññā sacchikaraṇīyesu dhammesū”ti. Dutiyam.

### 3. Viññāṇasuttaṃ

324. Sāvattthinidānaṃ. “Yo, bhikkhave, cakkhuvīññāṇasmim chandarāgo, cittasseso upakkilesa. Yo sotaviññāṇasmim... yo ghānaviññāṇasmim... yo jivhāviññāṇasmim... yo kāyaviññāṇasmim... yo manoviññāṇasmim chandarāgo, cittasseso upakkilesa. Yato kho, bhikkhave, bhikkhuno imesu chasu ṭhānesu cetaso upakkilesa pahīno hoti, nekkhammaninnañcassa cittaṃ hoti. Nekkhammaparibhāvitaṃ cittaṃ kammaniyaṃ khāyati, abhiññā sacchikaraṇīyesu dhammesū”ti. Tatiyam.

### 4. Samphassasuttaṃ

325. Sāvattthinidānaṃ. “Yo, bhikkhave, cakkhusamphassasmim chandarāgo, cittasseso upakkilesa. Yo sotasamphassasmim... yo ghānasamphassasmim... yo jivhāsamphassasmim... yo kāyasamphassasmim... yo manosamphassasmim chandarāgo, cittasseso upakkilesa. Yato kho, bhikkhave, bhikkhuno...pe... abhiññā sacchikaraṇīyesu dhammesū”ti. Catuttham.

### 5. Samphassajasuttaṃ

326. Sāvattthinidānaṃ. “Yo, bhikkhave, cakkhusamphassajāya vedanāya chandarāgo, cittasseso upakkilesa. Yo sotasamphassajāya vedanāya... yo ghānasamphassajāya vedanāya... yo jivhāsamphassajāya vedanāya... yo kāyasamphassajāya vedanāya... yo manosamphassajāya vedanāya chandarāgo, cittasseso upakkilesa. Yato kho, bhikkhave, bhikkhuno...pe... abhiññā sacchikaraṇīyesu dhammesū”ti. Pañcamam.

### 6. Saññāsuttaṃ

327. Sāvattthinidānaṃ. “Yo, bhikkhave, rūpasaññāya chandarāgo, cittasseso upakkilesa. Yo saddasaññāya... yo gandhasaññāya... yo rasasaññāya... yo phoṭṭhabbasaññāya... yo dhammasaññāya chandarāgo, cittasseso upakkilesa. Yato kho, bhikkhave, bhikkhuno...pe... abhiññā sacchikaraṇīyesu

dhammesū’’ti. Chaṭṭhaṃ.

## 7. Sañcetanāsuttaṃ

**328.** Sāvattthinidānaṃ. “Yo, bhikkhave, rūpasañcetanāya chandarāgo, cittasseso upakkilesa. Yo saddasañcetanāya... yo gandhasañcetanāya... yo rasasañcetanāya... yo phoṭṭhabbasañcetanāya... yo dhammasañcetanāya chandarāgo, cittasseso upakkilesa. Yato kho, bhikkhave, bhikkhuno...pe... abhiññā sacchikaraṇīyesu dhammesū’’ti. Sattamaṃ.

## 8. Taṇhāsuttaṃ

**329.** Sāvattthinidānaṃ. “Yo, bhikkhave, rūpataṇhāya chandarāgo, cittasseso upakkilesa. Yo saddataṇhāya... yo gandhataṇhāya... yo rasataṇhāya... yo phoṭṭhabbataṇhāya... yo dhammataṇhāya chandarāgo, cittasseso upakkilesa. Yato kho, bhikkhave, bhikkhuno...pe... abhiññā sacchikaraṇīyesu dhammesū’’ti. Aṭṭhamaṃ.

## 9. Dhātusuttaṃ

**330.** Sāvattthinidānaṃ. “Yo, bhikkhave, pathavīdhātuyā chandarāgo, cittasseso upakkilesa. Yo āpodhātuyā... yo tejodhātuyā... yo vāyodhātuyā... yo ākāsadhātuyā... yo viññādhātuyā chandarāgo, cittasseso upakkilesa. Yato kho, bhikkhave, bhikkhuno imesu chasu ṭhānesu cetaso upakkilesa pahīno hoti, nekkhammaninnañcassa cittaṃ hoti. Nekkhammaparibhāvitaṃ cittaṃ kammaniyaṃ khāyati, abhiññā sacchikaraṇīyesu dhammesū’’ti. Navamaṃ.

## 10. Khandhasuttaṃ

**331.** Sāvattthinidānaṃ. “Yo, bhikkhave, rūpasmim chandarāgo, cittasseso upakkilesa...pe... yo viññānasmim chandarāgo, cittasseso upakkilesa. Yato kho, bhikkhave, bhikkhuno imesu pañcasu ṭhānesu cetaso upakkilesa pahīno hoti, nekkhammaninnañcassa cittaṃ hoti. Nekkhammaparibhāvitaṃ cittaṃ kammaniyaṃ khāyati, abhiññā sacchikaraṇīyesu dhammesū’’ti. Dasamaṃ.

Kilesasaṃyuttaṃ samattaṃ.

Tassuddānaṃ –

Cakkhu rūpañca viññānaṃ, phasso ca vedanāya ca;  
Saññā ca cetanā taṇhā, dhātu khandhena te dasāti.

## 7. Sāriputtasamāyuttaṃ

### 1. Vivekajasuttaṃ

**332.** Ekaṃ samayaṃ āyasmā sāriputto sāvattthiyaṃ viharati jetavane anāthapiṇḍikassa ārāme. Atha kho āyasmā sāriputto pubbaṇhasamayaṃ nivāsetvā pattacīvaramādāya sāvattthim piṇḍāya pāvīsi. Sāvattthiyaṃ piṇḍāya caritvā pacchābhataṃ piṇḍapātaṭṭhikanto yena andhavanaṃ tenupasaṅkami divāvihārāya. Andhavanaṃ ajjhogāhetvā aññatarasmim rukkhamaṇḍale divāvihāraṃ nisīdi.

Atha kho āyasmā sāriputto sāyanhasamayaṃ paṭisallānā vuṭṭhito yena jetavanaṃ anāthapiṇḍikassa ārāmo tenupasaṅkami. Addasā kho āyasmā ānando āyasmantaṃ sāriputtaṃ dūratova āgacchantaṃ. Divāna āyasmantaṃ sāriputtaṃ etadvoca – “vippasannāni kho te, āvuso sāriputta, indriyāni;

parisuddho mukhavaṇṇo pariyodāto. Katamenāyasmā sārīputto ajja vihārena vihāsī’ ti?

“Idhāhaṃ, āvuso, vivicceva kāmehi vivicca akusalehi dhammehi savitakkaṃ savicāraṃ vivekajaṃ pītisukhaṃ paṭhamaṃ jhānaṃ upasampajja viharāmi. Tassa mayhaṃ, āvuso, na evaṃ hoti – ‘ahaṃ paṭhamaṃ jhānaṃ samāpajjāmi’ ti vā ‘ahaṃ paṭhamaṃ jhānaṃ samāpanno’ ti vā ‘ahaṃ paṭhamā jhānā vuṭṭhito’ ti vā’ ti. “Tathā hi panāyasmato sārīputtassa dīgharattaṃ ahaṅkāramamaṅkāramānānusayā susamūhatā. Tasmā āyasmato sārīputtassa na evaṃ hoti – ‘ahaṃ paṭhamaṃ jhānaṃ samāpajjāmi’ ti vā ‘ahaṃ paṭhamaṃ jhānaṃ samāpanno’ ti vā ‘ahaṃ paṭhamā jhānā vuṭṭhito’ ti vā’ ti. Paṭhamaṃ.

## 2. Avitakkasuttaṃ

**333.** Sāvattthinidānaṃ. Addasā kho āyasmā ānando...pe... āyasmantaṃ sārīputtaṃ etadavoca – ‘vippasannāni kho te, āvuso sārīputta, indriyāni; parisuddho mukhavaṇṇo pariyodāto. Katamenāyasmā sārīputto ajja vihārena vihāsī’ ti?

“Idhāhaṃ, āvuso, vitakkavicārānaṃ vūpasamā ajjhattaṃ sampasādanaṃ cetaso ekodibhāvaṃ avitakkaṃ avicāraṃ samādhijaṃ pītisukhaṃ dutiyaṃ jhānaṃ upasampajja viharāmi. Tassa mayhaṃ, āvuso, na evaṃ hoti – ‘ahaṃ dutiyaṃ jhānaṃ samāpajjāmi’ ti vā ‘ahaṃ dutiyaṃ jhānaṃ samāpanno’ ti vā ‘ahaṃ dutiyā jhānā vuṭṭhito’ ti vā’ ti. “Tathā hi panāyasmato sārīputtassa dīgharattaṃ ahaṅkāramamaṅkāramānānusayā susamūhatā. Tasmā āyasmato sārīputtassa na evaṃ hoti – ‘ahaṃ dutiyaṃ jhānaṃ samāpajjāmi’ ti vā ‘ahaṃ dutiyaṃ jhānaṃ samāpanno’ ti vā ‘ahaṃ dutiyā jhānā vuṭṭhito’ ti vā’ ti. Dutiyaṃ.

## 3. Pītisuttaṃ

**334.** Sāvattthinidānaṃ. Addasā kho āyasmā ānando...pe... “vippasannāni kho te, āvuso sārīputta, indriyāni; parisuddho mukhavaṇṇo pariyodāto. Katamenāyasmā sārīputto ajja vihārena vihāsī’ ti?

“Idhāhaṃ, āvuso, pītiyā ca virāgā upekkhako ca vihāsiṃ sato ca sampajāno sukhañca kāyena paṭisaṃvedemi; yaṃ taṃ ariyā ācikkhanti ‘upekkhako satimā sukhavihārī’ ti tatiyaṃ jhānaṃ upasampajja viharāmi. Tassa mayhaṃ, āvuso, na evaṃ hoti – ‘ahaṃ tatiyaṃ jhānaṃ samāpajjāmi’ ti vā ‘ahaṃ tatiyaṃ jhānaṃ samāpanno’ ti vā ‘ahaṃ tatiyā jhānā vuṭṭhito’ ti vā’ ti. “Tathā hi panāyasmato sārīputtassa dīgharattaṃ ahaṅkāramamaṅkāramānānusayā susamūhatā. Tasmā āyasmato sārīputtassa na evaṃ hoti – ‘ahaṃ tatiyaṃ jhānaṃ samāpajjāmi’ ti vā ‘ahaṃ tatiyaṃ jhānaṃ samāpanno’ ti vā ‘ahaṃ tatiyā jhānā vuṭṭhito’ ti vā’ ti. Tatiyaṃ.

## 4. Upekkhāsuttaṃ

**335.** Sāvattthinidānaṃ. Addasā kho āyasmā ānando...pe... “vippasannāni kho te, āvuso sārīputta, indriyāni; parisuddho mukhavaṇṇo pariyodāto. Katamenāyasmā sārīputto ajja vihārena vihāsī’ ti?

“Idhāhaṃ, āvuso, sukhasa ca pahānā dukkhassa ca pahānā pubbeva somanassadomanassānaṃ atthaṅgamā adukkhamasukhaṃ upekkhāsati pārisuddhiṃ catutthaṃ jhānaṃ upasampajja viharāmi. Tassa mayhaṃ, āvuso, na evaṃ hoti – ‘ahaṃ catutthaṃ jhānaṃ samāpajjāmi’ ti vā ‘ahaṃ catutthaṃ jhānaṃ samāpanno’ ti vā ‘ahaṃ catutthā jhānā vuṭṭhito’ ti vā’ ti. “Tathā hi panāyasmato sārīputtassa dīgharattaṃ ahaṅkāramamaṅkāramānānusayā susamūhatā. Tasmā āyasmato sārīputtassa na evaṃ hoti – ‘ahaṃ catutthaṃ jhānaṃ samāpajjāmi’ ti vā ‘ahaṃ catutthaṃ jhānaṃ samāpanno’ ti vā ‘ahaṃ catutthā jhānā vuṭṭhito’ ti vā’ ti. Catutthaṃ.

## 5. Ākāsānañcāyatanasuttaṃ

**336.** Sāvattthinidānaṃ. Addasā kho āyasmā ānando...pe... ‘‘idhāhaṃ, āvuso, sabbaso rūpasaññānaṃ samatikkamā paṭighasaññānaṃ atthaṅgamā nānattasaññānaṃ amanasikārā ananto ākāsoṭi ākāsaññācāyatanaṃ upasampajja viharāmi...pe... vuṭṭhitoti vā’’ti. Pañcamaṃ.

### 6. Viññāṇaṅcāyatanasuttaṃ

**337.** Sāvattthinidānaṃ. Addasā kho āyasmā ānando...pe... ‘‘idhāhaṃ, āvuso, sabbaso ākāsaññācāyatanaṃ samatikkamma anantaṃ viññāṇanti viññāṇaṅcāyatanaṃ upasampajja viharāmi...pe... vuṭṭhitoti vā’’ti. Chaṭṭhaṃ.

### 7. Ākiñcaññāyatanasuttaṃ

**338.** Sāvattthinidānaṃ. Atha kho āyasmā sārīputto...pe... ‘‘idhāhaṃ, āvuso, sabbaso viññāṇaṅcāyatanaṃ samatikkamma, natthi kiñcīti ākiñcaññāyatanaṃ upasampajja viharāmi...pe... vuṭṭhitoti vā’’ti. Sattamaṃ.

### 8. Nevasaññānāsaññāyatanasuttaṃ

**339.** Sāvattthinidānaṃ. Atha kho āyasmā sārīputto...pe... ‘‘idhāhaṃ, āvuso, ākiñcaññāyatanaṃ samatikkamma nevasaññānāsaññāyatanaṃ upasampajja viharāmi...pe... vuṭṭhitoti vā’’ti. Aṭṭhamaṃ.

### 9. Nirodhasamāpattisuttaṃ

**340.** Sāvattthinidānaṃ. Atha kho āyasmā sārīputto...pe... ‘‘Idhāhaṃ, āvuso, sabbaso nevasaññānāsaññāyatanaṃ samatikkamma saññāvedayitanirodhaṃ upasampajja viharāmi. Tassa mayhaṃ, āvuso, na evaṃ hoti – ‘ahaṃ saññāvedayitanirodhaṃ samāpajjāmi’’ti vā ‘ahaṃ saññāvedayitanirodhaṃ samāpanno’’ti vā ‘ahaṃ saññāvedayitanirodhā vuṭṭhito’’ti vā’’ti. ‘‘Tathā hi pañāyasmato sārīputtassa dīgharattaṃ ahañkāramamañkāramānānusayā susamūhatā. Tasmā āyasmato sārīputtassa na evaṃ hoti – ‘ahaṃ saññāvedayitanirodhaṃ samāpajjāmi’’ti vā ‘ahaṃ saññāvedayitanirodhaṃ samāpanno’’ti vā ‘ahaṃ saññāvedayitanirodhā vuṭṭhito’’ti vā’’ti. Navamaṃ.

### 10. Sūcimukhīsuttaṃ

**341.** Ekaṃ samayaṃ āyasmā sārīputto rājagahe viharati veḷuvane kalandakanivāpe. Atha kho āyasmā sārīputto pubbaṅhasamayaṃ nivāsetvā pattacīvaramādāya rājagahe piṇḍāya pāvīsi. Rājagahe sapaḍānaṃ piṇḍāya caritvā taṃ piṇḍapātaṃ aññatarāṃ kuṭṭamūlaṃ [kuḍḍamūlaṃ (sī. syā. kaṃ.), kuḍḍaṃ (pī.)] nissāya paribhuñjati. Atha kho sūcimukhī paribbājikā yenāyasmā sārīputto tenupasaṅkami; upasaṅkamitvā āyasmantaṃ sārīputtaṃ etadavoca –

‘‘Kiṃ nu kho, samaṇa, adhomukho bhuñjasī’’ti? ‘‘Na khvāhaṃ, bhagini, adhomukho bhuñjāmi’’ti. ‘‘Tena hi, samaṇa, ubbhamukho [uddhaṃmukho (sī. aṭṭha.)] bhuñjasī’’ti? ‘‘Na khvāhaṃ, bhagini, ubbhamukho bhuñjāmi’’ti. ‘‘Tena hi, samaṇa, disāmukho bhuñjasī’’ti? ‘‘Na khvāhaṃ, bhagini, disāmukho bhuñjāmi’’ti. ‘‘Tena hi, samaṇa, vidisāmukho bhuñjasī’’ti? ‘‘Na khvāhaṃ, bhagini, vidisāmukho bhuñjāmi’’ti.

‘‘Kiṃ nu, samaṇa, adhomukho bhuñjasī’’ti iti puṭṭho samāno ‘na khvāhaṃ, bhagini, adhomukho bhuñjāmi’’ti vadesi. ‘Tena hi, samaṇa, ubbhamukho bhuñjasī’’ti iti puṭṭho samāno ‘na khvāhaṃ, bhagini, ubbhamukho bhuñjāmi’’ti vadesi. ‘Tena hi, samaṇa, disāmukho bhuñjasī’’ti iti puṭṭho samāno ‘na khvāhaṃ, bhagini, disāmukho bhuñjāmi’’ti vadesi. ‘Tena hi, samaṇa, vidisāmukho bhuñjasī’’ti iti puṭṭho samāno ‘na khvāhaṃ, bhagini, vidisāmukho bhuñjāmi’’ti vadesi’’.

“Kathañcarahi, samaṇa, bhuñjasī”ti? “Ye hi keci, bhagini, samaṇabrāhmaṇā [samaṇā vā brāhmaṇā vā (sī.) nigamanavākye pana sabbatthāpi samāsoyeva dissati] vatthuvijjātiracchānavijjāya micchājīvena jīvikam [jīvitam (ka.)] kappenti, ime vuccanti, bhagini, samaṇabrāhmaṇā ‘adhomukhā bhuñjantī’ti. Ye hi keci, bhagini, samaṇabrāhmaṇā nakkhattavijjātiracchānavijjāya micchājīvena jīvikam kappenti, ime vuccanti, bhagini, samaṇabrāhmaṇā ‘ubbhamukhā bhuñjantī’ti. Ye hi keci, bhagini, samaṇabrāhmaṇā dūteyyapahiṇagamanānuyogāya [... nuyogā (sī. syā. kam. pī.), ... nuyogena (?)] micchājīvena jīvikam kappenti, ime vuccanti, bhagini, samaṇabrāhmaṇā ‘disāmukhā bhuñjantī’ti. Ye hi keci, bhagini, samaṇabrāhmaṇā aṅgavijjātiracchānavijjāya micchājīvena jīvikam kappenti, ime vuccanti, bhagini, samaṇabrāhmaṇā ‘vidisāmukhā bhuñjantī’”ti.

“So khvāhaṃ, bhagini, na vatthuvijjātiracchānavijjāya micchājīvena jīvikam kappemi, na nakkhattavijjātiracchānavijjāya micchājīvena jīvikam kappemi, na dūteyyapahiṇagamanānuyogāya micchājīvena jīvikam kappemi, na aṅgavijjātiracchānavijjāya micchājīvena jīvikam kappemi. Dhammena bhikkhaṃ pariyesāmi; dhammena bhikkhaṃ pariyesitvā bhuñjāmī”ti.

Atha kho sūcimukhī paribbājikā rājagahe rathiyāya rathiyam, siṅghāṭakena siṅghāṭakam upasaṅkamtivā evamārocesi – “dhammikam samaṇā sakyaputtīyā āhāraṃ āhārenti; anavajjam [anavajjena (ka.)] samaṇā sakyaputtīyā āhāraṃ āhārenti. Detha samaṇānaṃ sakyaputtīyānaṃ piṇḍa”nti. Dasamaṃ.

Sāriputtasamyuttam samattam.

Tassuddānaṃ –

Vivekajam avitakkam, pīti upekkhā catutthakam;  
Ākāsañceva viññānaṃ, ākiñcaṃ nevasaññinā;  
Nirodho navamo vutto, dasamaṃ sūcimukhī cāti.

## 8. Nāgasamyuttam

### 1. Suddhikasuttam

342. Sāvattthinidānaṃ. “Catasso imā, bhikkhave, nāgayoniyo. Katamā catasso? Aṇḍajā nāgā, jalābujā nāgā, saṃsedajā nāgā, opapātikā nāgā – imā kho, bhikkhave, catasso nāgayoniyo”ti. Paṭhamam.

### 2. Pañītataraṣuttam

343. Sāvattthinidānaṃ. “Catasso imā, bhikkhave, nāgayoniyo. Katamā catasso? Aṇḍajā nāgā, jalābujā nāgā, saṃsedajā nāgā, opapātikā nāgā. Tatra, bhikkhave, aṇḍajehi nāgehi jalābujā ca saṃsedajā ca opapātikā ca nāgā pañītatarā. Tatra, bhikkhave, aṇḍajehi ca jalābujehi ca nāgehi saṃsedajā ca opapātikā ca nāgā pañītatarā. Tatra, bhikkhave, aṇḍajehi ca jalābujehi ca saṃsedajehi ca nāgehi opapātikā nāgā pañītatarā. Imā kho, bhikkhave, catasso nāgayoniyo”ti. Dutiyam.

### 3. Uposathasuttam

344. Ekaṃ samayaṃ bhagavā sāvattthiyam viharati jetavane anāthapiṇḍikassa ārāme. Atha kho aññataro bhikkhu yena bhagavā tenupasaṅkami; upasaṅkamtivā bhagavantaṃ abhivādetvā ekamantaṃ nisīdi. Ekamantaṃ nisinna kho so bhikkhu bhagavantaṃ etadavoca – “ko nu kho, bhante, hetu, ko paccayo, yena midhekacce aṇḍajā nāgā uposathaṃ upavasanti vossaṭṭhakāyā ca bhavanti”ti?



“Idha, bhikkhu, ekaccānaṃ aṇḍajānaṃ nāgānaṃ evaṃ hoti – ‘mayāṃ kho pubbe kāyena dvayakārino ahumha, vācāya dvayakārino, manasā dvayakārino. Te mayāṃ kāyena dvayakārino, vācāya dvayakārino, manasā dvayakārino, kāyassa bhedaṃ paraṃ marañā aṇḍajānaṃ nāgānaṃ saḥabyataṃ upapannā. Sacajja mayāṃ kāyena sucariṭaṃ careyyāma, vācāya sucariṭaṃ careyyāma, manasā sucariṭaṃ careyyāma, evaṃ mayāṃ kāyassa bhedaṃ paraṃ marañā sugatiṃ saggāṃ lokaṃ upapajjeyyāma. Handa, mayāṃ etarahi kāyena sucariṭaṃ carāma, vācāya sucariṭaṃ carāma, manasā sucariṭaṃ carāmā’ti. Ayaṃ kho, bhikkhu, hetu, ayaṃ paccayo, yena midhekacce aṇḍajā nāgā uposathaṃ upavasanti vossatṭhakāyā ca bhavanti’”ti. Tatiyaṃ.

#### 4. Dutiyauposathasuttaṃ

345. Sāvattthinidānaṃ. Atha kho aññataro bhikkhu yena bhagavā...pe... ekamantaṃ nisinno kho so bhikkhu bhagavantaṃ etadavoca – ‘ko nu kho, bhante, hetu, ko paccayo, yena midhekacce jalābujā nāgā uposathaṃ upavasanti vossatṭhakāyā ca bhavanti’”ti? ‘Idha, bhikkhu...pe... ayaṃ kho, bhikkhu, hetu, ayaṃ paccayo, yena midhekacce jalābujā nāgā uposathaṃ upavasanti vossatṭhakāyā ca bhavanti’”ti. Catutthaṃ.

#### 5. Tatiyauposathasuttaṃ

346. Sāvattthinidānaṃ. Ekamantaṃ nisinno kho so bhikkhu bhagavantaṃ etadavoca – ‘ko nu kho, bhante, hetu, ko paccayo, yena midhekacce saṃsedajā nāgā uposathaṃ upavasanti vossatṭhakāyā ca bhavanti’”ti? ‘Idha, bhikkhu...pe... ayaṃ kho, bhikkhu, hetu, ayaṃ paccayo, yena midhekacce saṃsedajā nāgā uposathaṃ upavasanti vossatṭhakāyā ca bhavanti’”ti. Pañcamaṃ.

#### 6. Catutthauposathasuttaṃ

347. Sāvattthinidānaṃ. Ekamantaṃ nisinno kho so bhikkhu bhagavantaṃ etadavoca – ‘ko nu kho, bhante, hetu, ko paccayo, yena midhekacce opapātikā nāgā uposathaṃ upavasanti vossatṭhakāyā ca bhavanti’”ti?

“Idha, bhikkhu, ekaccānaṃ opapātikānaṃ nāgānaṃ evaṃ hoti – ‘mayāṃ kho pubbe kāyena dvayakārino ahumha, vācāya dvayakārino, manasā dvayakārino. Te mayāṃ kāyena dvayakārino, vācāya dvayakārino, manasā dvayakārino, kāyassa bhedaṃ paraṃ marañā opapātikānaṃ nāgānaṃ saḥabyataṃ upapannā. Sacajja mayāṃ kāyena sucariṭaṃ careyyāma, vācāya... manasā sucariṭaṃ careyyāma, evaṃ mayāṃ kāyassa bhedaṃ paraṃ marañā sugatiṃ saggāṃ lokaṃ upapajjeyyāma. Handa, mayāṃ etarahi kāyena sucariṭaṃ carāma, vācāya... manasā sucariṭaṃ carāmā’ti. Ayaṃ kho, bhikkhu, hetu, ayaṃ paccayo, yena midhekacce opapātikā nāgā uposathaṃ upavasanti vossatṭhakāyā ca bhavanti’”ti. Chaṭṭhaṃ.

#### 7. Sutasuttaṃ

348. Sāvattthinidānaṃ. Ekamantaṃ nisinno kho so bhikkhu bhagavantaṃ etadavoca – ‘ko nu kho, bhante, hetu, ko paccayo, yena midhekacce kāyassa bhedaṃ paraṃ marañā aṇḍajānaṃ nāgānaṃ saḥabyataṃ upapajjati’”ti?

“Idha, bhikkhu, ekacco kāyena dvayakārī hoti, vācāya dvayakārī hoti, manasā dvayakārī hoti. Tassa sutāṃ hoti – ‘aṇḍajā nāgā dīghāyukā vaṇṇavanto sukhabahulā’ti. Tassa evaṃ hoti – ‘aho vatāhaṃ kāyassa bhedaṃ paraṃ marañā aṇḍajānaṃ nāgānaṃ saḥabyataṃ upapajjeyya’nti. So kāyassa bhedaṃ paraṃ marañā aṇḍajānaṃ nāgānaṃ saḥabyataṃ upapajjati. Ayaṃ kho, bhikkhu, hetu, ayaṃ paccayo, yena midhekacce kāyassa bhedaṃ paraṃ marañā aṇḍajānaṃ nāgānaṃ saḥabyataṃ upapajjati’”ti. Sattamaṃ.

## 8. Dutiyasutasuttam

**349.** Sāvattthinidānaṃ. Ekamantaṃ nisinno kho so bhikkhu bhagavantaṃ etadavoca – “ko nu kho, bhante, hetu, ko paccayo, yena midhekacco kāyassa bhedaṃ paraṃ marañā jalābujānaṃ nāgānaṃ saḥabyataṃ upapajjati”’ti?...Pe... ayaṃ kho, bhikkhu, hetu, ayaṃ paccayo, yena midhekacco kāyassa bhedaṃ paraṃ marañā jalābujānaṃ nāgānaṃ saḥabyataṃ upapajjati. Aṭṭhamaṃ.

## 9. Tatiyasutasuttam

**350.** Sāvattthinidānaṃ. Ekamantaṃ nisinno kho so bhikkhu bhagavantaṃ etadavoca – “ko nu kho, bhante, hetu, ko paccayo, yena midhekacco kāyassa bhedaṃ paraṃ marañā saṃsedajānaṃ nāgānaṃ saḥabyataṃ upapajjati”’ti?...Pe... ayaṃ kho, bhikkhu, hetu, ayaṃ paccayo, yena midhekacco kāyassa bhedaṃ paraṃ marañā saṃsedajānaṃ nāgānaṃ saḥabyataṃ upapajjati. Navamaṃ.

## 10. Catutthasutasuttam

**351.** Sāvattthinidānaṃ. Ekamantaṃ nisinno kho so bhikkhu bhagavantaṃ etadavoca – “ko nu kho, bhante, hetu, ko paccayo, yena midhekacco kāyassa bhedaṃ paraṃ marañā opapātikānaṃ nāgānaṃ saḥabyataṃ upapajjati”’ti?

“Idha, bhikkhu, ekacco kāyena dvayakārī hoti, vācāya dvayakārī, manasā dvayakārī. Tassa suttaṃ hoti – ‘opapātikā nāgā dīghāyukā vaṇṇavanto sukhabahulā’ti. Tassa evaṃ hoti – ‘aho vatāhaṃ kāyassa bhedaṃ paraṃ marañā opapātikānaṃ nāgānaṃ saḥabyataṃ upapajjeyya’nti. So kāyassa bhedaṃ paraṃ marañā opapātikānaṃ nāgānaṃ saḥabyataṃ upapajjati. Ayaṃ kho, bhikkhu, hetu, ayaṃ paccayo, yena midhekacco kāyassa bhedaṃ paraṃ marañā opapātikānaṃ nāgānaṃ saḥabyataṃ upapajjati”’ti. Dasamaṃ.

## 11-20. Aṇḍajadānūpakārasuttadasakam

**352-361.** Ekamantaṃ nisinno kho so bhikkhu bhagavantaṃ etadavoca – “ko nu kho, bhante, hetu, ko paccayo, yena midhekacco kāyassa bhedaṃ paraṃ marañā aṇḍajānaṃ nāgānaṃ saḥabyataṃ upapajjati”’ti?

“Idha, bhikkhu, ekacco kāyena dvayakārī hoti, vācāya dvayakārī, manasā dvayakārī. Tassa suttaṃ hoti – ‘aṇḍajā nāgā dīghāyukā vaṇṇavanto sukhabahulā’ti. Tassa evaṃ hoti – ‘aho vatāhaṃ kāyassa bhedaṃ paraṃ marañā aṇḍajānaṃ nāgānaṃ saḥabyataṃ upapajjeyya’nti. So annaṃ deti. So kāyassa bhedaṃ paraṃ marañā aṇḍajānaṃ nāgānaṃ saḥabyataṃ upapajjati. Ayaṃ kho, bhikkhu, hetu...pe... upapajjati...pe... so pānaṃ deti...pe... vatthaṃ deti...pe... yānaṃ deti...pe... mālaṃ deti...pe... gandhaṃ deti...pe... vilepanaṃ deti...pe... seyyaṃ deti...pe... āvasathaṃ deti...pe... paḍiḍḍiyaṃ deti. So kāyassa bhedaṃ paraṃ marañā aṇḍajānaṃ nāgānaṃ saḥabyataṃ upapajjati. Ayaṃ kho, bhikkhu, hetu, ayaṃ paccayo, yena midhekacco kāyassa bhedaṃ paraṃ marañā aṇḍajānaṃ nāgānaṃ saḥabyataṃ upapajjati”’ti. Vīsatiṃ.

## 21-50. Jalābujādidānūpakārasuttattimsakam

**362-391.** Sāvattthinidānaṃ. Ekamantaṃ nisinno kho so bhikkhu bhagavantaṃ etadavoca – “ko nu kho, bhante, hetu, ko paccayo, yena midhekacco kāyassa bhedaṃ paraṃ marañā jalābujānaṃ nāgānaṃ...pe... saṃsedajānaṃ nāgānaṃ...pe... opapātikānaṃ nāgānaṃ saḥabyataṃ upapajjati”’ti?

“Idha, bhikkhu, ekacco kāyena dvayakārī hoti, vācāya dvayakārī, manasā dvayakārī. Tassa suttaṃ hoti – ‘opapātikā nāgā dīghāyukā vaṇṇavanto sukhabahulā’ti. Tassa evaṃ hoti – ‘aho vatāhaṃ kāyassa bhedaṃ paraṃ marañā opapātikānaṃ nāgānaṃ saḥabyataṃ upapajjeyya’nti. So annaṃ deti...pe... pānaṃ

deti...pe... padīpeyyaṃ deti. So kāyassa bhedaṃ paraṃ maraṇā opapātikānaṃ nāgānaṃ saḥabyataṃ upapajjati. Ayaṃ kho, bhikkhu, hetu, ayaṃ paccayo, yena midhekacco kāyassa bhedaṃ paraṃ maraṇā opapātikānaṃ nāgānaṃ saḥabyataṃ upapajjati’ ti.

(Iminā peyyālena dasa dasa suttantā kātabbā. Evaṃ catūsu yonīsu cattālīsaṃ veyyākaraṇā honti. Purimehi pana dasahi suttantehi saha honti paṇṇāsasuttantāti.)

Nāgasamyuttaṃ samattaṃ.

Tassuddānaṃ –

Suddhikaṃ paṇītataṃ, caturo ca uposathā;  
Tassa suttaṃ caturo ca, dānūpakārā ca tālīsaṃ;  
Paṇṇāsa piṇḍato suttā, nāgamhi suppakāsītāti.

## 9. Supaṇṇasamyuttaṃ

### 1. Suddhikasuttaṃ

**392.** Sāvattthinidānaṃ. “Catasso imā, bhikkhave, supaṇṇayoniyo. Katamā catasso? Aṇḍajā supaṇṇā, jalābujā supaṇṇā, saṃsedajā supaṇṇā, opapātikā supaṇṇā – imā kho, bhikkhave, catasso supaṇṇayoniyo’ ti. Paṭhamaṃ.

### 2. Harantisuttaṃ

**393.** Sāvattthinidānaṃ. “Catasso imā, bhikkhave, supaṇṇayoniyo. Katamā catasso? Aṇḍajā...pe... imā kho, bhikkhave, catasso supaṇṇayoniyo. Tatra, bhikkhave, aṇḍajā supaṇṇā aṇḍajeva nāge haranti, na jalābujā, na saṃsedajā, na opapātikā. Tatra, bhikkhave, jalābujā supaṇṇā aṇḍajeva nāge haranti, na saṃsedajā, na opapātikā. Tatra, bhikkhave, saṃsedajā supaṇṇā aṇḍajeva nāge haranti, na saṃsedajā, na opapātikā. Tatra, bhikkhave, opapātikā supaṇṇā aṇḍajeva nāge haranti, na saṃsedajā, na opapātikā. Tatra, bhikkhave, catasso supaṇṇayoniyo’ ti. Dutiyamaṃ.

### 3. Dvayakārīsuttaṃ

**394.** Sāvattthinidānaṃ. Aññataro bhikkhu yena bhagavā tenupasaṅkami; upasaṅkamitvā bhagavantaṃ abhivādetvā ekamantaṃ nisīdi. Ekamantaṃ nisinno kho so bhikkhu bhagavantaṃ etadavoca – “ko nu kho, bhante, hetu, ko paccayo, yena midhekacco kāyassa bhedaṃ paraṃ maraṇā aṇḍajānaṃ supaṇṇānaṃ saḥabyataṃ upapajjati’ ti? “Idha, bhikkhu, ekacco kāyena dvayakārī hoti, vācāya dvayakārī, manasā dvayakārī. Tassa suttaṃ hoti – ‘aṇḍajā supaṇṇā dīghāyukā vaṇṇavanto sukhabahulā’ ti. Tassa evamaṃ hoti – ‘aho vatāhaṃ kāyassa bhedaṃ paraṃ maraṇā aṇḍajānaṃ supaṇṇānaṃ saḥabyataṃ upapajjeyya’ nti. So kāyassa bhedaṃ paraṃ maraṇā aṇḍajānaṃ supaṇṇānaṃ saḥabyataṃ upapajjati. Ayaṃ kho, bhikkhu, hetu, ayaṃ paccayo, yena midhekacco kāyassa bhedaṃ paraṃ maraṇā aṇḍajānaṃ supaṇṇānaṃ saḥabyataṃ upapajjati’ ti. Tatiyamaṃ.

### 4-6. Dutiyādidvayakārīsuttattikaṃ

**395-397.** Sāvattthinidānaṃ. Ekamantaṃ nisinno kho so bhikkhu bhagavantaṃ etadavoca – “ko nu kho, bhante, hetu, ko paccayo, yena midhekacco kāyassa bhedaṃ paraṃ maraṇā jalābujānaṃ supaṇṇānaṃ...pe... saṃsedajānaṃ supaṇṇānaṃ...pe... opapātikānaṃ supaṇṇānaṃ saḥabyataṃ upapajjati’ ti? “Idha, bhikkhu, ekacco kāyena dvayakārī hoti, vācāya dvayakārī, manasā dvayakārī.

Tassa sutam hoti – ‘opapātikā supañṇā dīghāyukā vaṇṇavanto sukhabahulā’ti. Tassa evam hoti – ‘aho vatāham kāyassa bheda param marañā opapātikānaṃ supañṇānaṃ saḥabyataṃ upapajjeyya’nti. So kāyassa bheda param marañā opapātikānaṃ supañṇānaṃ saḥabyataṃ upapajjati. Ayam kho, bhikkhu, hetu, ayam paccayo, yena midhekacco kāyassa bheda param marañā opapātikānaṃ supañṇānaṃ saḥabyataṃ upapajjati’ti. Chaṭṭham.

### 7-16. Aṇḍajadānūpakārasuttadasakam

**398-407.** Sāvattinidānaṃ. Ekamantaṃ nisinno kho so bhikkhu bhagavantaṃ etadavoca – ‘ko nu kho, bhante, hetu, ko paccayo, yena midhekacco kāyassa bheda param marañā aṇḍajānaṃ supañṇānaṃ saḥabyataṃ upapajjati’ti? ‘Idha, bhikkhu, ekacco kāyena dvayakārī hoti, vācāya dvayakārī, manasā dvayakārī. Tassa sutam hoti – ‘aṇḍajā supañṇā dīghāyukā vaṇṇavanto sukhabahulā’ti. Tassa evam hoti – ‘aho vatāham kāyassa bheda param marañā aṇḍajānaṃ supañṇānaṃ saḥabyataṃ upapajjeyya’nti. So annaṃ deti...pe... pānaṃ deti... vattham deti... yānaṃ deti... mālaṃ deti... gandham deti... vilepanaṃ deti... seyyam deti... āvasathaṃ deti... padīpeyyam deti. So kāyassa bheda param marañā aṇḍajānaṃ supañṇānaṃ saḥabyataṃ upapajjati. Ayam kho, bhikkhu, hetu, ayam paccayo, yena midhekacco kāyassa bheda param marañā aṇḍajānaṃ supañṇānaṃ saḥabyataṃ upapajjati’ti. Soḷasamaṃ.

### 17-46. Jalābujādīdānūpakārasuttatimsakam

**408-437.** Sāvattinidānaṃ. Ekamantaṃ nisinno kho so bhikkhu bhagavantaṃ etadavoca – ‘ko nu kho, bhante, hetu, ko paccayo, yena midhekacco kāyassa bheda param marañā jalābujānaṃ supañṇānaṃ...pe... saṃsedajānaṃ supañṇānaṃ...pe... opapātikānaṃ supañṇānaṃ saḥabyataṃ upapajjati’ti? ‘Idha, bhikkhu, ekacco kāyena dvayakārī hoti, vācāya dvayakārī, manasā dvayakārī. Tassa sutam hoti – ‘opapātikā supañṇā dīghāyukā vaṇṇavanto sukhabahulā’ti. Tassa evam hoti – ‘aho vatāham kāyassa bheda param marañā opapātikānaṃ supañṇānaṃ saḥabyataṃ upapajjeyya’nti. So annaṃ deti...pe... pānaṃ deti...pe... padīpeyyam deti. So kāyassa bheda param marañā opapātikānaṃ supañṇānaṃ saḥabyataṃ upapajjati. Ayam kho, bhikkhu, hetu, ayam paccayo, yena midhekacco kāyassa bheda param marañā opapātikānaṃ supañṇānaṃ saḥabyataṃ upapajjati’ti. Chacattālīsamam.

(Evam piṇḍakena chacattālīsam suttantā honti.)

Supañṇasaṃyuttaṃ samattaṃ.

Tassuddānaṃ –

Suddhikaṃ haranti ceva, dvayakārī ca caturo;  
Dānūpakārā tālīsam, supañṇe suppakāsītī.

## 10. Gandhabbakāyasaṃyuttaṃ

### 1. Suddhikasuttaṃ

**438.** Ekam samayaṃ bhagavā sāvattihyaṃ viharati jetavane anāthapiṇḍikassa ārāme ...pe... bhagavā etadavoca – ‘gandhabbakāyike vo, bhikkhave, deve desessāmi. Taṃ suṇātha. Katamā ca, bhikkhave, gandhabbakāyikā devā? Santi, bhikkhave, mūlagandhe adhivatthā devā. Santi, bhikkhave, sāragandhe adhivatthā devā. Santi, bhikkhave, pheggugandhe adhivatthā devā. Santi, bhikkhave, tacagandhe adhivatthā devā. Santi, bhikkhave, papaṭikagandhe adhivatthā devā. Santi, bhikkhave, pattagandhe adhivatthā devā. Santi, bhikkhave, pupphagandhe adhivatthā devā. Santi, bhikkhave, phalagandhe adhivatthā devā. Santi, bhikkhave, rasagandhe adhivatthā devā. Santi, bhikkhave,

gandhagandhe adhivatthā devā. Ime vuccanti, bhikkhave, gandhabbakāyikā devā”ti. Paṭhamam.

## 2. Sucaritasuttaṃ

**439.** Sāvattthinidānaṃ. Ekamantaṃ nisinno kho so bhikkhu bhagavantaṃ etadavoca – “ko nu kho, bhante, hetu, ko paccayo, yena midhekacco kāyassa bhedaṃ paraṃ marañā gandhabbakāyikānaṃ devānaṃ saḥabyataṃ upapajjati”ti? “Idha, bhikkhu, ekacco kāyena sucariṃ carati, vācāya sucariṃ carati, manasā sucariṃ carati. Tassa suttaṃ hoti – ‘gandhabbakāyikā devā dīghāyukā vaṇṇavanto sukhabahulā’ti. Tassa evaṃ hoti – ‘aho vatāhaṃ kāyassa bhedaṃ paraṃ marañā gandhabbakāyikānaṃ devānaṃ saḥabyataṃ upapajjeyya’nti. So kāyassa bhedaṃ paraṃ marañā gandhabbakāyikānaṃ devānaṃ saḥabyataṃ upapajjati. Ayaṃ kho, bhikkhu, hetu, ayaṃ paccayo, yena midhekacco kāyassa bhedaṃ paraṃ marañā gandhabbakāyikānaṃ devānaṃ saḥabyataṃ upapajjati”ti. Dutiyam.

## 3. Mūlagandhadātāsuttaṃ

**440.** Sāvattthinidānaṃ. Ekamantaṃ nisinno kho so bhikkhu bhagavantaṃ etadavoca – “ko nu kho, bhante, hetu, ko paccayo, yena midhekacco kāyassa bhedaṃ paraṃ marañā mūlagandhe adhivatthānaṃ devānaṃ saḥabyataṃ upapajjati”ti? “Idha, bhikkhu, ekacco kāyena sucariṃ carati, vācāya sucariṃ carati, manasā sucariṃ carati. Tassa suttaṃ hoti – ‘mūlagandhe adhivatthā devā dīghāyukā vaṇṇavanto sukhabahulā’ti. Tassa evaṃ hoti – ‘aho vatāhaṃ kāyassa bhedaṃ paraṃ marañā mūlagandhe adhivatthānaṃ devānaṃ saḥabyataṃ upapajjeyya’nti. So dātā hoti mūlagandhānaṃ. So kāyassa bhedaṃ paraṃ marañā mūlagandhe adhivatthānaṃ devānaṃ saḥabyataṃ upapajjati. Ayaṃ kho, bhikkhu, hetu... pe... yena midhekacco kāyassa bhedaṃ paraṃ marañā mūlagandhe adhivatthānaṃ devānaṃ saḥabyataṃ upapajjati”ti. Tatiyam.

## 4-12. Sāragandhādīdātāsuttanavakaṃ

**441-449.** Sāvattthinidānaṃ. Ekamantaṃ nisinno kho so bhikkhu bhagavantaṃ etadavoca – “ko nu kho, bhante, hetu, ko paccayo, yena midhekacco kāyassa bhedaṃ paraṃ marañā sāragandhe adhivatthānaṃ devānaṃ... pe... pheggugandhe adhivatthānaṃ devānaṃ... tacagandhe adhivatthānaṃ devānaṃ... papaṭikagandhe adhivatthānaṃ devānaṃ... pattagandhe adhivatthānaṃ devānaṃ... pupphagandhe adhivatthānaṃ devānaṃ... phalagandhe adhivatthānaṃ devānaṃ... rasagandhe adhivatthānaṃ devānaṃ... gandhagandhe adhivatthānaṃ devānaṃ saḥabyataṃ upapajjati”ti? “Idha, bhikkhu, ekacco kāyena sucariṃ carati, vācāya sucariṃ carati, manasā sucariṃ carati. Tassa suttaṃ hoti – ‘sāragandhe adhivatthā devā dīghāyukā vaṇṇavanto sukhabahulā’ti. Tassa evaṃ hoti – ‘aho vatāhaṃ kāyassa bhedaṃ paraṃ marañā sāragandhe adhivatthānaṃ devānaṃ... pe... pheggugandhe adhivatthānaṃ devānaṃ... tacagandhe adhivatthānaṃ devānaṃ... papaṭikagandhe adhivatthānaṃ devānaṃ... pattagandhe adhivatthānaṃ devānaṃ... pupphagandhe adhivatthānaṃ devānaṃ... phalagandhe adhivatthānaṃ devānaṃ... rasagandhe adhivatthānaṃ devānaṃ... gandhagandhe adhivatthānaṃ devānaṃ saḥabyataṃ upapajjeyya’nti. So dātā hoti sāragandhānaṃ... pe... so dātā hoti pheggugandhānaṃ... so dātā hoti tacagandhānaṃ... so dātā hoti papaṭikagandhānaṃ... so dātā hoti pattagandhānaṃ... so dātā hoti pupphagandhānaṃ... so dātā hoti phalagandhānaṃ... so dātā hoti rasagandhānaṃ... so dātā hoti gandhagandhānaṃ. So kāyassa bhedaṃ paraṃ marañā gandhagandhe adhivatthānaṃ devānaṃ saḥabyataṃ upapajjati. Ayaṃ kho, bhikkhu, hetu, ayaṃ paccayo, yena midhekacco kāyassa bhedaṃ paraṃ marañā gandhagandhe adhivatthānaṃ devānaṃ saḥabyataṃ upapajjati”ti. Dvādasamaṃ.

## 13-22. Mūlagandhadānūpakārasuttadasakaṃ

**450-459.** Sāvattthinidānaṃ. Ekamantaṃ nisinno kho so bhikkhu bhagavantaṃ etadavoca – “ko nu kho, bhante, hetu, ko paccayo, yena midhekacco kāyassa bhedaṃ paraṃ marañā mūlagandhe

adhivatthānaṃ devānaṃ saḥabyataṃ upapajjati’ ti? ‘‘Idha, bhikkhu, ekacco kāyena sucariṭaṃ carati, vācāya sucariṭaṃ carati, manasā sucariṭaṃ carati. Tassa suttaṃ hoti – ‘mūlagandhe adhivatthā devā dīghāyukā vaṇṇavanto sukhabahulā’ ti. Tassa evaṃ hoti – ‘aho vatāhaṃ kāyassa bhedaṃ paraṃ marañā mūlagandhe adhivatthānaṃ devānaṃ saḥabyataṃ upapajjeyya’ nti. So annaṃ deti...pe... pānaṃ deti... vatthaṃ deti... yānaṃ deti... mālaṃ deti... gandhaṃ deti... vilepanaṃ deti... seyyaṃ deti... āvasathaṃ deti... padīpeyyaṃ deti. So kāyassa bhedaṃ paraṃ marañā mūlagandhe adhivatthānaṃ devānaṃ saḥabyataṃ upapajjati. Ayaṃ kho, bhikkhu, hetu, ayaṃ paccayo, yena midhekacco kāyassa bhedaṃ paraṃ marañā mūlagandhe adhivatthānaṃ devānaṃ saḥabyataṃ upapajjati’ ti. Bāvīsatiṃmaṃ.

### 23-112. Sāragandhādīdānūpakārasuttanavutikaṃ

**460-549.** Sāvattthinidānaṃ. Ekamantaṃ nisinna kho so bhikkhu bhagavantaṃ etadavoca – ‘ko nu kho, bhante, hetu, ko paccayo, yena midhekacco kāyassa bhedaṃ paraṃ marañā sāragandhe adhivatthānaṃ devānaṃ...pe... pheggugandhe adhivatthānaṃ devānaṃ... tacagandhe adhivatthānaṃ devānaṃ ... papaṭikagandhe adhivatthānaṃ devānaṃ... pattagandhe adhivatthānaṃ devānaṃ... pupphagandhe adhivatthānaṃ devānaṃ... phalagandhe adhivatthānaṃ devānaṃ... rasagandhe adhivatthānaṃ devānaṃ... gandhagandhe adhivatthānaṃ devānaṃ saḥabyataṃ upapajjati’ ti? ‘‘Idha, bhikkhu, ekacco kāyena sucariṭaṃ carati, vācāya sucariṭaṃ carati, manasā sucariṭaṃ carati. Tassa suttaṃ hoti – ‘gandhagandhe adhivatthā devā dīghāyukā vaṇṇavanto sukhabahulā’ ti. Tassa evaṃ hoti – ‘aho vatāhaṃ kāyassa bhedaṃ paraṃ marañā gandhagandhe adhivatthānaṃ devānaṃ saḥabyataṃ upapajjeyya’ nti. So annaṃ deti...pe... pānaṃ deti... vatthaṃ deti... yānaṃ deti... mālaṃ deti... gandhaṃ deti... vilepanaṃ deti... seyyaṃ deti... āvasathaṃ deti... padīpeyyaṃ deti. So kāyassa bhedaṃ paraṃ marañā gandhagandhe adhivatthānaṃ devānaṃ saḥabyataṃ upapajjati. Ayaṃ kho, bhikkhu, hetu, ayaṃ paccayo, yena midhekacco kāyassa bhedaṃ paraṃ marañā gandhagandhe adhivatthānaṃ devānaṃ saḥabyataṃ upapajjati’ ti. Dvādasasatiṃmaṃ.

(Evaṃ piṇḍakena ekasatañca dvādasa ca suttantā honti.)

Gandhabbakāyasaṃyuttaṃ samattaṃ.

Tassuddānaṃ –

Suddhikañca sucariṭaṃ, dātā hi apare dasa;  
Dānūpakārā satadhā, gandhabbe suppakāsītāti.

## 11. Valāhakasaṃyuttaṃ

### 1. Suddhikasuttaṃ

**550.** Sāvattthinidānaṃ. ‘‘Valāhakakāyike vo, bhikkhave, deve desessāmi. Taṃ suṇātha. Katame ca, bhikkhave, valāhakakāyikā devā? Santi, bhikkhave, sītavalāhakā devā; santi uṇhavalāhakā devā; santi abbhavalāhakā devā; santi vātavalāhakā devā; santi vassavalāhakā devā – ime vuccanti, bhikkhave, ‘valāhakakāyikā devā’ ti. Paṭhamaṃ.

### 2. Sucaritasuttaṃ

**551.** Sāvattthinidānaṃ. Ekamantaṃ nisinna kho so bhikkhu bhagavantaṃ etadavoca – ‘ko nu kho, bhante, hetu, ko paccayo, yena midhekacco kāyassa bhedaṃ paraṃ marañā valāhakakāyikānaṃ devānaṃ saḥabyataṃ upapajjati’ ti? ‘‘Idha, bhikkhu, ekacco kāyena sucariṭaṃ carati, vācāya sucariṭaṃ carati, manasā sucariṭaṃ carati. Tassa suttaṃ hoti – ‘valāhakakāyikā devā dīghāyukā vaṇṇavanto

sukhabahulā'ti. Tassa evaṃ hoti – ‘aho vatāhaṃ kāyassa bhedaṃ paraṃ marañā valāhakakāyikānaṃ devānaṃ saḥabyataṃ upapajjeyya'nti. So kāyassa bhedaṃ paraṃ marañā valāhakakāyikānaṃ devānaṃ saḥabyataṃ upapajjati. Ayaṃ kho, bhikkhu, hetu, ayaṃ paccayo, yena midhekacco kāyassa bhedaṃ paraṃ marañā valāhakakāyikānaṃ devānaṃ saḥabyataṃ upapajjati'’ti. Dutiyaṃ.

### 3-12. Sītavalāhakadānūpakārasuttadasakam

**552-561.** Sāvattthinidānaṃ. Ekamantaṃ nisinno kho so bhikkhu bhagavantaṃ etadavoca – ‘ko nu kho, bhante, hetu, ko paccayo, yena midhekacco kāyassa bhedaṃ paraṃ marañā sītavalāhakānaṃ devānaṃ saḥabyataṃ upapajjati'’ti? ‘Idha bhikkhu, ekacco kāyena sucariṭaṃ carati, vācāya sucariṭaṃ carati, manasā sucariṭaṃ carati. Tassa suttaṃ hoti – ‘sītavalāhakā devā dīghāyukā vaṇṇavanto sukhabahulā'ti. Tassa evaṃ hoti – ‘aho vatāhaṃ kāyassa bhedaṃ paraṃ marañā sītavalāhakānaṃ devānaṃ saḥabyataṃ upapajjeyya'nti. So annaṃ deti...pe... padīpeyyaṃ deti. So kāyassa bhedaṃ paraṃ marañā sītavalāhakānaṃ devānaṃ saḥabyataṃ upapajjati. Ayaṃ kho, bhikkhu, hetu, ayaṃ paccayo, yena midhekacco kāyassa bhedaṃ paraṃ marañā sītavalāhakānaṃ devānaṃ saḥabyataṃ upapajjati'’ti. Dvādasamaṃ.

### 13-52. Uṇhavalāhakadānūpakārasuttacālīsakam

**562-601.** Sāvattthinidānaṃ. Ekamantaṃ nisinno kho so bhikkhu bhagavantaṃ etadavoca – ‘ko nu kho, bhante, hetu, ko paccayo, yena midhekacco kāyassa bhedaṃ paraṃ marañā uṇhavalāhakānaṃ devānaṃ...pe... abbhavalāhakānaṃ devānaṃ...pe... vātavalāhakānaṃ devānaṃ...pe... vassavalāhakānaṃ devānaṃ saḥabyataṃ upapajjati'’ti? ‘Idha, bhikkhu, ekacco kāyena sucariṭaṃ carati, vācāya sucariṭaṃ carati, manasā sucariṭaṃ carati. Tassa suttaṃ hoti – ‘vassavalāhakā devā dīghāyukā vaṇṇavanto sukhabahulā'ti. Tassa evaṃ hoti – ‘aho vatāhaṃ kāyassa bhedaṃ paraṃ marañā vassavalāhakānaṃ devānaṃ saḥabyataṃ upapajjeyya'nti. So annaṃ deti...pe... padīpeyyaṃ deti. So kāyassa bhedaṃ paraṃ marañā vassavalāhakānaṃ devānaṃ saḥabyataṃ upapajjati. Ayaṃ kho, bhikkhu, hetu, ayaṃ paccayo, yena midhekacco kāyassa bhedaṃ paraṃ marañā vassavalāhakānaṃ devānaṃ saḥabyataṃ upapajjati'’ti. Dvepaññāsamaṃ.

### 53. Sītavalāhakasuttaṃ

**602.** Sāvattthinidānaṃ. Ekamantaṃ nisinno kho so bhikkhu bhagavantaṃ etadavoca – ‘ko nu kho, bhante, hetu, ko paccayo, yenekadā sītaṃ hoti'’ti? ‘Santi, bhikkhu, sītavalāhakā nāma devā. Tesāṃ yadā evaṃ hoti – ‘yaṃnūna mayāṃ sakāya ratiyā vaseyyāma'ti [[rameyyāmaṭi \(sī. syā. kam. pī.\) evamuparipi](#)], tesāṃ taṃ cetopañidhimanvāya sītaṃ hoti. Ayaṃ kho, bhikkhu, hetu, ayaṃ paccayo, yenekadā sītaṃ hoti'’ti. Tepaññāsamaṃ.

### 54. Uṇhavalāhakasuttaṃ

**603.** Sāvattthinidānaṃ. Ekamantaṃ nisinno kho so bhikkhu bhagavantaṃ etadavoca – ‘ko nu kho, bhante, hetu, ko paccayo, yenekadā uṇhaṃ hoti'’ti? ‘Santi, bhikkhu, uṇhavalāhakā nāma devā. Tesāṃ yadā evaṃ hoti – ‘yaṃnūna mayāṃ sakāya ratiyā vaseyyāma'ti, tesāṃ taṃ cetopañidhimanvāya uṇhaṃ hoti. Ayaṃ kho, bhikkhu, hetu, ayaṃ paccayo, yenekadā uṇhaṃ hoti'’ti. Catupaññāsamaṃ.

### 55. Abbhavalāhakasuttaṃ

**604.** Sāvattthinidānaṃ. Ekamantaṃ nisinno kho so bhikkhu bhagavantaṃ etadavoca – ‘ko nu kho, bhante, hetu, ko paccayo, yenekadā abbhaṃ hoti'’ti? ‘Santi, bhikkhu, abbhavalāhakā nāma devā. Tesāṃ yadā evaṃ hoti – ‘yaṃnūna mayāṃ sakāya ratiyā vaseyyāma'ti, tesāṃ taṃ cetopañidhimanvāya abbhaṃ hoti. Ayaṃ kho, bhikkhu, hetu, ayaṃ paccayo, yenekadā abbhaṃ hoti'’ti. Pañcapanñāsamaṃ.

## 56. Vātavalāhakasuttaṃ

**605.** Sāvattthinidānaṃ. Ekamantaṃ nisinno kho so bhikkhu bhagavantaṃ etadavoca – ‘‘ko nu kho, bhante, hetu, ko paccayo, yenekadā vāto hotī’’ti? ‘‘Santi, bhikkhu, vātavalāhakā nāma devā. Tesam yadā evaṃ hoti – ‘yaṃnūna mayam sakāya ratiyā vaseyyāma’’ti, tesam taṃ cetopaṇidhimanvāya vāto hoti. Ayaṃ kho, bhikkhu, hetu, ayaṃ paccayo, yenekadā vāto hotī’’ti. Chappaññāsamaṃ.

## 57. Vassavalāhakasuttaṃ

**606.** Sāvattthinidānaṃ. Ekamantaṃ nisinno kho so bhikkhu bhagavantaṃ etadavoca – ‘‘ko nu kho, bhante, hetu, ko paccayo, yenekadā devo vassatī’’ti? ‘‘Santi, bhikkhu, vassavalāhakā nāma devā. Tesam yadā evaṃ hoti – ‘yaṃnūna mayam sakāya ratiyā vaseyyāma’’ti, tesam taṃ cetopaṇidhimanvāya devo vassati. Ayaṃ kho, bhikkhu, hetu, ayaṃ paccayo, yenekadā devo vassatī’’ti. Sattapaññāsamaṃ.

Sattapaññāsasuttantaṃ niṭṭhitam.

Valāhakasamyuttaṃ samattam.

Tassuddānaṃ –

Suddhikaṃ sucaritaṅca dānūpakārapaññāsam;  
Sītaṃ uṇhaṅca abbhaṅca vātavassavalāhakāti.

# 12. Vacchagottasamyuttaṃ

## 1. Rūpaññāṣuttaṃ

**607.** Ekam samayaṃ bhagavā sāvattthiyaṃ viharati jetavane anāthapiṇḍikassa ārāme. Atha kho vacchagotto paribbājako yena bhagavā tenupasaṅkami; upasaṅkamitvā bhagavatā saddhiṃ sammodi. Sammodanīyaṃ kathaṃ saraṇīyaṃ vītisāretvā ekamantaṃ nisīdi. Ekamantaṃ nisinno kho vacchagotto paribbājako bhagavantaṃ etadavoca – ‘‘ko nu kho, bho gotama, hetu, ko paccayo, yānimāni [yenimāni (?)] anekavihitāni diṭṭhigatāni loke uppajjanti – sassato lokoti vā, asassato lokoti vā, antavā lokoti vā, anantavā lokoti vā, taṃ jīvaṃ taṃ sarīranti vā, aññaṃ jīvaṃ aññaṃ sarīranti vā, hoti tathāgato paraṃ maraṇāti vā, na hoti tathāgato paraṃ maraṇāti vā, hoti ca na ca hoti tathāgato paraṃ maraṇāti vā, neva hoti na na hoti tathāgato paraṃ maraṇāti vā’’ti? ‘‘Rūpe kho, vaccha, aññaṇā, rūpasamudaye aññaṇā, rūpanirodhe aññaṇā, rūpanirodhagāminiyā paṭipadāya aññaṇā; evamimāni anekavihitāni diṭṭhigatāni loke uppajjanti – sassato lokoti vā...pe... neva hoti na na hoti tathāgato paraṃ maraṇāti vāti. Ayaṃ kho, vaccha, hetu, ayaṃ paccayo, yānimāni [yena (sī.), yenimāni (?)] anekavihitāni diṭṭhigatāni loke uppajjanti – sassato lokoti vā, asassato lokoti vā...pe... neva hoti na na hoti tathāgato paraṃ maraṇāti vā’’ti. Paṭhamam.

## 2. Vedanāññāṣuttaṃ

**608.** Sāvattthinidānaṃ. Ekamantaṃ nisinno kho vacchagotto paribbājako bhagavantaṃ etadavoca – ‘‘ko nu kho, bho gotama, hetu, ko paccayo, yānimāni anekavihitāni diṭṭhigatāni loke uppajjanti – sassato lokoti vā, asassato lokoti vā...pe... neva hoti na na hoti tathāgato paraṃ maraṇāti vā’’ti? ‘‘Vedanāya kho, vaccha, aññaṇā, vedanāsamudaye aññaṇā, vedanānirodhe aññaṇā, vedanānirodhagāminiyā paṭipadāya aññaṇā; evamimāni anekavihitāni diṭṭhigatāni loke uppajjanti – sassato lokoti vā, asassato lokoti vā...pe... neva hoti na na hoti tathāgato paraṃ maraṇāti vāti. Ayaṃ kho, vaccha, hetu, ayaṃ paccayo, yānimāni anekavihitāni diṭṭhigatāni loke uppajjanti – sassato lokoti vā, asassato lokoti vā...’’



pe... neva hoti na na hoti tathāgato paraṃ maraṇāti vā’’ti. Dutiyamaṃ.

### 3. Saññāaṅṅāṇasuttaṃ

**609.** Sāvattthinidānaṃ. Ekamantaṃ nisinno kho vacchagotto paribbājako bhagavantaṃ etadavoca – “ko nu kho, bho gotama, hetu, ko paccayo, yānimāni anekavihitāni diṭṭhigatāni loke uppajjanti – sassato lokoti vā, asassato lokoti vā...pe... neva hoti na na hoti tathāgato paraṃ maraṇāti vā’’ti? “Saññāya kho, vaccha, aññāṇā, saññāsamudaye aññāṇā, saññānirodhe aññāṇā, saññānirodhagāminiyā paṭipadāya aññāṇā; evamimāni anekavihitāni diṭṭhigatāni loke uppajjanti – sassato lokoti vā, asassato lokoti vā... pe... neva hoti na na hoti tathāgato paraṃ maraṇāti vāti. Ayaṃ kho, vaccha, hetu, ayaṃ paccayo, yānimāni anekavihitāni diṭṭhigatāni loke uppajjanti – sassato lokoti vā, asassato lokoti vā...pe... neva hoti na na hoti tathāgato paraṃ maraṇāti vā’’ti. Tatiyaṃ.

### 4. Saṅkhāraaṅṅāṇasuttaṃ

**610.** Sāvattthinidānaṃ. Ekamantaṃ nisinno kho vacchagotto paribbājako bhagavantaṃ etadavoca – “ko nu kho, bho gotama, hetu, ko paccayo, yānimāni anekavihitāni diṭṭhigatāni loke uppajjanti – sassato lokoti vā, asassato lokoti vā...pe... neva hoti na na hoti tathāgato paraṃ maraṇāti vā’’ti? “Saṅkhāresu kho, vaccha, aññāṇā, saṅkhārasamudaye aññāṇā, saṅkhāraṇirodhe aññāṇā, saṅkhāraṇirodhagāminiyā paṭipadāya aññāṇā; evamimāni anekavihitāni diṭṭhigatāni loke uppajjanti – sassato lokoti vā, asassato lokoti vā...pe... neva hoti na na hoti tathāgato paraṃ maraṇāti vāti. Ayaṃ kho, vaccha, hetu, ayaṃ paccayo, yānimāni anekavihitāni diṭṭhigatāni loke uppajjanti – sassato lokoti vā, asassato lokoti vā... pe... neva hoti na na hoti tathāgato paraṃ maraṇāti vā’’ti. Catutthaṃ.

### 5. Viññāṇaṅṅāṇasuttaṃ

**611.** Sāvattthinidānaṃ. Ekamantaṃ nisinno kho vacchagotto paribbājako bhagavantaṃ etadavoca – “ko nu kho, bho gotama, hetu, ko paccayo, yānimāni anekavihitāni diṭṭhigatāni loke uppajjanti – sassato lokoti vā, asassato lokoti vā...pe... neva hoti na na hoti tathāgato paraṃ maraṇāti vā’’ti? “Viññāṇe kho, vaccha, aññāṇā, viññāṇasamudaye aññāṇā, viññāṇanirodhe aññāṇā, viññāṇanirodhagāminiyā paṭipadāya aññāṇā; evamimāni anekavihitāni diṭṭhigatāni loke uppajjanti – sassato lokoti vā, asassato lokoti vā... pe... neva hoti na na hoti tathāgato paraṃ maraṇāti vāti. Ayaṃ kho, vaccha, hetu, ayaṃ paccayo, yānimāni anekavihitāni diṭṭhigatāni loke uppajjanti – sassato lokoti vā, asassato lokoti vā...pe... neva hoti na na hoti tathāgato paraṃ maraṇāti vā’’ti. Pañcamaṃ.

### 6-10. Rūpaadassanādisuttapañcakamaṃ

**612-616.** Sāvattthinidānaṃ. Ekamantaṃ nisinno kho vacchagotto paribbājako bhagavantaṃ etadavoca – “ko nu kho, bho gotama, hetu, ko paccayo, yānimāni anekavihitāni diṭṭhigatāni loke uppajjanti – sassato lokoti vā, asassato lokoti vā...pe... neva hoti na na hoti tathāgato paraṃ maraṇāti vā’’ti? Rūpe kho, vaccha, adassanā...pe... rūpanirodhagāminiyā paṭipadāya adassanā...pe... vedanāya ... saññāya ... saṅkhāresu kho, vaccha, adassanā...pe... viññāṇe kho, vaccha, adassanā...pe... viññāṇanirodhagāminiyā paṭipadāya adassanā...pe... Dasamaṃ.

### 11-15. Rūpaanabhisamayādisuttapañcakamaṃ

**617-621.** Sāvattthinidānaṃ. Rūpe kho, vaccha, anabhisamayā...pe... rūpanirodhagāminiyā paṭipadāya anabhisamayā...pe....

Sāvattthinidānaṃ. Vedanāya kho, vaccha, anabhisamayā...pe....

Sāvattthinidānaṃ. Saññāya kho, vaccha, anabhisamayā...pe....

Sāvattthinidānaṃ. Saṅkhāresu kho, vaccha, anabhisamayā...pe....

Sāvattthinidānaṃ. Viññāṇe kho, vaccha, anabhisamayā...pe.... Pannarasamaṃ.

### 16-20. Rūpaananubodhādisuttapañcakaṃ

622-626. Sāvattthinidānaṃ. Ekamantaṃ nisinno kho vacchagotto paribbājako bhagavantaṃ etadavoca – ko nu kho, bho gotama, hetu, ko paccayo...pe... rūpe kho, vaccha, ananubodhā...pe... rūpanirodhagāminiyā paṭipadāya ananubodhā...pe....

Sāvattthinidānaṃ. Vedanāya kho, vaccha...pe....

Sāvattthinidānaṃ. Saññāya kho, vaccha...pe....

Sāvattthinidānaṃ. Saṅkhāresu kho, vaccha...pe....

Sāvattthinidānaṃ. Viññāṇe kho, vaccha ananubodhā...pe... viññāṇanirodhagāminiyā paṭipadāya ananubodhā. Vīsatiṃ.

### 21-25. Rūpaappaṭivedhādisuttapañcakaṃ

627-631. Sāvattthinidānaṃ. Ko nu kho, bho gotama, hetu, ko paccayo...pe.... Rūpe kho, vaccha, appaṭivedhā...pe... viññāṇe kho, vaccha, appaṭivedhā...pe.... Pañcavīsatiṃ.

### 26-30. Rūpaasallakkhaṇādisuttapañcakaṃ

632-636. Sāvattthinidānaṃ. Rūpe kho, vaccha, asallakkhaṇā...pe... viññāṇe kho, vaccha, asallakkhaṇā...pe.... Tiṃsatiṃ.

### 31-35. Rūpaanupalakkhaṇādisuttapañcakaṃ

637-641. Sāvattthinidānaṃ. Rūpe kho, vaccha, anupalakkhaṇā...pe... viññāṇe kho, vaccha, anupalakkhaṇā...pe.... Pañcatīṃsatiṃ.

### 36-40. Rūpaappaccupalakkhaṇādisuttapañcakaṃ

642-646. Sāvattthinidānaṃ. Rūpe kho, vaccha, appaccupalakkhaṇā...pe... viññāṇe kho, vaccha, appaccupalakkhaṇā...pe.... Cattālīsatiṃ.

### 41-45. Rūpaasamaṭṭhaṇādisuttapañcakaṃ

647-651. Sāvattthinidānaṃ. Rūpe kho, vaccha, asamaṭṭhaṇā...pe... viññāṇe kho, vaccha, asamaṭṭhaṇā...pe.... Pañcacattālīsatiṃ.

### 46-50. Rūpaappaccupekkhaṇādisuttapañcakaṃ

652-656. Sāvattthinidānaṃ. Rūpe kho, vaccha, appaccupekkhaṇā...pe... viññāṇe kho, vaccha, appaccupekkhaṇā...pe.... Paññāsatiṃ.

## 51-54. Rūpaappaccakkhakammādisuttacatukkaṃ

**657-660.** Sāvattthinidānaṃ. Atha kho vacchagotto paribbājako yena bhagavā tenupasaṅkami; upasaṅkamitvā bhagavatā saddhiṃ sammodi. Sammodaniyaṃ kathaṃ sāraṇiyaṃ vītisāretvā ekamantaṃ nisīdi. Ekamantaṃ nisinno kho vacchagotto paribbājako bhagavantaṃ etadavoca – “ko nu kho, bho gotama, hetu, ko paccayo, yānimāni anekavihitāni diṭṭhigatāni loke uppajjanti – sassato lokoti vā...pe... neva hoti na na hoti tathāgato paraṃ maraṇāti vā”’ti? Rūpe kho, vaccha, appaccakkhakammā, rūpasamudaye appaccakkhakammā, rūpanirodhe appaccakkhakammā, rūpanirodhagāminiyā paṭipadāya appaccakkhakammā...pe....

Sāvattthinidānaṃ. Vedanāya kho, vaccha, appaccakkhakammā...pe... vedanānirodhagāminiyā paṭipadāya appaccakkhakammā...pe....

Sāvattthinidānaṃ. Saññāya kho, vaccha, appaccakkhakammā...pe... saññānirodhagāminiyā paṭipadāya appaccakkhakammā...pe....

Sāvattthinidānaṃ. Saṅkhāresu kho, vaccha, appaccakkhakammā...pe... saṅkhānirodhagāminiyā paṭipadāya appaccakkhakammā...pe.... Catupaññāsamaṃ.

## 55. Viññāṇaappaccakkhakammasuttaṃ

**661.** Sāvattthinidānaṃ. “Viññāṇe kho, vaccha, appaccakkhakammā, viññāṇasamudaye appaccakkhakammā, viññāṇanirodhe appaccakkhakammā, viññāṇanirodhagāminiyā paṭipadāya appaccakkhakammā; evamimāni anekavihitāni diṭṭhigatāni loke uppajjanti – sassato lokoti vā, asassato lokoti vā...pe... neva hoti na na hoti tathāgato paraṃ maraṇāti vāti. Ayaṃ kho, vaccha, hetu, ayaṃ paccayo, yānimāni anekavihitāni diṭṭhigatāni loke uppajjanti – sassato lokoti vā, asassato lokoti vā, antavā lokoti vā, anantavā lokoti vā, taṃ jīvaṃ taṃ sarīranti vā, aññaṃ jīvaṃ aññaṃ sarīranti vā, hoti tathāgato paraṃ maraṇāti vā, na hoti tathāgato paraṃ maraṇāti vā, hoti ca na ca hoti tathāgato paraṃ maraṇāti vā, neva hoti na na hoti tathāgato paraṃ maraṇāti vā”’ti. Pañcapaññāsamaṃ.

Vacchagottasamyuttaṃ samattaṃ.

Tassuddānaṃ –

Aññāṇā adassanā ceva, anabhisamayā ananubodhā;  
Appaṭivedhā asallakkhaṇā, anupalakkhaṇena appaccupalakkhaṇā;  
Asamapekkhaṇā appaccupekkhaṇā, appaccakkhakammanti.

## 13. Jhānasamyuttaṃ

### 1. Samādhimūlakasamāpattisuttaṃ

**662.** Sāvattthinidānaṃ. “Cattārome, bhikkhave, jhāyī. Katame cattāro? Idha, bhikkhave, ekacco jhāyī samādhismiṃ samādhikusalo hoti, na samādhismiṃ samāpattikusalo. Idha pana, bhikkhave, ekacco jhāyī samādhismiṃ samāpattikusalo hoti, na samādhismiṃ samādhikusalo. Idha pana, bhikkhave, ekacco jhāyī neva samādhismiṃ samādhikusalo hoti, na ca samādhismiṃ samāpattikusalo. Idha pana, bhikkhave, ekacco jhāyī samādhismiṃ samādhikusalo ca hoti, samādhismiṃ samāpattikusalo ca. Tatra, bhikkhave, yvāyaṃ jhāyī samādhismiṃ samādhikusalo ca hoti samādhismiṃ samāpattikusalo ca ayaṃ imesaṃ catunnaṃ jhāyīnaṃ aggo ca seṭṭho ca makkho [pāmokkho (syā. kaṃ.) evamuparipi] ca uttamo ca pavaro ca. Seyyathāpi, bhikkhave, gavā khīraṃ, khīramhā dadhi, dadhimhā navanītaṃ,

navanītamhā sappi, sappimhā sappimaṇḍo tatra aggamakkhāyati; evameva kho, bhikkhave, yvāyaṃ jhāyī samādhismiṃ samādhikusalo ca hoti samādhismiṃ samāpattikusalo ca ayaṃ imesaṃ catunnaṃ jhāyīnaṃ aggo ca seṭṭho ca mokkho ca uttamo ca pavaro cā’’ti. Paṭhamaṃ.

## 2. Samādhimūlakaṭṭhisuttaṃ

663. Sāvattihinidānaṃ. “Cattārome, bhikkhave, jhāyī. Katame cattāro? Idha, bhikkhave, ekacco jhāyī samādhismiṃ samādhikusalo hoti, na samādhismiṃ ṭhitikusalo. Idha pana, bhikkhave, ekacco jhāyī samādhismiṃ ṭhitikusalo hoti, na samādhismiṃ samādhikusalo. Idha pana, bhikkhave, ekacco jhāyī neva samādhismiṃ samādhikusalo hoti, na ca samādhismiṃ ṭhitikusalo. Idha pana, bhikkhave, ekacco jhāyī samādhismiṃ samādhikusalo ca hoti, samādhismiṃ ṭhitikusalo ca. Tatra, bhikkhave, yvāyaṃ jhāyī samādhismiṃ samādhikusalo ca hoti samādhismiṃ ṭhitikusalo ca ayaṃ imesaṃ catunnaṃ jhāyīnaṃ aggo ca seṭṭho ca mokkho ca uttamo ca pavaro ca. Seyyathāpi, bhikkhave, gavā khīraṃ, khīramhā dadhi, dadhimhā navanītaṃ, navanītamhā sappi, sappimhā sappimaṇḍo tatra aggamakkhāyati; evameva kho, bhikkhave, yvāyaṃ jhāyī samādhismiṃ samādhikusalo ca hoti samādhismiṃ ṭhitikusalo ca ayaṃ imesaṃ catunnaṃ jhāyīnaṃ aggo ca seṭṭho ca mokkho ca uttamo ca pavaro cā’’ti. Dutiyaṃ.

## 3. Samādhimūlakavuṭṭhānasuttaṃ

664. Sāvattihinidānaṃ. “Cattārome, bhikkhave, jhāyī. Katame cattāro? Idha, bhikkhave, ekacco jhāyī samādhismiṃ samādhikusalo hoti, na samādhismiṃ vuṭṭhānakusalo. Idha pana, bhikkhave, ekacco jhāyī samādhismiṃ vuṭṭhānakusalo hoti, na samādhismiṃ samādhikusalo. Idha pana, bhikkhave, ekacco jhāyī neva samādhismiṃ samādhikusalo hoti, na ca samādhismiṃ vuṭṭhānakusalo. Idha pana, bhikkhave, ekacco jhāyī samādhismiṃ samādhikusalo ca hoti, samādhismiṃ vuṭṭhānakusalo ca. Tatra, bhikkhave, yvāyaṃ jhāyī samādhismiṃ samādhikusalo ca hoti samādhismiṃ vuṭṭhānakusalo ca ayaṃ imesaṃ catunnaṃ jhāyīnaṃ aggo ca seṭṭho ca mokkho ca uttamo ca pavaro ca. Seyyathāpi, bhikkhave, gavā khīraṃ...pe... pavaro cā’’ti. Tatiyaṃ.

## 4. Samādhimūlakakallitasuttaṃ

665. Sāvattihinidānaṃ. “Cattārome, bhikkhave, jhāyī. Katame cattāro? Idha, bhikkhave, ekacco jhāyī samādhismiṃ samādhikusalo hoti, na samādhismiṃ kallitakusalo. Idha pana, bhikkhave, ekacco jhāyī samādhismiṃ kallitakusalo hoti, na samādhismiṃ samādhikusalo. Idha pana, bhikkhave, ekacco jhāyī neva samādhismiṃ samādhikusalo hoti, na ca samādhismiṃ kallitakusalo. Idha pana, bhikkhave, ekacco jhāyī samādhismiṃ samādhikusalo ca hoti, samādhismiṃ kallitakusalo ca. Tatra, bhikkhave, yvāyaṃ jhāyī samādhismiṃ samādhikusalo ca hoti samādhismiṃ kallitakusalo ca ayaṃ imesaṃ catunnaṃ jhāyīnaṃ aggo ca seṭṭho ca mokkho ca uttamo ca pavaro ca. Seyyathāpi, bhikkhave, gavā khīraṃ...pe... pavaro cā’’ti. Catutthaṃ.

## 5. Samādhimūlakaārammaṇasuttaṃ

666. Sāvattihinidānaṃ. “Cattārome, bhikkhave, jhāyī. Katame cattāro? Idha, bhikkhave, ekacco jhāyī samādhismiṃ samādhikusalo hoti, na samādhismiṃ ārammaṇakusalo. Idha pana, bhikkhave, ekacco jhāyī samādhismiṃ ārammaṇakusalo hoti, na samādhismiṃ samādhikusalo. Idha pana, bhikkhave, ekacco jhāyī neva samādhismiṃ samādhikusalo hoti, na ca samādhismiṃ ārammaṇakusalo. Idha pana, bhikkhave, ekacco jhāyī samādhismiṃ samādhikusalo ca hoti, samādhismiṃ ārammaṇakusalo ca. Tatra, bhikkhave, yvāyaṃ jhāyī samādhismiṃ samādhikusalo ca hoti samādhismiṃ ārammaṇakusalo ca ayaṃ imesaṃ catunnaṃ jhāyīnaṃ aggo ca seṭṭho ca mokkho ca uttamo ca pavaro ca. Seyyathāpi, bhikkhave, gavā khīraṃ...pe... pavaro cā’’ti. Pañcamaṃ.

## 6. Samādhimūlakagocarasuttaṃ

**667.** Sāvattthinidānaṃ. “Cattārome, bhikkhave, jhāyī. Katame cattāro? Idha, bhikkhave, ekacco jhāyī samādhismiṃ samādhikusalo hoti, na samādhismiṃ gocarakusalo. Idha pana, bhikkhave, ekacco jhāyī samādhismiṃ gocarakusalo hoti, na samādhismiṃ samādhikusalo. Idha pana, bhikkhave, ekacco jhāyī neva samādhismiṃ samādhikusalo hoti, na ca samādhismiṃ gocarakusalo. Idha pana, bhikkhave, ekacco jhāyī samādhismiṃ samādhikusalo ca hoti, samādhismiṃ gocarakusalo ca. Tatra, bhikkhave, yvāyaṃ jhāyī samādhismiṃ samādhikusalo ca hoti samādhismiṃ gocarakusalo ca ayaṃ imesaṃ catunnaṃ jhāyīnaṃ aggo ca seṭṭho ca makkho ca uttamo ca pavaro ca. Seyyathāpi, bhikkhave, gavā khīraṃ...pe... pavaro cā”ti. Chaṭṭhaṃ.

### 7. Samādhimūlakaabhinīhārasuttaṃ

**668.** Sāvattthinidānaṃ. “Cattārome, bhikkhave, jhāyī. Katame cattāro? Idha, bhikkhave, ekacco jhāyī samādhismiṃ samādhikusalo hoti, na samādhismiṃ abhinīhārakusalo. Idha pana, bhikkhave, ekacco jhāyī samādhismiṃ abhinīhārakusalo hoti, na samādhismiṃ samādhikusalo. Idha pana, bhikkhave, ekacco jhāyī neva samādhismiṃ samādhikusalo hoti, na ca samādhismiṃ abhinīhārakusalo. Idha pana, bhikkhave, ekacco jhāyī samādhismiṃ samādhikusalo ca hoti, samādhismiṃ abhinīhārakusalo ca. Tatra, bhikkhave, yvāyaṃ jhāyī samādhismiṃ samādhikusalo ca hoti samādhismiṃ abhinīhārakusalo ca ayaṃ imesaṃ catunnaṃ jhāyīnaṃ aggo ca seṭṭho ca makkho ca uttamo ca pavaro ca. Seyyathāpi, bhikkhave, gavā khīraṃ...pe... pavaro cā”ti. Sattamaṃ.

### 8. Samādhimūlakaśakkakārīsuttaṃ

**669.** Sāvattthinidānaṃ. “Cattārome, bhikkhave, jhāyī. Katame cattāro? Idha, bhikkhave, ekacco jhāyī samādhismiṃ samādhikusalo hoti, na samādhismiṃ śakkakārī. Idha pana, bhikkhave, ekacco jhāyī samādhismiṃ śakkakārī hoti, na samādhismiṃ samādhikusalo. Idha pana, bhikkhave, ekacco jhāyī neva samādhismiṃ samādhikusalo hoti, na ca samādhismiṃ śakkakārī. Idha pana, bhikkhave, ekacco jhāyī samādhismiṃ samādhikusalo ca hoti, samādhismiṃ śakkakārī ca. Tatra, bhikkhave, yvāyaṃ jhāyī samādhismiṃ samādhikusalo ca hoti samādhismiṃ śakkakārī ca ayaṃ imesaṃ catunnaṃ jhāyīnaṃ aggo ca seṭṭho ca makkho ca uttamo ca pavaro ca. Seyyathāpi, bhikkhave, gavā khīraṃ...pe... pavaro cā”ti. Aṭṭhamaṃ.

### 9. Samādhimūlakaśātaccakārīsuttaṃ

**670.** Sāvattthinidānaṃ. “Cattārome, bhikkhave, jhāyī. Katame cattāro? Idha, bhikkhave, ekacco jhāyī samādhismiṃ samādhikusalo hoti, na samādhismiṃ śātaccakārī. Idha pana, bhikkhave, ekacco jhāyī samādhismiṃ śātaccakārī hoti, na samādhismiṃ samādhikusalo. Idha pana, bhikkhave, ekacco jhāyī neva samādhismiṃ samādhikusalo hoti, na ca samādhismiṃ śātaccakārī. Idha pana, bhikkhave, ekacco jhāyī samādhismiṃ samādhikusalo ca hoti, samādhismiṃ śātaccakārī ca. Tatra, bhikkhave, yvāyaṃ jhāyī samādhismiṃ samādhikusalo ca hoti, samādhismiṃ śātaccakārī ca ayaṃ imesaṃ catunnaṃ jhāyīnaṃ aggo ca seṭṭho ca makkho ca uttamo ca pavaro ca. Seyyathāpi, bhikkhave, gavā khīraṃ...pe... pavaro cā”ti. Navamaṃ.

### 10. Samādhimūlakaśappāyakārīsuttaṃ

**671.** Sāvattthinidānaṃ. “Cattārome, bhikkhave, jhāyī. Katame cattāro? Idha, bhikkhave, ekacco jhāyī samādhismiṃ samādhikusalo hoti, na samādhismiṃ śappāyakārī. Idha pana, bhikkhave, ekacco jhāyī samādhismiṃ śappāyakārī hoti, na samādhismiṃ samādhikusalo. Idha pana, bhikkhave, ekacco jhāyī neva samādhismiṃ samādhikusalo hoti, na ca samādhismiṃ śappāyakārī. Idha pana, bhikkhave, ekacco jhāyī samādhismiṃ samādhikusalo ca hoti, samādhismiṃ śappāyakārī ca. Tatra, bhikkhave, yvāyaṃ jhāyī samādhismiṃ samādhikusalo ca hoti samādhismiṃ śappāyakārī ca ayaṃ imesaṃ catunnaṃ jhāyīnaṃ aggo ca seṭṭho ca makkho ca uttamo ca pavaro ca. Seyyathāpi, bhikkhave, gavā

khīraṃ...pe... pavaro cā’’ti. Dasamaṃ. (Samādhimūlakamaṃ.)

### 11. Samāpattimūlakaṭṭhisuttaṃ

672. Sāvattṭhinidānaṃ. “Cattārome, bhikkhave, jhāyī. Katame cattāro? Idha, bhikkhave, ekacco jhāyī samādhismiṃ samāpattikusalo hoti, na samādhismiṃ ṭhitikusalo. Idha pana, bhikkhave, ekacco jhāyī samādhismiṃ ṭhitikusalo hoti, na samādhismiṃ samāpattikusalo. Idha pana, bhikkhave, ekacco jhāyī neva samādhismiṃ samāpattikusalo hoti, na ca samādhismiṃ ṭhitikusalo. Idha pana, bhikkhave, ekacco jhāyī samādhismiṃ samāpattikusalo ca hoti, samādhismiṃ ṭhitikusalo ca. Tatra, bhikkhave, yvāyaṃ jhāyī samādhismiṃ samāpattikusalo ca hoti, samādhismiṃ ṭhitikusalo ca ayaṃ imesaṃ catunnaṃ jhāyīnaṃ aggo ca seṭṭho ca mokkho ca uttamo ca pavaro ca. Seyyathāpi, bhikkhave, gavā khīraṃ...pe... pavaro cā’’ti. Ekādasamaṃ.

### 12. Samāpattimūlakavuṭṭhānasuttaṃ

673. Sāvattṭhinidānaṃ. “Cattārome, bhikkhave, jhāyī. Katame cattāro? Idha, bhikkhave, ekacco jhāyī samādhismiṃ samāpattikusalo hoti, na samādhismiṃ vuṭṭhānakusalo. Idha pana, bhikkhave, ekacco jhāyī samādhismiṃ vuṭṭhānakusalo hoti, na samādhismiṃ samāpattikusalo. Idha pana, bhikkhave, ekacco jhāyī neva samādhismiṃ samāpattikusalo hoti, na ca samādhismiṃ vuṭṭhānakusalo. Idha pana, bhikkhave, ekacco jhāyī samādhismiṃ samāpattikusalo ca hoti, samādhismiṃ vuṭṭhānakusalo ca. Tatra, bhikkhave, yvāyaṃ jhāyī ...pe... pavaro cā’’ti. Dvādasamaṃ.

### 13. Samāpattimūlakakallitasuttaṃ

674. Sāvattṭhinidānaṃ. “Cattārome, bhikkhave, jhāyī. Katame cattāro? Idha, bhikkhave, ekacco jhāyī samādhismiṃ samāpattikusalo hoti, na samādhismiṃ kallitakusalo. Idha pana, bhikkhave, ekacco jhāyī samādhismiṃ kallitakusalo hoti, na samādhismiṃ samāpattikusalo. Idha pana, bhikkhave, ekacco jhāyī neva samādhismiṃ samāpattikusalo hoti, na ca samādhismiṃ kallitakusalo. Idha pana, bhikkhave, ekacco jhāyī samādhismiṃ samāpattikusalo ca hoti, samādhismiṃ kallitakusalo ca. Tatra...pe... pavaro cā’’ti. Terasamaṃ.

### 14. Samāpattimūlakaārammaṇasuttaṃ

675. Sāvattṭhinidānaṃ. “Cattārome, bhikkhave, jhāyī. Katame cattāro? Idha, bhikkhave, ekacco jhāyī samādhismiṃ samāpattikusalo hoti, na samādhismiṃ ārammaṇakusalo. Idha pana, bhikkhave, ekacco jhāyī samādhismiṃ ārammaṇakusalo hoti, na samādhismiṃ samāpattikusalo. Idha pana, bhikkhave, ekacco jhāyī neva samādhismiṃ samāpattikusalo hoti, na ca samādhismiṃ ārammaṇakusalo. Idha pana, bhikkhave, ekacco jhāyī samādhismiṃ samāpattikusalo ca hoti, samādhismiṃ ārammaṇakusalo ca. Tatra...pe... pavaro cā’’ti. Cuddasamaṃ.

### 15. Samāpattimūlakagocarasuttaṃ

676. Sāvattṭhinidānaṃ. “Cattārome, bhikkhave, jhāyī. Katame cattāro? Idha, bhikkhave, ekacco jhāyī samādhismiṃ samāpattikusalo hoti, na samādhismiṃ gocarakusalo. Idha pana, bhikkhave, ekacco jhāyī samādhismiṃ gocarakusalo hoti, na samādhismiṃ samāpattikusalo. Idha pana, bhikkhave, ekacco jhāyī neva samādhismiṃ samāpattikusalo hoti, na ca samādhismiṃ gocarakusalo. Idha pana, bhikkhave, ekacco jhāyī samādhismiṃ samāpattikusalo ca hoti, samādhismiṃ gocarakusalo ca. Tatra...pe... pavaro cā’’ti. Pannarasamaṃ.

### 16. Samāpattimūlakaabhinīhārasuttaṃ

**677.** Sāvattthinidānaṃ. “Cattārome, bhikkhave, jhāyī. Katame cattāro? Idha, bhikkhave, ekacco jhāyī samādhismiṃ samāpattikusalo hoti, na samādhismiṃ abhinīhāraṅkusalo. Idha pana, bhikkhave, ekacco jhāyī samādhismiṃ abhinīhāraṅkusalo hoti, na samādhismiṃ samāpattikusalo. Idha pana, bhikkhave, ekacco jhāyī neva samādhismiṃ samāpattikusalo hoti, na ca samādhismiṃ abhinīhāraṅkusalo. Idha pana, bhikkhave, ekacco jhāyī samādhismiṃ samāpattikusalo ca hoti, samādhismiṃ abhinīhāraṅkusalo ca. Tatra...pe... pavaro cā’”ti. Soḷasamaṃ.

### **17. Samāpattimūlakasakkaccasuttaṃ**

**678.** Sāvattthinidānaṃ. “Cattārome, bhikkhave, jhāyī. Katame cattāro? Idha, bhikkhave, ekacco jhāyī samādhismiṃ samāpattikusalo hoti, na samādhismiṃ sakkaccakārī. Idha pana, bhikkhave, ekacco jhāyī samādhismiṃ sakkaccakārī hoti, na samādhismiṃ samāpattikusalo. Idha pana, bhikkhave, ekacco jhāyī neva samādhismiṃ samāpattikusalo hoti, na ca samādhismiṃ sakkaccakārī. Idha pana, bhikkhave, ekacco jhāyī samādhismiṃ samāpattikusalo ca hoti, samādhismiṃ sakkaccakārī ca. Tatra...pe... pavaro cā’”ti. Sattarasamaṃ.

### **18. Samāpattimūlakasātaccasuttaṃ**

**679.** Sāvattthinidānaṃ. “Cattārome, bhikkhave, jhāyī. Katame cattāro? Idha, bhikkhave, ekacco jhāyī samādhismiṃ samāpattikusalo hoti, na samādhismiṃ sātaccakārī. Idha pana, bhikkhave, ekacco jhāyī samādhismiṃ sātaccakārī hoti, na samādhismiṃ samāpattikusalo. Idha pana, bhikkhave, ekacco jhāyī neva samādhismiṃ samāpattikusalo hoti, na ca samādhismiṃ sātaccakārī. Idha pana, bhikkhave, ekacco jhāyī samādhismiṃ samāpattikusalo ca hoti, samādhismiṃ sātaccakārī ca. Tatra...pe... pavaro cā’”ti. Aṭṭhārasamaṃ.

### **19. Samāpattimūlakasappāyakārīsuttaṃ**

**680.** Sāvattthinidānaṃ. “Cattārome, bhikkhave, jhāyī. Katame cattāro? Idha, bhikkhave, ekacco jhāyī samādhismiṃ samāpattikusalo hoti, na samādhismiṃ sappāyakārī. Idha pana, bhikkhave, ekacco jhāyī samādhismiṃ sappāyakārī hoti, na samādhismiṃ samāpattikusalo. Idha pana, bhikkhave, ekacco jhāyī neva samādhismiṃ samāpattikusalo hoti, na ca samādhismiṃ sappāyakārī. Idha pana, bhikkhave, ekacco jhāyī samādhismiṃ samāpattikusalo ca hoti, samādhismiṃ sappāyakārī ca. Tatra, bhikkhave, yvāyaṃ jhāyī samādhismiṃ samāpattikusalo ca hoti samādhismiṃ sappāyakārī ca ayaṃ imesaṃ catunnaṃ jhāyīnaṃ aggo ca seṭṭho ca mokkho ca uttamo ca pavaro ca. Seyyathāpi, bhikkhave, gavā khīraṃ, khīraṃhā dadhi, dadhimhā navanītaṃ, navanītamhā sappi, sappimhā sappimaṇḍo tatra aggamaṅkhaṃyati; evameva kho, bhikkhave, yvāyaṃ jhāyī samādhismiṃ samāpattikusalo ca hoti samādhismiṃ sappāyakārī ca ayaṃ imesaṃ catunnaṃ jhāyīnaṃ aggo ca seṭṭho ca mokkho ca uttamo ca pavaro cā’”ti. Ekūnavīsatiṃ. (Samāpattimūlakamaṃ.)

### **20-27. Ṭhitimūlakavuṭṭhānasuttādiṭṭhakaṃ**

**681-688.** Sāvattthinidānaṃ. “Cattārome, bhikkhave, jhāyī. Katame cattāro? Idha, bhikkhave, ekacco jhāyī samādhismiṃ ṭhitikusalo hoti, na samādhismiṃ vuṭṭhānaṅkusalo. Idha pana, bhikkhave, ekacco jhāyī samādhismiṃ vuṭṭhānaṅkusalo hoti, na samādhismiṃ ṭhitikusalo. Idha pana, bhikkhave, ekacco jhāyī neva samādhismiṃ ṭhitikusalo hoti, na ca samādhismiṃ vuṭṭhānaṅkusalo. Idha pana, bhikkhave, ekacco jhāyī samādhismiṃ ṭhitikusalo ca hoti, samādhismiṃ vuṭṭhānaṅkusalo ca. Tatra, bhikkhave, yvāyaṃ jhāyī...pe... uttamo ca pavaro cā’”ti. Vīsatiṃ. (Purimamūlakāni viya yāva sattavīsatiṃ ṭhitimūlakasappāyakārīsuttā aṭṭha suttāni pūreṭabbāni. Ṭhitimūlakamaṃ.)

### **28-34. Vuṭṭhānamūlakakallitasuttādisattakaṃ**

**689-695.** Sāvattthinidānaṃ. “Cattārome, bhikkhave, jhāyī. Katame cattāro? Idha, bhikkhave, ekacco jhāyī samādhismiṃ vuṭṭhānakusalo hoti, na samādhismiṃ kallitakusalo... samādhismiṃ kallitakusalo hoti, na samādhismiṃ vuṭṭhānakusalo... neva samādhismiṃ vuṭṭhānakusalo hoti, na ca samādhismiṃ kallitakusalo... samādhismiṃ vuṭṭhānakusalo ca hoti samādhismiṃ kallitakusalo ca. Tatra, bhikkhave, yvāyaṃ jhāyī...pe... uttamo ca pavaro cā”ti. Aṭṭhavīsatiṃ. (Purimamūlakāni viya yāva catuttimsatiṃ vuṭṭhānamūlakasappāyakārīsuttā satta suttāni pūretabbāni. Vuṭṭhānamūlakam.)

### **35-40. Kallitamūlakaārammaṇasuttādichakkaṃ**

**696-701.** Sāvattthinidānaṃ ... “samādhismiṃ kallitakusalo hoti, na samādhismiṃ ārammaṇakusalo... samādhismiṃ ārammaṇakusalo hoti, na samādhismiṃ kallitakusalo... neva samādhismiṃ kallitakusalo hoti, na ca samādhismiṃ ārammaṇakusalo... samādhismiṃ kallitakusalo ca hoti, samādhismiṃ ārammaṇakusalo ca. Tatra, bhikkhave, yvāyaṃ jhāyī...pe... uttamo ca pavaro cā”ti. Pañcatimsatiṃ. (Purimamūlakāni viya yāva cattālīsamaṃ kallitamūlakasappāyakārīsuttā cha suttāni pūretabbāni. Kallitamūlakam.)

### **41-45. Ārammaṇamūlakagocarasuttādipaṇcakaṃ**

**702-706.** Sāvattthinidānaṃ ... “samādhismiṃ ārammaṇakusalo hoti, na samādhismiṃ gocarakusalo... samādhismiṃ gocarakusalo hoti, na samādhismiṃ ārammaṇakusalo... neva samādhismiṃ ārammaṇakusalo hoti, na ca samādhismiṃ gocarakusalo... samādhismiṃ ārammaṇakusalo ca hoti, samādhismiṃ gocarakusalo ca. Tatra, bhikkhave, yvāyaṃ jhāyī...pe... uttamo ca pavaro cā”ti. Ekacattālīsamaṃ. (Purimamūlakāni viya yāva pañcacattālīsamaṃ ārammaṇamūlakasappāyakārīsuttā pañca suttāni pūretabbāni. Ārammaṇamūlakam.)

### **46-49. Gocaramūlakaabhinīhārasuttādicatukkaṃ**

**707.** Sāvattthinidānaṃ... “samādhismiṃ gocarakusalo hoti, na samādhismiṃ abhinīhāarakusalo... samādhismiṃ abhinīhāarakusalo hoti, na samādhismiṃ gocarakusalo... neva samādhismiṃ gocarakusalo hoti, na ca samādhismiṃ abhinīhāarakusalo... samādhismiṃ gocarakusalo ca hoti, samādhismiṃ abhinīhāarakusalo ca... seyyathāpi, bhikkhave, gavā khīraṃ, khīrahā dadhi, dadhimhā navanītaṃ, navanītamhā sappi, sappimhā sappimaṇḍo tatra aggamakkhāyati; evameva kho, bhikkhave, yvāyaṃ jhāyī samādhismiṃ gocarakusalo ca hoti samādhismiṃ abhinīhāarakusalo ca ayaṃ imesaṃ catunnaṃ jhāyīnaṃ...pe... uttamo ca pavaro cā”ti. Chacattālīsamaṃ.

**708.** Samādhismiṃ gocarakusalo hoti, na samādhismiṃ sakkaccakārī...pe.... Vitthāretabbaṃ. Sattacattālīsamaṃ.

**709.** Samādhismiṃ gocarakusalo hoti, na samādhismiṃ sātaccakārī...pe.... Aṭṭhacattālīsamaṃ.

**710.** Samādhismiṃ gocarakusalo hoti, na samādhismiṃ sappāyakārī...pe.... Ekūnapaññāsamaṃ. (Gocaramūlakam.)

### **50-52. Abhinīhāramūlakasakkaccasuttādītikaṃ**

**711.** Sāvattthinidānaṃ ... “samādhismiṃ abhinīhāarakusalo hoti, na samādhismiṃ sakkaccakārī... samādhismiṃ sakkaccakārī hoti, na samādhismiṃ abhinīhāarakusalo... neva samādhismiṃ abhinīhāarakusalo hoti, na ca samādhismiṃ sakkaccakārī... samādhismiṃ abhinīhāarakusalo ca hoti, samādhismiṃ sakkaccakārī ca. Tatra, bhikkhave, yvāyaṃ jhāyī...pe... uttamo ca pavaro cā”ti. Paññāsamaṃ.



712. Samādhismiṃ abhinīhāra kusalo hoti, na samādhismiṃ sātaccakārī...pe.... Ekapaññāsamaṃ.

713. Samādhismiṃ abhinīhāra kusalo hoti, na samādhismiṃ sappāyakārī...pe.... Dvepaññāsamaṃ.  
(Abhinīhāramūlakamaṃ.)

### 53-54. Sakkaccamūlakasātaccakārīsuttādidukamaṃ

714. Sāvattthinidānaṃ ... “samādhismiṃ sakkaccakārī hoti, na samādhismiṃ sātaccakārī... samādhismiṃ sātaccakārī hoti, na samādhismiṃ sakkaccakārī ... neva samādhismiṃ sakkaccakārī hoti, na ca samādhismiṃ sātaccakārī... samādhismiṃ sakkaccakārī ca hoti, samādhismiṃ sātaccakārī ca. Tatra, bhikkhave, yvāyaṃ...pe... uttamo ca pavaro cā’’ti. Tepaññāsamaṃ.

715. Samādhismiṃ sakkaccakārī hoti, na samādhismiṃ sappāyakārī...pe.... Catupaññāsamaṃ.

### 55. Sātaccamūlakasappāyakārīsuttaṃ

716. Sāvattthinidānaṃ. “Catārome, bhikkhave, jhāyī. Katame cattāro? Idha, bhikkhave, ekacco jhāyī samādhismiṃ sātaccakārī hoti, na samādhismiṃ sappāyakārī. Idha pana, bhikkhave, ekacco jhāyī samādhismiṃ sappāyakārī hoti, na samādhismiṃ sātaccakārī. Idha pana, bhikkhave, ekacco jhāyī neva samādhismiṃ sātaccakārī hoti, na ca samādhismiṃ sappāyakārī. Idha pana, bhikkhave, ekacco jhāyī samādhismiṃ sātaccakārī ca hoti, samādhismiṃ sappāyakārī ca. Tatra, bhikkhave, yvāyaṃ jhāyī samādhismiṃ sātaccakārī ca hoti samādhismiṃ sappāyakārī ca ayaṃ imesaṃ catunnaṃ jhāyīnaṃ aggo ca seṭṭho ca mokkho ca uttamo ca pavaro ca. Seyyathāpi, bhikkhave, gavā khīraṃ, khīramhā dadhi, dadhimhā navanītaṃ, navanītamhā sappi, sappimhā sappimaṇḍo tatra aggama kkhāyati; evameva kho, bhikkhave, yvāyaṃ jhāyī samādhismiṃ sātaccakārī ca hoti, samādhismiṃ sappāyakārī ayaṃ imesaṃ catunnaṃ jhāyīnaṃ aggo ca seṭṭho ca mokkho ca uttamo ca pavaro cā’’ti. Idamavoca bhagavā. Attamaṇā te bhikkhū bhagavato bhāsitaṃ abhinandunti. Pañcapaññāsamaṃ. (Yathā pañcapaññāsaṃ veyyākaraṇāni honti tathā vitthāretabbāni.)

Jhāna saṃyuttaṃ [samādhisaṃyuttaṃ (syā. kaṃ.)] samattaṃ.

Tassuddānaṃ –

Samādhi samāpatti ṭhiti ca, vuṭṭhānaṃ kallitārammaṇena ca;  
Gocarā abhinīhāro sakkacca, sātacca athopi sappāyanti.

Khandhavaggo tatiyo.

Tassuddānaṃ –

Khandha rādhasaṃyuttañca, diṭṭhiokkanta [okkanti (sabbattha)] uppādā;  
Kilesa sārīputtā ca, nāgā supaṇṇa gandhabbā;  
Valāha vacchajhānanti, khandhavaggamhi terasāti.

Khandhavaggasaṃyuttapāli niṭṭhitā.